

佛學借鏡

戴傳頌題

此書編者發心印贈。復經禪心諸人之贊同。竟獲如願。惟初版只印五百部。未能普及。深以爲憾。茲承

許公武先生捐助紙型一付。以廣其傳。誌此功德。以爲永久之紀念。伏願見是書者。發廣大菩提心。集資增印。引導後學。其功德將有不可思議者矣。編者附識

佛學借鏡

編纂大意

一、是書爲初發心學佛者。欲讀佛經。往往爲名詞所障。不能悟入。致生退轉。信心不堅者。往往因搜檢困難。遂致並輟參究。自失覺路。編者特於持誦之餘。隨時纂集是編。以爲學佛之借鏡。

二、是書完全採自經典。及古德論述。間有採取近世大德所引證者。乃因原書一時未易搜集。藉資考證。而免杜撰之嫌。

三、本書解註。每有斷章取義。未能曉暢。亦有因篇幅過長。未能盡錄。故將原書載明。以便讀者推尋本源較易。

四、佛學名詞。梵名漢名。浩如淵海。本書乃就常人所讀誦經典。隨見隨錄。闕漏正多。固不能作爲辭典觀也。

五、每一名詞。往往有引證頗多。涉及他項名詞。未便列在一條者。特載明參看某某條。俾便互相參觀。融通一致。

六、古德云。欲得不招無間業。莫謗如來正法輪。故凡一切言說。不與修多羅合者。俱名爲謗。是書雖採自經典並古德論述。但仍恐考據不周。及原書翻刻有訛誤之處。以致誤解。務希讀者加以指示。以資校正。求免於謗之辜斯可矣。

七、語言文字相。吾人原不可執著。維摩經云。文殊師利問維摩詰。何等是菩薩入不二法門。時維摩詰默然無言。文殊歎曰。善哉善哉。乃至無有文字語言。是真入不二法門也。金剛經云。如來常說。汝等比丘。知我說法。如筏喻者。法尙應捨。何況非法。是此書之纂集。豈非著語言文字相乎。非也。傅大士云。渡河須用筏。到岸不須舡。是編乃具法門無量誓願學之弘願云爾。

中華民國二十二年歲次癸酉江甯黃燧元星齋識於四明
佛生二千九百六十

佛學借鏡序

曠觀宇宙間之事物。皆有至理存焉。經云。如來常說。諸法所生。唯心所現。一切因果。世界微塵。因心成體。吾人處此五濁惡世。環境逼壓。欲求其明自心。見自性。解決人生問題。將誰與歸。黃君燧元。教育界鉅子。投筆從戎。偕親善內子。生信仰心。皈依三寶。棲心淨土。於慘殺無辜之過渡時代。誠爲人中芬陀利。曾經研究內典多年。發大誓願。有佛學借鏡一書。正清涼所道以聖教爲明鏡。是學佛學之初步。順事兮聊分借借。亦不借借。屬余作序發刊。欣然喜悅。斯時也。現將軍身而說法。竟不覺自愧老朽無文。爲苦海樂法者勸。

沙門溥常謹撰。

序二

佛學之要。無有文字。而亦不離於文字。佛說四十二章經。文字之最始者也。經律論三藏。文字之最備者也。姚秦鳩摩羅什唐玄奘諸法師所譯述，文字之最著者也。卽如佛臨滅度。猶傳牧牛御馬之箴。禪指本心。亦有明鏡菩提之偈。苟無文字流傳。後世安得聞此勝義。然則佛學之不離文字可知矣。雖然佛經在昔。務爲簡奧。每標一義。動極羣書。况自入中土以來。譯者不止一人。傳者不止一代。魯魚亥豕。亦有難言。兼之好事文人。摭片言爲藻飾。談空俗子。託妙悟於機鋒。理以障而愈乖。言無文而不遠。此亦佛學文字之一厄也。是以金剛

六譯。大旨猶歧。鐵塔一宗。眞言失實。宋釋法雲所以有翻譯名義集之作。豈得已耶。夢度居士。余師而兼友者也。就兜鍪之暇。勵鐘唄之修。慨然有見於此。集佛學借鏡一書。綜五十萬言。思所以攝取萬有。物無遁形。示學者以光明途徑。噫。不其盛歟。余以牽於世網。實惜不能卒讀其書。然不能不服其願之宏力之勇也。抑余尤有感者。佛教入中土歷二千年。實先於耶教遠甚。又經歷代帝王之偉大願力。護持而宏闡之。更勝於耶教萬萬。然而教義之流播於一般中下社會者。轉不如耶教之普而且速。其中雖不一其因。而文字之艱深難入。要其顯著者也。當今緇素。不乏能文大德。如能將經籍之艱深者。一一易之以淺顯。則其廣行方便。加被於一切衆生者。豈非事半功倍哉。或曰經佛言也。易其文非佛也。余應之曰。經佛言。非佛文也。佛之究竟。我法俱空。並其言而無之。矧其文乎。然余猶不免執著於區區文字之淺深者。蓋推居士啓信初機之意。而貢其所見如此。余亦知余言之贅矣。是爲序。

中華民國二十三年八月黃巖林蔚

序二

予嘗以佛法慈悲。當天下鯨吞。人心陷溺之日。正當崇奉。以矯末俗。顧佛經譯自西梵。名詞艱深。學者或難通曉。用爲憾事。江甯黃師星齋。學問淵宏。鑿飫內典。本其悲天憫人之懷。爲佛學借鏡一書。將付剞劂。督序於予。予讀其書。徵引浩博。折中至當。發揮眞諦。卓然可傳。若人手一編。於以上窺釋迦之微言奧旨。靡不刃迎縷解。譬之得船與楫。沿河至

海。不致浮斷港絕潢。洵可謂後學之津梁。竺乾之羽翼已。其有補世道。豈淺鮮哉。是爲序。

項雄霄拜撰

序四

甲戌仲夏，金陵黃星齋先生，以所編佛學借鏡一書見示，並述其編書因緣及志願，屬爲作序。余佛學淺薄，又愧不文，是書義意，未能有所闡發，然於先生編書因緣及志願，則有不能不爲之申述者。

先生余肄習陸軍之受業師也，性和厚，淡功利，夫人亦慈祥好佛，與先生有同志也。昔信仰三寶，心切皈依，其皈依佛也，適爲壬申二月 觀音大士誕辰。皈依僧也，又爲甲戌四月 佛誕日。並在壬申甲戌間，編佛鏡一書，而皈依於法，本願完成，未逾三載，前後皈依，恰逢 聖誕，先生誠與佛有因，與佛有緣者乎。

夫佛者，覺也，學佛者，學覺也，能自覺而又能覺人者，是卽佛而已矣。

方今世道衰微，人心陷溺，知有己不知有人，求利已不求利人，且不恤損人以益己，強己以弱人，地可爭也，則殺人而爭之，城可奪也，則殺人而奪之。蹈孽海而自甘，入迷津而不悟者，滔滔皆是，夫誰能以我佛爲心，覺己而復思覺人乎。

先生之皈依佛，皈依法，是先生能自覺也，皈依法而編佛鏡，是能自覺而復欲覺人也。

先生之因緣既深，志願又大，非具素根，曷克臻此。

吾願讀是書者，皆知有所借鏡，尤望先生卽此因緣，本此志願，虔誠而精修之，其功德將更有不可思議者，是爲序。

大覺居士番禺許崇灝謹序

序五

胎卵濕化。草木塵沙。在覆載之中。咸具體性。氣感自然。各有來處。各有去處。自生自滅。不生不滅。惟人之性。爲萬物之最靈。機械叢生。於是侵越地位。變更氣感。貪安樂。避痛苦。求長生。保不死。忘從來處來。不循去處去。背覺合塵。恣肆妄行。爭殺掠奪。迴環相因。失天之和。違地之利。我佛憫焉。故以一大事因緣。出現於世。欲令衆生開示悟入佛之知見。求其生死去來。富貴貧賤。變幻烟雲耳。九界衆生。執迷不醒。是可悲也。吾師夢度居士。在五濁之中。靜觀垂四十春秋。年來一道神光透頂。心明性見。集有佛學借鏡。命丹作序。丹未讀佛經。未究佛典。憧憬菩提。爰綴數語。心佛衆生。三無差別。意在茲乎否耶。是爲序。

湘鄉王鳳丹謹撰

序六

黃居士星齋。撰佛學借鏡。既脫稿。出以畀予。予受而讀之。不禁歡喜讚嘆。我佛以一大事因緣出現於世。所謂開示悟入佛之知見。欲一切衆生。皆入無餘涅槃而滅度之。其精神偉大。感應普遍。說法四十九年。而度衆生無數。如大雲勃興。沛然下雨。一切旱苗。莫不蒙其澤也。雖然正法往矣。末法如今世界。蕩然失其重心。世之君子。憬然憂之。於是始有提創佛學之議。風氣所趨。遠及歐美。一時實行。而提創方法。同時端賴刊物之流通。此佛學借鏡之亟須刊行者也。黃君度世心切。用力尤精。簿書之暇。不忘蒐輯。誠所謂今之薩埵。此書一出。我知其必爲社會人士所歡迎。譬彼渡海。此爲南針。而所謂開示悟入佛之知見。亦賴此爲先導。厥功偉矣。

民國二十三年八月禹山許濟佛航氏拜撰

序七

夏六月。黃師星齋自甬來。攜有佛學借鏡一書。囑爲之序。韜以平生雖不關佛。亦不好佛辭之。而黃師以韜雖不好佛。其平日處世接物。頗與佛教之主旨有脗合處。辭不獲已。因索書讀之。誦未竟。而知黃師對於佛學研究之深。用功之切。與夫信佛之堅。覺是書之實大有造於佛教也。何則。佛學諸書。大都字句奧妙。意義深遠。非特尋常學者所不識。卽詢諸平日自命研究佛理者。亦多瞠目不知所解。故研究者十不得其一二。卽已學者亦多半途中輟。是書對於深奧意義。怪字僻句。無不搜羅備至。闡發無遺。非特已研究者多一借鏡。卽平素未

諸佛經者。亦可一目了然。洵爲研究佛學者開一新途徑。是書出版。將見性耽禪悅者。倍於疇昔萬萬也。佛教之昌。其在斯乎。謂爲之大有造於佛教者。誰曰不宜。

甲戌秋九月餘姚謝韜謹序。

佛學借鏡目錄

數	頁	一畫	二畫
1	一乘	3 一切種智	6 二諦
1	一音	4 一行三昧	6 二障
1	一覺	4 一眞法界	6 二乘
1	一肘	4 一體三寶	6 二智
1	一弓	4 一心三觀	7 二門
1	一藏	4 一切一心識	7 二翼
1	一瞬	4 一大事因緣	7 二食
1	一心法		7 二報
2	一合相		7 二執
2	一闍提		7 二護
3	一揲手		8 二空
3	一箭道		8 二煩惱
3	一彈指		8 二顛倒
3	一小劫		8 二我見
3	一四天下		9 二種見
3	一生補處		9 二白法
			9 二十八天
			10 二十八祖
			10 二種生死
			10 二十五有
			11 二十五諦
			11 二十五輪
			11 二十八宿
			12 二種如如
			12 二百五十戒
			12 二十五方便
			12 二十五圓通
			12 二十五部神咒
			12 七寶
			12 七衆
			13 七趣
			13 七衆
			14 七聚
			14 七慢
			14 七支
			14 七祖
			14 七難
			14 七覺分
			15 七遮罪
			15 七金山
			15 七淨華
			15 七如來
			16 七聖財
			16 七災難
			16 七科道品
			16 七常住果
			16 七方便位
			16 七種禮拜
			17 七番共解
			17 七佛三十三祖
			17 七厲九會
			17 七菩提分
			17 七種王寶
			17 七種受胎
			18 七種不淨觀
			18 七佛三十三祖
			20 八戒
			20 八識
			20 八藏
			20 八難
			20 八風
			20 八相
			20 八教
			21 八音
			21 八不
			22 八苦
			22 八法

三畫

51 三寶

55 三軌

59 三執

62 三自性

65 三涅槃

69 三因佛性

51 三藏

55 三明

59 三性

62 三無性

65 三十二相

69 三細六蘊

52 三業

56 三際

60 三量

62 三般若

66 三科法門

70 三種光明

52 三界

56 三懺

60 三樂

62 三解脫

66 三輪體空

70 三隨煩惱

52 三塗

56 三止

60 三大

63 三迦葉

66 三賢十聖

70 三藏法數

52 三有

56 三諦

60 三力

63 三大乘

66 三耶三善

70 三十四心

52 三毒

57 三觀

60 三時

63 三摩地

66 三聚淨戒

71 三十六物

52 三學

57 三惑

60 三結

63 三淨觀

66 三威儀

71 三善知識

53 三皈

57 三智

60 三方佛

63 三昧印

66 三千性相

71 三十三天

53 三乘

57 三德

61 三惡道

63 三淨肉

67 三種發心

71 三藐三佛陀

53 三身

58 三祇

61 三世間

63 三種報

67 三曼陀

71 三十七道品

53 三聖

59 三食

61 三妙德

64 三妄執

71 心生滅門

71 三千大千世界

53 三障

59 三福

61 三供養

64 三摩耶

71 王舍城

71 化法佛

53 三災

59 三覺

61 三淨業

64 三輪身

71 丹田

71 化城寶所

54 三昧

59 三密

61 三法印

64 三摩耶

71 方便

71 比丘

54 三染

59 三輪

61 三論宗

64 三不定

71 分廣

71 比丘尼

54 三慧

59 三衣

61 三緣慈

65 三種業

68 三師

71 止觀

54 三昧

59 三目

61 三緣慈

65 三種業

68 三師

71 止觀

54 三慧

59 三目

62 三種悲

65 三化身

69 三

71 五

目錄

三畫

目錄 三畫 四畫

73 大勢至

75 乞食

四畫

85 五蓋

73 大千世界

75 乞食遮五處

79 五蘊

85 五事

73 大乘起信論

76 尸羅

79 五陰

85 五法

74 小乘

76 尸棄

79 五濁

86 五辛

74 小劫

76 尸陀

79 五眼

86 五果

74 小山

76 尸羅跋陀羅

80 五衆

87 五性

74 小教

76 尸利密多羅

80 五戒

87 五行

74 小長牀

76 尸毗王代鴿

80 五逆

88 五藏

74 小瞿曇

77 丈夫

81 五時

88 五衰

74 小三災

77 凡小八倒

81 五味

88 五忍

74 小乘九部

77 凡聖同居

82 五教

89 五瑞

74 小千世界

77 于闐

83 五見

89 五通

74 小乘四倒

77 土圭

83 五覺

89 五障

74 上座

83 五住

83 五覺

89 五乘

75 上伎戲

83 五根

83 五根

89 五邪命

75 上茅宮城

84 五力

84 五力

89 五無間

75 上方世界

84 五悔

84 五悔

89 五品位

75 下口食

84 五緣

84 五緣

90 五比丘

75 下方世界

84 五欲

84 五欲

90 五神通

95 五明四章

99 六趣

95 五事降生

99 六道

95 五體投地

99 五種大師功德

95 五種不淨

99 五利使五鈍使

94 五無間罪

99 五上分五下分

94 五停心觀

99 五噉食五嚼食

94 五種不翻

98 五不思議神變

94 五濁惡世

98 五菩提誓願

93 五部教主

98 五種阿闍黎

93 五那含天

98 五無間地獄

92 五種奢止

98 五分法身香

88 五藏

97 五種法身

目錄

四畫

五

103	六如	108	天乘	111	日宮天子	118	方論師	120	止觀
103	六聚	107	天親	111	日種	118	方口食	120	比摩寺
103	六河	107	天竺	111	日神	118	方廣	120	比丘尼
103	六輪	107	天華	111	天台八教大意	117	方便	120	比丘
102	六喻	107	六苦行外道	110	天台四教儀	117	丹田	119	化城寶所
102	六味	107	六度滿相	110	天大將軍	117	王舍城	119	化法四教
102	六卽	107	六波羅密	110	天女散華	117	心生滅門	119	化儀四教
102	六衰	107	六根互用	109	天龍八部	117	心真如門	119	分段生死變易生死
102	六大	106	六十二見	108	天上四塔	116	心所六位	119	分陀利
101	六情	106	六種震動	108	天赤珠	116	心心所法	119	分衛
101	六賊	106	六慧法	108	天台宗	116	心意識法	119	分齊
101	六通	105	六和敬	108	天人師	115	心經	119	內外典
100	六度	105	六種性	108	天伎神	115	心心所	119	內凡位
100	六境	104	六卽佛	108	天帝網	115	心所	118	中觀論
100	六門	104	六妙門	108	天行仙	115	心燈	118	中宿衣
100	六入	104	六難	108	天魔	115	心諦	118	中般
100	六識	104	六麤	108	天樂	115	心境	118	中有
100	六塵	104	六凡	108	天眼	115	心性	118	中陰
100	六根	104	六蔽	108	天道	115	心王	118	方便隨緣止

121 不二法門

124 四生

132 四馬

136 四正勤

142 四十二字

152 四十八輕戒

121 不可思議

125 四大

132 四緣

137 四阿含

148 四事供養

152 四種曼荼羅

121 不空罽索

125 四大

132 四緣

137 四顛倒

148 四如意足

152 四王生八子

121 不樂著河

125 四相

133 四住

137 四顛倒

148 四如意足

152 四王生八子

121 不可思議解脫

126 四諦

133 四依

137 四種夢

148 四分五周

152 四輪持世界

121 文殊師利

128 四果

133 四劫

138 四法界

149 四榮四枯

153 四十二章經

122 支那

128 四向

133 四鏡

138 四種僧

149 四種念佛

153 四事不可久保

122 支離墮

129 四智

134 四流

138 四煩惱

150 四種觀世

153 印度四姓

123 父母

130 四攝

135 四大河

139 四大部洲

150 四日照世

154 世尊

128 孔雀

130 四魔

135 四大海

139 四種禪

150 四百四病

154 世界

122 勿伽

130 四衆

134 四天王

139 四種禪

150 四日照世

154 世界

132 四病

132 四律

136 四威儀

142 四門遊觀

152 四方僧物

155 白傘蓋

131 四禪

131 四明

135 四種食

141 四仙計果

151 四陀羅尼

155 白毫相

131 四德

131 四恩

135 四邪命

141 四方四佛

151 四利須食

155 世出世間

131 四恩

131 四德

135 四重禁

140 四無所畏

151 四大犍度

155 世自在王

131 四攝

131 四恩

135 四重禁

140 四無礙智

151 四不可得

155 世間禪

130 四攝

130 四魔

135 四大河

140 四無量心

150 四安樂行

154 世諦

129 四智

128 四教

134 四流

138 四煩惱

149 四加行位

153 印度

128 四向

128 四果

133 四分

138 四種我

149 四種念佛

153 四事不可久保

127 四聖

126 四諦

133 四劫

137 四法界

149 四十八願

153 四種阿修羅

目錄

五

畫

六

畫

157 正法末世
 157 正心行處
 157 正囚佛性
 157 正法時
 157 正偏知
 157 正覺
 157 正報
 157 末伽梨
 157 末田地
 157 末法
 157 末利
 157 末那
 156 布薩
 156 布施
 156 目脂鄰陀
 156 目犍連
 155 白馬寺
 155 白茅香
 155 白膠香

161 弗婆提
 161 弗沙
 161 玄門
 160 玄奘
 160 由乾
 160 由旬
 160 功德衣
 159 功德
 159 外凡內凡
 159 外道六師
 159 外道四計
 159 外道
 158 尼拘律陀
 158 尼陀那
 158 尼師壇
 158 尼犍子
 158 尼連河
 158 正食不正食
 158 正法眼藏

165 北拘盧洲
 165 忉利
 165 母陀羅
 164 生住異滅
 163 生死事大
 162 生身舍利
 162 生滅四諦
 162 生不男
 162 生緣慈
 162 生乾
 162 生忍
 162 生死
 162 生報
 162 示教利喜
 162 半者蒲善尼
 161 半字滿字
 161 半行半坐
 161 半尸迦
 161 半偈

167 可供養處
 166 可得願
 166 加羅加
 166 加行位
 166 他化自在天
 166 他心通
 166 平等性智
 166 平等觀
 166 平等
 166 未生怨
 166 未到定
 166 右膝著地
 165 弘忍大師
 165 石壁無礙
 165 石女
 165 石鹽
 165 甘蔗
 165 甘露
 165 匂身

167 永明壽禪師
 167 本來面目
 167 本迹
 167 本覺
 167 本事
 167 本生
 167 本母

七

173 肉身菩薩
 173 肉團心
 173 肉眼
 172 肉髻
 172 寺主
 172 寺院
 172 衣不合傳
 171 衣珠喻
 170 衣服
 170 衣襪
 170 衣鉢
 170 地婆訶羅
 169 地動八緣
 169 地行仙
 169 地居天
 169 地乳
 169 地藏
 168 地獄

六畫

173 色界 176 安居 178 如來 183 自性 185 次第乞食 七畫

173 色心 177 安般 179 如幻 183 自誓 185 仰口食 佛陀

174 色究竟天 177 安樂 179 如如 183 自證分 185 牟呼栗多 佛身

174 名色 177 安忍 179 如意 183 共命鳥 186 同體三寶 佛頂

174 名字即 177 安陀會 180 如來藏 183 戊陀羅 187 回向 佛性

174 名字即佛 177 安明山 180 如來種 183 式叉摩那 187 佛立 佛教

174 名句文身 177 安息香 180 如如智 183 式叉迦羅尼 187 佛性 佛立

174 西牛貨洲 177 安陀林 181 如是我聞 184 曲女城 188 佛眼 佛立

174 西方蓮華部 177 安荼論師 181 因緣 184 先陀婆 188 佛臍食 佛臍食

474 光音天 173 多羅 181 因位 184 合昏樹 188 佛法先後 佛法先後

474 光明徧照 178 多寶佛 18 因明 184 吉蔗 188 佛陀多羅 佛陀多羅

175 光讚般若 178 多勒果 181 因果 184 吉祥海雲 189 佛陀波利 佛陀波利

175 百華 178 多伽羅 181 因果律 184 有樂 189 佛跋陀羅 佛跋陀羅

175 百論 178 多伽羅 182 因陀羅 184 有為 189 佛六十四種梵音 佛六十四種梵音

175 百舌鳥 178 多揭羅 182 因陀羅網 185 有金河 190 身心 身心

175 百身千如 178 多含不翻 182 伊蘭 185 有情世間 190 身體 身體

175 百法明門 178 多摩跋羅 182 伊羅鉢 185 次第定 190 身疾 身疾

175 百福成相 178 多他阿伽陀 182 伊帝目多伽 185 次第緣 190 身相 身相

176 百八煩惱 178 多陀阿伽陀 182 自恣 185 次第三觀 190 身影 身影

192 車匿
 192 車渠
 192 形身
 192 形相
 192 形位
 192 形色
 192 我我所
 192 我所
 192 我見
 191 沙彌戒
 191 沙彌
 191 沙門
 191 劫波育
 191 劫賓那
 191 劫波
 191 身受心法
 190 身口意業
 190 身病
 190 身見

195 那羅延
 195 那落迦
 195 那由他
 195 那摩
 195 那婆
 195 那羅
 194 那伽
 194 伽藍聖衆
 194 伽梵達摩
 194 伽耶迦葉
 194 伽陀
 194 伽梨
 193 伽耶
 193 忍辱仙
 193 忍辱
 192 見思惑
 192 見道位
 192 見取
 192 見分

198 妙高山
 198 別相三寶
 197 住持三寶
 197 住地惑
 197 住心
 197 作瓶天子
 197 作止任滅
 197 戒禁取
 197 戒定慧
 197 戒賢
 196 成唯識論
 196 成所作智
 196 成住壞空
 196 成實論
 196 成實宗
 196 求那跋陀羅
 196 求那跋摩
 195 那提迦葉
 195 那爛陀

202 究竟卽佛
 202 邪見
 202 邪命
 202 角城
 202 角果
 202 沈香
 202 坐具
 201 却魔法
 201 希有
 200 但空不但空
 200 但三衣
 200 吠舍佉月
 200 吠陀
 200 初阿僧祇
 200 初地
 200 初果
 198 孝養父母
 198 妙觀察智
 198 妙吉祥

202 究竟涅槃
 202 虬龍
 202 赤光珠

207 法華宗
 207 法王子
 207 法印
 207 法眼
 207 法師
 206 法運
 206 法施
 206 法輪
 206 法藏
 205 法相
 205 法會
 205 法忍
 205 法爾
 205 法衣
 205 法性
 204 法身
 204 法界
 204 法華
 八 畫

228	228	228	227	227	227	227	227	227	227	227	227	227	227	227	227	227	226	226
恒鉢那	恒姪他	始終心要	始覺	始教	始士	竺曇摩羅察	竺法蘭	居吒奢摩離樹	居士	具足戒	性戒遮戒	性比丘尼	性種性	性空宗	性境	定中獨頭意識	定慧	兩部曼荼羅
230	230	230	230	230	230	229	229	229	229	229	229	229	229	229	229	228	228	228
虎珀	果報	空行仙	空有	制徂邏月	制底	青木香	青目	表色	依他性	依正	孟蘭盆	供養	屈屈吒播陀	屈丹	屈胸	招提	乳粥	乳糜
232	231	231	231	231	231	231	231	231	231	231	231	231	231	231	231	231	230	230
命濁	命根	念如如意足	念佛	念力	所作已辦	所緣緣	所知障	非行非坐	非非想天	非量	受念處	受胎	受齋	長壽天	長行	長養	長跪	長者
															233	232	232	232
															咒具四悉	周利槃陀伽	往生咒	命無中天
234	234	234	234	234	234	234	234	234	233	233	233	233	233	233	233	233	233	233
毘留博叉	毘盧舍那	毘盧遮那	毘楞伽	毘伽羅	毘奈耶	毘佛略	毘黎耶	毘婆沙	毘婆尸	毘舍浮	毘舍闍	毘流離	毘沙門	毘耶離	毘嵐	毘尼	毘舍	九畫
238	238	238	237	237	237	237	236	236	236	236	236	235	235	235	235	235	235	234
帝釋	恆河沙	珊瑚	祇園	迦刺底迦月	迦葉遺部	迦留陀夷	迦羅提婆	迦陵頻伽	迦蘭陀	迦樓羅	迦毘羅	迦旃延	迦葉佛	迦連	迦他	迦羅	迦耶	迦世論師

目錄 九畫 十畫

243 苾芻 243 苳藤子 243 苳菹 242 茅香 242 香華宮城 242 香雲蓋 242 香巖 242 香室 242 香飯 241 南瞻部洲 241 南山宗 241 南無 241 度沃焦 240 度量衡 239 度衆生 239 洛叉 238 威音王 238 帝網珠 238 帝釋窟

245 胎中五位 245 胎化藏 245 胎相 245 胎生 244 突吉羅 244 後藏 244 律師 244 律宗 244 皈依 244 首陀婆 244 首楞嚴 244 首陀 243 耶輸陀羅 243 室羅伐拏月 243 室羅筏悉底 243 軍持 243 胡桃 243 胡麻 243 胡豆

247 相似卽佛 247 相分 247 苦行外道 247 苦集滅道 247 苦類忍 247 苦法忍 247 苦具 247 苦行 247 苦諦 247 染分 247 染淨 247 契經 246 風輪 246 風神 246 持國 246 持戒 246 持誦 246 持誦 246 斫訖羅 245 斫迦羅

249 信解行證 248 信願行 248 信心 248 指月 248 指鬘 248 革屣 248 飛行仙 248 背捨 248 降兜率相 247 降魔相

254 能天主 254 能奪命 254 能所 253 俱蘇摩 253 俱舍宗 253 俱胝 253 俱舍 253 修伽陀 253 修多羅 252 修陀 252 涅槃相 252 涅槃僧 251 涅槃 251 般刺密帝 250 般若經 250 般泥洹 250 般舟 250 般若 250 十畫

258 娑婆 258 耆婆耆婆迦 258 耆婆天 258 耆闍崛 257 耆婆 257 時輪金剛 256 時分 256 耆提希 255 章獻 255 章陀 255 眞如三昧 254 眞言密教 254 眞應無礙 254 眞言宗 254 眞無漏 254 眞諦 254 眞俗 254 眞如 254 能仁寂默

261	茶矩磨	266	神足通	270	清淨	273	悉曇章	277	唯識宗
261	茶毘	266	神秀	270	清辯	272	悉達	276	菴摩羅識
161	根本煩惱	266	神我	269	斛飯王	272	悉檀	276	堅實心
261	根身	266	神人	269	淨飯王	272	曼殊室利	276	陰入界法
261	根位	266	神通	269	淨居天	272	曼荼羅	276	奢摩他
261	根智	265	鬼子母	269	淨名經	272	曼殊沙	276	唵字觀
261	根香	261	鬼神	269	淨土宗	271	曼陀羅	275	莊嚴劫
261	烏芻瑟摩	264	畜生	269	淨業	271	畢陵伽婆蹉	274	莊嚴
261	浮塵根	261	納衣	269	淨華	271	畢洛叉	274	衆學戒法
261	浮囊	263	馬鳴	269	淨肉	271	畢鉢羅	274	衆香
261	浮圖	263	馬麥	269	梵壇	271	婆達羅鉢陀月	274	衆園
260	純陀	263	師子奮迅三昧	269	梵唄	271	婆蹉富羅	274	衆生
260	旃荼女	263	師子比丘	269	梵利	271	婆利師迦	274	兜羅綿
260	旃陀羅	262	師子覺	269	梵語	271	婆伽婆	274	兜樓婆
260	旃檀	262	師子髮	269	梵志	271	婆羅門	273	兜率陀
260	娑毘迦羅	262	師子	268	梵王	271	婆藪	273	乾陀羅耶
259	娑婆訶	262	海印	268	梵網	270	婆羅	273	乾闥婆城
259	娑竭羅	262	草木喻	268	梵音	270	清涼法師	273	乾慧地
259	娑羅	261	草木心	268	梵音	270	清淨識	273	乾闥婆
				266	神珠寶				
				266	相持				
				266	息空				
				266	息有四相				
				266	殺三摩娑				
				266	追說追泯				
				267	息二邊分別止				

十一畫

277 第一義諦
277 通相
277 通行仙
277 通明禪
277 菟伽
277 庵羅
278 庵摩勒
278 庵羅園
278 袈裟
278 偏袒
279 授記
279 陳那
279 逝多
279 逝瑟吒月
279 野干
280 鹿園
280 鹿王
280 鹿苑
280 鹿野

280 犀牛
280 莫呼婆伽
280 莫訶婆伽
280 瓶沙王
281 捺落迦
281 雪山修行
281 密宗
282 密律
282 密迹
282 晝夜六時
282 執我
282 執日
282 執持
282 執取相
282 執金剛神
282 常住
282 常寂光
282 常住常住
282 常樂我淨

282 健相
282 健達
282 健馱邏
283 頂禮
283 頂位
283 頂生王
283 貪愛
283 貪瞋癡
283 捨覺分
283 捨有三等
283 教觀
283 教主
284 教行理
284 偷蘭遮
284 現量
284 現報
284 理即佛
285 理法界
285 理事二和

285 習氣
285 習因
285 習種性
285 蛇藥
285 眷屬

287 菩提
287 菩薩
287 菩提樹
287 菩提分
287 菩薩戒
287 菩提薩埵
288 菩提達磨
288 菩薩摩訶薩
288 提婆
288 提舍尼
288 提多羅吒
289 提和羅耶
289 提婆達多
289 須彌
289 須摩提
289 須菩提
289 須陀洹
289 須曼那

289 須達多
289 無明
289 無常
290 無漏
291 無性
291 無著
291 無我
292 無生忍
292 無所得
292 無等等
292 無盡意
292 無遮會
292 無常印
292 無我印
293 無畏施
293 無記性
293 無上菩提
293 無諍三昧
293 無我所

297 童授	297 童真	296 結界相	295 結集	295 普光明	295 普門	295 普眼	295 普現	294 普賢	294 然燈佛	294 善導和尙	294 善知識	293 善現	293 善哉	293 善星	293 善慧	293 無上正徧知	293 無憂華樹	293 無問自說
300 黃頭	300 黃病	300 黃門	300 華嚴三聖	300 華嚴宗	300 華鬘	299 華嚴	299 智正覺世間	299 智者大師	299 智淨相	299 智健度	299 智度論	299 智相	299 智度	299 智慧	298 童眞住	298 童子	298 童壽	298 童受
303 棒喝	303 跏趺	303 虛空定	302 虛空	302 尋伺	302 惡叉聚	302 惡趣	302 散位獨頭意識	302 散亂	302 散脂	301 開權顯實	301 開士	301 富單那	301 富樓那	301 惑業苦	300 補陀伽羅	300 補陀落迦	300 黃卷赤軸	300 黃華
305 勝天王般若	305 勝義諦	305 勝義根	305 勝鬘	305 勝處	305 象頭山	305 象堅山	305 象鼻	304 蛟龍	304 寒林	304 訶梨跋摩	304 訶梨帝南	304 訶梨勒	304 跋闍羅波膩	304 跋陀婆羅	304 跋折羅	304 跋魔	303 喜樂	303 斯陀含
											306 報身	305 粥有十利	205 異熟果	305 超越三昧	305 等流果	305 等持	305 等分	305 等覺
315 鳩摩羅伽	315 鳩槃荼	314 窣堵波	314 窣唎	314 準提	314 楞伽	309 楞嚴	309 健度	308 健椎	308 鉢刺婆刺拏	308 鉢羅笈菩提	308 鉢塞莫	308 鉢特摩	308 鉢多羅	307 達摩鬱多羅	307 達摩流支	307 達摩波羅	307 達摩	

十三畫

315 鳩摩羅什

322 舜若多

325 道種性

328 聖種類身

十四畫

334 慈氏

315 辟支

322 寒頗胝迦

325 道種智

328 資糧

330 僧伽

334 慈恩宗

315 路伽耶

322 塞畢力迦

325 道行仙

328 資熏

330 僧祇

334 慈悲室

316 路迦那他

322 圓寂

325 道宣律師

328 資生施

330 僧跋

334 慈悲喜捨

316 極樂四土

322 圓通

326 滅度

328 資糧位

331 僧那

334 慈雲懺主

317 解脫

323 圓教

326 滅諦

328 遊行仙

331 僧伽梨

334 熏陸

318 解脫德

323 圓覺

326 滅受想定

328 遊增地獄

331 僧伽藍

334 熏習

318 解脫處

323 圓滿

326 煩惱

328 新發意

331 僧法論

335 賓伽羅

318 解脫知見

324 圓成實性

326 煩惱障

328 新伊相

331 僧祇支

335 賓度羅

318 罪福

324 瑜伽師地

326 煩惱濁

329 逾城出家

331 僧伽婆尸沙

335 僕呼繕那

319 罪滅相

324 傳心法要

326 煩惱魔

329 塗毒鼓

331 福德

335 漚波羅

319 感通

324 頓教

326 煩惱惑業

331 福田

331 福田

335 漚鉢羅

319 罪滅相

324 傳心法要

326 煩惱魔

329 塗毒鼓

331 福德

335 漚波羅

319 感通

324 頓教

326 煩惱惑業

331 福田

331 福田

335 漚鉢羅

319 感通

324 頓教

326 煩惱惑業

331 福田

331 福田

335 漚鉢羅

319 感通

324 頓教

326 煩惱惑業

331 福田

331 福田

335 漚鉢羅

319 感通

324 頓教

326 煩惱惑業

331 福田

331 福田

335 漚鉢羅

322 業障

325 零陵

327 聖種性

333 精進

336 歌羅邏

322 業繫苦相

325 道諦

327 聖言量

333 精行仙

336 歌羅邏

322 業障

325 零陵

327 聖種性

333 精進

336 歌羅邏

322 業障

325 零陵

327 聖種性

333 精進

336 歌羅邏

十五畫

338	塵義	339	蒲闍尼	340	摩訶衍	343	摩訶尼羅	345	樓炭	349	增增
338	塵性	339	蒲盧	340	摩利支	343	摩訶尼羅	347	廣長舌相	349	增長
338	槃那寐	339	蜜利伽羅	340	摩伽陀	343	摩訶尼羅	347	廣博嚴淨	349	實叉難陀
338	槃太子	338	夢中獨頭意識	341	摩登伽	343	摩羅伽陀	347	廣果天	349	實智菩提
338	槃陀	338	夢喻	341	摩那陀	343	摩那尿羅	347	廣解	349	實相念佛
338	槃那	338	境界相	341	摩臘羅	343	摩那尿羅	347	廣目	349	實相般若
337	語言	338	境界	341	摩訶縛迦	343	摩訶鉢提	347	緣熏習鏡	349	實相禮
337	漏盡通	338	塵沙惑	341	摩那伽	343	摩訶波闍波提	347	緣因佛性	348	實相印
337	壽者相	338	境界	341	摩那伽	343	摩訶拘絺羅	347	緣慮心	348	實報土
337	壽煖識	339	蜜奢兜	341	摩伽陀	343	摩訶尼羅	347	緣覺	348	實時
336	壽量	339	蜜利伽羅	341	摩利支	343	摩羅伽陀	347	調御丈夫	348	實性
336	搏食	339	蒲闍尼	341	摩伽陀	343	摩羅伽陀	346	調直定	348	數息門
336	頗勒蜜拏月	338	夢中獨頭意識	341	摩訶衍	343	摩羅伽陀	346	調伏	348	數取趣
336	頗羅墮	338	夢喻	341	摩那陀	343	摩羅伽陀	346	賢豆	348	數術
336	種子識	338	境界相	341	摩登伽	343	摩那尿羅	346	賢守	348	數量
336	種智	338	境界	341	摩那伽	343	摩訶鉢提	346	賢劫	348	數珠
336	種性	338	塵沙惑	341	摩臘羅	343	摩訶波闍波提	345	賢首	348	樓夷巨羅
				341	摩訶縛迦	343	摩訶尼羅	345	羯邏藍	348	樓至

目錄

十四畫

十五畫

十七畫

363 彌勒 366 禪定

363 彌樓 367 禪宗

363 彌沙塞 367 禪門

363 彌戾車 367 禪師

363 薄伽梵 367 禪定度

364 薄拘羅 367 禪悅食

364 優填 367 龍樹

364 優婆 368 龍腦香

364 優陀那 368 龍四生

364 優鉢羅 368 龍彌你

365 優檀那 368 龍舐華

365 優波離 368 龍華三會

365 優曇鉢羅 368 齋日

365 優婆提舍 368 齋戒

365 優樓僧佉 369 齋法四食

365 優波尼沙陀 370 檀越

365 優樓頻螺迦葉 370 檀那

365 優婆塞優婆夷 370 檀波羅蜜

十八畫

370 鞞鉢沙門 370 鞞鉢錫佉

370 閻黎 370 閻維

370 閻黎哆 370 閻黎

370 閻陀伽 370 閻黎帝

370 闍耶多 370 瞿修羅

370 聲音 370 瞿摩帝

371 聲明 374 瞿沙

371 聲聞位 374 瞿曇

371 聲聞四果 374 瞿夷

371 闍賓 374 薩埵

371 闍那尸棄 374 薩遮

372 龜茲 374 瞿耶尼

372 龜藏六 374 瞿修羅

372 鳩伽藍 374 瞿摩帝

372 檀果 374 瞿沙

372 嬰兒行 374 瞿曇

372 糞掃衣 374 瞿夷

374 瞿夷 376 轉識成智

374 瞿曇 377 藏教

374 瞿沙 377 藏識

374 瞿摩帝 377 藏六如龜

374 瞿修羅 377 翻譯

374 瞿耶尼 377 翻譯四例

374 薩埵 378 翻譯名義集

374 薩遮 378 禮拜

374 瞿耶尼 378 離車

374 瞿修羅 378 離欲

374 瞿摩帝 379 離垢

374 瞿沙 379 離繫

374 瞿曇 379 離塵服

374 瞿夷 379 離合

374 轉法輪 379 離婆多

376 薩達磨芬陀利 379 離繫果

376 薩恒多般怛羅 379 離垢地

379 離法愛

380 藍毘尼

380 瞻蔔

380 犢子

380 斷常

380 斷德

380 斷滅相

381 濾水羅

381 雜藏

381 雜染

381 雜碎衣

381 雜毘度

381 雜阿含

381 雜阿含

381 雜阿含

381 雜阿含

381 雜阿含

381 雜阿含

十九畫

385 鯨魚

二十畫

391 寶積

二十一畫

二十二畫

382 羅利

385 壞劫

386 釋梵

391 寶藏

391 魔羅

397 體相用

382 羅曠

385 壞苦

386 釋迦文

391 寶髻

394 灌頂

397 體真止

382 羅云

385 難陀

386 釋迦牟尼

391 寶所

397 讀誦

382 羅什

385 難勝地

386 釋尊姓字

391 觸塵

394 護戒神

382 羅曠羅

387 釋提桓因

391 觸食

395 護明菩薩

382 羅勒迦藍

388 釋迦毘楞伽

391 闍釋迦

395 護法菩薩

382 羅閱祇伽羅

388 蘇合

391 闍底迦

395 犀提

382 識分

388 蘇摩

391 勸請

395 瓔珞

382 識量

388 蘇利耶

391 蘊魔

395 鐵圍山

383 識食

388 蘇迷盧

391 騰蘭

396 鷄園

383 識緣三境

388 蘇伐羅

392 蘭若

396 鷄舌香

381 藥王

388 蘇摩那

392 藿香

396 鷄足山

384 藥叉

388 蘇悉地

392 藿香葉

396 麝香

384 藥草喻

388 譬喻

392 鹹海

396 嚼楊枝

381 邊見

389 覺觀

392 獼猴江

396 辯才

384 邊地獄

389 覺義

392 鷺子

396 攝論

384 燦迦羅

390 覺意三昧

393 鱈魚

385 蟻子

390 懺悔

393 鐘磬

二十三畫

398 顯色
398 變不男
398 鷲峯
398 鷲麥
398 麟喻

二十四畫

399 靈鷲
399 靈骨
399 靈廟
399 靈覺性
399 鷹隼

二十五畫

400 觀世音
411 觀行即佛
411 觀身不淨
411 觀想念佛
411 觀照般若
411 觀不思議境

二十六畫

412 讚歎

二十八畫

413 鸚鵡

二十九畫

414 鬱金
414 鬱勃
414 鬱單越
414 鬱波羅
414 鬱尼沙
414 鬱頭藍弗
414 鬱多羅僧

目錄 廿三畫 廿四畫 廿五畫 廿六畫 廿八畫 廿九畫

目錄

佛學借鏡檢字表

- 一 畫 一
- 二 畫 二七八九十了丁
- 三 畫 三千大小上下乞尸丈凡于土
- 四 畫 五六天日月水火木牛心王丹方中內分化比止不文支勿孔父
- 五 畫 四印世白目布末正尼外功由立弗半示生毋切北句甘石弘右未平他加可本永
- 六 畫 地衣寺肉色名西光百安多如因伊自共戍式曲先合吉有次仰牟回同
- 七 畫 佛身劫沙我形車見忍伽那求成戒作住別妙孝初吠但希却坐沈角邪究赤虬
- 八 畫 法金舍阿波陀和拘利明夜東泥兩定性具居竺始怛乳招屈供孟依表青制空果虎長受
非所念命往周咒
- 九 畫 毘迦祇珊恆帝威洛度南香茅苜苕苾胡軍室耶首皈律突胎斫持風契染苦相降背飛革
指信
- 十 畫 般涅修俱能眞章時耆娑旃純浮鳥根荼草海師馬納畜鬼神唄袒殺息追
- 十一 畫 梵淨斛清婆畢曼悉乾兜衆莊唵奢陰菴唯第通殍庵袈偏授陳逝野鹿犀莫瓶捺雪密
畫執常健頂貪捨教偷現理習蛇眷
- 十二 畫 菩提須無善然普結童智華黃補惑富開散惡尋虛踟棒斯喜琰跋訶寒蛟象勝等超異粥

報

十三畫 達鉢健楞準窳鳩辟路極解罪感意業舜塞圓瑜傳頓義塔熙零道滅煩愛聖資遊新逾塗

十四畫 僧福維精慈薰賓僕漚甄緊歌種頗搏壽漏語槃塵境夢蜜蒲

十五畫 摩憍輪羯賢調緣廣樓數實增質頰遮震論樂曠影熱隣碼剎幢聲憂慧蔑

十六畫 閻盧獨頭曇衛儒頻踰隨餓錫瑠興鴛磨餘導窺

十七畫 彌薄優禪龍齋檀鞞閣聲厨龜鴿檜嬰糞

十八畫 瞿薩轉藏翻禮離藍瞻犢斷濾雜

十九畫 羅識藥邊爍蟻鯨壞難

二十畫 釋蘇譬覺懺寶觸闡勸蘊騰蘭藿鹹獮鶯罽鐘

二十一畫 魔灌護屣瓔鐵鷄麝嚼辯攝

二十二畫 體讀

二十三畫 顯變鶯鸞麟

二十四畫 靈鷹

二十五畫 觀

二十六畫 讚

二十八畫 鸚

二十九畫 鬱

佛學借鏡卷一

一畫

一乘 一乘者。謂佛乘也。三乘是權。一乘是實。法華經云。十方佛土中。唯有一乘法。無二亦無三。除佛方便說。又云。我今亦復如是。知諸衆生有種種欲。深心所著。隨其本性。以種種因緣。譬喻，言辭，方便力，而爲說法。如此皆爲得一佛乘。一切種智故。（見法華經方便品。參看三乘，三車條。）

一音 一音者。佛之音聲也。蓋衆生緣有淺深。根有利鈍。故於一音之中。同聽異聞。各各得解。如經云。佛以一音演說法。衆生隨類各得解。皆謂世尊同其語。斯則神力不共法。佛以一音演說法，衆生各各隨所解。普得受行獲其利。斯則神力不共法。佛以一音演說法。或有恐畏或歡喜。或生厭離或斷疑。斯則神力不共法。是也。（見維摩經佛國品。）

一覺 一覺者。十界衆生本性之覺也。謂六道衆生。業惑所覆。不能覺了。名爲不覺。三乘之人。斷惑證真。未能究竟。名隨分覺。惟佛一人諸惑淨盡。徹見本性。名究竟覺。迷悟雖殊。覺體本一。起信論云。本來平等。同一覺故。（見三藏法數，參看覺義條。）

一肘 人一尺八寸。佛倍之。（見翻譯名義集，以下簡稱名義集。）

一弓 詳踰繕那條。（參看拘盧舍條。）

一藏 一藏之說。始於唐之開元錄。唐開元時。錄所譯佛教大藏。共成五千零四十八卷。時人以其成數稱爲一藏也。（見佛教答問選錄。）

一瞬 梵語怛剎那。毘曇翻一瞬。僧祇云。二十念爲一瞬。二十瞬名一彈指。（見名義集。）

一心法 論云。依一心法有二種門。一者心真如門。二者心生滅門。是二種門。皆各總攝一切法。此義云何。以是二

門不相離故。心真如者。卽是一法界大總相法門體。所謂心性不生不滅。一切諸法。唯依妄念而有差別。若離妄念。則無一切境界之相。是故一切法從本以來。離言說相。離名字相。離心緣相。畢竟平等。無有變易。不可破壞。唯是一心。故名真如。心生滅者。依如來藏故有生滅心。所謂不生不滅。與生滅和合。非一非異。名爲阿梨耶識。此識有二種義。謂能攝一切法生一切法。（見梁譯大乘起信論。）又云。一切諸法。以心爲主。從妄念起。凡所分別。皆分別自心。心不見心。無相可得。是故當知一切境界之相。皆依衆生無明妄念而得建立。如鏡中像。無體可得。唯從虛妄分別心轉。以心生則種種法生。心滅則種種法滅故。（見唐譯大乘起信論，以下簡稱起信論。）

一合相 一合相者。蓋言衆塵和合而爲一世界也。世界本空。微塵不有。但衆生不了。妄執爲實。若是實有。卽應世界不可分爲微塵。若是實無。不應微塵合爲世界。是知執有執無。皆不當理。經云。如來說一合相。卽非一合相。是一名一合相是也。（見三藏法數，）又云。世界本是生滅無常之物。有成卽有壞。若就世界中論實有者。唯此一合相。一合相者。真性也。真性徧虛空。世界又無形相。如一面不可分之以爲二。合而不可析之以爲離。非有相也。強名曰相耳。（見金剛經集註，參看世界條。）

一闍提 此云信不具。涅槃經云。一闍云信。提云不具。信不具足。名曰闍提。謂誹謗正法。不信因果。犯罪不改。無有慚愧之人也。入楞伽經云。一闍提有二種。一者焚燒一切善根。二者憐愍一切衆生。作盡一切衆生界願。云何焚燒一切善根。謂謗菩薩藏。作如是言。彼非隨順修多羅毘尼解脫說。捨諸善根。是故不得涅槃。二，憐愍衆生作盡衆生界願者。是爲菩薩。菩薩方便作願。若諸衆生不入涅槃者。我亦不入涅槃。又梵語闍底迦。或一闍底底迦。此云多貪。阿闍底迦。此云無欲。阿闍底迦。此云極惡。唯識樞要云。一闍底迦。是樂欲義。樂生死故。阿闍底迦。是不樂欲義。不樂涅槃故。阿闍底迦。是畢竟義。以畢竟無涅槃性故。他謂一闍底迦。卽焚燒一切善根。阿闍底迦。卽菩薩大悲。阿闍底迦。卽無性闍提。（見名義集。）斷際禪師云。言闍提者。信不具也。一切六道衆生乃至二乘。不信有佛果。皆謂之斷善根闍提。菩薩者。深信有佛法。不見有大乘小乘。佛與衆生。同一法性。乃謂之善根闍提。（見傳心法要。）又云一顛迦。華言斷善根。經云。是一顛迦。銷滅佛種。如人以刀斷多羅木。佛記是人。永殞善根。無復知

見。沈三苦海。不成三昧。（見楞嚴經六）

一 揲手 以手度物曰揲。人一揲。周尺一尺。佛揲倍之。周尺。今八寸也。通俗文云。張申曰。磔，周尺。人一尺。佛二尺。唐於周一寸上增二分。一尺上增二寸。蓋周尺八寸也。（見名義集。）

一 箭道 嘉祥云。二里。或云取射塚一百五十步。或云百三十步。或云百二十步。（見名義集。）

一 彈指 詳一瞬條。

一 小劫 人壽八萬四千歲時。歷過百年。則壽減一歲。如是減至人壽十歲則止。是名減劫。復過百年。則增一歲。如是增至八萬四千歲。是名增劫。此一增一減。名一小劫。如是二十增減。名爲一中劫。總成住壞空四中劫。名爲一大劫。（見佛祖統紀，三藏法數，參看劫波，莊嚴劫條。）

一 四天下 佛土者。三千大千世界。通爲一佛所化。且以此土言之。一須彌山。東西南北各一洲。同一日月所照。一鐵圍山所遶。名一四天下。（見彌陀要解。）又云一小世界。忉利天宮。居須彌山頂。山外更有七金山，七香水海，次第相間。圍繞須彌。第七山外。即大鹹水海。彌漣四方。四方鹹海。各一大洲。東海曰東勝身洲。南海曰南瞻部洲。西海曰西牛貨洲。北海曰北俱盧洲。每洲旁有兩中洲。數百小洲。而爲眷屬。大鹹海外。四圍有鐵圍山。環繞如外城。是名一小世界。（見二課合解，參看須彌，七金山，鹹海，四大洲，鐵圍山條。）

一 生補處 梵語阿惟顏。應法師引十地經。謂一生補處。（見名義集。）一生補處。謂已至等覺。現居兜率。尙餘一生。即補佛處。成正覺也。（見名義集選。）又云。一生者。謂等覺菩薩。無明之惑未盡。尙有一番變易生死。過此一生。即登妙覺果佛之位。所以等覺菩薩。稱爲一生補處。法華經云。一生當得阿耨多羅三藐三菩提。是也。（見三藏法數。）又云。一生補處者。此一生補佛位。如彌勒觀音等。極樂人民。普皆一生成佛。人人必實證補處也。（見彌陀要解。）

一 小世界 詳一四天下條。

一 一切種智 謂知一切諸佛之道法。知一切衆生之因種也。（見三藏法數。）論云。菩薩福德智慧二種莊嚴。悉圓滿已

。於色究竟得一切世間最尊勝身。以一念相應慧。頓拔無明根。具一切種智。任運而有不思議業。於十方無量世界。普化衆生。（見唐譯起信論。）大品云。薩婆若。（此云一切智）是聲聞辟支佛智。道種智。是菩薩摩訶薩智。一切種智。是諸佛智。（見名義集，參看十智，三智條。）

一行三昧 詳三昧條。

一真法界 無二曰一。不妄曰真。交徹融攝。故曰法界。即是諸佛平等法身。從本以來。不生不滅。非空非有。離名離相。無內無外。惟一真實。不可思議。是名一真法界。（見華嚴疏鈔，三藏法數。）斷際禪師云。凡夫取境。道人取心。心境雙忘。乃是真法。忘境猶易。忘心至難。人不敢忘心。恐落空無撈摸處。不知空本無空。唯一真法界耳。（見傳心法要。）

一體三寶 言一體三寶者。以實相慧。覺了諸法。非空非有。亦空亦有。雙忘雙照。三智圓覺。是自性佛寶。所覺法性之理。三諦具足。是自性法寶。此覺慧與理事和合。是自性僧寶。（見皈戒正範）六祖曰。今與善知識授無相三歸依戒。善知識。歸依覺。兩足尊。歸依正。離欲尊。歸依淨。衆中尊。從今日去。稱覺爲師。更不歸依邪魔外道。以自性三寶常自證明。勸善知識。歸依自性三寶。佛者覺也。法者正也。僧者淨也。自心歸依覺。邪迷不生。少欲知足。能離財色。名兩足尊。自心歸依正。念念無邪見。即無人我貢高貪愛執著。名離欲尊。一切塵勞愛欲境界。自性皆不染著。名衆中尊。若修此行。是自歸依。（見六祖壇經。參看同體三寶條。）

一心三觀 詳十宗之天台宗條。

一切一心識 梵語乾栗陀耶。此云堅實心。即一切一心識也。（詳堅實心條。）

一大事因緣 經云。我以無數方便。種種因緣。譬喻言辭。演說諸法。是法非思量分別之所能解。唯有諸佛乃能知之。所以者何。諸佛世尊。唯以一大事因緣故出現於世。舍利弗。云何名爲諸佛世尊唯以一大事因緣故出現於世。諸佛世尊。欲令衆生開佛知見使得清淨故出現於世。欲示衆生佛知見故出現於世。欲令衆生悟佛知見故出現於世。欲令衆生入佛知見道故出現於世。舍利弗。是爲諸佛以一大事因緣故出現於世。（見法華經方便品。）一大事因緣者。一即

一實相也。其性廣博故名大。如來出世度生之儀式故名事。衆生有此機感故名因。如來乘機而應故名緣。一切如來。出現於世。皆爲開示一切衆生本有實相。令其咸得悟入佛之知見。是爲如來出世之本懷。（見三藏法數。）

二畫

二諦 一真諦。二俗諦。又云。一世諦。二第一義諦。中觀論云。諸佛依二諦爲衆生說法。一以世俗諦。二第一義諦。良以佛之說法。語不徒然。凡所立言。咸詮實理。故聞法者悉有所證。以依二諦爲機說故。涅槃云。世人所知名世諦。出世人所知名第一義諦。大集經云。甚深之理不可說。第一義諦無聲字。仁王經云。於解常自一。(智照融通。法性常一。)於諦常自二。(聖人見真。凡夫見俗。)了達此一二。真入聖義諦。(分見名義集，參看三諦條。)

二障 其一。一煩惱障。二所知障。論云。染心者是煩惱障。(亦云煩惱礙)能障真如根本智故。無明者是所知障。(亦云智礙)能障世間業自在智故。此義云何。以依染心執著無量能取所取虛妄境界。違一切法平等之性。一切法性平等寂滅。無有生相。無明不覺。妄與覺違。是故於一切世間種種境界差別業用。皆悉不能如實而知。(見唐譯起論信)其二。一理障。二事障。經云。一切衆生。由本貪欲。發揮無明。顯出五性差別不等。(參看五性條。)依二種障而現深淺。云何二障。一者理障。(所知障)礙正知見。二者事障。(煩惱障)續諸生死。(見圖覺經。)

二乘 趣修四聖之法。通名曰乘。借車乘能運載爲喻也。運載凡夫。行於聲聞地者曰小乘。行於緣覺地者曰中乘。行於菩薩地者曰大乘。至如來地者曰最上乘。所言二乘者。卽聲聞緣覺小中二乘也。對大乘而言。小中二乘。通稱小乘。(見佛教問答。)

二智 其一。一如理智。二如量智。佛性論云。又此二智。有二種相。一者無著。二者無礙。言無著者。見衆生界自性清淨。是如理智相也。言無礙者。能通達觀無量無邊諸世界故。是如量智相也。又如理智爲因。如量智爲果。言爲因者。能作生死及涅槃因。言爲果者。由此理故。知於如來真俗等法。又如理智是清淨因。如量智是圓滿因。清淨因者。由如理智三惑滅盡。圓滿因者。由如量智三德圓滿。又如理智。卽一心之體爲因。如量智。卽一心之用爲果(見名義集，參看方便條。)其二。一根本智。亦名無分別智。二後得智。(見攝大乘論。)其三。一盡智。謂阿羅漢斷三界見思惑竟。卽知我生已盡。梵行清淨。是名盡智。二無生智。謂阿羅漢斷三界見思煩惱已盡。知諸縛解。更不三界

受生。是名無生智。（見大集經。）其四。一一切智。二道種智。（見觀音玄義，參看一切條種智。）其五。一觀察智。謂以智慧照了人法二空。所顯真如之理。了知能證所證。二俱不可得。是名觀察智。二取相智。謂善取法界之相。若智若理。以智慧照了。悉使法法圓融。事理無礙。是名取相智。（見華嚴疏鈔）（分見三藏法教。）

二門 智度論云。欲成佛道。凡有二門。一者福德。二者智慧。行施戒忍。是為福德門。知一切諸法實相，摩訶般若波羅密。是為智慧門。菩薩入福德門。除一切罪。所願皆得。若不得願者。以罪垢遮故。入智慧門。則不厭生死。不樂涅槃。二事一故。今欲出生摩訶般若波羅密。要因禪定門。禪定必須大精進力。此以六度合譬二門。免踟躕於小徑。令優游於通衢也。（見名義集。）

二翼 亦喻二輪。止觀云。馳二輪而致遠。喻止觀以橫周。鼓兩翅以高飛。譬定慧之豎徹。小品云。佛告須菩提。譬如有翼之鳥。飛騰虛空而不墮墜。雖在空中亦不住空。須菩提。菩薩摩訶薩亦復如是。學空解脫門。學無相無作解脫門。亦不作證。故不墮聲聞辟支佛地。（見名義集，參看三解脫門條。）

二食 一法喜食。謂聞法歡喜。即得增長善根。資益壽命。二禪悅食。謂以禪法資其心神。而得禪定之樂，即得增長善根。資益慧命。（見三藏法數。）經云。法喜禪悅食。更無餘食想。（見法華經受記品。）

二報 謂依正二報也。（詳依正條。）

二執 一人執。謂衆生於五陰等法中。強立主宰。計我為人。妄生執著。是名人執。二法執。謂衆生不了五陰等法。從因緣生。如幻如化。計為我身。妄生執著。是名法執。（見三藏法數。）唯識論云。我謂主宰。法謂軌持。（見名義集。）起信論云。一切邪執。莫不皆依我見而起。若離我見。則無邪執。我見有二種。一人我見。二法我見。（參看二我見條。）

二護 一內護。內即自己身心也。謂佛所制大小乘戒。人若受持。則能防護身口意業之非。成就種智菩提之果。此禁戒所以為內護也。二外護。外即族親眷屬也。謂人之修行。須屏絕緣務。凡有所需衣服飲食湯藥之類。必藉族親眷屬左右供給。庶得身心安隱。成辦道業。此族親眷屬所以為外護也。（見涅槃經，三藏法數。）

二空 其一。一人空。人空卽我空也。亦曰生空。謂凡夫妄計五蘊是我。強立主宰。引生煩惱。造種種業。佛爲破此計。故說五蘊無我。二乘悟之。入無我理。是名人空。二法空。謂二乘之人。未達法空之理。猶計五蘊之法實有。佛爲破此執。故說般若深慧。徹見五蘊自性皆空。菩薩悟之。入法空理。是名法空。（見法藏般若心經略疏。）其二。一但空。二不但空。（詳但空不但空條。）

二煩惱 其一。一根本煩惱。卽無明惑。謂此根本無明之惑。能生一切煩惱也。二隨煩惱。卽見思惑。謂此見思二惑。隨於一切違順境上。起貪瞋癡等煩惱。隨逐不捨也。（見瑜伽師地論。）其二。一內著煩惱。謂身見邊見等諸煩惱。於內心不了而起執著。故名內著煩惱。二外著煩惱。謂貪瞋癡等煩惱。於外境不了而起貪著。故名外著煩惱。（見大智度論）其三。一隨眠煩惱。謂無明煩惱種子。潛伏第八藏識之中。能生一切妄惑。是名隨眠煩惱。二現行煩惱。謂六根對六塵境。現起貪瞋癡等煩惱。是名現行煩惱。（見華嚴經疏。）（並分見三藏法數。）

二顛倒 一衆生顛倒。二世界顛倒。經云。阿難。汝今欲修真三摩地。直詣如來大涅槃者。先當識此衆生，世界，二顛倒因。顛倒不生。斯則如來真三摩地。（見楞嚴經七。）衆生顛倒。謂衆生不明自性。隨順妄惑而造妄業。由此妄業展轉相生。輪轉三界。不能返妄歸真。故名衆生顛倒。世界顛倒。謂過去現在未來遷流爲世。東西南北四方分位爲界。以世涉方。故名世界。顛倒者。衆生迷失真性。念念遷流。住妄境界。起顛倒見。故名世界顛倒。（見三藏法數。）

二我見 我見有二種。一人我見。二法我見。人我見者。依諸凡夫說有五種。一者如經中說。如來法身。究竟寂滅。猶如虛空。凡愚聞之。不解其義。則執如來性。同於虛空。常恒徧有。二者如經中說。一切世法。皆畢竟空。乃至涅槃真如法。亦畢竟空。本性如是。離一切相。凡愚聞之。不解其義。卽執涅槃真如法。唯空無物。三者如經中說。如來藏具足一切諸性功德。不增不減。凡愚聞已。不解其義。則執如來藏有色心法。自相差別。四者如經中說。一切世間諸雜染法。皆依如來藏起。一切法不異真如。凡愚聞之。不解其義。則謂如來藏具有一切世間染法。五者如經中說。依如來藏有生死。得涅槃。凡愚聞之。不知其義。則謂依如來藏生死有始。以見始故。復謂涅槃有其終盡。法我見者。以二乘鈍根。世尊但爲說人無我。彼人便於五蘊生滅。畢竟執著。怖畏生死。妄取涅槃（見唐譯起信論。）

二種見 此二種見。卽十使中之邊見也。外道之人。於身見上。計我斷常。執常非斷。執斷非常。隨執一邊。故名邊見。一常見。論云。見五衆常。卽外道自謂色受想行識。今世雖滅。未來復生。相續不斷。是名常見。二斷見。論云。見五衆滅。卽外道自謂色受想行識。今世滅已。更不再生。是名斷見（見大智度論，三藏法數，參看五見條。）

二白法 梵語地底迦。此云有愧。涅槃經云。諸佛世尊。常說是言。有二白法。能救衆生。一慚。二愧。慚者，自不作罪。愧者，不教他作。慚者，內自羞恥。愧者，發露向人。又云。智者有二。一者不造諸惡。二者作已懺悔。愚者亦二。一作罪。二覆藏。（見名義集。）白法者，白淨之法也。地獄等法。名爲黑法。人天等法。名爲白法。光明文句云。白法須尙。黑法須捨。一慚白法。謂內自羞慚，不敢作惡。修習善法。止息惡行。是名慚白法。二愧白法。謂內自惶愧。發露罪瑕。更不敢作。修習善法。止息惡行。是名愧白法。（見華嚴疏鈔，三藏法數。）

二十八天 梵語提婆。此云天。有二十八天不同。初欲界六天。一四天王天。（居須彌山腹。其主爲持國，增長，廣目，多聞，四天王。參看四天王條。）二忉利天。（居須彌山頂。其主爲帝釋。統領三十三天國。參看釋提桓因條。）以上二天地居。單修上品十善。得生其中。三夜摩天。（或云須夜摩。此云善時分。又翻妙善。新云須餓摩。此云時分。受五欲境知時分故。）四兜率天。（或兜率陀。此云妙足。又云觀史多。此云知足。於五欲知止足故。）五化樂天。（梵語須涅密陀。或尼摩羅。大論云。秦言化自樂。楞嚴經名樂變化天。）六他化自在天。（梵語婆舍跋提。或波羅尼密。大論云。秦言他化自在。亦名化應聲天。別行疏云。是欲界頂天。假他所作。以成已樂。卽魔王也。）以上四天空居。修上品十善。兼坐未到定。得生其中。（未到定者。謂於欲界中修禪。身雖未到初禪。而已得初禪定也。或言未到地定。亦云未至。由其未入根本定故。）此六天。有飲食男女睡眠之欲。與人間同。色界有十八天。梵衆。（梵衆乃所統之民也。）梵輔。（輔弼梵王之臣佐也。或云梵富樓。此云前益天。）大梵。（爲世界主。詳大梵條。）以上三天。初禪所生。少光。（謂此天光明少故。梵語盧天。晉云有光壽。亦云少光天。梵語波栗阿婆。此云少光。）無量光。（謂此天光明轉增。無限量故。梵語盧波摩那。或阿波摩那。此云無量光。）光音。（謂此天口絕言音。光當語故。梵語阿波會。此云光音。）以上三天。二禪所生。少淨。（謂此天意地樂受。離喜貪故。少分清淨。梵語波栗多

首婆。此云少淨。(無量淨。(謂淨勝於前。不可量故。梵語阿婆羅摩那。此云無量淨。)徧淨。(謂此天樂受最勝淨周徧故。梵語訶既那。或首波訖栗那。此云徧淨。)以上三天。三禪所生。四禪九天。一無雲(以前諸天空居。皆依雲住。此天在雲之上。居無雲之首。)二福生。(此天具勝福力。方得往生。)三廣果。(此天異生果報。此最勝故。亦云最勝。梵語惟欲頗羅。此云廣果。)以上三天。凡夫住處。修上品十善。坐禪者得生其中。四無想天。外道所居。(謂爲涅槃。但是一期「一期者。謂從生至死也。」心想不行。故名無想。)五無煩。(無於見思煩惱雜故。)六無熱。(意樂調柔。離熱惱故。)七善見。(梵語須薺。「於計切」或修提舍。此云善見。定障漸微。見極明徹。)八善現。(形色轉勝。善能變現。)九色究竟。(梵語阿迦尼吒。此云質礙究竟。卽色究竟天。)以上五天。三果聖人所居。(亦名五那舍。參看五那舍天條。)上之九天。離欲麤散。未出色籠。故名色界。坐得禪定。故得禪名。此上有空處天。(謂此天厭於色身繫縛。不得自在。心緣虛空。與無色相應。住空處定故。)識處天。(謂此天厭於識處無邊。於是卽捨虛空。轉心緣識。以識爲處。正從所緣處受名。)無所有處天。(謂此天厭於識處無邊。於是捨識入無所有處。亦名不用處。修此定時。不用一切內外境界。外境名空。內境名心。捨此二境。因初修時。故言不用處。)非想非非想處天。(謂此天居無色界之極頂。非無所有處之無想。非識處之有想故。)已上四天。(若厭色籠。修四空定。生四空天。)只有四陰。(受想行識。)而無色蘊。故名無色界。(分見四教儀，名義集，佛爾雅，三藏法數。)

二十八祖 詳七佛三十三祖條。

二種生死 詳分段生死，變易生死條。

二十五有 二十五有。不出六道。有生有死。因果不亡之謂也。然梵王天，無想天，及五那舍天。總在四禪天中。而別出其名者。以外道計梵王天爲生萬物之主。計無想天以無心爲涅槃。計五那舍天爲真解脫。所以經教特立此三天爲三有。以對破外道之計也。一四洲爲四有。二四惡趣爲四有。三六欲天爲六有。四梵天爲一有。五無想天爲一有。六五那舍天爲一有。七四禪天爲四有。八四空處天爲四有。共二十五有。見三藏法數。荆溪頌云。四洲四惡趣。六欲並梵天。四禪四空處。無想五那舍。(四洲四趣成八。六欲天並梵王天成十五。四禪四空處成二十三。無想天及那舍

天成二十五。)別則二十五有。總則六道生死。(見天台四教儀。以下簡稱四教儀。)

二十五諦 二十五種冥諦。乃是迦毘羅外道之所計也。蓋此外道。亦修禪。有神通力。知八萬劫中事。八萬劫前。冥然不知。謂之冥諦。從冥初自性，生智大，乃至神我。開成二十五諦。合爲九位也。(見三藏法數。)冥初自性諦。卽冥諦也。次智大諦。卽覺也。次我心諦。卽我執也。次五唯諦。卽色聲香味觸也。次五大諦。卽地水火風空也。次五知根諦。卽眼耳鼻舌身也。次五作業根諦。卽口與手足大便小便也。次心平等根諦。心乃肉團心。卽意根也。次神我諦。神我卽識神(第八識)也。百論云。從冥生覺。乃至神我。共成二十五諦。以前二十四諦。從神我而生。依神我爲主。謂神我常覺明了。常住不壞。攝受諸法。是故執神我是常是一。是萬物因。是涅槃因也。(見三藏法數。)輔行云。迦毘羅說法十萬偈。名僧佉論。(僧佉論，正云僧企耶。此云數術。又翻數論。)用二十五諦。明因中有果。計一爲宗。是卽外道數論師之所立也。(見名義集。)

二十五輪 經云。一切諸菩薩。無礙清淨慧。皆依禪定生。所謂奢摩他。三摩提禪那。三法頓漸修。有二十五種。十方諸如來。三世修行者。無不因此法。而得成菩提。(見圓覺經。)所謂禪定者。有三種差別。一曰奢摩他。此云寂靜。修無爲之靜行也。(卽天台體真止。)二曰三摩鉢提。此云如幻。修有爲之幻行也。(卽方便隨緣止。)三曰禪那。此云寂滅。靜幻俱離。修寂行也。(卽息二邊分別止。)於此三行。單修一輪者有三。三輪互修者有二十一。三輪圓修者有一。因而有二十五輪。依此輪修習禪定。是名二十五種清淨定輪。(見圓覺經疏。)

二十八宿 大集經云。佛告娑婆世界主大梵天王等言。過去天仙。云何布置諸宿曜辰。攝護國土。養育衆生。大梵天王等白佛言。過去天仙。分布安置諸宿曜辰。於四方中。各有所主。如云。角宿主於衆鳥。亢宿主於出家求聖道等。爾時佛告梵王等言。我亦使諸曜宿辰。攝護國土。養育衆生。汝等宣告。令彼得知。如我所分國土衆生。各各隨分攝護養育。故說二十八宿所屬不同。各有威靈護衛也。東方七宿。角，亢，氐，房，心，尾，箕。南方七宿。井，鬼，柳，星，張，翼，軫。西方七宿。奎，婁，胃，昂，畢，觜，參。北方七宿。斗，牛，女，虛，危，室，壁。共二十八宿。(詳法苑珠林三藏法數。)

二種如如 佛性論明二種如如。一如如智。謂真如妙智。本來清淨。無明不能覆。煩惱不能染。照了諸法。平等不二。以智如如境。故名如如智。二如如境。謂真如妙境。常住一相。量等虛空。不遷不變。無滅無生。以其境如如智。故名如如境。(見三藏法數。)觀經疏鈔云。(觀經疏鈔。天台智者大師疏。四明法智大師鈔也。)如如智照如如境。菩提智慧。與法性相應相冥。相應者。如函蓋相應。相冥者。如水乳相冥。諦閑疏鈔演義云。如名不異。所觀差別。不名如境。智外有境。不名如智。各二如者。境如如智如。智如如境如。故云相應相冥。先舉函蓋喻相應。恐謂函蓋雖際畔相當。終存兩相。故重舉水乳喻相冥。令知始本同是覺性。其體泯然。正同水乳。則顯境外無智。智外無境。(見諦閑講錄第一集。)

二百五十戒 戒相甚繁。未遑悉舉。若言其要。爲四波羅夷法。十三僧伽婆尸沙法。二不定法。三十尼薩耆波逸提法。九十波逸提法。四波羅提提舍尼法。一百衆學法。(梵語突吉羅。此翻惡作惡說。卽名衆學法。)七滅諍法也。亦名具足戒。或具戒。(見佛教問答。參看持戒。波羅夷條。)

二十五方便 天台明依四教修行時。各有方便正修。謂二十五方便。十乘觀法也。言二十五方便者。東爲五科。一具五緣。二訶五欲。三棄五蓋。四調五事。五行五法。(參看各本條。)此二十五法。爲四教前方便。故應須具足。若無此方便者。世間禪定。尙不可得。豈況出世妙理乎。然前明教。旣漸頓不同。方便亦異。依何教修行。臨時審量耳。次明正修者。謂十乘觀法也。(見四教儀。參看十乘觀法。離法愛條。)

二十五圓通 詳圓通條。

二十五部神呪 藏經中。神呪不出二十五部。一佛部。謂佛呪。二蓮華部。謂諸菩薩呪。三金剛部。謂諸金剛神呪。四寶部。謂諸天呪。五羯磨部。謂諸鬼神呪。此五部每部復各有五。卽成二十五部也。(見顯密圓通。)

七寶 佛經七寶之說。略有數種。分述如下。

一金，銀，瓊璃，玻璃，磲磔，赤珠，瑪瑙。(見陀阿彌陀經。)

梵語蘇伐羅。或修跋孛。此云金。大論云。金出山石沙赤銅中。(參看蘇伐羅條。)梵語阿路巴。或惹多。此云銀。

大論云。銀出燒石中。爾雅云。白金謂之銀。梵語璫璃。或吠璫璃。華言青色寶。亦翻不遠。西域有山。去波羅奈城不遠。山出此寶。因以名焉。(參看璫璃條。)梵語頗梨。或云塞頗毗迦。此云水玉。即蒼玉。或云水精。又云白珠。刊正記云。正名翠坡致迦。其狀似此方水精。然有赤有白。大論云。譬如過千歲冰。化爲頗梨。梵語牟婆羯落。或云牟呼婆羯落。此云青白色寶。今名車渠。尙書大傳云。大貝如車之渠。渠謂車輞。其狀類之。故名車渠。渠魁也。後人字加玉石。梵語鉢摩羅伽。大論云。此云赤光珠。佛地論云。赤蟲所出。或珠體名爲赤珠。智論云。真珠出魚腹中。蛇腦中。漢書云。珠，蚌中陰精。隨月陰盈虛。梵語摩羅伽隸。此云碼礪。此實色如馬之腦。因以爲名。赤白色。琢成器。有文如纏絲焉。或云牟婆邏伽羅婆。或云謨薩羅揭婆。取馬腦堅實爲名也。(分見名義集。)

二金，銀，琉璃，砮磬，碼礪，真珠，玫瑰，(見法華經授記品。)

玫瑰，石之美者。

三金，銀，璫璃，珊瑚，琥珀，砮磬，碼礪，瑪瑙。(見無量壽經。)

梵語鉢囉婆羅。此云珊瑚。大論云。珊瑚出海中石樹。外國傳云。大秦西南漲海中。可七八百里。有珊瑚洲。洲底盤石。珊瑚生其上。人以鐵網取之。任昉述異記曰。珊瑚樹碧色。生海底。一株數十枝。枝間無葉。大者高五六尺。小者尺餘。應法師云。初一年青色。次年黃色。三年蟲食敗也。梵語阿溼摩揭婆。此云琥珀。其色紅瑩。博物誌云。松脂入地千年。化爲茯苓。茯苓千年。化爲虎珀。廣誌云。虎珀生地中。其上及傍。不生草木。深者八九尺。大如斛。削去上皮。中是琥珀。(分見名義集。)

七衆 七衆者。謂出家五衆。一比丘，二比丘尼，三式叉摩那，(此云學戒尼，亦云學法女。)四沙彌，五沙彌尼。在家二衆，六優婆塞，七優婆夷也。若略去三四五，則云四衆。(出仁王護國經，參看四衆及各本條。)

七趣 一地獄趣。(參看地獄條)二諸鬼趣。謂怪，魃，魅，蟲毒，厲，餓，魘，魘，役使，傳送，諸鬼。三畜生趣。謂梟，谷徵，狐，毒，蝮，食，服，應，休徵，循，諸類。四人趣。謂頑，異，庸，很，微，柔，勞，文，明，達，諸類。五諸仙趣。(參看十行仙條。)六諸天趣。(參看二十八天條。)七阿修羅趣。(參看四生條。)(見楞嚴經八。)

七大 謂地大，火大，水大，風大，空大，見大，識大也。五陰，六入，十二處，十八界，一切世界諸有爲相。皆是七大之所妄現。而此七大。亦無非是妙明真心中所現物。如水成冰。冰還成水。所謂因緣和合。虛妄有生。因緣別離。虛妄名滅也。（見楞嚴指要。）

七聚 聚卽類聚。謂聚衆律以成其類。隨犯而制之。故名聚也。一沙羅夷。二僧殘。三偷蘭遮。（善見律云。偷蘭名大。遮。是華言。華梵兼舉。謂遮障善道也。）四波逸提。五提舍尼。六突吉羅。七惡說。（見三藏法數。）僧祇明五篇。一波羅夷。二僧殘。三波逸提。四提舍尼。五突吉羅。四分明六聚。開第三偷蘭遮。或名七聚。開第七惡說。（見名義集，參看波羅夷，偷蘭遮，突吉羅條。）

七賢 同七方便位。（詳聲聞位條。）

七慢 一慢。謂同類相傲也。如於相似法中。執己相似。又於下劣中。執己爲勝也。二過慢。謂於同類相似法中。執己爲勝。或復他人勝於己處。執爲相似。言我與他同也。三慢過慢。謂於勝爭勝也。如他本勝於己。而執己爲勝。言我定能勝於他也。四我慢。謂依恃己之所能。欺凌於他也。五憎上慢。卽未得謂得也。謂未得上聖之法。自謂己得。未證得上聖之理。自謂己證得也。六卑劣慢。卽以劣自誇也。如己但有下劣少分之能。反自矜誇。以彼多分之能。不及於我也。七邪慢。謂實無德。妄爲有德。執著邪見。不禮塔廟。不敬三寶。不誦經典也。（見楞嚴經，毘婆沙論，三藏法數。）

七支 支卽支分。身三支。謂殺，盜，淫，口四支。謂妄言，綺語，兩舌，惡口。總名七支。卽十惡中之七也。亦名七業道。（見法界次第，三藏法數，參看十惡條。）

七祖 詳十宗之華嚴宗條。

七難 難卽厄難苦惱之處。一火，二水，三羅刹，四刀杖，五鬼，六枷鎖。七怨賊。謂火有焦身絕命之憂。故爲初難。水有沉有浮。故爲二難。羅刹雖暴。緩於水火。故爲三難。刀杖非隨得隨戮。必須研罪虛實。故爲四難。鬼取非的。命衰逢害。故爲五難。枷鎖繫身。未爲失命。故爲六難。怨賊覓寶。與寶卽脫。故爲七難。而此七難。一一皆有果

報惡業煩惱三種。今但明人中果報之一種也（見觀音玄義疏。三藏法數。）

七覺分

覺即覺了。謂覺了所修之法。是真是僞也。分即支分。謂此七種法。各有支派分齊不相雜亂。故名七覺分。

亦名七覺支。一擇法覺分。二精進覺分。三喜覺分。四除覺分。五捨覺分。六定覺分。七念覺分。擇，進，喜，三覺分屬慧。除，捨，定，三覺分屬定。念覺分兼屬定慧。故摩訶止觀云。修此七覺，即得入道。是也。又名七菩提分。

（見法界次第，三藏法數。）又云。智慧觀諸法時。善能簡別真僞。不謬取諸虛僞法。名擇法覺分。精進修諸道法時。善能覺了。不謬行於無益苦行。常勤心在真法中行。名精進覺分。若心得法喜。善能覺了此喜。不依顛倒之法而喜。住真法喜。名喜覺分。若斷除諸見煩惱之時。善能覺了。除諸虛僞。不損真正善根。名除覺分。若捨所見念著境時。善能覺了所捨之境虛僞不實。永不追憶。名捨覺分。若發諸禪定之時。善能覺了諸禪虛假。不生愛見妄想。名定覺分。若修出世道時。善能覺了。常使定慧均平。或心沈沒。當念用擇法精進喜三覺分以察起之。或心浮動。當念用除捨定三覺分以攝持之。調和適中。名念覺分。（見彌陀要解。）

七遮罪

亦名七逆罪。遮謂遮障聖道。逆謂不順於理。行此七罪。不復成就善根。經云。法師不得與七逆人現身受戒。

。是也。（見梵網經。）一出佛身血。二弑父。三弑母。四弑和尚。五弑阿闍黎。六破羯磨僧。七弑阿羅漢。（見三藏法數。）

七金山

梵語彌樓。此云光明。謂七金山也。金色光明故。此七重山。環繞須彌山外。高廣形量。次第減半。如須彌

山高八萬四千由旬。雙持山止高四萬二千由旬之類。是也。一曰雙持。（或言持雙。梵語陀羅。）高廣各四萬二千由旬。二曰持軸（梵語伊沙馱羅。）謂山峯上聳。形如車軸。高廣各二萬一千由旬。三曰檐木。（梵語竭地洛迦。）檐木，樹名。山形似此樹。故名。高廣各一萬五百由旬。四曰善見。（梵語蘇達梨舍那。）見者稱善故。高廣各五千二百五十由旬。五曰馬耳。（梵語頰温縛拏。）狀如馬耳故。高廣各二千六百二十五由旬。六曰障礙。（梵語毘摩恆迦。）謂此山有障礙神故。又名象鼻。形如象鼻故。高廣各一千三百十二由旬半。七曰持地。（或云地持。梵語尼民達羅。）山形似海中魚故。（又名魚背山。）又曰持邊。（梵語尼民陀）謂在七金外邊。護持圍繞餘六山故。高廣各六百五十六由旬零。

(分見名義集，三藏法數，參看須彌條。)

七淨華 戒云七華。經云。總持之園苑。無漏法林樹。覺意淨妙華。解脫智慧果。八解之浴池。定水湛然滿。布以七淨華。浴此無垢人。(見維摩經佛道品。)天台釋七淨華云。一戒淨。是正語業命。二心淨。是精進念定。三見淨。是正見正思惟。四斷疑淨。是見道。五分別淨。六行淨。是修道。七涅槃淨。是無學道。(見名義集，參看七覺分，八正道，聲聞位條。)又云不染曰淨。華乃對果而言。即因中所修之行也。謂二乘修習無漏之業。以七種淨行為華。而成道果。故言七淨華也。(見三藏法數。)

七如來 南無多寶如來。南無寶勝如來。南無妙色身如來。南無廣博身如來。南無離怖畏如來。南無甘露王如來。南無阿彌陀如來。(見瑜伽餽口。)

七聖財 經云。佛告善住及天帝釋。十惡業緣。惡口為最。當知惡罵。甚於猛火。而此猛火。但焚七珍之財。但焚世間資玩等物。惡口猛火，能燒七聖之財。能燒出世一切功德。消滅蕩盡。遽招惡報。(見最勝佛頂陀羅尼淨塗業障經。)

(言七聖財者。一信。二進。三戒。四慚愧。五聞。六捨。七定慧。(見未曾有經。))一信。二戒。三慚愧。四多聞。五智慧。六捨。七離。(見涅槃經。))亦名七德財。淨名經則名七財寶。(兼見十誦律。)

七災難 一日月失度難。二星宿失度難。三災火難。四雨水變異難。五惡風難。六天地亢陽難。七惡賊難。若國土中有此七可畏難，當講讀仁王般若波羅密經。其難即滅。萬姓安樂也。(詳仁王經受持品。)

七科道品 七科者。一，四念處。二，四正勤。三，四如意足。四，五根。五，五力。六，七覺支。七，八正道。即三十七道品。合為七科也。(見四教儀，參看各本條。)

七常住果 常住者。無滅無生。不遷不變之謂也。果者在修曰因。在證曰果。謂此七種即諸佛所證法身之果德也。(見三藏法數。)經云。如果位中。菩提，涅槃，真如，佛性，菴摩羅識，空如來藏，大圓鏡智。是七種名。稱謂雖別。清淨圓滿。體性堅凝。如金剛王。常住不壞。是為如來七常住果。(見楞嚴經四。)

七方便位 詳聲聞位條。

七種禮拜

勒那三藏（勒那具云勒那摩提。華言寶意。中印度人也。）明七種禮。一我慢禮。謂依位次。無恭敬心。二唱和禮（亦云求名禮。）高聲喧雜。詞句混亂。三恭敬禮。（亦名身心禮。）五輪著地。捧足殷勤。四無相禮。（亦云發智清淨禮。）深入法性。離能所相。（空觀。）五起用禮，（亦云徧入法界禮。）雖無能所。普運身心。如影普徧。禮不可禮。（假觀。）六內觀禮。（亦云正觀修誠禮。）但禮身內法身真佛。不向外求。（中觀。）七實相禮。（亦云實相等禮。）若內若外。同一實相。（三諦一境。）（見名義集，三藏法數，參看和南條。）

七番共解

詳五種玄義條

七處九會

七處者。謂佛說華嚴經之處也。所謂人間三處。即菩提場，普光明殿，逝多林。（參看祇園條。）天上四處。即忉利天。夜摩天，兜率天，他化天也。九會者，普光明殿凡三會。共說十八品經。初於此處說十信等法門。共六品經。次於此處說等覺法門。凡十一品經。後於此處說離世間法。即經中離世間品也。餘之六處。各說一會，於菩提場說如來依正果報法門。共六品經。於忉利天說十住等法門。共六品經。於夜摩天說十行等法門。共四品經。於兜率天說十回向等法門。共三品經。於他化天說十地法門。即經中十地品也。於逝多林說入法界法門。即經中入法界品也。故言七處九會。（見華嚴疏鈔三藏法數。）

七菩提分

詳七覺分條。

七種王寶

晉譯華嚴經云。王得道時。於其正殿嫪女圍繞。七寶自至。一金輪寶。名曰勝自在。二白象寶。名曰青山。三紺馬寶。名曰勇疾風。四神珠寶。名曰光藏雲。五主藏臣寶。（或云典財寶。）名曰大財。六玉女寶。名曰淨妙德。七主兵臣寶。（或云主兵寶。）名曰離垢眼。得是七寶。於閻浮提作轉輪王。（見名義集。）長阿舍經云。增劫中則有輪王出世。以一增一減為一小劫。人壽增至八萬四千歲。歷過百年。壽減一歲。如是減至十歲。名為減劫。此後過百年復增一歲。或云子倍父壽。名為增劫。如是增至八萬四千歲時。則有金輪王出。生在王家。紹灌頂位。（金輪王太子紹位之時。取四大海水以灌其頂。方紹父位。以為金輪王。名灌頂位。）於十五日。香湯沐浴。受持齋戒。升高臺殿。臣僚輔翼。東方忽有金輪寶現。舒妙光明。來應王所。若王欲往東方。輪即東轉。王則將諸兵衆。隨其後行。

金輪寶前。有四神道引。輪所住處。王卽止駕。南西北方。隨輪所至。亦復如是。於四天下。普勸人民。修十善道。是名金輪王。亦名轉輪聖王。而具足七寶焉。（見三藏法教，參看轉輪王條。）

七種受胎

一相觸受胎。謂女人月水生時。喜樂男子。若男子以身觸其身分。卽生貪著。而使懷胎。是名相觸受胎。二取衣受胎。謂如優陀夷。（此云出現。日出時生故。）其婦出家。分別已久。優陀夷往到婦處。兩情欲愛不止。各相發問。欲精污衣。尼得此衣。後卽懷胎。是名取衣受胎。三下精受胎。謂往昔有一道士。小便與精俱下。鹿母飲之。遂使懷胎。生鹿子道士。是名下精受胎。四手摩受胎。謂如談菩薩。（談，音閃。目暫見。）父母俱盲。帝釋遙知。下至其所。爲言宜合陰陽。當生兒子。答言。夫婦既悉出家。爲道法故。不得如此。帝釋復言。不合陰陽，當以手摩臍下。卽使懷胎。果如其言。而生瞎子。是名手摩受胎。五見色受胎。謂有女人。月華水成。不得男子交合。欲情極盛。唯視男子。卽使懷胎。是名見色受胎。六聞聲受胎。謂如白鷺鳥。悉雌無雄。到春來時。陽氣始布。雷聲初鳴。雌鷺一心聞聲。卽使懷胎。雞亦有聞雄雞聲。亦得懷胎。是名聞聲受胎。七麝香受胎。謂如犍牛母。但嗅犍氣。（犍，牛名。犢，牛子也。）而亦懷胎。是名麝香受胎。（見善見毘婆沙律，三藏法數。）

七種不淨觀

智者大師云。一觀此淫欲身。從貪愛煩惱生。是種子不淨。二父母交會時。赤白和合。是受生不淨。三胎中在生臟上熟臟下。是住處不淨。四在胎唯食母血。是食噉不淨。五日月滿足。頭向產門。膿血俱出。臭穢狼籍。是初生不淨。六薄皮覆上。其內膿血，徧一切處。是舉體不淨。七乃至死後降脹爛壞。骨肉縱橫。狐狼噉食。是究竟不淨。（見十疑論。參看五種不淨。九想觀條。）

七佛三三祖

七佛者。謂過去莊嚴劫中三佛。現在賢劫中四佛也。六祖云。古佛應世。已無數量。不可計也。今以七佛爲始。過去莊嚴劫。毘婆尸佛。（亦名維衛。此云勝觀。爲七佛首。）尸棄佛。（亦名式棄。此翻火。又云持髻。過毘婆尸佛三十劫後而成正覺。）毘舍浮佛。（亦名毘溼婆。此翻徧一切自在。藥王藥上經云。莊嚴劫中。最後一佛。）今賢劫。拘留孫佛。（亦云羯矩怛那。亦云羯洛迦孫獸。亦云羯羅迦忙陀。此云所應斷。又翻作用莊嚴。人壽減至六萬歲時。出成佛道。爲賢劫千佛首。）拘那含牟尼佛。（此云金寂。大論名迦那迦牟尼。秦言金仙。人壽減至四萬

歲時。出現閻浮。迦葉佛。(具云迦葉波。此云飲光。二萬歲時。出成正覺。)釋迦文佛。(亦云釋迦牟尼佛。人壽減至百歲時出世，爲賢劫中第四佛。)是爲七佛。釋迦文佛首傳摩訶迦葉尊者。(詳十大弟子條。)第二阿難尊者。(詳十大弟子條。)第三商那和修尊者。(亦名舍那婆斯。摩突羅國人。)第四優婆塞多尊者。(或名優波掘多。此云大護。或云笈多，佛滅百年出。得無學果。又云。烏波鞠多。唐言近護。吒利國人。姓首陀。父名善意。)第五提多迦尊者。(初名香衆。師毬多爲易今名。摩伽陀國人。梵語提多迦。此云通真量。)第六彌遮迦尊者。(中印度人。)第七婆須密多尊者。(亦云和須密多。北天竺國人。姓頗羅墮。唐言世友。亦翻天友。)第八佛馱難提尊者。(迦摩羅國人。姓瞿曇。)第九伏馱密多尊者。(提伽國人。姓毘舍羅。)第十脅尊者。(梵語波溼縛。唐言脅。中印度人。尊者自誓云。我若不通三藏理。不斷三界欲。得六神通。具八解脫。終不以脅而至席。故號脅尊者。)十一富那夜奢尊者。(華氏國人。姓瞿曇氏。父寶身。)十二馬鳴大士。(詳馬鳴條。)十三迦毗摩羅尊者。(華氏國人。初爲外道。有三千弟子。與馬鳴談論。爲馬鳴屈服。遂爲馬鳴弟子。於南天布法。見佛祖統紀。)十四龍樹大士。(詳龍樹條。)十五迦那提婆尊者。(詳迦那提婆條。)十六羅睺羅多尊者。(迦毘羅國人。父梵摩淨德。)十七僧伽難提尊者。(室羅筏城(卽王舍城)寶莊嚴王之子。初出家。沙門禪利多爲之師。)十八伽耶舍多尊者。(摩提國人。性鬱頭藍。父天蓋。母方聖。)十九鳩摩羅多尊者。(大月氏國婆羅門之子。)二十闍耶多尊者。(北天竺國人。參看闍耶多條。)二十一婆修盤頭尊者。(羅閱城人。(卽王舍城)姓毘舍法。父先蓋。母嚴一。婆修盤頭。此云偏行。)二十二摩拏羅尊者。(姓刹帝利。父常在王。)二十三鶴勒那尊者。(月支國人。姓婆羅門。父千勝。母金光。)二十四師子尊者。(中印度人。姓婆羅門。參看師子比丘條。)二十五婆舍斯多尊者。(罽賓國人。姓婆羅門。父寂行。母常安樂。)二十六不如密多尊者。(姓刹帝利子。南印度國得勝王子。)二十七般若多羅尊者。(東印度人。)二十八善提達磨尊者。(東土初祖。詳善提達磨條。)二十九慧可大師。(初名神光。武牢人。姬氏子。父寂。)三十僧璨大師。(姓氏未詳。)三十一道信大師。(姓司馬氏。世居河內。後徙蘄州廣濟縣。)三十二弘忍大師。姓周氏。蘄州黃梅人。諡大滿。參看弘忍大師條。)惠能是爲三十三祖。(六祖姓盧氏。父行瑫。母李氏)(見六祖壇經。並分見名義集，佛爾雅，參看莊嚴劫。千佛條。)

八識 八識者，眼耳鼻舌身五者。爲八識中之前五識。第六意識。因前五識之感覺。而起分別判斷之作用。故曰意識。第七心識。梵名末那識。因六識分別五塵好惡。而由此識傳送。相續執取。故又名相續識。亦名分別識。亦名我見識。第八藏識。梵名阿賴耶識。或阿梨耶識。凡爲世間萬物之本之種子。皆收藏於此識之中也。前五識及第八識皆屬於果。第六及第七識皆屬於因。（見宗鏡錄，壇經箋註，參看意識，末那，阿賴耶條。）

八戒 一不殺生。二不偷盜。三不邪淫。四不妄語。五不飲酒。六不坐高廣大牀。七不著華鬘瓔珞。八不習歌舞戲樂。此八戒不單持。須合一齋法。卽不非時食名曰八關齋戒。又名八支齋法。（見毘婆沙論。雜阿含經。）又八關齋戒者。以不非時食而爲齋體。以八支閉惡而助成齋。良由生死正因。無如淫欲。生死增上勝緣。無如飲食。故經云。一切衆生。皆依淫欲而正性命。又云。一切衆生。皆依食住。（見皈戒正範，參看齋戒條。）

八藏 藏卽含藏之義。謂佛滅度後。阿難結集如來所說經法。以此八藏類攝無遺也。一胎化藏。二摩訶衍藏。三中陰藏。四戒律藏。五菩薩藏。六雜藏。七金剛藏。八佛藏（見菩薩處胎經，名義集。三藏法數。）

八難 八難者。三惡道爲三難。罪孽太重。不能見佛。四生於北拘盧洲。感報較勝而無苦故。五生於長壽天。（參看長壽天條。）皆耽於逸樂。不思求道。六佛前佛後。不能與佛相值。七世智辯聰。自謂己能。八諸根不具。卽聾盲瘖啞之類。（見維摩經。名義集。參看六道條。）

八風 梵語毘嵐。或云隨藍。此云迅猛風。大論云。八方風不能動須彌山。隨嵐風至。碎如腐草。八風者。利衰毀譽稱譏苦樂。是也。亦名八法。釋氏要覽佛地論云。得可意事名利。失可意事名衰。不現前誹撥名毀。不現前讚美名譽。現前讚美名稱。現前誹撥名譏。逼惱身心名苦。適悅身心名樂。淨名疏云。行堅固慈者。則心如金剛。成真慈心。不爲界內外八風之所毀損。（見名義集，六祖壇經箋註。）

八相 謂釋尊應化。從兜率天退。（參看五瑞條。）入胎，出胎，以至槃涅。所謂八相成道也。八相者。一降兜率。二入胎。三住胎。四出胎。五出家。六成道。七轉法輪。八入涅槃。起信論云。隨其願力。能現八種利益衆生。所謂從兜率天退。入胎。住胎。出胎。出家。成道。轉法輪。入於涅槃。是爲成佛八相。小乘不立住胎。統名托胎。而於出

家次立降魔相。以住胎含托胎內故。大乘無降魔。以了魔即佛故。（見釋迦譜，二課合解。）

八教

天台智者大師。以五時八教判釋迦東流一代聖教。罄無不盡。言八教者。頓，漸，祕密，不定，爲化儀四教。如世藥方。藏，通，別，圓。爲化法四教。如辨藥味。合稱八教。化儀四教。第一頓教。卽華嚴部。如來初成正覺。在寂滅道場。四十一位法身大士。及宿世根熟天龍八部。一時圍繞。如雲籠月。爾時如來現盧舍那身。說圓滿修多羅教。故言頓教。第二漸教。如來次爲三乘根性。於頓無益。故不動寂場。而遊鹿苑。脫舍那珍御之服。着丈六弊垢之衣。示從兜率降下。託摩耶胎。住胎，出胎，納妃，生子，出家，苦行六年以後。木菩提樹下。以草爲座。成劣應身。初在鹿苑。先爲憍陳如等五人。說四諦，十二因緣，事六度等教。次明方等。次說般若。以上三時。對華嚴頓教。總名爲漸。第三祕密教。如前四時中。如來三輪不思議故。或爲此人說頓。或爲彼人說漸。彼此互不相知。能令得益。故言祕密教。第四不定教。佛以一音演說法。衆生隨類各得解。（此二句出維摩經。）此則如來不思議力。能令衆生於漸說中得頓益。於頓說中得漸益。如是得益不同。故言不定教也。化法四教。詳四教條。（見四教儀，參看五時條。）

八音

梵語婆闍尼娑婆唵。此云聲音。法界次第云。說理之聲謂之音。佛所出聲。凡有證辯。言詞清雅。聞者無厭。聽之無足。能爲一切作與樂拔苦因緣。莫若聞聲之益。卽是以慈修口。故有八音。一極好音。二柔軟音。三和適音。四尊慧音。五不女音。六不誤音。七深遠音。八不竭音。楞嚴經云。此方眞教體。清淨在音聞。欲取三摩提。實以聞中入。聲有八轉。一體。梵名補沙，是直指陳聲。如人斫樹。指說其人。二業。梵名補盧衫。是所作業聲。如所作斫樹。三具。梵名補慮憇拏。是能作具聲。如由斧斫。四爲。梵名補盧沙耶。是所爲聲。如爲人斫。五從。梵名補盧沙頰。（都我切）是從聲。如因人造舍。從卽所因義。六屬。梵名補盧殺娑。是所屬聲。如奴屬主。七於。梵名補盧鏹（音戒）是所於聲。如客依主。於卽依義。八呼。梵名禰補盧沙。是呼召之聲。七轉常用。呼聲用稀。故但云七也。（見名義集。）

八不 中觀論云。不生亦不滅。不常復不斷。不一亦不異。不來亦不出。能說是因緣。善滅諸戲論。我稽首禮佛。說法中第一。（是八不義。）又云。諸法不自生。亦不從他生。不共不無因。是故知無生。（是四不生義。）又云。如諸法自

性。不在於緣中。以無自性故。他性亦復無。(是無生義。)(見中論。)

八苦 詳四諦條。

八法 經云。菩薩成就八法。於此世界(娑婆)行無瘡疣。(猶言行無瑕玷也。)(生於淨土。何等爲八。一饒益衆生而不

望報。二代一切衆生受諸苦惱。三所作功德盡以施之。四等心衆生。謙下無礙。於諸菩薩。視之如佛。五所未聞經。聞之不疑。不與聲聞而相違背。六不嫉彼供。不高己利。而於其中調伏其心。八常省己過。不訟彼短。恆以一心求諸功德。是爲八法。(見維摩經香積佛品。)(又利衰毀譽稱譏苦樂。亦名八法。(詳八風條。))

八部 詳天龍八部條。

八筏 金剛經云。如來常說。汝等比丘。知我說法。如筏喻者。法尚應捨。何況非法。功德施論云。如欲濟川。先應

取筏。至彼岸已。捨之而去。傅大士云。渡河須用筏。到岸不須舡。智論云。筏是八正道。(參看八正道條)

八輪 正理論云。如世間輪。有輻轂輞。八支聖道。似彼名輪。正見，正思惟，正勤，正念，似輻。正語，正命，正業，似轂。正定，似輞。三事具足。可乘轉於通衢也。(見名義集，參看八正道條。)

八正道 謂此八法。不依偏邪而行。故名爲正。復能通至涅槃。故名爲道。一正見。能見真理。無諸邪見。二正思惟

。觀察籌量。今觀增長。三正語。謂人以無漏智慧。常攝口業。遠離一切虛妄不實之語。四正業。攝心淨業。斷除一切邪妄之行。五正命。捨離五種邪命(參看五邪命條。)(利養。依法乞食活命。六正精進。勤修戒定慧。一心專精。無有間歇。七正念。憶念正道及助道法。心無動失。八正定。攝諸散亂。身心寂靜。正住真空之理。決定不移。亦名八聖道。(見三藏法數。)(又云。修無漏行觀。見四諦分明。名正見。以無漏心相應思惟動法覺知籌量。爲令增長入大涅槃。名正思惟。以無漏慧除四邪命。攝諸口業。住一切正語中。名正語。以無漏慧除身一切邪業。住清淨正身業中。名正業。以無漏慧通除三業中五種邪命。住清淨正命中。名正命。以無漏慧相應勤精進修涅槃道。名正精進。以無漏慧相應念正道及助道法。名正念。以無漏慧相應入定。名正定。此等道品。依生滅四諦而修。卽藏教道品。依無生四諦而修。卽通教道品。依無量四諦而修。卽別教道品。依無作四諦而修。卽圓教道品。(見彌陀要解。))

八念觀 論云。佛諸弟子於閑靜處乃至山林曠野。善修不淨等觀。厭患其身。忽生驚怖。及爲惡魔作種種惡事。惱亂其心。憂懼轉增。是故如來爲說八念法。若存心於此。恐怖即除也。一念佛。二念法。三念僧。四念戒。五念捨。六念天。七念出入息。八念死。此八念能除修九想中所起恐怖。亦能趣道。(見大智度論，參看九想觀條。)

八解脫 詳八背捨條。

八自在 或云八自在我。涅槃經明八自在。一能示一身多身。數如微塵。二以塵身滿大千界。三以大身輕舉遠到。四現無量類。常居一國。五諸根互用。六得一切法。如無法想。七說一偈經無量劫。八身如虛空。存沒隨宜不窮。(見名義集。)

八聖道 詳八正道條。

八背捨 亦名八解脫。(出禪波羅密)大智度論云。背此淨潔五欲。捨此著心。故名背捨。修此觀故。發無漏智慧。斷三界見思惑盡。證羅漢果。即轉名八解脫也。(見三藏法數。)一內有色相(白骨人)外現色。(八種色光普照。)是背棄欲界捨初禪境也。二內無色相外觀色。是背捨二禪境也。三淨(色光清淨)背捨身作證。即背捨三四禪境。四虛空處背捨。五識處背捨。六無所有處(或云不用處)背捨。七非想非非想處(或云非有想非無想處)背捨。八滅受想背捨。修此禪者。能於四禪四定背棄不著。而成出世間法也。(見佛教問答，參看四禪，四空定條。)

八健度 詳健度條。

八福田 其一。謂佛，聖人，僧，三種名敬田。和尚，阿闍黎，生我法身者。父，母，生我肉身者。此四名恩田。救濟貧人名病田。亦名悲田。此八種皆堪種福。故名田也。(見梵網經。)其二。謂一曠路義井。二建造橋樑。三平治險隘。四孝養父母。五恭敬三寶。六給事病人。七救濟貧窮。八設無遮會。是也。(見三藏法數。)

八顛倒 或云八倒。(詳四顛倒條)。

八敬法 會正記云。佛成道後十四年。姨母求出家。佛不許度。阿難爲陳三請。佛令慶喜傳八敬向說。若能行者聽汝出家。彼云頂戴持。言八敬者。一者百歲比丘尼。見初受戒比丘。當起迎送。禮拜問訊。請令坐。二者比丘尼不得罵

謗比丘。三者不得舉比丘罪。說其過失。比丘得說尼過。四者式叉摩那已學於戒。應從衆僧。求受大戒。五者尼犯僧殘。應半月在二部僧中。行摩那埵。(論云。奉言意喜。前雖自意歡喜。亦生慚愧。亦使衆僧歡喜)六者尼半月內。當於僧中求教授人。七者不應在無比丘處夏安居。八者夏訖。當詣僧中求自恣人。如此八法。應尊重恭請讚歎。盡形不應違。今述頌曰。禮不罵謗不舉過。從僧受戒行摩那。半月僧中求教授。安居近僧請自恣。(見名義集)。又云八敬法者。一尼百歲禮初夏比丘足。二不得罵謗比丘。三不得舉比丘過。四從僧受具戒。五有過從僧懺。六半月從僧教誡。七依僧三月安居。八夏訖從僧自恣法也。(見三藏法數)

八王日 春秋八王日者。是天地陰陽交代之日也。此之八日。帝釋輔臣。案行天下。比較善惡。定生注死。增減罪福。樂善者若能避禁持齋。致生善處也。一立春。二春分。三立夏。四夏至。五立秋。六秋分。七立冬。八冬至。提謂經謂八王日。天地諸神。陰陽交代。故名八王日。(見法苑珠林，名義集，三藏法數)

八種粥 佛在迦尸國竹園中。與諸比丘一處安居。爾時諸居士作種種粥。持詣竹園。以施佛僧。故有八種之名。一酥粥。謂以牛馬等酥。和於米粟。煮爲粥也。二油粥。謂以荏酥麻等油。和於米粟。煮爲粥也。三胡麻粥。謂取胡麻子和於米粟。煮爲粥也。四乳粥。謂以牛馬等乳。和於米粟。煮爲粥也。五小豆粥。謂以綠豆赤豆等。和於米粟。煮爲粥也。六摩沙豆粥。(摩沙豆疑卽大豆。蓋梵語摩訶。華言大。今云摩沙者。乃梵音遠近不同也。)謂以此豆和於米粟。煮爲粥也。七麻子粥。謂以黃麻子和於米粟。煮爲粥也。八薄粥。或用水。或粟。煮爲稀粥也。(見十誦律，三藏法數。)

八功德水 梵語阿伽。此云水。釋名云。水，準也，準平物也。(見名義集。)八功德水者。謂阿彌陀佛極樂淨土之水。有八種功德也。一澄淨。異此方渾濁。二清冷。異寒熱。三甘美。異鹹淡劣味。四輕軟。異沉重。五潤澤。異腐穢色。六安和。異急暴。七除飢渴。異生冷。八長養諸根。異損壞諸根。及滌戾增病沒溺等。(見釋讚淨土佛攝受經，及彌陀要解。)

八十種好 一無見頂相。二鼻高好孔不現相。三眉如初月紺琉璃色。四耳輪輻相埵成。五身堅實如那羅延。六首際如鈎鑲。七身一時迴如象王。八行時足去地四寸而印文現。九爪如赤銅色。薄而細澤。十膝骨堅著圓好。十一身清潔

。十二身柔軟。十三身不曲。十四指長纖圓。十五指紋藏覆。十六脈深不現。十七踝不現。十八身潤澤。十九身自持不透迤。二十身滿足。二十一容儀備足。二十二容儀滿足。二十三住處安無能動。二十四威震一切。二十五一切樂觀。二十六面不長大。二十七正容貌不撓色。二十八面具滿足。二十九唇如頻婆果色。三十言音深遠。三十一臍深圓好。三十二毛右旋。三十三手足滿。三十四手足如意。三十五手文明直。三十六手文長。三十七手文不斷。三十八一切惡心衆生。見者和悅。三十九面廣姝好。四十面淨滿如月。四十一隨衆生意。和悅與語。四十二毛孔出香氣。四十三口出無上香。四十四儀容如師子。四十五進止如象王。四十六行法如鵝王。四十七頭如摩陀那果。(此云醉果)四十八一切聲分具足。四十九四牙白利。五十舌色赤。五十一舌薄廣。五十二毛紅色。五十三毛軟淨。五十四廣長眼。五十五孔門相具。五十六手足赤白如蓮華色。五十七臍不出。五十八腹不現。五十九細腹。六十身不動。六十一身持重。六十二其身大。六十三身長。六十四手足軟淨滑澤。六十五四邊光各一丈長。六十六光照身而行。六十七等視衆生。六十八不輕衆生。六十九隨衆生音聲。不增不減。七十說法不著。七十一隨衆生語言而說法。七十二發音報衆聲。七十三次第有因緣說法。七十四一切衆生不能盡觀相。七十五觀無厭足。七十六髮長好。七十七髮不亂。七十八髮旋好。七十九髮色青珠。八十手足有德相。(見般若經第十卷，佛教問答。)

八勝處觀

八勝處者。謂修八背捨後。觀心純熟。轉變自在。若淨若不淨。隨意能破也。禪波羅蜜云。初二勝處。

位在初禪。第三第四勝處。位在二禪。第五至第八勝處。位在四禪。三禪不立勝處者。以三禪天樂多心鈍。故不立也。(見三藏法數。)一內有色相外觀色少勝知見。(亦云內有色相外觀色少。若好若醜。是名勝知勝見。)二內有色相外觀色多勝知見。(亦云內有色相外觀色多。若好若醜。是名勝知勝見。)三內無色相外觀色少勝知見。(亦云內無色相外觀色少。若好若醜。是名勝知勝見。)四內無色相外觀色多勝知見。(亦云內無色相外觀色多。若好若醜。是名勝知勝見。)五青勝處。六黃勝處。七赤勝處。八白勝處。以所觀境及所得功德。遠勝於背捨。故曰勝處。(見禪波羅蜜，參看禪門，八背捨條。)

八十八使

八十八使者。一身見。二邊見。三見取。四戒取。五邪見。六貪。七瞋。八癡。九慢。十疑。此十使歷

三界四諦下。增減不同。成八十八使。頌云苦具十使集滅七。身邊戒取三使無。(謂欲界苦諦十使具足。集滅二諦各七使。除身見邊見戒取。)道諦但去身邊二。(道諦八使。除身見邊見。四諦下合爲三十二。)上不瞋成八十八。(上二界「色界無色界」每四諦下。各除瞋使。餘皆如欲界。故一界各有二十八使。二界合爲五十六使。并前欲界三十二使。總成八十八使也。)(見四教儀，名義集，參看見思惑條。)

八十一品 思惑者。謂眼等五根。對色等五塵。而起貪，瞋，癡，慢，四惑也。明思惑者。有八十一品。謂三界分爲九地。欲界合爲一地。四禪四定爲八。共爲九地。欲界一地中。有九品貪，瞋，癡，慢，四惑。言九品者。謂上上，上中，上下，中上，中中，中下，下上，下中，下下也。(見四教儀。)色界四地，無色界四地。亦各有九品。貪癡慢三惑。但除瞋使。以上二界不行瞋故。是則九地各有九品思惑。共成八十一品也。(見四教儀集註。參看見思惑條。)

八萬細行 詳三千威儀條。(參看四煩惱條。)

八大人覺 覺卽覺悟。謂此八法。乃是菩薩，緣覺，聲聞，大力量人之所覺悟。故名八大人覺。一少欲覺。二知足覺。三寂靜覺。四正念覺。五正定覺。六精進覺。七正慧覺。八無戲論覺。(見佛遺教經論，三藏法數。)

八大地獻 詳地獄條。

八忍八智 欲界四諦(苦集滅道)下。各有一忍一智。謂苦法忍，苦法智等。色無色界四諦下。亦各有一忍一智。謂苦類忍，苦類智等。合爲八忍八智。忍卽無漏禪定。智卽無漏觀慧也。無間道中。三昧斷惑。名之爲忍。乃卽慧之定。解脫道中。觀慧證理。名之爲智。乃卽定之慧。(見教觀綱宗。)

八部般若 佛於第四時中。所說般若之經既多。法亦不一。而有八部之名焉。一大品般若。二小品般若。三放光般若。四光讚般若。五道行般若。六金剛般若。七勝天王般若。八文殊問般若。(見般若經，三藏法數。)

八炎火地獄 詳地獄條。

八寒冰地獄 詳地獄條。

八萬四千煩惱 詳四煩惱條。

九地 謂欲界五趣。雜居一地。色界四禪。分爲四地。無色界四空。分爲四地。共爲九也。亦云三界九地。一五趣雜

居地。二離生喜樂地。三定生喜樂地。四離喜妙樂地。五捨念清淨地。六空無邊處地。七識無邊處地。八無所有處地。九非非想處地。有持載之義。衆生依之而住。此之九地。從初利已下及四趣。皆爲地居。夜摩已上以至非非想天。皆爲空居。（參看二十八天條。）從所依處得名。故皆言地也。（見釋氏要覽，三藏法數。）

九有 亦名九地。（詳九地條。）因果不亡。故曰有。（參看三有條。）

九界 九界者。菩薩界，緣覺界，聲聞界，天界，人界，修羅界，餓鬼界，畜生界，地獄界，兼佛卽名十界也。十界

衆生。佛亦在列者。大論云。衆生無上者。卽佛是也。（見三藏法數。）

九部 部謂部類。佛所說經。有大乘小乘不同。故十二部經中。有小乘九部，大乘九部之別，小乘諸經。於十二中。

無方廣授記無問自說之三部。故云九部。法華經云。或說修多羅。伽陀及本事。本生未曾有。亦說於因緣。譬喻並祇夜。優婆提舍經。又云。我此九部法。隨順衆生說。是也。大乘諸經。無因緣論議譬喻之三部。故云九部。以大乘直說大法。不假因緣。唯談圓理。故絕論議。獨顯真常。不待譬喻。是以大乘諸經。唯存方廣等九部也。別論麤爾。若通而言之。凡大小乘經。無不具有十二部也。（見大智度論，三藏法數，參看十二部經條。）

九喻 其一。如來藏九喻。方等如來藏經。佛爲金剛藏菩薩。說一法九喻。具有十文。經云。我以佛眼觀一切衆生。

諸煩惱中。有佛智眼。有如來身。結珈跏趺坐。儼然不動。下有九喻。一萎華佛身喻。萎華譬無明煩惱。佛身譬如來藏也。論云。功德莊嚴佛。住在萎華中。是也。二巖峰淳蜜喻。巖峰譬煩惱。蜜譬如來藏。論云。上妙美味蜜。爲羣蜂圍遶。是也。三糠糶粳米喻。糠，糠之麤者。譬煩惱。粳米譬如來藏法身之體也。論云。穀實在糠中。無人能受用。是也。四糞穢真金喻。糞穢譬煩惱。真金譬如來藏性。論云。如人行遠路。遺金糞穢中。是也。五貧家寶藏喻。貧家譬衆生。寶藏譬如來藏性。論云。譬如貧人舍。地有珍寶藏。是也。六菴羅內實喻。內實卽果內之種子。果譬煩惱妄惑。內實譬如來藏中菩提種子。論云。如種種果樹。子芽不朽壞。是也。七弊衣金像喻。弊衣譬煩惱。金像卽佛身之像。論云。弊衣纏金像。在於道路中。是也。八貧女貴胎喻。貧女譬無明煩惱。貴胎卽貧女胎中所懷貴人。譬如來藏

。論云。譬如孤獨女。身懷轉輪王。是也。九焦模鑄像喻。焦模者。焦土所爲之模範。譬煩惱。鑄像者。所鑄金像。譬如來藏。論云。如人鎔真金。鑄在泥模中。是也。(見寶性論，名義集，三藏法數。)其二。金剛經九喻。一星喻。論云。譬如星宿。爲日所映。有而不現。能見心法。亦復如是。(此譬見分。)二醫喻。論云。如目有翳。則見空華。觀有爲法。亦復如是。以顛倒見故。(此譬相分。)三燈喻。論云。譬如燈光。識亦如是。依止貪愛諸法住故。(此喻識體。)四幻喻。論云。譬如幻事。所依住處。亦復如是。以器世間種種差別。無一體實故。(此譬器。)五露喻。論云。譬如朝露。身亦如是。暫時住故。(此譬身。)六泡喻。論云。譬如水泡。所受用事。亦復如是。根境識等。三法合故。(此喻受用事。)七夢喻。論云。又如夢境。過去諸法。亦復如是。以惟念故。(此喻過去法。)八電喻。論云。譬如電光。剎那不住。現在諸法。亦復如是。(此譬現在法。)九雲喻。論云。譬如雲影。未來諸法。亦復如是。阿賴耶。識與一切法。爲種子根本故。(此譬未來。)魏譯金剛經云。(此經爲魏菩提流支法師譯。)一切有爲法。如星翳燈幻。露泡夢電雲。應作如是觀。彌勒頌曰。見相及於識。器身受用事。過去現在法。亦觀未來世。是也。(見名義集，三藏法數。)

九會 詳七處九會條。

九病 經云。人壽增至四萬歲時。其人作是念言。我等由修善故。壽命延長。今可更增少善。卽孝養父母。敬事師長。延於壽命。至八萬歲。當此之時。人已有此九種之病也。一寒病。二熱病。三饑病。四渴病。五大便病。六小便病。七欲病。八饕餮病。九老病。(見長阿含經，三藏法數。)

九流 詳儒流條。

九想觀 謂佛爲衆生貪著世間五欲。以爲美好。耽戀沉迷。輪迴生死。無有出期。是故令修此九種不淨觀法。想念純熟。心不散。若得三昧成就。自然貪欲除滅。惑業消盡。得證道果。此之九種。雖是假想作觀。然用之能成大事。譬如大海中死屍。溺人附之。卽得度也。一胖脹想。謂修行之人。心想死屍。見其胖脹。如韋囊(皮囊也)盛風。異於本相。是爲胖脹想。二青瘀想。謂修行之人。觀胖脹已。復觀死屍。風吹日曝。皮肉黃赤。瘀黑青黧。是爲青瘀想。

三壞想。謂修行之人。觀青瘀已。復觀死屍。風日所變。皮肉裂壞。六分（頭身手足也）。破碎。五藏（脾肺肝心腎也）腐敗。臭穢流溢。是為壞想。四血塗漫想。謂修行之人。既觀壞已。復觀死屍。從頭至足。偏身膿血流溢。污穢塗漫。是為血塗漫想。五膿爛想。謂修行之人。觀塗漫已。復觀死屍。身上九孔（眼耳鼻口大小便也）蟲膿流出。皮肉壞爛。狼籍在地。臭氣轉增。是為膿爛想。六蟲噉想。謂修行之人。觀膿爛已。復觀死屍。蟲蛆啖食。鳥獸咀嚼。殘缺剝落。是為蟲噉想。七散想。謂修行之人。觀蟲噉已。復觀死屍。為禽獸所食。分裂破散。筋斷骨離。頭足交橫。是為散想。八骨想。謂修行之人。既觀散已。復觀死屍。形骸暴露。皮肉已盡。但見白骨狼藉。如貝如珂。（貝，海中甲蟲。珂，螺之類也）。是為骨想。九燒想。謂修行之人。既觀骨已。復觀死屍。為火所燒。爆裂煙臭。白骨俱然。薪盡火滅。同於灰土。是為燒想。（見禪波羅密門，三藏法數。）又云。一新死想。正直仰臥。寒氣澈骨。二青瘀想。三四日後。變成青紫。三膿血想。青紫發潰。盡化膿血。四絳汁想。膿血消糜。流為絳汁。五骨臭想。惡臭熏天。至親掩鼻。六蟲噉想。千萬蛆蟲。恣意啖食。七筋纏想。肉已銷完。唯筋連骨。八白骨想。筋復化盡。僅存白骨。九枯朽想。枯骨漸朽。轉復消散。（見西歸直指。）

九次第定

此次四禪四定及滅受想定（滅受想背捨）九種禪定。次第修煉之法也。行者總合定觀二法。一心齊入。從初調心。入一禪。不令異念間雜。次第深入。至滅受想。令諸禪功德。轉深微妙。如鍊真金。光色更增。價值亦倍。故又名鍊禪。（見佛教問答，法界次第，參看禪門，四禪，四空定，八背捨條。）

九種大禪

詳禪那條。

九類衆生

經云。所有一切衆生之類。若卵生。若胎生。若溼生。若化生。若有色。若無色。若有想。若無想。若非有想非無想。我皆令入無餘涅槃而滅度之。是也。（見金剛經。）六祖曰。卵生者。迷性也。胎生者。習性也。溼生者。隨邪性也。化生者。見趣性也。迷故造諸業。習故常流轉。隨邪心不定。見趣墮阿鼻。起心修心。妄見是非。不契無相之理。名為有色。內心守直。不行恭敬供養。但言直心是佛。不修福慧。名為無色。不了中道。眼見耳聞。心想思惟。愛著法相。口說佛行。心不依行。名為有想。迷人坐禪。一向除妄。不學慈悲喜捨。智慧方便。猶如木石。

。無有作用。名爲無想。不著二法想。故名若非有想。求理心在。故名若非無想。（見金剛經集註。參看僕呼繕那。十二類衆生條。）

九品生相 謂上品上生。上品中生。上品下生。中品上生。中品中生。中品下生。下品上生。下品中生。下品下生。

三輩九品也。（詳觀無量壽佛經。）

十宗 其一。謂佛門之宗派也。大別次如。（分見辭源。）

律宗 一名南山宗。其源出於佛大弟子優波離尊者。以持戒爲主。唐道宣律師盛宏此宗。著述甚富。時人稱爲南山宗。

俱舍宗 一名有宗。屬小乘。世親菩薩造俱舍論。專宏有宗。源出毘婆沙論。陳真諦三藏譯出。書失不傳。唐玄奘法師重譯三十卷。門人普光作記。法寶作疏。當世傳習。有專門名家者。遂立爲一宗。五代後此宗漸微。（參看俱舍，天親條。）

成實宗 如來滅後。訶梨跋摩取諸部所長。作成實論。釋成三藏中之實義。其中具明二空。立二種觀。（空觀，無我觀。）有二十七賢聖以攝階位。於小乘中尤爲優長。姚秦鳩摩羅什譯出。六朝時專修者衆。別立一宗。至唐而漸衰。（參看訶梨跋摩條。）

三論宗 一名法性宗。又名性空宗。此宗論空有雙超，契悟中道之理。以龍樹所著中觀論，十二門論，及其弟子迦那提婆所著之百論爲本。謂之三論宗。鳩摩羅什翻譯而廣傳之。弟子事之者稱三千人。以道融，僧叡，僧肇，道生，爲尤著。稱關中四傑。道生後有曇濟，僧瑾，道猷。曇濟後有道朗。道朗後有僧詮。時當北齊之初。法統將絕。詮再興之。詮後有法朗，辨公，慧勇。慧布，以法朗爲尤著。嘉祥大師吉藏出其門。三論宗於以大成。此外又有日照三藏（梵名地婆訶羅。）之傳。謂之新三論。而北方又加龍樹之智度論稱四論。宗皆不盛。（參看龍樹，迦那提婆，鳩摩羅什婆，地婆訶羅條。）

天台宗 一名法華宗。北齊慧文禪師。悟龍樹中觀論之旨。以授南嶽慧思。傳之智者大師。其道大顯。師居天台山。

故號天台宗。(天台，山名。智者大師。乃隋煬帝所賜之號。諱智顛。字德安。以棲身入寂於天台山，遂以此處命其名也。)以其正宗法華。故又名法華宗。此宗立空假中三觀。空觀順真諦。假觀順俗諦。中觀順第一義諦。(是名天台三觀。)或用別相三觀。亦名次第三觀。從假入空。從空入假。從空假入中道。(瓔珞經云。從假入空觀。亦名二諦觀。從空入假觀。亦名平等觀。因是二空觀爲方便。得入中道第一義諦觀。此名次第三觀。見名義集)或用通相三觀。一空一切空。假中皆空。一假一切假。空中皆假。一中一切中。空假皆中。或用一心三觀。一念心中。三觀具足。此三觀以後者爲勝。中論云。因緣所生法。我說卽是空。亦名爲假名。亦是中道義。亦此意也。釋論云。三智實在一心中得。祇一觀而三觀。觀於一諦而三諦。故名一心三觀。(亦名三種三觀。見宗鏡錄。)

華嚴宗 一名賢首宗。又名法界宗。此宗以華嚴經爲主。唐杜順大師依經立觀。繼其道者雲華智儼，賢首法藏，作搜玄探玄等記。清涼國師作華嚴疏鈔。於是奧義大名。

華嚴宗七祖。一馬鳴尊者。西竺十一祖。東天竺國人。依百本大乘經造起信論。是爲初祖。二龍樹尊者。乃西土十三祖。南天竺國梵志之裔。造中觀等論。是爲二祖。三帝心法師。帝心，號也。姓杜。諱法順。唐太宗錫號曰帝心。作法界觀門。專弘華嚴。是爲三祖。四雲華法師。(雲華，寺名。師居是寺。因以名之。)姓趙。諱智儼。得帝心之親傳。以授賢首。其教大行。是爲四祖。五賢首法師。賢首，諡號也。諱法藏。其先康居國人。唐則天詔於太原寺開華嚴宗旨。感白光自口而出。須臾成蓋。萬衆歡呼。是爲五祖。六清涼法師，清涼，號也。姓夏侯氏。諱澄觀。會稽人。造華嚴大疏。唐德宗誕節。召對內殿。能以妙法。清涼帝心。遂賜號清涼。憲宗問華嚴宗旨。豁然有得。加號大統清涼國師。文宗開成三年示寂。凡歷九朝。(九朝者。唐玄宗，肅宗，代宗，德宗，順宗，憲宗，穆宗，敬宗，文宗也。)爲七帝門師。(七帝者。卽代宗以下七帝也。)是爲六祖。七圭峯法師。(圭峯，終南山之別名也。師居是山。因得是名。)姓何。諱宗密。果州人。清涼嘗謂之曰。毘盧華藏。能隨我遊者。其汝乎。遂著圓覺華嚴等疏鈔。唐文宗詔問佛法大意。賜號大德。是爲七祖。(見佛祖統紀，三藏法數。)

法相宗 一名慈恩宗。又名唯識宗。西域那爛陀寺。戒賢大德。遠承彌勒無著。近踵法護難陀。依深密等經，瑜伽等

論。立法相宗。言法相者。唯齊八識業相。以爲諸法生起之本。故法相宗以識相行布爲旨。其寺同時智光大德。遠稟文殊龍樹。近尊青目清辯。依般若等經，中觀等論。立法性宗。言法性者。以明真如隨緣。爲染淨之本。故一性宗。以真理融觀爲門。性相二宗。肇分西竺。（見名義集。）又云。性宗卽三論宗。相宗則從楞伽，密嚴，深密等經流出。有瑜伽，顯揚諸論。而以成唯識論爲最。故又名唯識宗。唐玄奘至中印度。就學於戒賢論師。歸國譯傳。以玄奘住慈恩寺。亦號慈恩宗。明季此宗大振。（見辭源。）（參看摩得勒伽，無著條。）

禪宗 一名心宗，佛之心印，卽是般若波羅蜜。自如來付囑迦葉爲第一祖。二十八傳而至達磨。爲東土初祖。梁時。泛海達廣州。止嵩山少林寺。傳之慧可爲二祖。僧璨爲三祖。道信爲四祖。弘忍爲五祖。慧能爲六祖。皆以衣鉢相傳。此宗直指人心，見性成佛。不立文字。號爲頓門。六祖後。又有臨濟，曹洞，潯仰，雲門，法眼，五家。稱爲禪門五宗。（參看菩提達磨條。）

密宗 一名真言宗。卽密教。此宗以毘盧遮那成佛經，（亦云大日經）金剛頂經等爲依。立十住心。（參看十住心條。）統攝諸教。建立曼荼羅。（參看四種曼荼羅條。）三密相應。（參看三密妙行條。）卽凡成聖。其不思議力用。唯佛能知。非因位所能測度。故曰密宗。密教者。謂真言之教義也。真言爲大日如來（卽摩訶毘盧遮那佛。）自證之法門。雖十地等覺菩薩在因位者。皆不能測知。故曰密教。自餘之法門。謂之顯教。（參看真言密教條。）

淨土宗 一名蓮宗。以普賢爲初祖。主念佛往生。晉慧遠專倡淨土法門。住廬山。結蓮社。得一百二十三人。同願往生極樂。魏之曇鸞。唐之道綽。皆專修此道。以持名觀想兼修爲上。

其二。謂十宗收教 唐賢首法藏國師。爲宗計不同。乃開十宗。判五教。收釋一代聖教。理無不盡。故前六宗收小乘教。第七宗收始教。第八宗收頓教。第九宗收終教。第十宗收圓教。故云十宗收教。（參看五教條。）一我法俱有宗。二法有我無宗。三法無去來宗。四現通假實宗。五俗妄真實宗。六諸法但名宗。七三性空有宗。八真空絕相宗。九空有無礙宗。十圓融具德宗。（見華嚴經疏，三藏法數。）

十號

其一。十種德號。謂如來，應供，正徧知，明行足，善逝，世間解，無上士，調御丈夫，天人師，佛，世尊，

是也。梵語多陀阿伽陀。此云如來。善逝。阿羅訶。此云應供。三藐三佛陀。此云正徧知。轉修遮羅那三般那。此云明行足。修伽陀。此云善逝。路伽釁。此云世間解。阿耨多羅。此云無上。富樓沙曇婆羅提。此云調御丈夫。舍多提婆魔菴舍喃。此云天人教師。佛陀。簡稱曰佛。此云覺者。路迦那他。此云世尊。此十號義。若總略釋之。則無虛妄。名如來。良福田。名應供。知法界。名正徧知。具三明。名明行足。不還來。名善逝。知衆生國土。名世間解。無與等。名無上士。調他心。名調御丈夫。爲衆生眼。名天人師。知三聚。名佛。具茲十德。名世間尊。涅槃疏云。阿舍及成論，合無上士與調御丈夫爲一號。故至世尊十數方滿。涅槃及大論，開無上士與調御丈夫爲兩號。而輔行云。大論合無上士調御丈夫以爲一句。此文誤也。學者詳之。（見名義集。）又佛說十號經。則合世間解無上士以爲一號。雖開合不同。其義則一。故兩存之。（見三藏法數，參看各本條。）

其二。十種通號。謂此爲諸佛通號。佛佛同稱故。彌陀釋迦。爲佛別號。佛佛名異故。一倣同先迹號。（如來）二堪爲福田號。（應供）三徧知法界號。（正徧知）四果顯因德號。（明行足）五妙往菩提號。（善逝）六達僞通眞號。（世間解）七攝化從道號。（無上士調御丈夫）八應機授法號。（天人師）九覺悟歸眞號。（佛）十三界獨尊號。（世尊）（見名義集。）

十界 謂六凡四聖也。所謂地獄，餓鬼，畜生，修羅，人，天，此名六凡。聲聞，緣覺，菩薩，佛，此名四聖。大論云。衆生九道中受記。所謂三乘道，六趣道。是知九道，卽九界也。受記作佛。十界明矣。（見名義集，參看九界條。）

十惡 一殺生。二偷盜。三邪淫。四妄言。五綺語。六兩舌。七惡口。八貪欲。九瞋恚。十愚癡。（或云邪見。）不犯十惡。謂之十善。（見法界次第。）又殺。盜。淫。三。爲身業。妄言。綺語。兩舌。惡口。四。爲口業。貪。瞋。癡。三。爲意業。經云。身三語四種。意業復有三。繫縛諸有情。無始恆相續。由斯三種行。造作十惡業。（見金光明經。）

十戒 一不殺生。二不偷盜。三不邪淫。四不妄語。五不飲諸酒。六不眠坐高廣大牀。七不塗飾香鬢。八不歌舞觀聽。九不捉金銀生像。十不食非時食。此十戒，亦謂之沙彌戒。（見名義集，參看八戒，沙彌條。）

十善 詳十惡條。

十方 謂東，南，西，北，四維，上，下，爲十方也。（四維，謂東南，西南，東北，西北也。）（見金剛經，楞嚴經。）

十度 詳十波羅密條。

十身

其一。融二世間爲十身。融者，通也。會也。三世間者。一有情世間。二器世間。三智正覺世間。謂菩薩知諸衆生心。隨其所樂。融會三種世間以爲十身。復以十身及自身，遞互相作。融通無礙。是名融三世間十身也。一衆生身。二國土身。三業報身。四聲聞身。五獨覺身。六菩薩身。七如來身。八智身。九法身。十虛空身。其二。佛自具十身。一善提身。二願身。三化身。四力持身。五相好莊嚴身。六威勢身。七意生身。八福德身。九法身。十智身。

(見華嚴經疏，三藏法數。)

十喻

謂解了諸法。如幻，如焰，如水中月，如虛空，如響，如乾城，如夢，如影。如鏡中像，如化。明大乘十喻也。(見大般若經。法界次第。)

十仙

十仙者。涅槃經云。一闍提首那。二婆私吒。三兔尼。(有軍外道)四迦葉氏。(涅槃會上。有多羅聚落迦葉氏菩薩。申三十四問。首言，云何得長壽。金剛不壞身。復以何因緣。得大堅固力。云何於此經。究竟到彼岸等。)五富那。六淨梵志。七犢子。八衲衣梵志。九弘廣婆羅門。十須跋陀羅。(須跋陀羅。是外道之師。聞佛說涅槃甚深之義。智起惑亡。投佛出家。佛命善來比丘。鬚髮自落。袈裟著身。卽席證阿羅漢果。年已八十一。佛記言，此我最後得度弟子也。參看本條。)此十仙皆是外道上首。有大名稱。國王師重。其徒實繁。于涅槃會上。各肆本宗所見。競縱僞辯。問難如來。如來一一破其宗計。由是詞窮理盡。亡羊多岐。同歸一路。卽席皆證道果。(見釋迦如來成道記註。)

十信

謂發十種信心也。乃三賢之首。(參看三賢十聖條。)萬行之先。然欲從凡入聖。必以信爲先導。始自信心。終至願心。總爲十信。以作菩薩真修之方便也。一信心。經云。妙信常住。一切妄想。滅盡無餘。中道純真。名曰信心。二念心。經云。無數劫中。捨身受身。皆能憶念。得無遺忘。名曰念心。三精進心。經云。唯一精明。進趣真淨。名精進心。四慧心。經云。心精現前。純以智慧。名曰慧心。五定心。經云。周徧寂湛。寂妙常凝。名曰定心。六不退心。經云。定先發明。明性深入。唯進無退。名不退心。七護法心。經云。心進安然。保持不失。十方如來。氣分交接。名護法心。八迴向心。經云。覺明保持。能以妙力。迴佛慈光。向佛安住。名迴向心。九戒心。經云。心光密

迴。獲佛常疑。無上妙淨。安住無爲。得無遺失。名曰戒心。十願心。經云。住戒自在。能遊十方。所去隨願。名曰願心。（見楞嚴經八。三藏法數。）此十位伏三界見思煩惱。故名伏忍位。（外凡十信位，參看聲聞位條。）與藏教七賢位，通教乾慧，性地齊。（見四教儀。）

十住

謂菩薩約位進修。以妙覺爲本。此覺由信而入。入則能住。故自發心住至灌頂住。通爲十種也。一發心住。經云。以真方便。發此十心。心精體輝。十用（十信之用）涉入。圓成一心。名發心住。二治地住。經云。心中發明。如淨琉璃。內現精金。以前妙心。履以成地。名治地住。三修行住。經云。心地涉知。俱得明了。遊履十方。得無留礙。名修行住。四生貴住。經云。行與佛同。受佛氣分。如中陰身。自求父母。陰信冥通。入如來種。名生貴住。五方便具足住。經云。既遊道胎。親奉覺胤。（覺卽是佛謂佛之胤嗣也。）如胎已成。人相不缺。名方便具足住。六正心住。經云。容貌如佛。心相亦同。名正心住。七不退住。經云。身心合成。日益增長。名不退住。八童真住。經云。十身靈相。一時具足。名童真住。九法王子住。經云。形成出胎。親爲佛子。名法王子住。（自發心至生貴。名入聖胎。自方便具足至童真。名長養聖胎。至此長養功成。名出聖胎。既出胎已。則爲佛之眞子。而繼紹佛種也。）十灌頂住。經云。表以成人。如國大王。以諸國事。分委太子。彼刹利王。世子長成。陳列灌頂。（參看灌頂條。）名灌頂住。（見楞嚴經八，三藏法數。）此十住。發心住。斷三界見惑盡。與藏教初果，通教八人，見地齊。自治地至不退。已上六住。斷三界思惑盡。得位不退。與藏通二佛齊。自童真至灌頂。已上三住。斷界內塵沙。伏界外塵沙。前二不知名目。亦名習種性。用從假入空觀。見眞諦理。開慧眼。成一切智。行三百由旬。（見四教儀。）

十行

謂由前十住進修功滿。已成佛子。自得已利。而利他之行未成。是故廣行饒益。隨順衆生。令其歡喜。然行有深淺。故始自歡喜。終至眞實。而成十種也。一歡喜行。經云。成佛子已。具足無量如來妙德。十方隨順。名歡喜行。二饒益行。經云。善能利益一切衆生。名饒益行。三無瞋恨行。經云。自覺覺他。得無違拒。名無瞋恨行。四無盡行。經云。種類出生。窮未來際。三世平等。十方通達。名無盡行。五離癡亂行。經云。一切合同。種種法門。得無差誤。名離癡亂行。六善現行。則於同中顯現羣異。一一異相各各見同。名善現行。（能於同類中顯現異相。於異相

中不見有異。同異圓融。互現自在。(七無著行。經云。現塵現界。(一一塵中。現十方界。))不相留礙。名無著行。八尊重行。經云。種種現前。咸是第一波羅密多。名尊重行。九善法行。經云。如是圓融。能成十方諸佛軌則。名善法行。十真實行。經云。一一皆是清淨無漏。一真無爲。性本然故。名真實行。(見楞嚴經八，三藏法數。)此十行斷界外塵沙惑。亦名性種性。用從空入假觀。見俗諦。開法眼。成道種智。(見四教儀。)

十迴向

謂起大悲之心。救度衆生。回轉十行之善。向於三處。一真如實際是所證。二無上菩提是所求。三一切衆生

是所度。以能迴之心及所迴善行。向彼萬類。圓滿梵行。等入法界也。一救護一切衆生，離衆生相迴向。經云。滿足神通。成佛事已。當度衆生。滅除度相。迴無爲心。向涅槃路。名救護一切衆生，離衆生相迴向。二不壞迴向。經云。壞其可壞。遠離諸離。名不壞迴向。(謂前離衆生相則是可壞。今復壞前可壞。離於能離。則是不壞。壞即空。不壞即假。空假不二。正顯中道。而歸趣於本覺矣。參看三觀條。)三等一切佛迴向。經云。本覺湛然。覺齊佛覺。名等一切佛迴向。四至一切處迴向。經云。精真發明。地如佛地。名至一切處迴向。五無盡功德藏迴向。經云。世界如來。互相涉入。得無罣礙。名無盡功德藏迴向。六隨順平等善根迴向。經云。於同佛地地中。各各生清淨因。依因發揮。取涅槃道。名隨順平等善根迴向。七隨順等觀一切衆生迴向。經云。真根既成。十方衆生。皆我本性。性圓成就。不失衆生。名隨順等觀一切衆生迴向。八真如相迴向。經云。即一切法。離一切相。唯即與離。二無所著。名真如相迴向。九無縛解脫迴向。經云。眞得所如。十方無礙。名無縛解脫迴向。十法界無量迴向。經云。性德圓成。法界量滅。名法界無量迴向。(見楞嚴經八。三藏法數。)此十向，伏無明，習中道。亦名道種性。行四百由旬。居方便有餘土。已上三十位爲三賢。亦名內凡。從八住至此。爲行不退位。(見四教儀。)經云。盡是清淨四十一心。次成四種妙圓加行。即以佛覺。用爲己心。若出未出。猶如鑽火。欲然其木。名爲煖地。又以己心。成佛所履。若依非依。如登高山。身入虛空。下有微礙。名爲頂地。心佛二同。善得中道。如忍事人。非懷非出。名爲忍地。數量銷滅。迷覺中道二無所目。名世第一地。(見楞嚴經八。參看四加行位條。)

十地

謂菩薩所證之地位。一切佛法。依此發生也。然地位有淺深。故始自歡喜。終於法雲。分爲十也。一歡喜地。

（此是見道位。以中道觀。見第一義諦。開佛眼。成一切種智。行五百由旬。初入實報無障礙土。初到寶所。證念不退。得無功用道。隨可化機緣。能百界作佛。八相成道。利益衆生。見教觀綱宗。）謂菩薩智同佛智。理齊佛理。徹見大道。盡佛境界。而得法喜。登於初地。經云。於大菩提。善得通達。覺通如來。盡佛境界。名歡喜地。二離地垢。謂由盡佛境界。明了諸法異性而入於同。若見有同。卽非離垢。同性亦滅。斯爲離垢。經云。異性入同。同性亦滅。名離垢地。三發光地。謂同異情見之垢既淨。則本覺之慧。光明開發。經云。淨極明生。名發光地。四焰慧地。謂由慧明既極。則佛覺圓滿。覺滿則慧光發焰。如大火聚。燦破一切情見。經云。明極覺滿。名焰慧地。五難勝地。謂由前焰慧。燦破一切情見。其同異之相。皆不可得。卽是諸佛境界。無有能勝。經云。一切同異所不能至。名難勝地。六現前地。謂由前同異之相既不可得。則真如淨性。明顯現前。經云。無爲真如。性淨明露。名現前地。七遠行地。謂真如之境。廣無邊際。雖真如現前。分證則局。若盡其際。方可極到。經云。盡真如際。名遠行地。八不動地。謂真如之理。既盡其際。全得其體。則真常凝靜。無能動搖。經云。一真如心。名不動地。九善慧地。謂既得真如之體。卽發妙用。凡所照了。悉是真如。經云。發真如用。名善慧地。十法雲地。謂菩薩至此第十地。修行功滿。唯務化利衆生。大慈如雲。普能陰覆。雖施作利潤。而本寂不動。經云。慈陰妙雲。覆涅槃海。名法雲地。以上十地乃至等覺。俱名聖種性。（見楞嚴經，四教儀，三藏法數。）

通教十地 通教，卽天台宗四教中之一也。通前藏教。通後別圓。故名通教。依大品經乾慧等十地。卽是此教位次也。一乾慧地。謂三乘之人。初居外凡位時。未得真空理水所潤。故名乾慧地。二性地。謂三乘之人。居內凡位時。於無漏真空法性之理。頗有解心。故名性地。三八人地。謂三乘之人。體達三界。見惑本空。在無間三昧中。八忍具足。止觀云。人者，忍也。故名八人地。（八人地。十五心見道。八忍具足。智少一分。謂滅類智也。）四見地。謂三乘之人。同見第一義無生四諦之理。故名見地。（見地十六心見道。八忍八智具足。頓斷三界見惑。發真無漏。見真諦理。）五薄地。謂三乘之人。斷欲界六品思惑。欲惑稍輕。得真諦理。故名薄地。六離欲地。謂三乘之人。斷欲界下三品思惑盡。卽離欲界生死。故名離欲地。七已辦地。謂三乘之人。斷色界無色界思惑盡。發真無漏。智斷功畢。故

名已辦地。八辟支佛地。謂緣覺之人。發真無漏。功行力大。福慧深利。以能侵除見思習氣。故名辟支佛地。九菩薩地。謂菩薩從空入假。深觀真俗二諦。進斷見思習氣與塵沙惑。得法眼淨。成道種智。故名菩薩地。十佛地。謂佛有大功德力。資利智慧。而與一念相應。觀真諦究竟。習氣亦究竟。覺果圓滿。故名佛地。（見四教儀，三藏法數。）

十力 其一。佛果十力。一知是處非處如實力。二知三世業報力。三知諸禪解脫三昧力。四知衆生諸根上下力。五知衆生種種欲力。六知世間種種性力。七知一切至處道力。八得宿命智力。九知天眼能觀一切力。十得漏盡智力。（見智度論。俱舍論。）

其二 菩薩十力。一發一切智心堅固力。二不捨衆生大慈力。三具足大悲力。四信一切佛法精進力。五思行禪定力。六除二邊智慧力。七成就衆生力。八觀法實相力。九入三解脫門力。十無礙智力。（見名義集。）

十智 卽三世諸佛一切種智也。一三世智。二佛法智。三法界無礙智。四法界無邊智。五充滿一切世界智。六普照一切世間智。七住持一切世界智。八知一切衆生智。九知一切法智。十知無邊諸佛智。（詳華嚴經。）

十使 一身見。二邊見。三見取。四戒取。五邪見。已上爲利使。六貪。七瞋。八癡。九慢。十疑。已上爲鈍使。（見四教儀，參看見思惑條。）

十纏 纏者，縛也。謂一切衆生。被此十法纏縛。不能出離生死之苦。證得涅槃之樂也。一無慚。二無愧。三嫉。四慳。五悔。六睡眠。七掉舉。八昏沉。九瞋忿。十覆。（見三藏法數。）俱舍頌曰。纏八無慚愧。嫉慳並悔眠。及掉舉昏沉。或十加忿覆。垂裕釋十纏是思惑。忿恚曰瞋。隱藏自罪曰覆。意識昏迷曰睡。五情暗冥曰眠。嬉游曰戲。三業躁動曰掉。屏處起罪不自羞曰無慚。露處起罪不羞他曰無愧。財法不能惠施曰慳。他榮心生熱惱曰嫉。（見名義集。）

十習 一淫習。節疏云。淫習卽所發之業。具足貪癡。二貪習。卽是愛根本之數。三慢習。恃己陵他。高舉爲性。四瞋習。熱惱居懷。性不安隱。五詐習。詐謂諂曲。罔冒於他。矯設異儀。諂曲爲性。六誑習。誑謂矯誑。心懷異謀。多現不實。矯現有德。詭詐爲性。邪命爲業。七怨習。怨卽恨也。由忿爲先。懷惡不捨。結冤爲性。不能含忍。常熱惱故。八見習。卽五種見。輔行云。大經二十三云。謂離五事。卽五見也。因是五見。生六十二。（參看六十二見條）

。九枉習。謂逼壓良善。害所攝也。亦瞋之類。十頌習。謂相論得失。忿恨爲先。惱之一法。性相應故。亦云十習囚，（見楞嚴經。名義集。）

十寶 光明經云。我當安止依於十地。十種珍寶。以爲脚足。天台釋云。珍寶者。十地因可貴。諸地卽是珍寶也。脚足者。十地是吳家之基。故言脚足。又十度是十地之脚足。於餘功德。非爲不修。隨力隨分。正以檀爲初地之足。檀足若滿。得入初地。乃至智度足滿。得入十地。（見名義集，參看十地，十波羅密條。）

十八界 梵語馱都。此云界。眼耳鼻舌身意，爲六根內界。色聲香味觸法，爲六塵外界。眼識耳識鼻識舌識身識意識爲六識中界。百法疏云。界是因義。中間六識。藉六根發。六境牽生。與識爲因。故合六根六塵六識名十八界。（見名義集，教乘法數。）界卽界分。謂衆生色心俱迷。故開色爲十界。（眼耳鼻舌身五根，色聲香味觸五塵。皆屬於色。）開心爲八界。（六識，並意根，法塵皆屬於心。）令其觀此色心二法。皆從虛妄因緣而生。起惑造業。輪轉生死。若達此妄源。無有實體。絕名離相。則不爲惑染所迷也。（見法界次第，三藏法數。）

十二入 梵語鉢羅吠奢。此云入。入卽涉入之義。謂六根六塵互相涉入也。六入有二義。一內六入。卽六根也。爲識所依。故名爲入。二外六入。卽六塵也。爲識所游。故亦名入。熏開云。夫六入者。凡有二義。一根塵互相涉入。二根境俱爲識之所入，以是諸經名十二入。又云十二處。百法疏云。是生長義。卽六種識依於根塵而得生長。名十二處。（見名義集，參看三科法門條。）

十二支 詳十二因緣條。

十重戒 亦稱菩薩十戒。其一。一不殺戒。二不盜戒。三不淫戒。四不妄語戒。五不酤酒戒。六不說過罪戒。七不自讚毀他戒。八不慳惜加毀戒。九不瞋心不受悔戒。十不謗三寶戒。（見梵網經。）其二。一普饒益戒。二不受戒。三不住戒。四無悔恨戒。五無違諍戒。六不惱害戒。七不雜戒。八不貪求戒。九無過失戒。十無毀犯戒。菩薩奉持三世諸佛十種淨戒。具足清白。無有缺犯。念諸衆生顛倒破戒。我成正覺。爲說眞法。令離顛倒。得淨戒法。是名菩薩十戒。（見華嚴經，參看持戒條。）

十誦律 詳薩婆多條。

十六觀 觀經十六觀法。一一觀門。可以入道。一觀成就。與多觀同。一曰日觀。二曰水觀。三曰地觀。四曰寶樹觀。五曰八功德水觀。(或云池觀。)六曰總觀。七曰華座觀。八曰像觀。九曰真身觀。十曰觀音觀。十一曰勢至觀。十二曰普想觀。十三曰雜想觀。十四曰上輩生觀。(或云上品觀。)十五曰中輩生觀。(或云中品觀。)十六曰下輩生觀。(或云下品觀。)(詳觀無量壽佛經。)

十勝行 同十波羅密。(詳十波羅密條。)

十想觀 一無常想。二苦想。三無我想。四食不淨想。五一切世間不可樂想。六死想。七不淨想。八斷想。九離想。十盡想。此法繼九想觀修之。斷煩惱盡。成阿羅漢。(見大智度論，三藏法數，參看九想觀條。)

十種心 經云。彌勒菩薩白佛言。如佛所說。阿彌陀佛極樂世界功德利益。若有衆生。發十種心。隨一一心。專念彼佛。是人命終。當得往生。一於衆生起大慈。無損害心。二起大悲。無逼惱心。三於佛正法。不惜身命。樂守護心。四於一切法。發生勝忍。無執著心。五不貪利養恭敬尊重。淨意樂心。六求佛種智。一切時無忘失心。七於衆生尊重恭敬。無下劣心。八不著世論。於菩提分。生決定心。九種諸善根。無有雜染清淨之心。十於諸如來捨離諸相。起隨念心。此十心隨成一心。欲生彼佛世界。若不得生。無有是處。(見大寶積經。)

十種見 一薩迦耶見。(即身見。)二邊執見。三邪見。四見取。五戒禁取。六貪見。七恚見。八慢見。九無明見。十疑見。(見瑜伽師地論。參看五見條。)

十行仙 梵語茂泥。此云仙。(見名義集。)楞嚴經明有十種。一地行仙。謂其服食藥餌。能駐一期之壽。而不能輕舉。故名地行仙。二飛行仙。謂其食黃精松柏之類。久而身輕。故名飛行仙。三遊行仙。謂其久服還丹。化形易骨。遊戲人間。故名遊行仙。四空行仙。謂其乘陰陽動靜。調氣固精。騰身履空。故名空行仙。五天行仙。謂其能鼓天池。嚙津液。不交世欲。故名天行仙。(天池，即口也)。六通行仙。謂其吞吸日月精華。作意存變。以延身命。歲久功成。遂有異見。通世物情。故名通行仙。七道行仙。謂其能以咒術持身。術力成就。故名道行仙。八照行仙。謂其能

繫念一境。澄凝精思。積久功成。照用顯發。故名照行仙。九精行仙。謂其內以坎男離女爲匹配。外卽採陰助陽。攝衛精氣。故明精行仙。十絕行仙。謂其存想世間有爲功用。運想化理超絕世間。故名絕行仙（見楞嚴經、三藏法數。）

十玄門 此十門、乃晉雲華尊者。依華嚴大經一乘圓頓妙義而立也。一同時具足相應門。二廣狹自在無礙門。三多相容不同門。四諸法相卽自在門。五祕密隱顯俱成門。六微細相容安立門。七因陀羅網境界門。八託事顯法生解門。九十世隔法異成門。十主伴圓具德門。（見華嚴經隨疏演義鈔、三藏法數）。

十支論

詳摩得勒伽條。

十住心

真言宗明十住心。一異生羶羊心。唯惡無善。理具位。二愚童持齋心。行五戒十善之位。三嬰童無畏心。行六行四觀之位。四唯蘊無我心。觀生滅四諦之位。五拔業囚種心。觀十二因緣之位。六他緣大乘心。觀三界唯心之位。屬法相宗。明唯識。彌勒菩薩所說爲主。七覺心不生心。觀八不中道之位。屬三論宗。明般若。文殊菩薩所說爲主。八一道無爲心。屬天台宗。明法華。卽法身之應身佛說。九極無自性心。觀事事無礙之位。屬華嚴宗。明華嚴。卽法身之報身佛說。十祕密莊嚴心。卽身成佛之極位。屬真言宗。明大日。法身佛究竟真實說。以上十住心。初二三爲世間法門。第四以下爲出世間之教法。四五二心爲小乘教。第六以下爲大乘教。六七二心爲菩薩乘。第八以下爲佛乘。八九二心爲權佛乘。第十住心爲究竟佛乘。前九住心顯教分齊。第十住心真言密教。十住心雖含多義。擇要而論。不出三重義門。所謂約顯密合論之十住心。約真言菩提心轉昇之十住心。約祕密曼陀羅之十住心。第一約顯密合論者。依世出世一切教法之淺深次第而建立。示前淺權。後後深實。所以判九顯一密之淺深優劣。而明真言祕教爲一切教法之王。最極最尊之法門也。次約真言行者菩提心之轉昇者。翻邪歸正。由外而內。轉小向大。從顯入密。淨心顯現之次第也。第三約祕密曼陀羅者。十住心卽十法界實相。皆法身如來無上果德之所顯現也。（見真言宗義章。）

十種佛

其一。十種佛。謂一成正覺佛。二願佛。三業報佛。四住持佛。五涅槃佛。六法界佛。七心佛。八三昧佛。九本性佛。十隨樂佛。（見嚴華經。參看隨樂佛條。）其二。十種見佛。謂一安住世間成正覺佛無著見。二願佛出生見。三業報佛深信見。四住持佛隨順見。五涅槃佛深入見。六法界佛普至見。七心佛安住見。八三昧佛無量無依見。

。九本性佛明了見。十隨樂佛普授見。（見華嚴經疏、三藏法數。）

十八支 支卽支分。如樹根莖是一。枝條有異。禪中支義亦爾。謂色界初禪有五支。二禪四支。三禪五支。四禪四支。共爲十八支也。初禪天定五支。一覺支。二觀支。三喜支。四樂支。五一心支。二禪天定四支。一內淨支。二喜支。三樂支。四一心支。三禪天定五支。一捨支。二念支。三慧支。四樂支。五一心支。四禪天定四支。一不苦不樂支。二捨支。三念清淨支。四一心支。（見法界次第、三藏法數、參看四禪條。）

十法行 一書寫。謂於佛所說經律論文。書寫流通。使不斷絕也。二供養。謂於佛經典所在之處。如佛塔廟。皆應恭敬尊重供養也。三施他。謂所聞之法。爲他演說。或施與經卷。不專自用。但欲利他也。四諦聽。謂聞他人讀誦。解說一切經法。深生愛樂。而專心審聽也。五披讀。謂於諸佛所說之經。時常披閱看讀。不釋手也。六受持。謂於諸佛所說教法。從師稟受。持而弗失也。七開演。謂於如來所說正法。時常開示演說。令人信解也。八諷誦。謂於如來所說一切道法。諷誦宣揚。梵音清徹。令人樂聞也。九思惟。謂於如來所說一切法義。思惟籌量。憶念不忘也。十修習。謂依如來所說之法。精修數習。以成道果也。（見辯中邊論、三藏法數。）

十八空 詳有爲條。

十二部經 亦名十二分經。（舊名十二部。）又名十二分教。（見大智度論、名義集。）

一修多羅 此云契經。佛地論云。契者、契理契機。經者、能貫能攝。本經藏之通名。但此乃別指經中長行。（長行者、卽經中散文也。）有通有別。通則修多羅聖教之都名。別則如雜集論云。長行綴葺略。說所應說義。（見名義集。）
二祇夜 此云重頌。妙玄云。重頌上直說修多羅也。亦云應頌。頌長行也。（見名義集。）如法華經。一節長行。必有一節重頌。餘經例知。（見二課合解。）

三伽陀 此云孤起。妙玄云。不重頌。名孤起。亦曰諷誦。西域記云。舊日偈。梵本略也。或曰偈他。梵音訛也。今從正音。宜云伽陀。唐云頌。（見名義集。）又云。伽陀、偈也。不頌長行。是孤起一義之偈。如法華譬喻。重頌後。有六十行是孤起頌。（見二課合解。）

四尼陀那 或尼陀羅。此云因緣。妙玄云。修多羅中有人問故爲說是事。毘尼中有人犯是事故結是戒。一切佛語緣起事。皆名因緣。(見名義集。)如法華經中化城喻品。說宿世因緣等是也。(見三藏法數。)

五伊帝目多伽 此云本事。顯揚論云。本事者。謂如來說聖弟子前世等事。(見名義集。)如法華經中本品云。藥王菩薩於日月淨明德佛所。得法歡喜。卽然身臂。以爲供養。修諸苦行。求菩提道等。是也。(見三藏法數。)

六閻陀伽 或云閻多伽。此云本生。顯揚論云。本生者。謂如來說菩薩本所修行相應等事。(見名義集。)如涅槃經云。比丘當知。我於過去作鹿野豐兔龍、及作金翅鳥、粟散王、轉輪聖王之類。是也。(見三藏法數。)本昔受生事。如法華十六子等是。(見二課合解。)

七阿浮達磨 此云未曾有。妙玄云。佛現種種神力。衆生怪未曾有。(見名義集。)如法華節節皆有此語。(見二課合解。)

八河波陀那 或云婆陀。此云譬喻。止觀云。月隱重山。與扇喻之。風息太虛。動樹訓之。(見名義集。)如法華經中

。火宅藥草等喻。是也。(見三藏法數。)又云。大乘金剛十喻等。小乘芭蕉水沫等。如法華七喻。(見二課合解。)

九優婆提舍 或云鄔波弟爍。此云逐分別所說。義翻論義。妙玄云。答其問者。釋其所以。謂逐機分別問答辯論故也

。(見名義集。)(唯識樞要明五種問。一不解故問。二疑惑故問。三試驗故問。四輕觸故問。五爲利樂有情故問。如

法華經提婆達多品中。智積菩薩與文殊師利論說妙法等是。(見三藏法數。)

十優陀那 此云無問自說。妙玄云。如佛在舍婆提毘舍佉宮上。陰地經行。自說優陀那。所謂無我無我所。是事善哉

。(見名義集。)又云自說。謂無有人問。如來以他心智。觀衆生機而自宣說。如楞嚴會上。說五十種魔事。不待阿難

請問。又如彌陀經無有緣起。自告舍利弗等是也。(見三藏法數。)如法華經方便品初。不待請而讚諸佛權實二智。是

也。(見二課合解。)

十一毘佛略 此云方廣。妙玄云。此從所表爲名。方廣之理。正理爲方。包富名廣。(見名義集。)方廣、顯中道義。

如法華全顯中道實相。(見二課合解。)

十二和伽那 或和伽羅。此云授記。達磨鬱多羅云。聖言說與名授。果爲心期名記。(見名義集。)謂如來爲諸菩薩辟

支聲聞授作佛記。如法華經云。汝阿逸多。於當來世而成佛道。號曰彌勒等。是也。（見三藏法數。）（參看授記條。）以上十二部中。長行、重頌、孤起、從字句爲名。餘皆從事立稱。方廣是名從所表。（見二課合解。）

十二因緣

亦名十二支。謂無名緣行。行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死憂悲苦惱。此十二法。約三世而論。有兩重因果。謂無明等展轉感果爲因。互相由藉爲緣。因緣相續。則往還無際。若了無明。則生死自息也。無明者。迷於事理。妄有執著。行者。因有妄執。造作諸業。此二支乃過去世所作之因。識者。因既有前之二支。遂有托胎之識。蓋過去世中。幻形方謝。神識即馳。復托母胎也。名色者。從托胎後。復具受想行識等名、及形質之色也。六入者。既有名色。胎中遂具六根。遂有入塵之用也。觸者。既有六入。出胎便與六塵相接觸也。受者。既有接觸。便有苦樂之領受也。此五支乃現在世所受之果。愛者。心既領受。便貪愛種種美妙事物也。取者。對於所愛之境。貪求不息。而生取著心也。有者。謂因有愛有取。遂造種種之因。將來必有種種之報。故曰有也。此三支乃現在世所作之因。生者。既造種種之因。則來生復於四生六道中受生也。老死等者。謂既有生後。漸漸變易而老。復歸壞滅而死。具足憂悲苦惱矣。此二支乃未來世當受之果也。此十二因緣。衆生迷而不悟。是以三世輪迴。無有休息。緣覺聖人。諦觀此理。依之而修。遂得無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死滅。老死滅則憂悲苦惱滅。如是純極苦蘊。悉皆除滅。所謂一處滅則一切皆滅矣。此緣覺出世之要術也。（見心經註。）

十大弟子

梵語室隴。此云弟子。（見名義集。）釋迦高足弟子十人之稱也。

摩訶迦葉

亦云摩訶迦葉波。此翻大龜氏。其先代學道。靈龜負仙圖而應。從德命族。故云龜氏。或翻飲光。文句云

。迦葉身光。亦能映物。真諦翻光波。古仙人身光炎涌。能映餘光。大龜氏者。時人多以姓召之。其實有名。名畢鉢

羅。父母禱樹神而生子。故名畢鉢羅。（見名義集。）摩竭陀國人。姓婆羅門。父號飲澤。母號香至。（見佛爾雅。）傳

佛心印爲初祖。頭陀行第一。

阿難陀 亦稱阿難。此云慶喜。亦云歡喜。佛之堂弟。佛成道日。斛飯王遣使來白淨飯王言。貴弟生男。王聞歡喜。語來使曰。是男當安名慶喜。後投佛出家。能持三藏之教。嗣佛爲第二祖。多聞第一。

舍利弗 弗、秦言子也。涅槃云。如舍利弗、母名舍利。因母立字。故名舍利弗。又翻身子。文句云。此女好形身。身之所生。故言身子。亦云驚子。母眼明淨。如鶩驚眼。聲聞衆中。智慧第一。(見名義集。)

須菩提 淨名疏云。此云善吉。亦云善業。亦云空生。其生之日。家室皆空。父母驚異。請問相師。相師占云。此是吉相。因名善吉。稟性慈善。不與物諍。及其出家。見空得道。兼修慈心。得無諍三昧。是以常能將護物心。故名善業。以生時家宅皆空。因名空生。亦名善現。又稱吉祥尊者。弟子中解空第一。(見名義集。)

富樓那 正云富樓那彌多羅尼子。文句云。富樓那、翻滿願。彌多羅、翻慈。尼、女也。父於滿江禱天求子。正值江滿。又夢七寶器。盛滿中寶入母懷。母懷子。父願獲從。諸遂願故言滿願。彌多羅尼。翻慈行。連父母以彰名。佛弟子中。說法第一。(見名義集。)

目犍連 華言胡豆。(詳胡豆條。)又云采菽氏。姓也。字拘律陀。樹名。其父禱樹神得子。因以爲名。什曰。目連、婆羅門姓也。佛弟子中。神通第一。(見名義集。)

迦旃延 此文飾。又云不空。羅什師云。南天竺婆羅門姓也。善解論議。故稱論議第一。(見三藏法數。)

阿那律 或云阿那律陀。阿泥律陀。此云無滅。昔施食福。人天受樂。於今不滅。淨名疏云。或云阿泥盧豆。或阿菟樓駄。如楚夏不同耳。此云如意。或云無貧。過去饑世。曾以稗飯施辟支佛。感九十一劫。天人之中。受如意樂。故名如意。爾來無所乏斷。故名無貧。佛之從弟。天眼第一。(見名義集。)

優波離 或優波釐。此翻近執。以佛爲太子時。彼爲親近執事之臣。亦云鄔波離。有翻化生。或翻上首。以其持律爲衆紀綱。故名持戒第一。(見名義集。)經云。優波白佛言。我是如來衆中綱紀。親印我心。持戒修身。衆推爲上。佛問圓通。我以執身。身得自在。次第執心。心得通達。然後身心一切通利。斯爲第一。(見楞嚴經五。)

羅睺羅 此云覆障。什曰。阿修羅食月時。名羅睺羅。秦言覆障。謂障月明也。羅睺羅處母胎六年。爲胎所障故。因

以爲名。西域記云。羅怛羅。舊曰羅曠羅。又曰羅云。皆訛略也。此云執日。淨名疏曰。有翻宮生。太子出家。太妃在宮。何得有娠。佛共淨飯王。於後證是太子之子。親是宮之所生。因名宮生。佛之太子。密行第一。(見名義集。)

十二分教 詳十二部經條。

十六羅漢 十六羅漢。皆佛弟子。羅漢中之長老。其名曰：一、賓度羅跋羅墮闍尊者。(梵語賓度羅。華言不動。字也。梵語跋羅墮闍。或頗羅墮。華言捷疾。姓也。亦云利根。婆羅門凡十八姓。此居其一。本行集經翻重幢。)二、迦諾迦跋蹉闍尊者。三、迦諾迦跋釐惰闍尊者。四、蘇頻陀尊者。五、諾詎羅尊者。(此云鼠狼山。)六、須跋陀羅尊者。(此翻好賢。西域記云。唐言善賢。舊曰蘇跋陀羅。訛也。鳩尸那城梵志。年一百二十歲。泥洹經云。須跋。聰明多智。誦四毘陀經。一切書論。無不通達。爲一切人之所崇敬。聞佛涅槃。方住佛所。聞八聖道。心意開解。遂得初果。從佛出家。又爲廣說四諦。卽成羅漢(見名義集。))七、迦哩迦尊者。八、伐闍羅弗多羅尊者。九、戌博迦尊者。十、半托迦尊者。十一、羅怛羅尊者。(此云執日。)十二、那伽犀那尊者。十三、因竭陀尊者。十四、伐那婆斯尊者。十五、阿氏多尊者。十六、住茶半托迦尊者。(共見法住記、三藏法數。)

十波羅密 或云十度。一布施(梵語檀那。)(波羅密。二持戒(梵語尸羅。)(波羅密。三忍辱(梵語羼提。)(波羅密。四精進(或云勤策。梵語毘梨耶。)(波羅密。五靜慮(梵語禪那。)(波羅密。六智慧(梵語般若。)(波羅密。七方便(或云方便勝智。)(波羅密。八願波羅密。九力波羅密。十智波羅密。亦名十種菩提心。(見華嚴經，金光明經。)

十大願王 經云。又復是人臨命終時。最後剎那。一切諸根。悉皆散壞。一切親屬。悉皆捨離。一切威勢。悉皆退失。如是一切。無復相隨。唯此願王。不相捨離。於一切時。引導其前。於剎那中。卽得往生極樂世界。又云。若欲成就如來勝功德門。應修十種廣大行願。何等爲十。一者禮敬諸佛。二者稱讚如來。三者廣修供養。四者懺悔業障。五者隨喜功德。六者請轉法輪。七者請佛住世。八者常隨佛學。九者恆順衆生。十者普皆迴向。(見華嚴經普賢行願品。)

十界十如 詳百界千如條

十乘觀法 乘卽運載之義。如世車乘。堪能運載。謂修行之人。依此十法修之。則能運出生死之苦海。到於涅槃彼岸也。數至十者。由修觀之人。上中下根不等。上根者。唯觀初不思議境。卽得破惑顯理。其次者於初種觀法。修之不入。須用第二發心。乃至第七對治助開。方能破惑顯理。又其次者。於前七種觀之不入須用第八知位次。乃至第十離法愛。方能破惑顯理。故止觀大意云。上根唯一法。中根二或七。下根方具十。又爲知妙境爲九乘之本。稱本修九

。方堪入於初住。是故備論此十乘也。（見摩訶止觀。三藏法數。）一觀不思議境。二真正發菩提心。三善巧安心止觀。四破法徧。五識通塞。六道品調適。七對治助開。八知位次。九能安忍。十離法愛。（見四教儀。詳離法愛條。）

十六特勝

此禪定法。有定有觀。具足諸禪。能發無漏。非如外道等。但能修得四禪四空。而無對治觀行。則不出

生死。故名特勝。其法有十六番。故言十六。十六番者。一知息入。二知息出。三知息長短。四知息徧身。五除諸身行。六受喜。七受樂。八受諸心行。九心作攝。十一心作解脫。十二觀無常。十三觀出散。十四觀離欲。十五觀滅。十六觀棄捨。云何具足諸禪。初二對代數息。三對欲界定。四對未到地定。五對初禪覺觀二支。六對破初禪喜支。七對破初禪樂支。八對破初禪一心支。九對二禪內淨喜。十對二禪一心支。十一對破三禪樂。十二對破四禪不動。十三對破空處。十四對破識處。十五對無所有處。十六對非想非非想處。是十六特勝。具足諸禪而勝於諸禪也。（見佛教問答、法界次第、參看十八支條。）

十八護神

詳伽藍聖衆條。

十金剛心

金剛心者。謂善薩之心。堅固不動。猶如金剛也。一覺了諸法。二化度衆生。三莊嚴世界。四善根迴向

。五奉事大師。六實證諸法。七廣行忍辱。八長時修行。九自行滿足。十令他願滿。（見華嚴經、三藏法數。）

十事善法

維摩經云。此娑婆世界。有十事善法。諸餘淨土之所無有。何等爲十。一以布施攝貧窮。二以淨戒攝毀

禁。三以忍辱攝瞋恚。四以精進攝懈怠。五以禪定攝亂意。六以智慧攝愚癡。七說除難法度八難者。八以大乘法度樂小乘者。九以諸善根濟無德者。十常以四攝成就衆生。（見維摩經香積佛品。）

十二門論

龍樹菩薩之所造也。云何十二門。謂因緣門。有無果門。緣門。相門。有無相門。異門。有無門。性門。因果門。作門。三時門。生門。言十二者。總衆枝之大數也。門者。開通無滯之稱也。論者。欲以窮其源盡其理也。故始自觀因緣門。終至生門。總有十二。其中所明。則有無兼暢。事無不盡。理無不備。故名十二門論。（見三藏法數、參看十宗之三論宗條。）

十力迦葉

詳阿若憍陳如條。

十一切處觀

或云十徧處定。智度論云。八背捨爲初門。八勝處爲中行。徧一切處爲成就。謂三種觀具足。禪體始得成就。此定謂之徧一切處者。從所觀境徧滿得名也。（見法界次第、三藏法數。）一青一切處。二黃一切處。三赤一切處。四白一切處。五地一切處。六水一切處。七火一切處。八風一切處。九空一切處。十識一切處。前八法繼八勝處而修之。後二處須由背捨轉修。因所觀境。徧滿十方。故曰一切處觀。此與背捨勝處三法。通名觀禪。（見佛教問答。參看禪門、八背捨、八勝處條。）

十八不共法

不共法者。謂諸佛之智內充。無畏之德外顯。一切功德智慧。超過物表。不與凡夫二乘及諸菩薩共有也。一身無失。二口無失。三念無失。四無異想。五無不定心。六無不知已捨。七欲無減。八精進無減。九念無減。十慧無減。十一解脫無減。十二解脫知見無減。十三一切身業隨智慧行。十四一切口業隨智慧行。十五一切意業隨智慧行。十六智慧知過去世無礙。十七智慧知未來世無礙。十八智慧知現在世無礙。（見智度論二十六、法界次第、三藏法數。）

十二頭陀行

梵語頭陀。此云抖擻。垂裕記云。抖擻煩惱故也。大品云。須菩提。說法者受十二頭陀。一住阿蘭若。二常乞食。三衲衣。四一坐食。五節量食。六中後不飲漿。七塚間住。八樹下宿。九露地坐。十常坐不臥。十一次第乞食。十二但三衣。大論六十七云。十二頭陀不名爲戒。能行則戒莊嚴。不能行不犯戒。（見名義集，十二頭陀經、參看頭陀條。）

十二類衆生

謂諸有情。由顛倒妄想。起惑造業。隨業感報。各各不同。故有十二類也。一卵生。謂從殼而出生也

如魚鳥龜蛇之類是。二胎生。謂從胞胎而出生也。如人畜龍仙之類是。三溼生。謂從溼處而受生也。如含蠢蠕動之類是。四化生。謂無而忽有也。又離此舊形。易彼新質。爲化生也。如轉蛻飛行之類是。（轉蛻飛行者。如蠶蛻形爲蛾、雀化蛤之類。）五有色。謂有形礙明顯之色也。如休咎精明之類是。（休咎精明者。如星辰吉者爲休。凶者爲咎。燭火（即螢火）蚌珠。皆精明之類。）六無色。謂無有形色也。如空散銷沉之類是。（即無色界外道之類。）七有想。謂從憶想所生也。如神鬼精靈之類是。八無想。謂想心昏迷。無所覺了也。如精神化爲土木金石之類是。（精神化爲土木金石者。如華表生精。如黃頭外道化爲石。是也。）九非有色。謂雖有形色。而假他所成也。如諸水母等。以蝦爲目之類是。（水母本無自類之色相。以水法爲身。以蝦爲目。非有色相而成色也。）十非無色。謂因聲呼召而能成形也。如呪詛厭生之類是。（呪詛厭生者。呪詛亦呼召耳。厭即禱也。如蝦蟇以聲附卵。然後生長。非聲則壞。又孔雀雌者。開雄者鳴。即有娠生雛。此等物類。皆由厭禱而生也。）十一非有想。謂借他之身以成自類也。如蒲盧等異質相成之類是。（蒲盧、螺贏也。取青蟲以爲己子。乃誣罔（即誑惑）回互之義也。）十二非無想。謂雖親而成怨害也。如土梟破鏡之類是。（土梟。食母鳥也。土梟等附塊爲兒。破鏡。食父獸也。形如羆而虎眼。破鏡以毒樹果抱爲其子。子成。父母皆遭其食。（見楞嚴經、三藏法數、參看九類衆生條。）

十六遊增地獄

謂八寒八熱大獄。每獄有四門。門各有四獄。受苦衆生。於此諸獄。次第遊歷。其苦轉增。故名十六遊增地獄也。娑婆論云。八熱獄一一獄有四門。一一門外有四遊增。有情遊彼。其苦增故。一黑沙。二沸屎。三鐵釘。四饑餓。五焦渴。六銅鑊。七多銅鑊。八石磨。九膿血。十量火。十一灰河。十二鐵丸。十三釘斧。十四豺狼。十五劍樹。十六寒冰。（見三藏法數、二課合解、參看地獄條。）

了義

寶積經。佛答文殊舍利弗言。諸經中說勝義爲了義。說世俗爲不了義。說煩惱業盡爲了義。說煩惱作業異於涅槃爲不了義。說生死涅槃無二無別爲了義。說厭生死苦趣涅槃樂爲不了義。又云二義。一了義。謂諸大乘經宣說勝義。如煩惱即菩提。生死即涅槃之類。皆究竟顯了。名爲了義。二不了義。謂諸經中宣說世俗等事。或說厭離生死欣求涅槃等。種種文句差別。不爲究竟顯了。名不了義。（圓見覺經略疏。）

丁因佛性 詳三因佛性條

丁香 梵語畢力迦。此云丁香。(見名義集。)一名雞舌香。葉長橢圓形。春間開紫花或白花。四瓣。子黑色。以爲香料。並供藥用。(見辭源。)

三畫

三寶 謂佛法僧也。梵語佛陀。簡稱曰佛。其義爲覺。具三義。一者自覺。悟性眞常。了惑虛妄。二者覺他。運無緣慈。度有情界。三者覺行圓滿。窮源極底。行滿果圓。故華嚴云。一切諸法性。無生亦無滅。奇哉大導師。自覺能覺他。大論云。秦言知者。知過去未來現在、衆生非衆生數。有常無常等、一切諸法。菩提樹下。了了覺知。故名佛陀。(參看佛陀條。)梵語達摩。此云法。法謂正法。其義爲軌持。所謂任持自性。軌生物解也。(參看達摩條。)梵語僧伽。簡稱曰僧。律鈔曰。此云和合衆。和合有二義。一理和。同證無爲解脫。二事和。戒和同修。見和同解。身和同住。利和同均。口和無諍。意和同悅。大論云。秦言衆多比丘。一處和合。是名僧伽。福田論敍三寶曰。功成妙智。道登圓覺。佛也。玄理幽微。正教精誠。法也。禁戒守眞。威儀出俗。僧也。皆是四生導首。六趣舟航。故名爲寶。(分見名義集。)

三藏 謂經藏、律藏、論藏也。一修多羅藏。華言契經。卽經藏也。契者爲上契諸佛之理。下契衆生之機。故云契經也。摭華云。契理則合於二諦。契機則符彼三根。經者、訓常、訓法。或云修單蘭。或修妬路。西域記名素怛覽。佛地論云。經者貫攝爲義。貫穿所應知義。攝持所化衆生。慈恩云。爲常爲法。是攝是貫。常則道軌百王。法乃德模萬乘。攝乃集斯妙義。貫乃御彼庸生。庶令同出苦津。終歸覺岸。二毘奈耶藏。或毘尼藏。卽律藏也。什師云。毘尼。秦言善治。謂自治淫怒癡。亦能治衆生惡也。圓覺鈔云。此云調伏。謂調練三業。制伏過非。四教義云。此翻滅。謂佛說作無作戒。能滅身口之惡。是故云滅。南山云。毘尼翻滅。從功能爲名。非正譯也。正翻爲律。律者、法也。從教爲名。斷割重輕。開遮持犯。非法不定。俗有九流。法流居一。故世律法。皆約刑科。道與俗違。刑名乃異。至於處斷。必依常法。三阿毘達磨藏。或阿毘曇藏。卽論藏也。此云無比法。謂無漏法慧爲最勝故。瑜伽論云。問答決擇諸法性相。故名論。奘師傳云。舊曰優波提舍。訛也。正云鄔波弟鑠。後分經云摩達磨。(分見名義集、參看俱舍、結集條。)

三業 謂身口意所生之三種業也。造作曰業。凡人造作。或善或惡。不外身口意三處。故謂之三業。（見析玄記、參看十惡條。）

三界 謂欲界、色界、無色界也。一欲界。欲有三種。一飲食。二睡眠。三淫欲。於此三事。希須名欲。若有情界。從他化天至無間獄。若器世界。乃至風輪。皆欲界攝。二色界。形質清淨。身相殊勝。未出色籠。始從初禪梵天。終至阿迦尼吒天。凡有一十八天。皆名色界。三無色界。於彼界中。色非有故。始從空處終至非非想處。凡有四天。名無色界。又此三界。總舉則六道。別分乃二十五有。（見名義集、參看二十八天、二十五有條。）

三塗 梵語阿波那伽低。此云惡趣。有三。謂地獄、餓鬼、畜生。亦名三塗。一火塗。地獄趣。猛火所燒之處。二血塗。畜生趣。互相噉食之處。三刀塗。餓鬼趣。以刀劍杖逼迫之處。摠華云。塗、道也。四解脫經云。地獄名火塗道。餓鬼名刀塗道。畜生名血塗道。塗有二義。一、塗謂塗炭。取殘害義。如尚書云。民墜塗炭。二塗謂道塗。取所趣義。如易云。殊塗同歸。又名三惡道。（見名義集、參看六道條。）

三有 梵語烏波。或云薩遮。此云有。婆沙云。有是何義。謂一切有漏法是。佛言。若業能令後生續生。是名爲有。華嚴云。何等名有爲法。所謂三界衆生。言三有者。謂欲有、色有、無色有。卽三界也。六道衆生。各隨所作善惡之業。卽感善惡之報。因果不亡。故名爲有。蓋有以正報有情立言。界以依報器界立言耳。（分見菩薩善戒經、大智度論、名義集。參看依正九有條。）

三毒 一貪毒。梵語尼延底。貪之異名。引取之心。名之爲貪。若以迷心對一切順情之境。引取無厭。是名貪毒。二瞋毒。梵語提鞞沙。此云瞋恚。忿恚之心。名之爲瞋。若以迷心對一切違情之境。便起忿怒。是名瞋毒。三癡毒。梵語慕何。此云癡。迷惑之心。名之爲癡。若於一切事理之法。無所明了。顛倒妄取。起諸邪行。是名癡毒。（見法界次第、名義集、三藏法數。）

三學 謂戒定慧也。防非止惡曰戒。息慮靜緣曰定。破惡證真曰慧。楞嚴經云。攝心爲戒。因戒生定。由定發慧。是則名爲三無漏學。（見名義集、參看摩得勒伽條。）

三皈 或作三歸。至心信仰。歸敬不貳。謂歸依佛世尊。歸依離垢法。歸依賢聖僧也。華嚴經疏云。三寶吉祥。最勝良緣。有歸依者。能辦大事。生諸善根。離生死苦。得涅槃樂。（見佛教問答，三藏法數。）

三乘 乘即運載之義。謂聲聞。緣覺。菩薩。各以其法爲乘。運出三界生死。同到真空涅槃。故名三乘。一聲聞乘。二緣覺乘。三菩薩乘。聲聞者。悟四諦而得道者也。緣覺者。悟因緣而得道者也。菩薩者。行六度而得道者也。（見法華經註。）

三車 謂羊車、鹿車、牛車、三乘法也。羊車喻聲聞乘。鹿車喻辟支佛乘。牛車喻菩薩乘。大白牛車。喻一佛乘也。

（見法華經譬喻品。）華嚴合論云。門前三駕。且受權乘。露地白牛。方明實德。（見壇經箋註。）

三身 一法身。梵語毘盧遮那。華言徧一切處。即清淨法身佛也。二報身。梵語盧舍那。華言淨滿。又云光明徧照。即圓滿報身佛也。（參看盧舍那條。）三化身。亦云應身。梵語釋迦牟尼。華言能仁寂默。能仁故不住生死。寂默故不住涅槃。隨機普現。說法利生。故名應身。摩訶衍云。所言應者。隨順根機而不相違。隨時隨處隨趣出現。非安樂相。故名爲應。亦云化身。梵網經云。周市千華上。復現千釋迦。一華百億國。一國一釋迦。故召釋迦牟尼名千百億化身也。（見名義集。）天台宗立法、報、應、三身。法相宗立自性、受用、（受用又二。自受用。他受用。）變化、三身。真言宗明他受用、變化、等流、三身。金光明經說法、應、化、三身。大小乘通名法、報、化、三身。諸經論所說佛身。雖有二身乃至十身。皆可以三身括之也。（參看佛身條。）

三聖 其一。華嚴三聖。中爲毘盧遮那佛。（即釋迦牟尼。）右爲普賢菩薩。左爲文殊師利菩薩。清規證義曰。約華藏而論。中毘盧。左普賢。右文殊。蓋華嚴普賢喻長子故。諸部以文殊爲先導。故文殊居左。普賢居右。（見二理合解。）又此二聖亦互相融。二而不二。沒同果海。即是毘盧遮那。是爲三聖。故此菩薩常爲一對。（見名義集。）其二。西方三聖。中爲阿彌陀佛。左爲觀世音菩薩。右爲大勢至菩薩。阿彌陀佛、爲西方極樂世界之佛。釋迦牟尼、乃吾娑婆世界應化之佛。（見三聖像註。）

三災 三災者。謂災害之事。有三種也。有小三災大三災之別。小三災爲饑饉、疾疫、刀兵、是也。大三災。謂火災

、水災、風災、是也。火災壞初禪。水災壞二禪。風災壞三禪。三災到時。天地亦壞。惟四禪天不壞。古德云。六欲諸天受五衰。(參看五衰條。)三禪尙自有風災。假饒修到非非想。不及西方歸去來。此三界內。實可寒心。當厭離也。(見佛教問答、法苑珠林。)

三障 障、蔽也。謂諸衆生被惑業障蔽。不見正道。善心不能生起。故名障也。一煩惱障。昏煩之法。惱亂心神。故名煩惱。謂貪欲、瞋恚、愚癡、等惑。障蔽正道。是名煩惱障。二業障。業即業行。謂由貪瞋癡。起身口意。造作五無間重惡之業。障蔽正道。是名業障。三報障。報即果報。謂由煩惱惑業。生在地獄、畜生、餓鬼、諸趣。因此障蔽正道。是名報障。(見涅槃經、三藏法數)。

三染 謂惑業苦也。以其皆能染污本性。不得清淨故。(參看惑業苦條。)

三昧 此云調直定。謂令心調和正直。如如不動也。亦云正定。揀非邪定故。亦云正受。謂入此定時。不受一切法故。(見名義集選。)遠法師云。夫稱三昧者何。專思寂想之謂也。思專則志一不分。想寂則氣虛神朗。氣虛則智恬其照。神朗則無幽不徹。斯二乃是自然之玄符。用一而致用也。又諸三昧。名質甚多。功高易進。念佛爲先。故天台止觀。略名四種。一曰常坐。即文殊說、文殊問、兩般若經。名爲一行三昧。身開常坐。遮(止也)行住臥。或可處衆。獨居彌善。居一靜室。安一繩床。九十日爲一期。結跏正坐。二曰常行。即般舟經佛立三昧也。(梵語般舟。華言佛立。)經云。持佛威神於三昧中立者有三事。持佛威神力。持佛三昧力。持本功德力。用是三事。故得見佛。寶王論云。般舟、此云現在。謂思惟不已。佛現定中。此之三昧。唯專行旋。九十日爲期。三曰半行半坐。即方等法華二經。袒持、(梵語袒持。華言祕要。)普賢、二三昧也。方等七日爲期。唯誦袒持咒。旋百二十匝。却坐思惟。法華三七日爲期。但誦本經。故經云。其人若行若立讀誦此經。若坐思惟此經。我乘六牙白象。現其人前。四曰非行非坐。前之三昧。俱用行坐。今言非行非坐者。雖非行坐。實通行坐。即依諸經行法。及歷善、惡、無記、修觀。總名隨自意三昧也。(分見名義集、大悲心呪行法、三藏法數。)

三慧 一聞慧。謂由於聽聞而生智慧。或從經論中聞。或從善智識處聞。以因聞故。能生無漏聖慧也。二思慧。謂由

於思惟而生智慧。若能思惟經論中及善知識處所開法義。皆能生於無漏聖慧也。三修慧。謂由於修習而生智慧。既已開法。思惟義趣。即當隨順修習。因此修習。能生無漏聖慧也。（見成實論、三藏法數。）經云。開謂開解。思謂思惟。修謂修習。（見法華經。）又經云。觀世音菩薩。由開思修。入三摩地。（見楞嚴經。）

三軌

妙玄云。三軌。乃妙位所住之法也。軌名軌範。還是三法可軌範耳。一真性軌。二觀照軌。三資成軌。名雖有三。祇是一大乘法也。類通諸三法。赴緣名異。得意義同。類通三道者。真性軌即苦道。觀照軌即煩惱道。資成軌即業道。三識者。菴摩羅識即真性軌。阿梨耶識即觀照軌。阿陀那識即資成軌。三佛性者。真性軌即正因性。觀照軌即了因性。資成軌即緣因性。三般若者。真性是實相般若。觀照是觀照般若。資成是文字般若。三菩提者。真性即實相菩提。觀照即實智菩提。資成即方便菩提。三大乘者。真性即理乘。觀乘即隨乘。資成即得乘。三身者。真性即法身。

。觀照即報身。資成即應身。三涅槃者。真性即性情涅槃。觀照即圓淨涅槃。資成即方便淨涅槃。一體三寶者。真性即法寶。觀照即佛寶。資成即僧寶。三德者。真性即法身德。觀照即般若德。資成即解脫德。（見妙玄節要。參看各本條。）指要云。三諦可軌。則名三軌。觀照即真諦。資成即俗諦。真性即中諦。（見教乘法數。）

三明

一宿命明。謂但知過去宿世受生之事。名宿命通。復知宿世從一生至百千萬生。如是姓，如是名，如是受苦，

受樂，等事。皆悉能知。是名宿命明。二天眼明。謂但見死此生彼。名天眼通。復見我及衆生。死時生時。及身口意所作善惡之行。或生善道惡道。皆悉能見。是名天眼明。三漏盡明。謂衆生因三界見思之感。墮落生死。故名爲漏。惟羅漢斷三界見思惑盡。而得神通。名漏盡通。復知漏盡已後。更不受於生死。是名漏盡明。（見雜阿含經，三藏法數。）大論云。宿命，天眼，漏盡，名爲三明。三乘雖得三明。明不滿足。佛悉滿足。是爲異也。又云。智論問。神通與明。有何等異。答。直知過去宿命事名通。知過去因緣行業名明。（宿命）直知死此生彼名通。知行因緣際會不失名明。（天眼）直盡結使。不知更生不生。名通。若知漏盡。更不復生。名明。（無漏）（見名義集。）

三聚

謂正定聚，邪聚，不定聚也。經云。佛告阿難。其有衆生彼國者。皆悉住於正定之聚。所以者何。彼佛國中。

。無諸邪聚及不定聚。（見無量壽經。）或云。正性定聚。邪性定聚。不定性聚。（見顯宗論。）釋論明衆生有三聚。一。

者正定。必入涅槃。二者邪定。必入惡道。三者不定。能破顛倒者名正定。不能破顛倒者名邪定。得因緣能破。不得則不能破。是名不定。（見名義集。）

三際 謂過去，現在，未來，三世也。亦名三世。（見阿毘達磨集異門足論。）或云前際，今際，後際，（見維摩經。）又內外與中間。亦云三際。有法師問慧海禪師云。佛法在於三際否。師云。見在無相。不在其外。應用無窮。不在於內。中間無住處。三際不可得。（見頓悟入道要門論下。）

三懺 詳懺悔條。

三止 梵語奢摩他。或云妙奢摩他。此云止。以寂靜爲義。（參看奢摩他條。）即天台體真止。（止於真諦。）梵語三摩鉢提。或云三摩波底。亦云三摩。此云等至。以銷幻爲義。即方便隨緣止。（止於俗諦。）梵語禪那。或名陀那演那。此云靜慮。以寂滅爲義。即息二邊分別止。（止於中道。）止者，止一切境界之相也。資中云。體無明顛倒。即是實相之真。名體真止。如此實相徧一切處。隨緣歷境。安心不動。名隨緣方便止。生死涅槃。靜散休息。名息二邊止。（分見名義集、參看二十五輪條。）

三諦 其一。三諦者。真、俗、中、也。幽溪云。忘情絕解。莫尚乎真。隨緣應用。莫尚乎俗。融通空有。莫尚乎中。虛靈不昧。吾心自空也。物來斯應。吾心自有也。空有相即。吾心自中也。（見生無生論。）荆溪云。夫三諦者。天然之性德也。中諦者統一切法。真諦者泯一切法。俗諦者立一切法。從義註云。一中一切中。無真無俗而不中。則三諦皆統理而絕待也。一真一切真。無中無俗而不真。則三諦俱忘泯而無相也。一俗一切俗。無中無真而不俗。則三諦並立而宛然也。（見始終心要。）其二。諦即審實之義。謂觀世間出世間一切諸法。不出空與色心。經云。我以三諦攝一切法。是也。一空諦。空即虛幻之義。謂諦審一切衆生及與世界等法。性相本空。虛假不實。是名空諦。二色諦。色即器界根身。謂諦審世間衆生色身及山河大地種種形相。乃至意識所緣一切境界。皆是色法。是名色諦。三心諦。心即八識王所。謂衆生根身。虛空世界。乃至善惡一切諸法。皆由此心出生。是名心諦。（見仁王經、三藏法數。參看色心條。）

三觀 梵語毘婆舍那。(參看毘鉢舍那條。)此云觀。三觀者。謂空、假、中、也。幽溪云。體達此心。空洞無物謂之空。照了此性。具足萬法謂之假。融通二邊。不一不異謂之中。(見生無生論。)荆溪云。空觀者。破見思惑。證一切智。成般若德。假觀者。破塵沙惑。證道種智。成解脫德。中觀者。破無明惑。證一切種智。成法身德。又云。真如界內。絕生佛之假名。平等慧中。無自他之形相。但以衆生妄想。不自證得。莫之能返也。由是立乎三觀。破乎三惑。證乎三智。成乎三德。從義註云。一念無相謂之空。無法不備謂之假。不一不異謂之中。(見始終心要、參看十宗之天台宗條。)

三惑 三惑、謂無明、塵沙、見思、之三惑也。荆溪云。無明翳乎法性。塵沙障乎化導。見思阻乎空寂。然茲三惑。乃體上之虛妄也。從義註云。無明者。不了法界。無所明也。塵沙者。譬無知之數多也。見思者。從解等立名也。應知三惑皆是性具。全體爲障。難可了知。(見始終心要。)興慈云。人天有見思惑。二乘有塵沙惑。菩薩有無明惑。(見二課合解。)

三智 梵語若那。秦言智。梵語薩婆若多。秦言一切智相。(見名義集。)三智者。其一。謂一切智。道種智。一切種智也。從義云。知一切法空寂一相。名一切智。知十法界諸種差異。爲道種智。知於二邊無非中道。名一切種智。(見始終心要。)大品云。薩婆若。是聲聞辟支佛智。道種智。是菩薩摩訶薩智。一切種智。是諸佛智。(見名義集。)其二。世間智。謂凡夫外道之智也。二出世間智。謂聲聞緣覺之智也。三出世間上上智。謂佛菩薩之智也。(見楞伽經。)其三。寶藏論云。智有三種。一曰真智。謂體解無物。本來寂靜。通達無涯。淨穢不二。二曰內智。謂自覺無明。割斷煩惱。心意寂靜。滅無有餘。三曰外智。謂分別根門。識了塵境。博鑒古今。皆通俗事。(見名義集。)

三德 其一。謂般若、解脫、法身、之三德也。從義云。照明爲般若。解縛名解脫。清淨名法身。皆具常樂我淨謂之德。(見始終心要。)金光明經玄義云。法身般若解脫是爲三。常樂我淨是爲德。無二生死爲常。不受二邊爲樂。具八自在爲我。(參看八自在條。)三業清淨爲淨。(見名義集。)其二。大定、大智、大悲、爲佛之三德。亦云三妙德。佛心澄明。謂爲大定。以澄明故。照一切法界。是曰大智。以照一切法界故。於苦衆生救濟心。是爲大悲。其三。智

、斷、恩、亦謂之三德。謂以大定斷一切之妄惑。是爲斷德。大智卽智德。大悲卽恩德也。（見禪宗正旨淺注。）又云。一恩德。謂如來乘大願力。救護衆生。猶如赤子。是爲恩德。二斷德。斷德亦名解脫。謂如來斷除一切煩惱惑業。淨盡無餘。是爲斷德。三智德。智卽智慧。謂如來以平等智慧。照了一切諸法。圓融無礙。是爲智德。（見華嚴經疏、三藏法教。）

三祇 具云三阿僧祇劫。馬鳴起信論云。菩薩種性根等。發心等。所證等。無有超過之法。以一切菩薩。皆經三阿僧祇劫故。龍樹智度論云。釋迦從過去迦文。（參看釋迦文條。）至尸棄佛。（參看闍那尸棄條。）爲初祇。從尸棄至燃燈佛授記時。爲二祇。從燃燈佛至毘婆尸佛。爲三祇。婆沙論云。三阿僧祇劫修六度行。百劫種相好因。然後獲五分法身。唯識云。謂地前歷一僧祇。初地滿二僧祇。八地至等覺是三僧祇。然後獲究竟法身。（見西方合論。）大論云。初阿僧祇中。心不自知我當作佛不作佛。二阿僧祇中。心雖能知我必作佛。而口不稱我當作佛。三阿僧祇中。了知得佛。口自發言。無所畏難。我於來世。當得作佛。從過去釋迦文佛。到闍那尸棄佛。爲初阿僧祇。是中菩薩。永離女人身。從闍那尸棄佛。至燃燈佛。爲二阿僧祇。是時菩薩。七枝青蓮華。供養燃燈佛。敷鹿皮衣。布髮掩泥。便授其記。汝當作佛。名釋迦牟尼。從燃燈佛。至毘婆尸。爲三僧祇。過三僧祇。種三十二相業。（見名義集。）天台云。言三阿僧祇劫者。且約釋迦脩菩薩道時。論分限者。從古釋迦至尸棄佛。值七萬五千佛。名初阿僧。從此常離女身。及四惡趣。常脩六度。然自不知當作佛。若望聲聞位。（參看聲聞位條。）卽五停心、總別念處。外凡位。次從尸棄佛至燃燈佛。值七萬六千佛。名第二阿僧祇。此時用七莖蓮華供養。布髮掩泥。得受記莚。號釋迦文。爾時自知作佛。口未能說。若望聲聞位。卽煖位。次從燃燈佛至毗婆尸佛。值七萬七千佛。名第三阿僧祇滿。此時自知。亦向人說。必當作佛。自他不疑。若望聲聞位。卽頂位。經如許時。修六度竟。更住百劫。種相好因。脩百福成一相。（見四教儀。）灌頂云。從初值釋迦牟尼至闍那尸棄。名初僧祇。從此常離女身。亦不自知當作佛。卽是外凡五停心總別念位。從尸棄至燃燈佛。用七莖蓮華供養。布髮掩泥。受然燈記。當得作佛。號釋迦文。爾時自知。口亦未說。名二僧祇。此是煖法。修事六度。次從燃燈至毗婆尸佛。爲第三僧祇。亦知亦說。此是頂法之位。修行六度。若過三祇百劫。種福三十二相。百福成一相。福義多途。難可定判。於南洲男身佛出世時。緣佛身相故得種也。（見天台八教大意。）

三福 觀經云。欲生彼國者。當修三福。一者孝養父母。奉事師長。慈心不殺。修十善業。二者受持三歸。具足衆戒。不犯威儀。三者發菩提心。深信因果。讀誦大乘。勸進行者。如此三事。名爲淨業。（見觀無量壽佛經。）

三食 一者上根大士。深山絕世。菜根草果。隨得資身。二者常乞食。三者檀越送食。僧中淨食。（見四教儀。）

三覺 其一。謂自覺、覺他、覺行圓滿也。（詳三寶條。）其二。謂本覺、始覺、究竟覺也。（見圓覺經疏、起信論、參看覺義條。）

三密 密即祕密。謂如來身口意三業。或現通。或說法。或思惟。皆非諸菩薩等之所思議。故名三密。一身密。二語密。三意密。（見大智度論。）密宗主旨。謂須三密相應。一身密。謂結印。二語密。謂誦咒。三意密。謂觀想。（見顯密圓通。）

三輪 佛身語意三業。皆極有自在功德。并有摧碎邪惡作用。故喻如輪。如來三輪不思議。謂身輪現通。口輪說法。意輪鑑機。能與衆生摧碾一切惑果。（見金光明經文句。）

三衣 三衣者。九條、七條、五條、袈裟之衣也。（參看法衣、袈裟、僧伽梨條。）

三目 涅槃經云。如摩醯首羅面上三目。章安涅槃疏云。摩醯首羅。居色界頂。統領大千。一面三目。三目一面。不可單言。一三縱橫。若並若列。能嚴天顏。作世界主。徹照三千。不縱不橫。嚴主照世。一切皆成。三德亦爾。縱橫並別。祕藏不成。不縱不橫。祕藏乃成。（見名義、參看三德祕藏條。）

三執 謂我執、法執、空執也。（見楞嚴經。）

三性 謂善性、惡性、無記性也。梵語陀摩。秦言善。梵語波卑夜。此云惡。唯識論五。於善不善。不可記別。故名無記。百法問答鈔三。無記性。於善不善。益損事中。無殊勝力用可記別。故名無記也。永嘉禪師云。無記者。雖不緣善惡等事。然俱非真心。但是昏住。（見名義集。）光宅云。常住佛果。有兩種無記。一知解無記。二果報無記。如棋書射御。闡提亦有。故非是善。佛地亦有。故非是惡。即是無記性也。（見涅槃經玄義。）

三境 詳識緣三境條。

三量 詳識量條。

三樂 一天樂。天者自然。樂勝身勝。故名爲天。修十善者。生於天上。而受種種殊勝妙樂。故名天樂。二禪樂。修行之人。入諸禪定。一心清淨。萬慮俱寂。自然得其禪悅之趣。故名禪樂。三涅槃樂。修行之人。既離生死之苦。得證涅槃之樂。經云。生滅滅已。寂滅爲樂。故名涅槃樂。（見大寶積經、三藏法數。）

三大 詳體相用條。

三力 眞言宗明三力。謂我功德力。佛加持力。法界無礙力。一切諸法。從因緣生。現身成就悉地。而廣二利之妙業者。三力不思議因緣相應之所致也。大日經云。以我功德力。如來加持力。及與法界力。周徧衆生界。我功德力者。行者自修之三密妙行。是卽行如來事。便是佛之境界。故具廣大之功德也。如來加持力者。本尊大悲護念之三密。從第一實際妙極之境所具業用。故具殊勝之威力也。法界力者。諸法本有融通無礙之德。是卽六大法爾瑜伽（瑜伽此云相應）之業用。故具難思之功力也。如是三力。冥合相應。則成不思議業也。譬如水清（我力）無障。（法界力）則水上昇。月不下降。而月影現。（如來力）感應之妙。亦復如是。（見眞言宗義章。）

三時 謂釋迦如來滅後。其教法住世。有此三時不同。一正法時。二像法時。三末法時。（詳法運。末法條。）

三結 謂身見結、戒取結、疑結。卽三界見惑也。衆生由此見惑結縛。不能出離生死。聲聞之人斷此惑盡。卽證初果。故名初果三結。身見結者。謂衆生於五陰等法中妄計爲身。強立主宰。恆起我見。是名身見結。戒取結者。謂外道之人。於非戒中謬以爲戒。取以進行。如雞狗戒等。是名戒取結。疑結者。謂迷心背理。而於正法猶豫不決。不能深信。是名疑結。（見名義集、三藏法數。）

三方佛 三方。謂東方、西方、此土也。三方佛。卽東方淨琉璃世界藥師瑠璃光佛。西方極樂世界阿彌陀佛。此土娑婆世界釋迦牟尼佛。藥師彌陀。均於此土接引衆生。助釋迦教化。故合供之。（見佛教問答。）

經云。文殊師利菩薩白佛言。惟願演說諸佛名號。及本昔所發殊勝大願。佛言東方過此十恆沙等佛土之外。有世界名淨瑠璃。彼土有佛。名藥師瑠璃光如來。本行菩薩行時。發十二大願。利樂一切有情。（見藥師如來本願功德經。）

三惡道 詳三塗條。(參看六道條。)

三世間 世間有三。一器世間。謂一切國土。二有情世間。謂一切衆生。三智正覺世間。謂一切聖人。(見華嚴經疏，顯密圓通。)大論明三種世間。一假名世間。(亦名衆生世間。)二五陰世間。(亦名五衆世間。)三國土世間。(見名義集，三藏法數。)

三妙德 詳三德條。

三供養 其一。一財供養。二法供養。三觀行供養。(見普賢行願疏。)其二。三業供養。一身業供養。二口業供養。

三意業供養。(見法華文句，三藏法數。)

三淨業 詳三福條。

三法印 釋論云。諸小乘經。若有無常無我涅槃三印。印定其說。卽是佛說。若無此三法印印之。卽是魔說。如世公文。得印可信。故名三法印。一無常印。謂世間生死及一切法。皆是無常。衆生不了。於無常法中執爲常想。是故佛說無常。破其執常之倒。是名無常印。二無我印。謂世間生死及一切法。皆是因緣和合而有。虛假不實。本無有我。衆生不了。於一切法強立主宰。執之爲我。是故佛說無我。破其著我之倒。是名無我印。三涅槃印。謂一切衆生。不知生死是苦。而更起惑造業。流轉三界。是故佛說涅槃之法。令其出離生死之苦。而得寂滅之樂。是名涅槃印。(見法華玄義，三藏法數。)

三論宗 詳十宗條。

三緣慈 梵語彌羅。此云慈。淨覺云。慈名愛念。觀音玄義云。以觀性德善。愛樂歡喜。起大慈心。欲與其樂。大經明慈有三種。一緣衆生。(生緣慈)觀一切衆生。如父母親想。二緣於法。(法緣慈)見一切法。皆從緣生。三者無緣。(無緣慈)不住法相及衆生相。(見名義集。)佛地論明三種緣慈。一有情緣慈。亦名衆生緣慈。謂菩薩以平等智。觀一切衆生。猶如赤子。運大慈心而弘濟之。令其皆得安樂。二法緣慈。謂菩薩以平等智。觀一切法皆從因緣和合而生。了無自性。雖無自性。而能運大慈心以弘濟之。令其皆得安樂。三無緣慈。謂菩薩以平等智。無心攀緣一切衆生。而

於一切衆生自然獲益。故輔行云。運此慈悲。徧覆法界。故能任運拔苦。自然與樂。（見三藏法數。）

三種悲 梵語迦樓那。此云悲。淨覺記云。悲曰感傷。觀音玄義云。以觀性德惡毒。惻愴憐愍。起大悲心。欲拔其苦。悲亦三種。名同三慈。（見名義集。）

三自性 唯識明三自性。一依他起自性。謂一切有爲緣生之法。皆依他衆緣和合而起。無自己體性。二徧計所執自性。謂不知依他緣生之法是幻。而周徧計度。執爲實有自體者。三圓成實自性。謂由依他起自性上除去徧計所執自性者。此自性乃圓滿成就而真實也。（見唯識論，顯揚聖教論。）

三無性 唯識明三無性。一相無性。謂依徧計所執分別假相是無。名爲相無自性性。二生無性。謂依他緣生之法自性是無。名爲生無自性性。三勝義無性。依圓成實是無徧計所執之義。爲勝義無自性性。（見唯識論。參看三自性條。）

三般若 梵語般若。華言智慧。此三般若體。是圓常大覺也。卽此一覺。有三種德。故名三般若。一實相般若。謂本覺之體。非寂非照。離虛妄相。名爲實相。卽一切種智也。二觀照般若。謂觀照之德。非照而照。了法無相。名爲觀照。卽一切智也。三方便般若。方便猶善巧也。謂方便之德。非寂而寂。善巧分別諸法。名爲方便。卽道種智也。（見金光明經玄義，三藏法數。）又云。實相般若。是一切種智。與諸佛同體。觀照般若。卽一切智。與諸佛同意。文字般若。卽道種智。與諸佛同事。（見涅槃經玄義，參看三智條。）

三解脫 解脫條。

三迦葉 迦葉氏。卽事火外道。優婁頻羅。姓也。佛欲化之。故往寓宿。迦葉辭無館舍。佛指龍堂。答云。龍性暴惡。恐害於仁。佛言無畏。卽攝衣自入中坐。至夜龍歸。見佛遂怒。放火燒佛。佛入火光三昧。屋宇洞然。龍竄無所。惟見佛鉢清涼。乃躍入其中。迦葉是夕見火熾然。謂其徒曰。彼沙門必受害矣。至旦。佛擎鉢出。示于迦葉。心旣稍伏。請佛少住供養。然未肯受法。佛現五百神變。方乃皈依。與徒二百五十人。一時剝落出家。障盡意解。成阿羅漢。所有祭火器。悉棄水中。有親弟二人。居於下流。一名迦耶。一名那提。亦事火龍。見流中祭器。奔來看省。見兄已成沙門。問其故。兄爲說法。亦與徒二百五十人投佛出家。皆證道果。（見釋迦如來成道記註。參看千二百五十人

，及各本條。）

三大乘 一理乘。謂理性虛通。自然荷運諸法。二隨乘。謂智隨理境。如蓋隨函。隨理荷運諸法。三得乘。得果得機也。謂得果故自解脫。得機故令他解脫。（見金光明經玄義。三藏法數。）

三摩地 亦云三摩提。此云等持。楞嚴經云。觀世音菩薩。由聞思修。入三摩地。（參看三慧條。）智論云。一切禪定攝心。皆名三摩提。秦言正心行處。是心從無始來。常曲不端。得是正心行處。心則端直。譬如蛇行常曲。入竹筒則直。翻等持者。謂離沉掉（沉卽昏掉，掉卽掉舉，謂動也。）曰等。令心住一境性曰持。（見名義集。）

三淨觀 經云。奢摩他至靜。三摩正憶持。禪那名數門。是名三淨觀，（詳圓覺經，參看二十五輪條。）

三昧印 或云入定印。以右手背壓左手心。右手大指指（音恰）左手大指。仰掌臍輪下。此印能滅一切狂亂妄念。（見誦經軌範。）

三淨肉 一不見殺。二不開殺。三不疑殺。如此三種。名爲淨肉。有病許食。反是名不淨肉。或言五淨。加自死肉。及鳥殘肉。楞伽梵網。並皆斷制。（見十誦律。名義集。）

三種報 一現報。謂現世作惡。現身卽受惡報。現世作善。現身卽受善報。是名現報。二生報。謂此生作善作惡。來生方受善惡之報。是名生報。三後報。謂或過去無量生中作善作惡。於此生中受善惡報。或在未來無量生中受善惡報。是名後報。（見慈悲水懺）經云。勿謂小罪以爲無殃。水滴雖微。漸盈大器。然或執自然之道。專非報應之說。蓋爲善而召禍。此亦多矣。爲惡以致福。斯不少焉。故佛名經云。行善者觸事輒（音坎）軻。行惡者是事諸偶。致使世間愚人。謂之善惡不分。如堯帝德化而值洪水。湯王善政而遭久亢。閔損行孝以家貧。顏回修仁而壽夭。遂謂貴賤自因命致。愚智盡由天賦。妍醜本出自然。貧富非是業感。乃曰誰尖荆棘畫禽獸。誰鑿江海與川源。暴風卒起還自止。萬物須知是自然。不省身和響順。奚曉影直形端。不了三種之報差殊。焉悟萬劫之行有異。故云。行惡得樂。爲惡未熟。至其惡熟。自見受苦。修善遇苦。爲善未熟。至其善熟。自見受樂。故大涅槃經明三種報。一順現報。明主孝慈訓世。則祥雲布。壽星現。仁君恩德及物。則醴泉湧。嘉苗秀。善既有徵。惡亦可驗。樵客指熊而臂落。酒客啖鵝（音炙）

以皮穿。二順生報。今世雖行善惡之因。次生方受苦樂之果。餅沙轉報於四天。有相改生於六欲。三順後報。因造今身。報終後世。伽吒七返而享餘慶。那律久劫以受遠福。此三種報。皆名定業。又涅槃云。未入我法。名決定業。若入我法。則不決定。小品云。菩薩行般若故。所有重罪。現世輕受。青龍疏云。不定有三。謂時定報不定。報定時不定。時報俱不定。此中所轉。是第二句。何者。由報定故。轉重令輕。由時不定故。墮惡道業。人間現受。其餘二句。一切都滅。是故釋氏指虛空世界。悉我中心。考善惡報應。皆我自業。則知三界循環。斯皆妄識。四生繫泊。並是惑心。故古德云。皆本一心而貫諸法也。（見名義集，參看業報條。）

三妄執 真言宗明三妄執。衆生色心。即祕密莊嚴之寶藏。衆生不能如實覺知者。由無始以來。麤，細，極細，之三種妄執所蔽故。第一。麤妄執者。人執品之惑也。第二。細妄執者。法執品之惑也。第三極細妄執者。無明品之惑也。（見真言宗義章。）

三輪身 真言宗明大日如來具三輪身。一自性輪身。端嚴寂靜之佛相。二正法輪身。柔和慈悲之菩薩相。三教令輪身。忿怒可畏之明王相。此三輪身。攝法佛萬德盡。（見真言宗義章。）

三摩耶 詳迦羅條。

三不定 詳三種報條。（參看業報條。）

三種色 其一。瑜伽論及五蘊論明三種色。一顯色。顯即明顯。色印質礙之色。謂青黃赤白。光影明暗。煙雲塵霧。虛空等色。明顯可見。故名顯色。二形色。形即形相。謂長短方圓，麤細高下。若正不正。皆有形相。故名形色。三表色。表，顯也。對也。謂行住坐臥，取捨屈伸。雖是所行之事。而有表對。顯然可見。故名表色。（見三藏法數。）開顯色爲十三。開形色爲十。開表色爲八。共爲三十一色。俱舍出無表色者。謂無所表彰也。涅槃出無作色者。謂無所作爲也。薩婆多出無教色者。謂無所教示也。（見名義集。）

其二。阿毘曇論明三種色。一者可見有對色。卽色塵一法。爲所可見。假極微所成。名爲有對。二者不可見有對色。謂眼等五根。此勝義根也。（眼等五根，有增上勝力，能照境發識，以成根用，故名勝義。）聲等四塵。此之九法。

非眼所見。皆假極微所成。三者不可見無對色。卽無表色也。（見名義集。）

其三。唯識宗明第八識變三種色。一唯麤非細。卽山河大地等。二亦麤亦細。內身浮塵色。對山河等色。卽細。比內身中五根。卽麤。三唯細非麤。卽內五根。此卽大乘勝義五根。以能造八法。不可見有對淨色而爲體性也。（見名義集。）

三種食 大論釋三種食。一受請食。二衆僧食。三常乞食。若前二食。起諸漏因緣。所以者何。受請食者。若得，作是念，我是福德好人。故得，若不得，則嫌恨請者，彼爲無所別識，不應請者請，應請者不請。或自鄙薄。懊惱自情。而生憂苦。是貪愛法。則能遮道。衆僧食者。入衆中當隨衆法斷事。料理僧事。處分作使。心則散亂。妨廢行道。有如是等亂事。故受常乞食法。（見名義集，參看乞食條。）

三種業 亦名三行。一福行。謂因修十善等福。報生欲界天上人間及阿修羅。享福受樂。故名福行。二罪行。謂因作五逆十惡等罪。報生畜生餓鬼地獄。責罪受苦。故名罪行。三無動行。謂修世間禪定。報生色界無色界天。心定不動。故名無動行。（見大智度論，正法念處經，三藏法數。）

三化身 一大化身千丈。謂如來爲應十地已前等諸菩薩演說妙法。令其進修向於佛果。故化現千丈之身也。二小化身丈六。謂如來謂應二乘凡夫之人說於四諦等法。令其捨妄歸真而得開悟。故化現丈六之身也。三隨類不定。謂如來誓願宏深。慈悲普覆。隨諸種類。有感卽應。或現大身滿虛空中。或現小身丈六八尺等。是也。（見觀佛三昧海經。）

三涅槃 詳涅槃條。

三十二相 一足平安相。二足下千輻輪相。三手指纖長相。四手足柔軟相。五手足縵網相。六足跟滿足相。七足踏高好相。八臚（股也）如鹿王相。九手過膝相。十馬陰藏相。十一身縱廣相。十二毛孔生青色相。十三身上麤相。十四身金色相。十五身光面各一丈相。十六皮膚細滑相。十七七處（謂兩足，兩手，兩肩，項中也。）平滿相。十八兩腋滿相。十九身如師子相。二十身端直相。二十一肩圓滿相。二十二四十齒相。二十三齒白齊密相。二十四牙白淨相。二十五頰車如師子相。二十六咽中津液得上味相。二十七廣長舌相。二十八梵音深遠相。二十九眼色如金睛相。三

十眼睫如牛王相。三十一眉間白毫相。三十二頂肉髻成相。(見般若經，法界次第。)

三科法門

三科法門者。陰入界也。陰是五陰。(亦曰五蘊。)色受想行識也。入是十二入。外六塵，色聲香味觸法

。內六門。(亦曰六根)眼耳鼻舌身意。是也。界是十八界。六塵，六門，六識，是也。(見六祖壇經，參看各本條。)

三輪體空

施者，受者，并所施之物，名三輪也。施者，反觀體空。本無一物。故云理空。受者，觀身無相。觀法

無名。身尚不有。物從何受。故曰受空。施受既空。彼此無妄。其物自空。故曰三輪體空。(見金剛經集註，能斷金

剛經論。)

三賢十聖

菩薩修行成佛。經歷四十一位。初三十位。爲十住，十行，十迴向。此三十位謂之三賢。以其尚未證真

。故曰賢。(若就別教而論。蓋諸位菩薩。但斷見思惑盡。尚有無明惑在。未入聖位。故名賢也。見三藏法數。)十

聖者。卽四十一位中之後十一位。已登佛地。最後一位爲等覺。造十地之極。與十地合爲一位。故祇稱十聖也。經云

。三賢十聖住果報。惟佛一人居淨土。(見仁王經。)

三耶三菩

詳三藐三佛陀條。

三聚淨戒

聚，集也。戒，禁戒也。此三種戒。能攝一切大乘諸戒。故名三聚淨戒。一攝律儀戒。二攝善法戒。三

饒益有情戒。亦云攝衆生戒。莊嚴論云。初律儀戒。以禁防爲體。後攝善攝生二戒。以勤勇爲體。(見法苑珠林，三

藏法數。)

三千威儀

纂要云。約二百五十戒。各有四威儀。合爲一千。循三世轉爲三千。將三千威儀。分配身口七支。(身

三。口四。)爲二萬一千。復約對治三毒(貪瞋癡)。及等分。成八萬四千。(見名義集。)又云。行住坐臥四威儀。各

二百五十戒。成一千。攝有情，攝善法，攝律儀。三聚。各一千。成三千。是名三千威儀。身口七支。各有三千。則

成二萬一千。貪瞋癡等分四煩惱。各具二萬一千。成八萬四千。楞嚴云。八萬細行者。舉大數耳。亦名八萬四千律儀

。(見二課合解。)(參看四煩惱條。)

三千性相

一念心起。具足百界。而其中卽含三千性相。所謂國土世間一千。山河大地日月星辰是也。五陰世間一

千。染淨一切色心是也。衆生世間一千。四聖六凡假實是也。一念心起。三千性相一時起。一念心滅。三千性相一時滅。念外無一毫法可得。法外無刹那念可得。一念之間。具足諸法。刹刹塵塵。無餘無欠。繁興大用。橫徧豎窮。卽俗諦理也。(見始終心要解略鈔，參看三世間條。)

三種發心

梵語浮曇末。此云至誠。觀經云。若有衆生願生彼國者。發三種心。卽便往生。何等爲三。一者至誠心。二者深心。三者回向發願心。具三心者。必生彼國。起信論云。信成就發心者。略說有三種。一者直心。正念真如法故。二者深心。樂集一切諸善行故。三者大悲心。欲拔一切衆生苦故。疏釋至誠心云。卽實行衆生。至之言專。誠之言實。易注曰。存其誠實。故曰至誠。釋深心云。佛果高深。發心求往。故云深心。亦從深理生。亦從厚樂善根生。妙宗云。今初至誠。疏以專實釋之。非念真如。豈名專實。解於深心。疏雖三義。而不相捨。求高深果。須契深理。善契深理。須厚樂善根。此乃立行依理求果也。不出彼論樂集一切諸善行也。經回向發願心。義當彼論大悲拔苦。(見名義集。)

三曼跋陀

或郊輸跋陀。(詳普賢條。)

三千諸佛

佛名經云。三千諸佛。因禮五十三佛。滅除積習。得成正覺。藥王藥上二菩薩經云。爾時釋迦牟尼佛。告大衆言。我曾往昔無數劫。於妙光佛末法中。出家修道。聞是五十三佛名。歡喜合掌。教他開持。他人聞已。復行轉教。如是展轉相教。至三千人異口同音稱五十三佛名。復一心敬禮。以是因緣功德。卽超無數劫生死之罪。卽成過去劫千佛。現在劫千佛。未來劫千佛。是也。三千諸佛者。過去名莊嚴劫。始自華光佛終至毗舍浮佛。共一千佛。現在名賢劫。始自拘留孫佛終至樓至佛。共一千佛。未來名星宿劫。始自日光佛終至須彌相佛。共一千佛。(見二課合解。參看七佛，千佛，韋馱，莊嚴劫條。)

三德六味

食有三德。一輕輒。二淨潔。三如法。味有六種。謂苦，酸，甘，辛，鹹，淡，是也。(見名義集。)涅槃經云。諸優婆塞爲供佛及僧辦諸食具。種種備足。皆是旃檀沉水香薪八功德水之所成熟。其食甘美。有三德焉。(見三藏法數。)

三獸渡河

梵語舍舍迦。此云兔。梵語阿溼婆。此云馬。梵語伽耶，或那伽，或那先。此云象。（見名義集。）三獸喻三乘。河喻空理。謂通教聲聞緣覺菩薩。同出三界。取證空理。而根器有大小。行位有淺深。如象馬兔同共渡河。而有淺深之異。故以此爲喻也。（見四教儀，三藏法數。）經云，世有三獸。一兔。二馬。三白象。兔之渡水。趣自渡耳。馬雖差猛。猶故不知水之淺深。白象之渡。盡其源底。聲聞緣覺。其猶兔馬。雖渡生死。不達法本。菩薩大乘。譬如白象。解暢三界十二緣起。了知本無。救護一切。莫不蒙濟。菩薩從兜率天。乘六牙白象。騰虛而來。入神母胎。此卽釋迦降胎之朕兆也。（見普曜經。）

三德祕藏

金光明玄義云。法身般若解脫是爲三。常樂我淨是爲德。無二生死爲常。不受二邊爲樂。具八自在爲我。三業清淨爲淨。涅槃經哀歎品曰。云何名爲祕密之藏。猶如：（音伊）字三點若並。則不成伊。縱亦不成。如摩醯首羅面上三目。乃得成伊。三點若別。亦不成伊。我亦如是。解脫之法。亦非涅槃。如來之身。亦非涅槃。摩訶般若。亦非涅槃。三法各異。亦非涅槃。我今安住如是三法。爲衆生故。名入涅槃。（見名義集。參看三目，如來藏，不可思議條。）

三句五轉

真言宗明三句五轉。謂凡真言行者。發心趣入之相。總言之不出三句五轉之法門。三句者。菩提心爲因。大悲爲根本。方便爲究竟。五轉者。因，行，證，入，方便。是也。（見真言宗義章。）

三密妙行

真言宗明三密妙行。一手結契印。二口誦真言。三心住本尊三昧。是謂三密妙法。如法精修。頓開生佛一如之知見。不捨父母所生身。速證大覺之位。良由契印印法身之體。真言卽法身之言相。妙觀卽法身之心德。即時行者有漏之三業。爲如來清淨三密之所加持。故本尊之三密。與行者之三密。入我我入。爲真言最要之行法。（無始之隔執自蕩。而頓成生佛如如之妙體。是卽甚深不思議之加持力所致也。（見真言宗義章。參看般舟，三密條。）

三陀羅尼

其一。大論明三陀羅尼。一，聞持陀羅尼。得此陀羅尼者。一切語言諸法。耳所聞者。皆不忘失。卽是名持。二，分別知陀羅尼。得是陀羅尼諸衆生。諸法大小好醜。分別悉知。故分別陀羅尼。卽是義持。三，入音聲陀羅尼。得此陀羅尼者。聞一切語言音聲。不喜不瞋。一切衆生如恒沙等劫壽。惡言罵詈。心不憎恨。一切衆生如恒沙等

。以讚歎供養。其心不動。不喜不著。是爲入音聲陀羅尼。卽是行持也。其二。法華明三陀羅尼。一。旋陀羅尼。二。百千萬億旋陀羅尼。三。法音方便陀羅尼。淨名疏釋云。旋者。轉也。轉假入空。得證眞諦。百千萬億者。卽是從空入假。旋轉分別。破塵沙惑。顯出恆沙佛法。法音方便者。卽是二觀方便。得入中道。(見名義集。)

三解脫門

解脫卽自在之義。門卽能通之義。謂由此三解脫門。則能通至涅槃。故名三解脫門。一空解脫門。謂觀一切法。皆從因緣和合而生。自性本空。無我我所。若能如是通達。則於諸法而得自在。故名空解脫門。二無相解脫門。謂既知一切法空故。觀男女一異等相。實不可得。若能如是通達諸法無相。卽得自在。故名無相解脫門。三無作解脫門。無作又云無願。謂若一切法無相。則於三界無所願求。若無願求。則不造作生死之業。若無生死之業。則無果報之苦。而得自在。故名無作解脫門。(見法界次第。三藏法數。)經云。空卽無相。無相卽無作。若空無相無作。則無心意識。於一解脫門。卽是三解脫門。(見維摩經。)(參看解脫條。)

三因佛性

一正因佛性。正謂中正。謂中必雙照。三諦具足。名正因佛性。二了因佛性。了謂照了。謂由正因。發此照了之智。智與理相應。故名了因佛性。三緣因佛性。緣卽緣助。謂一切功德善根。資助了因。開發正因之性。故名緣因佛性。(見金光明經玄義。三藏法數。)

三細六麤

三細者。謂業相。轉相(亦名見相)。現相(亦名境界相。)也。六麤者。謂智相。相續相。執取相。計名字相。起業相。業繫苦相。是也。石壁法師釋夢喻有云。如身一人。(真如一心)忽然睡著。(不覺無明忽起)作夢。(最初業識相)見(轉識相)種種事。(現識相)起心分別。(六麤初智相)念念無間。(相續相)於其違順。深生取著。(執取相)爲善爲惡。是親是疏。(計名字相)於善於親。則種種惠利。於惡於疏。則種種凌損。(起業相)或有報恩受樂。或有報怨受苦。(業繫苦相)忽然覺來。上事都遣。(覺唯心故佛如夢覺如蓮華開)。起信論云。以依阿梨耶說有無明。不覺而起(業識相)能見。(轉識相)能現。(現識相)能取境界。起念相續。故說爲意。此明無明爲緣生三細。號無明惑。境界爲緣生六麤。名見思惑。無明是根本惑。障中道理。當修中觀破此別惑。見思是枝末惑。障眞諦理。當修空觀破此通惑。通別之惑若亡。眞中之理自顯。(分見名義集。參看阿黎耶條。)

三種光明 一外光明。謂日，月，星光。及火，珠，燈，炬等光。皆能破除昏暗。是名外光明。二法光明。謂隨其所聞之法。觀察修習。皆依法則。因此明心見性。破除愚癡之暗。顯發本覺妙明。是名法光明。三身光明。謂諸佛菩薩二乘及諸天等。身皆有光。亦能破暗。是名身光明。（見瑜珈師地論，三藏法數。）

三隨煩惱 一小隨煩惱。謂忿恨覆惱嫉慳誑諸惱害十種。各別而起。行位局故。是名小隨煩惱。二中隨煩惱。謂無慚無愧二種俱生。非各別起行。通前之忿恨覆惱等。唯徧在不善法中。是名中隨煩惱。三大隨煩惱。謂掉舉，昏沉，不信，懈怠，放逸，散亂，不正，失念，八種。得俱生故。不可名小。染皆徧故。不得名中。二義既殊。故名大隨煩惱。（見華嚴經疏鈔，三藏法數，參看心所六位條。）

三藏法數 三藏法數五十卷。明永樂中。一如法師等奉勅編纂也。一如法師。會稽人。天姿聰穎。勤學問。強記覽。大小教部之文。一目成誦。若宿習然。出家杭州上天竺講寺。為高僧具菴法師之弟子。得師之正傳。博通教義。講說閑熟。善講法華經。著有法華經科注。永樂間。詔修大藏。命法師總其事。後為僧錄司右闡教。洪熙元年。三月圓寂。仁宗賜祭葬焉。（見本書重刻序。）

三十四心 具云真無漏三十四心。見道八忍八智。名十六心。修道約三界九地。各有一無礙，一解脫。名十八心。見修合論。共成三十四心。此之定慧。並從無始本具無漏種子所發現行。由此現行。能證真諦我空真如。故云發真無漏三十四心也。三大阿僧劫所修福智為增上緣。無始法爾無漏種子為親因緣。故得頓發頓斷頓證。然約所斷惑品。故分三十四心。若約能斷能證。唯是無漏定慧而已。所證祇是我空真如。亦名擇滅無為。無為真如。不墮諸數。以無為法而有差別。故名三十四心。復分漸頓種種不同。（見教觀釋義。）又云。大乘佛果者。謂此人根性大利。從初發心。緣四諦境。發四弘誓。即名菩薩。修行六度。初阿僧祇劫。事行雖強。理觀尚弱。准望聲聞。在外凡位。第二阿僧祇劫。諦解漸明。在煖位。第三阿僧祇劫。諦解轉明。在頂位。六度既滿。更住百劫修相好因。在下忍位。次入補處。生兒率天。乃至入胎，出胎，出家，降魔，安坐不動時。是中忍位。次一剎那。入上忍。次一剎那。入世第一。發真無漏三十四心。頓斷見思正習無餘。坐木菩提樹下。以生草為座。成劣應身。受梵王請。三轉法輪。度三根性。緣盡

入滅。與阿羅漢辟支佛。究竟同證偏真法性。無復身智依正可得。（見教觀綱宗。參看聲聞位條。）又云。發真無漏三十四心。頓斷見思習氣。坐本菩提樹下。生草爲座。成劣應丈六身佛。受梵王請。三轉法輪。度三根性。住世八十年。現老比丘相。薪盡火滅。入無餘涅槃者。卽三藏佛果也。（見四教儀，參看見思惑條。）

三十六物 三十六物者。外相十二。謂髮，毛，爪，齒，眵，淚，涎，唾，尿，垢，汗也。身器十二。謂皮，膚，血，肉，筋，脈，骨，髓，肪，膏，腦，膜也。內含十二。謂肝，膽，腸，胃，脾，腎，心，肺，生藏，熟藏，赤痰，白痰也。（見華嚴疏鈔，三藏法數。）

三善知識 知識者。聞名欽德曰知。觀形敬奉曰識。謂修行之人。欲得道果。必由教授知識以訓誨。同行知識以策勵。外護知識以資養。三者俱備。方能成就其功。故名善知識。一教授善知識。宣傳聖言曰教。訓誨於我曰授。卽教授之師也。謂其人內外方便。通塞障礙。皆能決了。是名教授善知識。二同行善知識。謂修觀行之人。互相策發。切磋琢磨。併心齊志。如乘一船。故名同行善知識。三外護善知識。護猶助也。謂管理所須。以助修行之人。或有外侮而能扞禦。故名外護善知識。（見止觀，三藏法數。）

三十三天 詳釋提桓因條。

三藐三佛陀 亦云三耶三善。秦言正徧知。大論云。是言正徧知一切法。什師言正徧覺也。法無差別故言正。智無不周故言徧。出生死夢故言覺。（見名義集。）

三十七道品 謂四念處，四正勤，四如意足，五根，五力，七覺分，八正道。已上諸法。總爲三十七品也。（見法界次第，參看各本條。）

三千大千世界 須彌山爲中心。七山八海交互繞之。更以鐵圍山爲外郭。是曰一小世界。（參看一四天下條。）合此小界一千。爲小千世界。合此小千世界一千。爲中千世界。合此中千世界一千。爲大千世界。大千世界之上有三千者。示此大千世界。成自小千中千大千三種之千也。內容卽一大千世界。以此一大千世界統爲一佛之化境也。（見智度論。）俱舍云。四大洲日月。須彌盧欲天。梵世各一千。此名小千界。此小千千倍。說名一中千。此千倍大千。皆同

一成壞。(見名義集。)

千佛 正法念經云。昔有國王。有二夫人。第一夫人生一子。欲試當來成佛之次第。故俱留孫探得第一籌。釋迦當第四籌。乃至樓至當千籌。第二夫人生二子。一願爲梵王。請千兄轉法輪。次願爲密迹金剛神。(應法師云。梵語散那。譯云密主。知佛三密功德故也。梵本都無迹義。以示迹爲神。譯者義立。故云密迹。)護千兄教法。世傳樓至化身。非也。乃法意王子。據經唯一人。令狀於伽藍之門。而爲二像。夫應變無方。多亦無咎。出索隱記(見名義集。)

(維摩經云。過去無量阿僧祇劫。有世界。名大莊嚴。劫名莊嚴。佛壽二十小劫。是時有轉輪聖王。名曰寶蓋。七寶具足。主四天下。王有千子。端正勇健。能伏怨敵。又云。時王寶蓋。豈異人乎。今現得佛。號寶燄如來。其王千子。卽賢劫中千佛是也。從迦羅鳩孫馱爲始得佛。最後如來。號曰樓至。(見維摩經法供養品。參看韋馱，七佛，莊嚴劫，三千諸佛條。)

千輻輪相 輻卽車輪中之輻。謂如來足下轂網輪紋。衆相圓滿。有如千輻輪也。(見法界次第。)

千二百五十人 謂耶舍長者子朋黨五十人。優樓頻螺迦葉(文句翻云木瓜林。近此林居故。孤山云。此云木瓜癯。胸前有癯如木瓜故。又云禱此林神而生。故得名也。見名義集。)師徒五百人，那提迦葉(那提翻河。以其居止近於此河故。毘婆尸佛時。三人共樹刹柱。以是因緣感報。遂爲兄弟。名三迦葉。見法華文句。)師徒二百五十人。伽耶迦葉(孤山云。伽耶，山名。卽象頭山也。文句翻城。近此山故。家在王舍城南七由旬。見名義集。)師徒二百五十人。舍利弗師徒一百人。大目犍連師徒一百人。此千二百五十人。並先事外道。勤苦累劫而無所證。承佛化導。卽得證果。於是感佛之恩。一一法會。常隨不捨。故諸經首列衆。皆云千二百五十人俱者。以此也。(見因果經。三藏法數。)

大梵 具云梵迦夷。經音義云。此云淨身。初禪梵天。淨名疏云。梵是西音。此云離欲。或云淨行。法華疏云。除地下繫。上升色界。故名離欲。亦稱高淨。淨名疏云。梵王是娑婆世界主。住初禪中間。卽中間禪也。在初禪二禪兩楹之中。毗曇云。二禪以上。無言語法故。不立王法。瓔珞經云。禪禪皆有梵王。今謂但加修無量心。報勝爲王。無統御也。初禪有覺觀言語。則有主領。故作世主。證真云。劫初成時。梵王先生。獨住一劫。未有梵侶。後起念云

諸有情。來生此處。作是念已。梵子卽生。外道不測。便執梵王是常。梵子無常。頌釋云。大梵得中間禪。爲世界主。劫初先生。劫盡後沒。威德旣勝。褒美稱大。(分見名義集，參看二十八天條。)

大乘 詳摩訶衍條。

大海 海以深廣爲名。以喻如來智海。深廣無涯。故經中以大海十相。喻十地菩薩修行。而得入於佛之智海也。(見

三藏法數。)新華嚴經云。譬如大海。以十種相。得大海名。不可移奪。一次第漸深。二不受死屍。三餘水入中，皆失本名。四普同一味。五無量珍寶。六無能至底。七廣大無量。八大身所居。九潮不過限。十普受大雨，無有盈溢。

(見名義集。參看十地，鹹海條。)

大劫 大劫者。總成住壞空四中劫，爲一大劫也。一中劫有二十小劫。卽世界經所謂二十小劫壞。次經二十小劫壞已

空。次經二十小劫起成。次經二十小劫起成已住。言天地之一成一毀也。法苑珠林。釋氏以八十小劫爲一大劫。大劫五喻。一草木喻。謂大千世界。草木皆寸斬爲籌。人間百年。但取一籌。取盡此籌。乃爲一劫。二沙細喻。謂旃伽河。廣四十里。滿中沙細如麵。人間百年。但取一粒。取盡此沙。乃爲一劫。三芥子喻。謂有城四方。而各百里。其中滿堆芥子。人間百年。但取一粒。取盡此芥。乃爲一劫。四碎塵喻。謂以大千世界。碎爲微塵。人間百年。但取一塵。取盡此塵。乃爲一劫。五拂石喻。謂一石廣二由旬。厚半由旬。兜率天一百年。以六銖衣拂一徧。拂盡此石。乃爲一劫。(見大藏一覽。參看劫波，一小劫，莊嚴劫條。)

大勢至 菩薩名。梵語摩訶那鉢。此云大勢至。思益經云。我投足之處。震動三千大千世界及魔宮殿。故名大勢至。

觀經云。以智慧光普照一切。令離三塗。得無上力。是故號此菩薩名大勢至。(見名義集。)

大千世界 詳三千大千世界條。)

大乘起信論 梵語摩訶衍。此云大乘。(參看摩訶衍條。)是論爲西天竺馬鳴菩薩所造。佛滅度後。五百餘年。有馬

鳴菩薩。出興於世。時稱四日。(參看童受條。)道王五天。(五天竺。轉不退輪。建無生忍。銘總持之智印。宅畢竟之真空。受波奢(波濕縛，富那夜奢，參看七佛三十三祖條。)付囑。蒙釋尊遠記。善說法要。大啓迷津。欲使羣生

植不壞之信根。下難思之佛種。故造此論。此論東傳。總經二譯。初本卽西印度三藏法師波羅末陀。此譯真諦。(或云拘蘭難陀。或拘那羅陀。參看波羅末陀條。)以梁武帝承聖三年。歲次癸酉。九月十日。於衡州始興郡建興寺。共揚州沙門智愷所譯。次本卽于闐國三藏法師實叉難陀。賈梵文至此。(參看實叉難陀條。)又於西京慈恩寺塔內。獲舊梵本。與義學沙門荊州弘景，崇福法藏等。以大周聖歷三年。歲次癸亥。十月壬午朔八日己丑。於授記寺。與華嚴經相次而譯。沙門復禮筆受。開爲兩卷。然與舊翻時有出沒。蓋譯者之意。又梵文非一也。(節錄新譯大乘起信論序。參看馬鳴條。)

小乘 詳二乘條。

小劫 詳一小劫條。

小山 梵語勢羅。西域記，唐言山。鄔波世羅。翻爲小山。廣雅云。山，產也。能產萬物。高者名岳。小者名丘。(見名義集。)

小教 一名小乘教。(詳五教條。)

小長牀 梵語佉囑羅。此云小長牀。(見名義集。)

小瞿曇 詳瞿曇條

小三災 詳三災條。

小乘九部 詳九部條

小千世界 詳三千大千世界條。

小乘四倒 詳四顛倒條

上座 梵語悉替那。此云上座。五分律。佛言，上更無人名上座。唐道宣律師勅爲西明寺上座。列寺主維那之上。毘

尼母云。從無夏至九夏是下座。自十夏至十九夏是中座。自二十夏至四十夏是上座。五十夏已上。一切沙門之所尊敬。名著宿。毘婆沙論云。有三上座。一生年上座。卽尊長者具舊戒。名真生故。二世俗上座。卽知法富貴。大財大位

。大族大力。大眷屬。雖年二十。皆應和合。推爲上座。三法性上座。卽阿羅漢。（見名義集。）上座者。謂戒臘在前。道德開達之比丘也。（見三藏法數。）

上伎戲

梵語那羅。此云上伎戲。謂種種變現之戲也。（見法華經，名義集。）

上茅宮城

梵語矩奢羯羅補羅城。西域記云。唐言上茅宮城。多出勝上吉祥香茅。摩竭陀國之正中。古先君王之所都。（見名義集。）

上方世界

此界非非想天之上。復有上界風輪金輪及三界等。重重無盡也。（見彌陀要解。）

下口食

詳四邪命條。

下方世界

此界水輪金輪（卽地輪）風輪之下。復有下界非非想天等，乃至重重無盡也。（見彌陀要解。）

乞食

梵語分衛。善見論云。此云乞食。僧祇律云。乞食分施僧尼。衛護令修道業。故云分衛。是則論從梵語。律謂華言。兩說未詳。應法師云。訛略。正言僭茶波多。此云團墮。謂食墮在鉢中也。或云僭茶夜。此云團。團者食團。謂行乞食也。輔行云。諸律論文。乞食之法。不一處足。爲福他故。令至七家。肇法師云。乞食有四意。一爲福利羣

生。二爲折伏憍慢。三爲知身有苦。四爲除去滯著。寶雨經云。乞食成就十法。一爲攝受諸有情。二爲次第。三爲不疲厭。四爲知足。五爲分布。六爲不耽嗜。七爲知量。八爲善品現前。九爲善根圓滿。十爲離我執。寶雲經明乞食四分。一分奉同梵行者。一與窮乞人。一與諸鬼神。一分自食。輔行云。昔有長者。名曰鳩留。（智士國爲鳩留。見佛爾雅。）不信因果。與五百俱行。遠見叢樹。想是居家。到彼唯見樹神。作禮已。說已飢渴。神卽攀手五指。自然出於飲食。甘美難言。食訖大哭。神問其故。答曰。有五百伴。亦大飢渴。神令呼來。如前與食。衆人皆飽。長者問曰。何福所致。答曰。我本迦葉佛時。極貧。於城門外磨鏡。每有沙門乞食。常以此指。示分衛處。及佛精舍。如是非一。壽終生此。長者大悟。日飯八千僧。淘米汁流出城外。可以乘船。（見名義集。）

乞食遮五處

謂比丘乞食。此之五處。當避嫌疑。不可往也。一唱令家。謂歌唱曲令。但取歡娛。能亂禪定。此處不可往也。二淫女家。謂行止不潔。聲名不正。色欲因緣。障道根本。此處不可往也。三酤酒家。謂酒是起罪因緣。

能生過失。此處不可往也。四王宮。王宮者。貴戚之處。嚴禁之所。非可干冒。此處不可往也。五旃陀羅。華言屠者。謂屠者之家。殺心盛大。惱害衆生。見者傷慈。壞善根本。此處不可往也。（見顯揚聖教論，三藏法數。）

尸羅 此云清涼。謂離熱惱得清涼故。大論云。秦言性善。好行善道。不自放逸。是名尸羅。經音義云。此義譯也。

正翻止得。謂止惡得善也。又古師翻戒。戒以防止爲義。能防惡律儀無作之非。止三業所起之惡。故名防止。大論曰。云何爲戒。若惡止不更作。若心生。若口言。若從他受。息身口惡。是爲戒。經音義，梵云三婆羅。此云禁戒。戒疏云。戒，義訓警也。警策三業。遠離緣非。明其因也。優婆塞戒經云。戒者名制。能制一切不善法故。又戒是約義，訓義，勒義。（見名義集）論云。所謂在家菩薩。當離殺生偷盜邪淫妄言兩舌惡口綺語慳貪瞋嫉詭誑邪見。若出家者。爲欲折伏諸煩惱故。應離憤鬧。常依寂靜。修習止足頭陀等行。乃至小罪。心生大怖。慚愧悔責。護持如來所制禁戒。不令見者有所譏嫌。能使衆生捨惡修善。（見唐譯起信論。）

尸棄 其一。佛名。亦名式棄。大論翻火。依佛名經過三十劫（見名義集。）又云持髻。謂無分智最爲尊上。處於心頂也。過毘婆尸佛三十劫後而成正覺。（見三藏法數）經云。人壽七萬歲時。此佛出世。種刹利。姓拘利若。父明相。母光曜。居光相城。坐分陀利樹下。說法三會。度人二十五萬。神足二。一名阿毘浮。二名婆婆。侍者忍行。子無量。（見長阿含經。）偈曰。起諸善法本自幻。造諸惡業亦是幻。身如聚沫心如風。幻出無根無實性。（見指月錄。一）其二。梵王名。大論云。秦言火。或翻火首。法華疏云。外國喚火爲樹提尸棄。此王本修火定。破欲界惑。從德立名。肇曰。尸棄。梵王名。秦言頂髻。（見名義集。）

尸陀 詳寒林條。

尸羅跋陀羅 詳戒賢條。

尸利密多羅 此云吉友。西域太子。以國讓弟。遂爲沙門。天姿高朗。風神俊邁。儀貌卓然。出於物表。晉元帝世

。來遊建康。王公雅重。世號高座法師。譯灌頂等經。（見名義集。）

尸毗王代鵠 住古過去多劫以前。有一國王。名曰尸毗。慈心廣大。普利衆生。修行六波羅蜜。初度將圓。時天帝

釋。姓橋尸迦。特來試驗。告天帝子曰。汝可化一小鴿。我當化作大鷹。汝在前逃。我隨後追。汝宜竄入王之脅下。驚惶戰慄。試驗王之意思若何。說畢。隨化。如上逃入。鷹立於王前大樹之上。謂王曰。還我鴿來。王曰。我以慈心行布施度。今鴿來投我。不能不救也。鷹曰。王既救鴿。甯不救我。王奪我鴿。使我餓死。於心何忍。王曰。我甯將已之身肉代鴿。終不以鴿還汝也。鷹曰。可將肉來。爲我止饑。王乃將身肉割一大塊與之。鷹曰。宜用秤平。幸勿欺我。於是一頭掛鴿。一頭懸肉。鴿重肉輕。又割一塊。以天神力。令鴿身重。其王肉將盡。又不勝鴿。王以全身懸在秤上。纔方兩平。帝鷹喜曰。王何苦也。爲救小鴿。捨王全身。不亦悔乎。王曰。我爲波羅蜜。何悔之有。鷹曰。誰能信王。王發誓曰。我若能證波羅蜜。令我此身。還復如故。誓已。卽復。(見賢愚因緣經。)唐飛錫禪師云。尸毘救鴿。上稱方平。王禽異。保命一也。(見寶王論)

丈夫 梵語連沙。或富樓沙。正言富盧沙。此云丈夫。大戴禮云。丈夫者，長也。夫者，扶也。言長制萬物。以道扶接也。涅槃云。是大乘典。有丈夫相。所謂佛性。若人不知是佛性者。則無男相。皆名女人。(見名義集。參看調御丈夫條。)

凡小八倒 詳四顛倒條

凡聖同居 淨名疏云。染卽是凡。淨卽是聖。如疏文云。凡聖各二。凡居二者。一惡衆生。卽四趣也。二善衆生。

卽人天也。聖居二者。一實，二權。實者。四果及支佛，通教六地，別十住，圓十信。通惑雖斷。報身猶在。二權聖者。方便有餘三乘。受偏眞法性。爲利有緣。願生同居。若實報及寂光。法身菩薩及妙覺佛。爲利有緣。應生同居。皆是權也。此等聖人。與凡共住。故名凡聖同居。(見名義集。參看極樂四土條。)

于闐 正云瞿薩怛那。或瞿沙怛那。西域記云。唐言地乳。王未有胤。禱毘沙門像。額上剖出嬰兒。不飲人乳。神前之地。忽然隆起。其狀如乳。神童飲吮。遂至成立。卽其俗之雅言也。俗語謂之渙那國。匈奴謂之于遁。諸胡謂之谿旦。印度謂之屈丹。舊曰于闐。訛也。(見名義集。)

土圭 詳迦毘羅條。

三畫 丈 凡 于 土

四畫

五蘊 梵語塞健陀。此云蘊。蘊謂積聚。古翻陰。陰乃蓋覆。積聚有爲。蓋覆真性。五蘊者。色，受，想，行，識，也。亦曰五陰。（見名義集。）色即質礙之義。有相爲色。領納之受。取像曰想。遷流爲行。分別爲識。色既有相。因色而有六根之領受。六根領受於心。而生思量擬度之想。懸想六塵。而生運用施爲之行。行動遷流。而生分別精粗美惡之識。色受想行識。五者相因也。色有壞時。而受想行識。終歸虛妄。（見心經註。）仁王經云。不可說識。生諸有情色心二法。色名色蘊。心名四蘊。皆精聚性。隱覆真實。此以色受想行識。名爲五蘊也。音義指歸云。漢來翻經爲陰。至晉僧叡改爲衆。（參看五衆條。）至唐三藏改爲蘊。（見名義集。並見大乘廣五蘊論。）

五陰 詳五蘊條。

五濁 一衆生濁。謂人多弊惡。不識義理。二見濁。謂不奉正道。邪法轉生。三煩惱濁。謂貪於愛欲。鬥諍虛誑。四命濁。謂今世壽短。人極百年。五劫濁。謂饑饉，疾疫，刀兵，三劫。相繼而起。（見法苑珠林。）又云。吾人處劫濁中。決定爲時所囿。爲苦所逼。處見濁中。決定爲邪智所纏。邪師所惑。處煩惱濁中。決定爲貪欲所陷。惡業所螫。處衆生濁中。決定安於臭穢，而不能洞覺。甘於劣弱。而不能奮發。處命濁中。決定爲無常所吞。石火電光。措手不及。（見彌陀要解。）

五眼 梵語硃芻。卽眼也。瑜伽云。屢觀衆色。觀而復捨。故名爲眼。是照燭義。楞嚴云。眼如蒲桃朶。或云。眼如秋泉池。眼有五種。一肉眼。二天眼。三慧眼。四法眼。五佛眼也。大論釋五眼云。肉眼見近不見遠。見前不見後。見外不見內。見晝不見夜。見上不見下。以此礙故求天眼。得是天眼。遠近皆見。前後內外。遠近上下。悉皆無礙。是天眼見和合因緣生假名之物。不見實相。所謂空，無相，無作。無生無滅。如前中後亦爾。爲實相故求慧眼。得慧眼。不見衆生盡滅一異相。捨離諸著。不受一切法。智慧自內滅。是名慧眼。但慧眼不能度衆生。所以者何。無所分別故。以是故求法眼。法眼能令行人行是法，得是道。知一切衆生各各方便門。令得道證。法眼不能徧知度衆生方便道。以是故求佛眼。佛眼無事不知。覆障雖密。無不見知。於餘人極遠。於佛至近。於餘幽暗。於佛顯明。於餘爲疑

。於佛決定。於餘微細。於佛爲麤。於餘甚深。於佛甚淺。是佛眼無事不聞。無事不見。無事不知。無事爲難。無所思惟。一切法中。佛眼常照。（見名義集。）日月殊光如來曰。言肉眼者。照見胎卵溼化色身起滅因緣也。言天眼者。照見諸天宮殿，雲雨明暗，五星二曜旋伏因緣也。言慧眼者。照見衆生慧性深淺。上品下生輪迴托陰因緣也。言法眼者。照見法身遍充三界。無形無相。盡虛空，遍法界因緣也。言佛眼者。照見佛身。世界無比。放光普照。破諸黑暗。無障無礙。圓滿十方。尋光見體。知有涅槃國土也。陳雄曰。華嚴經云。肉眼見一切色故。天眼見一切衆生心故。慧眼見一切衆生諸根境界故。法眼見一切法如實相故。佛眼見如來十力故。（參看十力條。）大般若經所謂清淨五眼是也。（見金剛經集註。）

五衆

詳四魔條。

五戒

一不殺生。二不偷盜。三不邪淫。四不妄語。五不飲酒。上四是性戒。有不可改義。無論受與不受。犯則有罪。後一是遮戒。謂佛所遮止故。飲酒多有過失。能犯諸戒。是故佛特遮止。令不毀犯。乃能守護餘之律儀。孔安國云。天地所生。惟人爲貴。今謂若無善因。奚感美報。言善因者。謂五戒也。一不殺戒。常念有情。皆惜身命。恕已愍彼。以慎傷暴。二不盜戒。不與私取。是爲偷盜。義既非宜。故止攬竊。三不邪淫。女有三護。法亦禁約。守禮自防。故止權欲。四不妄語。覆實言虛。誑他欺自。端心質直。所說誠實。五不飲酒。昏神亂性。酒毒頗甚。增長愚癡。故今絕飲。原佛五戒。本化人倫。與儒五常。其義不異。不殺即仁。不盜即義。不淫即禮。不妄語即信。不飲酒即智。故梵摩喻經曰。爲清信士。守仁不殺。知足不盜。貞潔不淫。執信不欺。盡孝不醉。當以義解。毋執名別。又四分律。明受五戒。分四種異。但受三歸。名無分優婆塞。或受一戒。名少分優婆塞。受二三四。名多分優婆塞。具受五戒。名滿分優婆塞。其如五戒全缺。則人間之路。終不復生。以此五戒。是大小乘戶羅根本。故經云。五戒者。天下大禁忌。若犯五戒。在天違五星。在地違五岳。在方違五帝。在身違五臟。故佛成道。未轉法輪。先爲提謂授五戒法。號曰人乘。居五乘首。由茲五戒。超出三塗。取運載義。以立乘名。（見增一阿含經及名義集。）

五逆

其一。弑父，弑母，弑阿羅漢，破和合僧，惡心出佛身血，是也。（見阿闍王問五逆經。）其二。一殺父母。二

破和合僧。三出佛身血。四殺阿羅漢。五破羯磨（參看羯磨條。）僧。是也。（見華嚴孔目。）出佛身血者有二人。一調達推山得罪。謂其生重惡心。推山壓佛。金剛力士爲護佛故。以金剛杵反却擲之。碎石迸來。傷佛足指出血。而得罪報。二祇域（亦云耆域。參看耆婆條。）行針得福。謂佛有疾。使祇域治之。因行針出血。疾得頓愈。雖出佛血。由治疾故。而得福報。（見大智度論。）

五時

天台智者大師。以釋尊所說一代聖教。判爲五時。一華嚴時。華嚴，經名。時者，謂初說此經。譬如日出。先照高山之時也。吾佛說法。有頓有漸。頓說之法。是華嚴部。不入次第範圍。說是經時。境界開廓。有十不可說佛刹微塵數世界種。皆在大蓮華上。分布而住。一一世界種。各有不可說佛刹微塵數世界在一蓮華上。重重無盡。是曰華藏莊嚴世界海。是爲吾佛第一時教說華嚴部也。二鹿野時。鹿野，卽鹿野苑。釋尊說阿含經處也。時者，謂次說此經。如日照幽谷之時也。釋尊在鹿野苑。爲人天小乘說四諦十二因緣等法。所說之經。集成四部。曰長阿含，中阿含，增一阿含，雜阿含。阿含者，秦言法歸。所謂萬法之淵府。總持之林苑。是爲吾佛第二時教說阿含部也。三方等時。衆機普被曰方。四教並談曰等。時者，謂次說方等諸經。如日照平地之時也。方等爲引小入大之經。其大部曰大寶積，而凡維摩，思益，楞伽，楞嚴，深密，圓覺，及淨土諸經皆屬焉。是爲吾佛第三時說方等教也。四般若時。般若，華言智慧。經名也。時者，謂次說此經。如日照禹中之時也。（禹中時，已時也。）般若深談實相。爲大乘之極趣。其大部曰大般若經。而金剛，心經等屬焉。是爲吾佛第四時說般若教也。五法華涅槃時。法華涅槃，二經名。時者，謂正說此經。如日輪當午之時也。法華經會三乘於一乘。會一切衆生盡入佛之知見。以示世尊出世之本懷。涅槃經猶世之遺訓。措捨未盡之義。故終焉。是爲吾佛第五時教。吾佛自成道以後。五十載矣。自華嚴以迄涅槃。其所說法。共判五時。別而言之。則華嚴三七日中說。阿含十二年。方等八年。般若二十二年。法華八年。涅槃則一日夜。此爲一往之談。若夫隨機應化。法雖不出此五。而時則融通。所謂一時一切說。一說一切時也。（分見三藏法數，佛教問答。）

五味

涅槃經聖行品云。譬如從牛出乳。從乳出酪。（酪，卽熱乳漿也。）從酪出生酥。（酥，卽漿上之浮皮也。）從生

酥出熟酥。從熟酥出醍醐。(酥上如油者爲醍醐。乃酥之精液。不可多得。味極甘美。)譬如從佛出十二部經。從十二部經出九部修多羅。從九部出方等。從方等出摩訶般若。從摩訶般若出大涅槃。此喻有二。一取相生次第。牛譬於佛。五味譬教。乳從牛出。酪從乳生。二酥醍醐。次第不亂。二取其濃淡。此取一番下劣根性。所謂二乘在華嚴座。不信不解。不變凡情。故譬其乳。次至鹿苑。聞三藏教。二乘根性。依教修行。轉凡成聖。譬如轉乳成酪。次至方等。聞彈斥聲聞。慕大恥小。得通教益。如轉酪成生酥。次至般若者。奉勅轉教。心漸通泰。得別教益。如轉生酥成熟酥。次至法華。聞三周(三周者，一法說周。二譬喻周。三宿世因緣周。見法華玄義。)說法。得記作佛。如轉熟酥成醍醐。(見名義集。)涅槃第六云。凡夫如乳。須陀洹如酪。斯陀含如生酥。阿那含如熟酥。阿羅漢，辟支佛，佛，如醍醐。大論云。聲聞經中稱阿羅漢名爲佛地。故三人同是醍醐。此譬三藏教五味也。涅槃三十二云，衆生如雜血乳。須陀洹，斯陀含如淨乳。阿那含如酪。阿羅如生酥。辟支佛如熟酥。佛如醍醐。此譬通教五味。支佛侵習小勝聲聞。故與菩薩同爲熟酥。佛正習俱盡名醍醐。涅槃第九云。衆生如牛新生。血乳未別。聲聞如乳。緣覺如酪。菩薩如生熟酥。佛如醍醐。此譬別教五味。十信輕毛。菩薩如雜血乳。九住已前斷通見思名乳比擬聲聞。十住小深。故比擬支佛如酪。十行十向如生熟酥。十地之初已名爲佛。故如醍醐。涅槃二十七云。雪山有草。名爲忍辱。牛若食者。卽成醍醐。草喻八正。能修八正。卽見佛性。此譬圓教不歷四味。卽成醍醐。(見天台八教大意。)

五教

華嚴宗。賢首，清涼，(參看十宗條。)共判如來一代時教而有五種。一小乘教。(或云小教。)謂阿含等六百餘卷經。婆沙等六百餘卷論。說一切法。從因緣生。明三界不安。了人空真理。修自利之行。忻小乘之果。二大乘始教。(亦名分教。)有二。一法相宗。謂深密，佛地，等數十本經。瑜伽，唯識，等數百卷論。說一切法。皆是唯識。了二空真理。修六度萬行。趣大乘佛果。於中多談法相之義。(參看十宗之法相宗條。)二無相宗。(亦名性空宗。)謂諸部般若等千餘卷經。中，百門，等數本論文。說一切本來是空。無始迷情。妄認爲有。欲證菩提。以爲所得。修習萬行。於中多談無相空義。(參看十宗之三論宗條。)斯之兩宗。皆是大乘初門。故名曰始。始者。初也。三一乘終教。(亦名實教。)謂法華，涅槃，等四十餘部經。寶性，佛性，等十餘部論。說一切衆生。皆有佛性。從本以來。靈

明不昧。了了常知。無始迷倒。不自覺悟。欲成佛果。須先了悟自家佛性。後方稱性修習。本有無量妙行。多談法性。是大乘盡理之教。故名曰終。終者，盡也。（始終二教。雖有淺深之別。其解義修行。要皆依言顯性。階級位次。因果相乘。自微至著。故通名漸教。）四一乘頓教。謂楞伽，思益經文。達摩所傳禪宗。說一切妄相本空。真心本淨。元無煩惱。本是菩提。唯談真性。不依位次成佛。故名曰頓。五不思議乘圓教。謂華嚴一經。十地一論。全說毗盧法界。普賢行海。於中所行若事若理，若因若果。一具一切。重重無盡。總合諸教。無法不收。稱性自在。無障無礙。迴殊偏說。（圓頓漸三者，均爲大乘教。）故名爲圓。（見顯密圓通。）

五見 梵語達梨舍那。此云見。見有五種。一身見。（執我我所爲身見。）二邊見。（邊見隨身計斷常。）三見取。（見取執劣以爲勝。）四戒取。（戒取於非因計因。）五邪見。（邪見撥無因果法。具此五種。名曰見惑。（見涅槃經，名義集。）唯識云。云何惡見。於諸諦理。顛倒推度。染慧爲性。能障善見。招苦爲業。謂惡見者。多受苦故。此見行相。差別有五。一薩迦耶見。（此云身見。）謂於五取蘊執我我所。一切見趣所依爲業。二邊執見。謂即於彼隨執斷常。障處中行出離爲業。三邪見。謂謗因果作用實事。及非四見諸除邪執。如增上緣。名義徧故。四見取。謂於諸見。及所依蘊。執爲最勝。能得清淨。一切門諍所依爲業。五戒禁取。謂於隨順諸見戒禁。及所依蘊。執爲最勝。能得清淨。無利勤苦所依爲業。（見成唯識論六。）

五覺 謂本覺，始覺，相似覺，隨分覺，究竟覺也。（詳覺義條。）

五住 卽三惑妄想也。三界見惑。合爲一住。名見一切處住地。三界思惑。分爲三住。一欲愛住地。欲界九品思。二色愛住地。色界四地。各九品思。三無色愛住地。無色界四地。各九品思。此之四住。名爲四住地煩惱。是爲三界內惑。永嘉大師云。同除四住。卽言此之四住。三藏佛與六根清淨人同斷。故言同除四住也。（見四教儀。）若出三界證阿羅漢果。猶有塵沙無明二煩惱。合爲一住地。合上四住。故名五住。五住破盡。卽圓教極果佛也。（見二課合解。參看三惑，見思惑條。）

五根 五根者。信正道及諸助道法。名信根。行正道及諸助道善法。勤求不息。名精進根。念正道及諸助道善法。更

無他念。名念根。攝心在正道及諸助道善法中。相應不散。名定根。爲正道及諸助道善法。觀於苦等四諦。名慧根。
(見彌陀要解，法界次第。)亦云五善根。(見三藏法數。)

五力 梵語婆羅。此云力。五力者。信根增長。能破疑惑。破諸邪信。及破煩惱。名信力。精進根增長。破種種身心懈怠。成辦出世大事。名精進力。念根增長。破諸邪念。成就一切出世正念功德。名念力。定根增長。能破亂想。發諸事理禪定。名定力。慧根增長。能遮通別諸惑。發真無漏。名慧力。(見彌陀要解，法界次第。)

五悔 言五悔者。一懺悔。有二。一者理懺。二者事懺。(參看懺悔條。)二勸請。謂勸請十方諸如來。留身久住濟含識。三隨喜。謂隨喜稱讚諸善根。四迴向。所有稱讚善。盡迴向善提。五發願。若無發心。萬事不成。故須發心。以導前四。是爲五悔。(見四教儀。)

五緣 言明五緣者。一持戒清淨。如經中說。依因此戒。得生諸禪定。及滅苦智慧。是故比丘應持淨戒。有在家出家大小乘不同。二衣食具足。衣有三。一者。如雪山大士。隨所得衣。蔽形即足。不遊人間。堪忍力成故。二者。如迦葉等。集糞掃衣。及但三衣。不畜餘長。三者。多寒國土。如來亦許三衣之外。畜百一衆具。食亦有三。一者，上根大士。深山絕世。菜根草果。隨得資身。二者，常乞食。三者，檀越送食，僧中淨食。三閒居靜處。不作衆事名閒。無憤鬧處名靜。四息諸緣務。息生活。息人事。息工巧，技術等。五近善知識。有三，一外護善知識。二同行善知識。三教授善知識。(見四教儀。)

五欲 其一。言訶五欲者。一訶色。謂男女形貌端嚴。脩目高眉。丹唇皓齒。及世間寶物。玄黃朱紫。種種妙色等。二訶聲。謂絲竹環珮之聲。及男女歌詠聲等。三訶香。謂男女身香。及世間飲食香等。四訶味。謂種種飲食肴膳美味等。五訶觸。謂男女身分。柔輒細滑。寒時體溫。熱時體涼。及諸好觸等。(見四教儀。)其二。一財欲。財即世間一切貨財。謂人以財物爲養己之資。故至貪求戀著不捨。是爲財欲。二色欲。色即世間青黃赤白、及男女等色。謂人以色悅情適意。故至貪求戀著。不能出離三界。是爲色欲。三飲食欲。飲食即世間肴膳衆味。謂人必假飲食資身活命。故至貪求樂著無厭。是爲飲食欲。四名欲。名即世間聲名。謂人因聲名能顯親榮己。故至貪求樂著而不知止。是爲名

欲。五睡眠欲。睡眠即情識昏昧而睡眠。謂人之睡眠。亦有時節。若怠惰放縱。樂著無厭。是爲睡眠欲。（見華嚴疏鈔、三藏法數。）

五蓋 言棄五蓋者。謂貪欲、瞋恚、睡眠、掉悔、疑也。（見名義集。）一貪欲蓋。引取無厭曰貪。希須樂慕爲欲。謂諸衆生、貪愛世間男女色聲香味觸法、及財寶等物。無有厭足。以此貪欲。蓋覆心識。禪定善法。不能發生。沉滯三界。不得出離。故名蓋也。二瞋恚蓋。瞋恚、即忿怒之心也。謂諸衆生、或於違情境上、或追憶他人惱我、及惱我親、而生忿怒。以此瞋恚。蓋覆心識。禪定善法。不能發生。沉滯三界。不得出離。故名蓋也。三睡眠蓋。意識昏迷曰睡。五情闇冥曰眠。謂諸衆生、以此睡眠、蓋覆心識。禪定善法。不能發生。沉滯三界。無有出期。故名蓋也。四掉悔蓋。三業躁動曰掉。心中憂惱爲悔。謂諸衆生、以此掉悔。蓋覆心識。禪定善法。不能發生。沉滯三界。無有出期。故名蓋也。五疑蓋。疑者、猶豫不決之義。即癡惑也。謂諸衆生、無明暗鈍。不別真偽。猶豫之心。常無決斷。以此疑惑。蓋覆心識。禪定善法。不能發生。沉滯三界。無有出期。故名蓋也。（見三藏法數。）

五事 其一。言調五事者。謂調心不沉不浮。調身不緩不急。調息不澀不滑。調眠不節不恣。調食不饑不飽。（見四教儀。）其二。佛有五事。一當轉法輪。謂如來出世。既成道已。當轉法輪。度脫有情。饒益一切。如轉四諦法輪。先度五比丘等。是也。（五比丘、詳阿若憍陳如條。）二與父說法。謂如來既成道已。惟念父恩最重。當與說法。令其享壽無窮。正法治化。及得遠離塵垢。得法眼淨。是故還於本國。與父說法。普曜經云。佛出家時。與父母誓。若得佛道。還度父母。今得佛道。必當還國。說法度脫。不違本誓也。三與母說法。謂如來成道已。惟念母恩。育養情深。况有誓願。還度父母。是故爲其說法。今得解脫。如昇忉利天宮。爲母說法。是也。四當與凡夫立菩薩行。謂如來出世。既成道已。當度一切有情。故說六度萬行之法。與諸凡夫成立菩薩大乘之行。轉度一切。同成正覺也。五當授菩薩荊。（荊、卽記荊。）佛受菩薩記。分別當來成佛劫國名號也。謂如來既成道已。觀諸大乘根器。若行菩薩道已成熟者。而爲說法。卽授其記。今彼當來。皆得作佛也。（見增一阿含經、三藏法數。）

五法 其一。言行五法者。一欲。欲離世間一切妄想顛倒。得一切諸禪定智慧門故。二精進。堅持禁戒。棄於五蓋

。初中後夜。勤行精進故。三念。念世間欺誑。可輕可賤。禪定智慧。可重可貴。四巧慧。籌量世間樂、禪定智慧樂。得失輕重等。五一心。念慧分明。明見世間。可思可惡。善識禪定智慧功德。可尊可貴。（見四教儀。）其二。一名。名即假名。謂一切聖凡。情與無情。若根若塵。各有自相。逐體稱呼。是爲名也。二相。相即色相。謂三界一切品類。洪纖妍醜。情與無情。及根塵諸法。各有形狀。是爲相也。三妄想。妄想者。分別虛妄之念也。謂由前名相二法。起分別心。認假名爲自己。執幻相爲本身。則有心心數法。（參看本條。）種種攀緣。是爲妄想也。四正智。正智者。如來明了正見之智也。謂了前諸法。如幻如化。非斷非常。超過一切凡夫小乘偏邪異見。是爲正智也。五如如。如如者。不變不異。眞如之理也。謂由前正智。觀察名相。皆悉如幻。非有非無。名相本空。即眞如理。理因智明。智因理發。以智如理。以理如智。是爲如如也。（見楞伽經、三藏法數。）

五辛

五辛者。即葱、韭、薤、蒜、興渠、也。梵網經云。不得食五辛。言五辛者。一葱（或云慈葱。乃葱之正名也。）二薤。（或云芎葱。即薤也。）三韭。（或云木葱。即韭也。）四蒜。（有大蒜小蒜之別。或云蘭葱。即小蒜也。）五興渠。（參看本條。）準楞嚴經。食有五失。一生過。二天遠。三鬼近。四福消。五魔集。一生過者。經云。是五種辛。熟食發淫。生啖增恚。二天遠者。經云。食辛之人。縱能宣說十二部經。十方天仙。嫌其臭穢。咸皆遠離。三鬼近者。經云諸餓鬼等。因彼食次。舐其唇吻。常與鬼住。四福消者。經云。福德日消。長無利益。五魔集者。經云。是食辛人。修三摩地。菩薩天仙十方善神。不來守護。大力魔王。得其方便。現作佛身。來爲說法。非毀禁戒。讚淫怒癡。命終自爲魔王眷屬。受魔福盡。墮無間獄。楞伽經云。一切肉與葱。及諸菲蒜等。種種放逸酒。修行常遠離。

（見名義集、三藏法數。）

五果

梵語頗羅。此云果。其一。律明五果。一核果。如棗杏等。二膚果。如梨柰是皮膚之果。三殼果。如椰子胡桃石榴等。四稔果。羸糠中謂之稔。如松柏子。五角果。如大小豆等。（見名義集。）律戒比丘不噉生物。謂如棗杏等果。必以火熟之方食。膚殼之果。須以刀去其皮然後食。故說此五果之名也。（見三藏法數。）其二。唯識明五果。一異熟果。與因異性者也。二等流果。與因相似者也。三離繫果。無漏業之所感得者也。四士用果。作具所對之成事也。

(士用者、士夫所用也。)謂於世間諸法。隨依一種。依士夫用。如營農商賈書算計數等事。由依此故。農者因稼而成熟。商者因貨而獲利。是名士用果。(見三藏法數。)五增上果。除前四類之餘果也。(增上者、謂根身各有增上勝力也。見三藏法數。)(見顯揚聖教論。佛教答問選錄。)

五性

其一。華嚴經明五性。一定性聲聞。因果不易。名曰定性。聲聞惟習聲聞之因。而證聲聞之果。更不進求佛道。故名定性聲聞。二定性緣覺。緣覺惟習緣覺之因。而證緣覺之果。更不進求佛道。故名定性緣覺。三菩薩性。菩薩悲智雙運。冤親等觀。廣利衆生。證菩提果。故名菩薩性。四不定性。謂遇緣重習。修行不定。若近聲聞則習聲聞法。若近緣覺則習緣覺法。若近菩薩則習菩薩法。各隨所習而成其性。故名不定性。五無種性。無種者、無善種也。謂人撥無因果。不受化度。甘溺生死。不求解脫。故名無種性。又云。五性成佛。一不定性半成佛。根性不定。故成佛亦不定。二無種性不成佛。三聲聞性不成佛。四緣覺性不成佛。五菩薩性全成佛。(見華嚴疏鈔。)其二。圓覺經明五性。初凡夫性。未斷二障。不入五性之數。經云。若此二障(理障、事障、)未得斷滅。名未成佛。是也。二聲聞緣覺性。事障方除。理障未斷。界外無明。完全尙在。經云。但能悟入聲聞緣覺。未能顯住菩薩境界。是也。三菩薩性。大乘根器猛利。願樂精勤。二障同伏同斷。是爲悟入菩薩境界。經云。若事理障已永斷滅。卽入如來微妙圓覺。滿足菩提及大涅槃。是也。四不定性。根性原無大小。全憑師友爲緣。親之近之。不可不慎。經云。若遇如來無上菩提、正修行路。根無大小。皆成佛果。是也。五闍提性。心遊外道。定性不移。由此障佛種子。不得成佛。經云。若諸衆生。雖求善友。遇邪見者。未得正悟。是則名爲外道種性。是也。又明五種隨順覺性。一凡夫隨順覺性。二未入地者隨順覺性。三已入地者隨順覺性。四如來隨順覺性。五隨順覺性。卽忘心是。(見圓覺疏鈔。)

五行

其一。妙玄引涅槃經明五行。一聖行。謂戒定慧。爲自行因。二梵行。謂慈悲喜捨。爲因中化他。此二是地前修因行也。三天行。謂初地已上。證第一義天。天然之理。由理成行。故名天行。四嬰兒行。謂示同三乘七方便所修之行也。五病行。謂示同九道之身。現爲三障之相。此二皆是從果起應之行。淨名疏云。嬰兒行、從大慈善根而起。病行、從大悲善根而起。四教義云。同生善邊。名嬰兒行。同煩惱邊。名爲病行。然此五行。若會三諦。聖行是真諦

。梵行，嬰兒行，是俗諦。天行是中諦。又依法華釋圓五行。經云。如來莊嚴而自莊嚴。卽圓聖行。如來室。卽圓梵行。如來座。卽圓天行。如來衣。有二種。柔和、卽圓嬰兒行。忍辱、卽圓病行。大經云。復有一行是如來行。所謂大乘大涅槃。此示行法之綱要也。（見名義集。）其二。五行者。於六度中合定慧二度爲止觀一門。故名五行也。一布施、二持戒、三忍辱、四精進、五止觀。（見圓覺鈔、參看各本條。）又云五門。論云。修五門行。能成此信。所謂施門、戒門、忍門、精進門、止觀門。（見唐譯起信論。）

五藏 藏卽含藏之義。謂經、律、論、等。皆能含藏無量法義故也。其一。六波羅密經明五藏。一素呾纜藏。（卽修多羅。）二毗奈耶藏。三阿毘達磨藏。四般若波羅密多藏。五陀羅尼藏。（見三藏法數、參看各本條。）其二。理趣經中。如來說有五藏。一經藏。二律藏。三論藏。四般若藏。五陀羅尼藏。（見顯密圓通。）其三。釋尊入滅後。有婆師婆千人。結集五藏。一經藏。二律藏。三論藏。四雜藏。五咒禁藏。（詳結集條。）又大智度論明四藏。一經藏。二律藏。三論藏。四咒藏。（見三藏法數。）菩薩處胎經明八藏。（詳八藏條。）

五衰 大論云。諸天命欲終時。五死相現。一華冠萎。二腋下汗出。三蠅來著身。四見更有天坐己生處。五自不樂本座。諸天見是死相。念惜天樂。見當生惡處。心卽憂毒。又俱舍論。明其五衰有小大異。小五衰者。一衣服嚴具。出非愛聲。二自身光明。忽然味劣。三於沐浴位。水滴著身。四本性騾馳。今滯一境。五眼本凝寂。今數瞬動。此五相現。非定命終。遇勝善緣猶可轉故。復有五種大衰相現。一衣染塵埃。二華鬘萎悴。三兩腋汗出。四臭氣入身。五不樂本座。此五相現。必定當死。（見名義集。）

五忍 一伏忍。伏卽隱伏。忍卽忍可。又安忍也。謂地前三賢之人。未得無漏。未能證果。但有智故。能伏煩惱而不能斷。故名伏忍。二信忍。信者、隨順不疑也。謂初地二地三地菩薩。得無漏信。故名信忍。三順忍。順卽隨順。亦從也。謂四地五地六地菩薩。順善提道。趣向無生之果。故名順忍。四無生忍。謂七地八地九地菩薩。妄惑已盡。了知諸法悉皆不生。故名無生忍。五寂滅忍。謂第十法雲地等覺菩薩。妙覺果佛。諸惑斷盡。清淨無爲。湛然寂滅。故名寂滅忍。（見三藏法數。）經云。佛言五忍是菩薩法。伏忍上中下。信忍上中下。順忍上中下。無生忍上中下。寂滅

忍上中下。名爲諸菩薩修般若波羅密。（見仁王護國經。）

五瑞

謂菩薩從兜率天將降神時。觀此閻浮提內迦毘羅國。最爲處中。往古諸佛出興。皆生於此。爾時菩薩卽現五瑞。一者放大光明。二者大地震動。三者諸魔宮殿。隱蔽不現。四者日月星辰。無復光明。五者天龍等衆。悉皆驚怖。現此瑞已。於是下生。是名降兜率相。（見釋迦譜、三藏法數。）

五通

卽六通中之前五通也。（見大智度論、詳六通條。）

五障

法華經中。謂舍利弗不知龍女是大乘根器。宿習因而得成佛。以爲例同報障女流。故說女人有五障。然說此五障。欲令女人知有此障。卽當發菩提心。行大乘行。早求解脫也。（見三藏法數。）經云。爾時舍利弗語龍女言。汝謂不久得無上道。是事難信。所以者何。女身垢穢。非是法器。云何能得無上菩提。佛道懸曠。經無量劫。勤苦積行。具修諸度。然後乃成。又女人身。猶有五障。一者不得作梵天王。二者帝釋。三者魔王。（卽他化自在天王。）四者轉輪聖王。五者佛身。云何女身速得成佛。（見法華經提婆達多品。）

五乘

乘卽運載之義。其一。一佛乘。二菩薩乘。三緣覺乘。四聲聞乘。五小乘。卽人天乘也。其二。一佛乘。二緣覺乘。三聲聞乘。四天乘。天卽色界天也。五梵乘。梵卽淨也。（見華嚴一乘教義分齊章。）其三。一人乘。二天乘。三聲聞乘。四緣覺乘。五菩薩乘。（見孟蘭盆經疏。三藏法數。）

五邪命

一詐現異相奇特。二自說功德。三占相吉凶。爲人說法。四高聲現威。令人敬畏。五說所得供養。以動人心。此三業中。五種邪命。皆爲利養。（見彌陀要解。）智論釋八正道云。五種邪命。以無漏智慧捨離。是爲正命。問。何等是五種邪命。答。一爲利養故、詐現奇特。二爲利養故、自說功德。三爲利養故、占相吉凶。四爲利養故、高聲現威。令人敬畏。五爲利養故、稱說所得供養。以動人心。邪因緣活命故。是爲邪命。（見名義集、參看四邪命條。）

五無間

詳阿鼻條。

五品位

一隨喜品。經云。又復如來滅後。若聞是經而不毀訾。起隨喜心。則初隨喜品也。二讀誦品。經云。何況

讀誦受持之者。卽第二品。三說法品。經云。若有受持讀誦。爲他人說。卽第三品。四兼行六度。經云。况復有人。能持是經。兼行布施、持戒、忍辱、精進、一心、智慧。是兼行六度。卽第四品。五正行六度。經云。若人讀誦。爲他人說。復能清淨持戒、忍辱、無瞋、精進、勇猛、得諸深定利根智慧、善答問難。則是具行六度。卽第五品也。（見法華經、四教儀。）

五比丘

（詳阿若憍陳如條。）

五神通

神名天心。通名慧性。天然之心。徹照無礙。故名神通。（見瓔珞經。）經云。妙勝菩薩白佛言。世尊。菩薩修習何法。得神通道。佛遂爲說欲界中之五通焉。一足不履地。二知人心命。三回眼千里。四呼名卽至。五石壁無礙。（見菩薩處胎經。）

五種通

一道通。道卽道理。謂證中道之理而能起用。無心應物。緣化萬有。猶如影像。水月空華。無有定體。是名道通。二神通。神卽心神。謂靜心照物。宿命記持。種種分明。皆隨定力。無有障礙。是名神通。三依通。依卽依憑。謂依憑術法。任意無礙。如乘符往來、藥餌靈變之類。（皆神仙術。）是名依通。四報通。謂鬼神先知。諸天變化。中陰了生。神龍隱變。是名報通。五妖通。謂狐狸老變。木石精化。附傍人神。聰慧奇異。是名妖通。（見宗鏡錄、三藏法數。）

五分律

五分者。一比丘戒。二比丘尼戒。三受戒法。四滅諍法。五僧法。（見三藏法數，詳彌沙塞條。）

五部律

世尊成道三十八年。赴王舍城國王齋。食訖。令羅云（羅睺羅）洗滌。失手掬鉢。以爲五片。是日有多比丘。

皆白佛言。鉢破五片。佛言。表我滅後。初五百年。諸惡比丘。分毘尼藏爲五部也。故迦葉、阿難、末田、和修、毘多、五師。體權通道。故不分教。毘多有五弟子。各執一見。遂分如來一大律藏爲五部焉。（見名義集。）一曇無德部。亦名曇摩耄多。華言法密。又云法藏。卽四分律也。二薩婆多部。華言一切有。卽十誦律也。三迦葉遺部。華言重空觀。卽解脫律也。四彌沙塞部。華言不著有無觀。卽五分律也。五婆蹉富羅部。華言犢子。所製律部。未來此方。

（見三藏法數、參看各本條。）又摩訶僧祇部。華言大衆。大集經云。廣博徧覽五部經書。是故名爲摩訶僧祇。此有律

本。首疏云。總別六部。僧祇是總。前五是別。此僧祇部衆。行解虛通。不生偏執。徧順五見。以通行故。故知是總。遺教三昧下卷經云。佛在世時。衆人唯著死人雜衣。因羅旬喻分衛(此云乞食。)空還。佛知其宿行。使衆僧分律爲五部。服色亦五種。令其日隨一部中行。遂制儀則。各舉所長。名其服色。曇無屈多迦部。(卽曇無德部。)通達理味。開導利益。表發殊勝。應著赤色衣。非南方之赤。薩婆多部。博通敏達。導以法化。應著皂衣。非北方之黑。迦葉遺部。精勤勇猛。快(音夫)攝衆生。應著木蘭色衣。(木蘭，卽樹皮也。)彌沙塞部。思入玄微。究暢幽密。應著青色衣。非東方之青。摩訶僧祇部。勤學衆經。宣講眞義。以處本居中。應著黃色衣。非中方之色。自爾之後。便得大食。斯以五色之衣。用彰五部之相。(見名義集。)

五百弓

詳拘盧舍條。

五不男

一生不男。梵語扇搆。或扇茶。此云生。天然生者。男根不滿。二健不男。梵語留拏。此云健。或作劇。以刀去勢也。三妬不男。梵語伊黎沙掌拏。此云妬。因見他淫。方有妬心淫起。四變不男。梵語半釋迦。此云變。今生變作。(謂根能變現也。)五半不男。梵語博叉。此云半。半月能男。半月不能男。(見法華文句記。名義集。)經云。亦復不近五種不男之人。以爲親厚。(見法華經安樂行品。)

五蘊喻

五蘊，色受想行識也。佛爲瓶沙王說世間諸法，皆非堅實。故以此五種爲喻。一，色如聚沫喻。色卽衆生色身。沫卽水沫。謂沫因風吹水成聚。虛有相狀。體本不實。以譬衆生色身。亦如聚沫虛假不實也。二，受如水泡喻。受卽領受之義。水泡，卽浮漚也。謂水因風動。或因物繫。忽爾成泡。須臾卽沒。以譬衆生所受苦樂之事。亦如水泡起滅無常也。三，想如陽燄喻。想卽想念之義。陽燄，卽日光也。謂遠望曠野。日光發燄。如水溶漾。而實非水。渴者想爲水故。以譬衆生妄想。亦如陽燄。本無實體。因念成想。皆是虛妄也。四，行如芭蕉喻。行卽造作之義。謂芭蕉體是危脆之物。無有堅實。以譬衆生造作諸行。亦如芭蕉之虛脆而無堅實也。五，識如幻事喻。識卽分別之義，幻事卽幻術之事也。謂如幻巾爲馬。幻草木爲人。皆幻力所成。本無實體。以譬衆生識心分別諸法。皆隨境生滅。亦無有實也。(見大莊嚴經，三藏法數。)

五種生

地持經明菩薩有五種生。一息苦生。謂菩薩以願力，自在力。於饑饉世。受大魚等身。以肉救濟一切衆生。

於疾病世。爲大醫王。救治衆生。於刀兵世。爲大力主。以善方便誠信之言。等心救濟。息於戰諍。於繫縛鞭打逼迫之處。爲息惱故。生於王家。以正法化邪見衆生。於外道奉事天神造諸惡行之家。亦生彼處。斷彼邪見及諸惡行。如是無量生處。悉皆往生。是名息苦生。二隨類生。謂菩薩以願力，自在力。於種種衆生天龍鬼神阿修羅等。及諸外道邪見惡行等類。菩薩悉生其中。爲其導首。引令入正。及以善法廣爲宣說。是名隨類生。三勝生。謂菩薩示現受生。於壽命色力果報。勝過一切天人。是名勝生。四增上生。謂菩薩從淨心住乃至最上菩薩住。在所受生而獨殊勝。於閻浮提自在受生。乃至大自在究竟地。一切受生處。於中最高爲奇特。是名增上生。五最後生。謂最上菩薩住受生時。求證菩提。萬行滿足。生刹利婆羅門家。得阿耨多羅三藐三菩提。作一切佛事。是名最後生。（見三藏法數。）

五種僧

亦名五僧差別。一無恥僧。謂毀犯禁戒。不守真風。形預僧流。行過俗務。是名無恥僧。二癡羊僧。謂於三

教藏。無所了達。譬如癡羊。無辯說用。是名癡羊僧。三朋黨僧。謂好於遊散。惟務鬥諍。善生機巧。結構朋黨。是名朋黨僧。四世俗僧。謂昏昏度日。兀兀延生。心想閑緣。身營世務。是名世俗僧。五勝義僧。謂解慧有餘。辯才無礙。隨機演教。接物利生。是名勝義僧。（見顯宗論，三藏法數。）又大論明四種僧。論云。是僧四種。一有羞僧。持戒不破。身口清淨。能別好醜。未得道。二無羞僧。破戒。身口不淨。無惡不作。三啞羊僧。雖不破戒。根鈍無慧。不別好醜。不知輕重。不知有罪無罪。若有僧事。二人共諍。不能斷決。默然無言。如白羊人殺。不能作聲。四實僧。若學無學。住四果中。行四向道。是名實僧。（見名義集。）

五種梵音

梵音者。卽大梵天王所出之聲。而有五種清淨之音也。一正直音。謂諸梵天。禪定持身。無諸欲行。而其

音聲。端正質直。而不邪曲。是名正直音。二和雅音。謂諸梵天。心離欲染。愛樂律儀。而其音聲。柔和典雅。離諸羸癯。是名和雅音。三清徹音。不濁曰清。透明曰徹。謂諸梵天。戒行清淨。心地圓明。而其音聲。清淨明徹。是名清徹音。四深滿音。謂諸梵天。淨行圓滿。心光湛寂。而其音聲。幽深充滿。而不淺陋。是名深滿音。五周徧遠聞音。足備曰周。普通曰徧。謂諸梵天。心光瑩淨。普映十方。而其音聲。周徧遠聞。而不迫窄。是名周徧遠聞音。（見

長阿含經，三藏法數。）

五那含天 謂聲聞之人。斷欲界九品思惑盡。證第三阿那含果。而居其中。名五淨居天。（梵語首陀婆。秦言淨居天。）亦名五不還天。若據俱舍圖言。此五天次第而上。若據楞嚴經言。此五天皆橫在第四禪天中。彼四禪天。但能聞此五天之名。而不能知見。如世間聖地道場。多有羅漢所居。而人不能見也。（見三藏法數。）一無煩。無於見思煩惱雜故。二無熱。意樂調柔。離熱惱故。三善見。定障漸微。見極明徹。四善現。形色轉勝。善能變現。五色究竟。色法最極。是究竟處。無煩等天。那含所居。呼此五天。名五那含。（見名義集。）

五部教主 部謂部類。教謂言教。主即主宰。此之五部。乃是如來金剛不空真實三昧法門也。而依五方立五部。以五佛爲主者。各有所表也。中方毘盧遮那。卽釋迦如來也。四方四佛。乃釋迦化現。以表諸佛同一法身也。以如來入種種三摩地。說種種陀羅尼門。雖各分部類。各有壇法。而皆與般若理趣相應也。然此法門。爲令衆生三業清淨。得金剛智三摩地而行慧施。不爲煩惱染污。成就無上菩提。而證得清淨法身也。一中方灌頂部。灌頂，喻也。如輪王太子受儲君位。輪王乃取四大海水。灌太子頂。加以寶冠。以喻毘盧遮那。已得一切如來灌頂。受佛職位。而爲三界法王。以清淨法界智。演說般若相應陀羅尼。加持衆生身口意業。悉得清淨。亦受灌頂之位。而證清淨法身。是爲灌頂部。故中央以毘盧遮那爲教主也。二東方金剛部。金剛部者。謂如來證得佛地。觀衆生藏識中。煩惱習氣。堅固難捨。以大空金剛智三摩地而摧破之。不離大圓鏡智。而演說般若相應陀羅尼。令諸衆生得清淨三業。而悟本有不壞金剛佛性。是爲金剛部。故東方以阿閼佛爲教主也。三南方寶生部。寶生部者。謂如來得三界法王位。入金剛寶三摩地。愍念衆生而行慧施。心無憍惜。三輪清淨。以平等性智。說諸陀羅尼。令諸衆生所求一切伏藏。皆得現前。而證得河沙功德。是爲寶生部。故南方以寶生如來爲教主也。四西方蓮華部。蓮華部者。謂如來得自性清淨法身。而住雜染濁惡世界。不被一切煩惱染污。猶如蓮華。入清淨三摩地。以妙觀察智。說諸陀羅尼。令諸衆生證悟清淨法界。如蓮華不染諸垢。具足一切無漏善法。是爲蓮華部。亦名法部。謂以此法門。加持極樂世界。水鳥樹林。皆演法音。故西方以阿彌陀佛爲教主也。五北方羯磨部。梵語羯磨。華言作法。又云辦事。謂佛持一切如來智印。入大悲三摩地。以成所

作智。說諸陀羅尼。加持一切衆生。得無礙身語意業。令藏識中殺害雜深種子。悉盡無餘。一切事業。皆悉成就。是爲羯磨部。故北方以不空成就如來爲教主也。（見大樂金剛不空眞實三昧耶經理趣釋，三藏法數。）

五濁惡世

經云。下方度如四十二恒河沙佛土。有世界名娑婆。佛號釋迦牟尼。今現在於五濁惡世。爲樂小法衆生。

敷演道教。又云。此土衆生。剛強難化。故佛爲說剛強之語。以調伏之。言是地獄。是畜生。是餓鬼。是諸難處。是愚人生處。是身邪行。是身邪行報。是口邪行。是口邪行報。是意邪行。是意邪行報。是殺生。是殺生報。是不與取。是不與取報。是邪淫。是邪淫報。是妄語。是妄語報。是兩舌。是兩舌報。是惡口。是惡口報。是無義語。是無義語報。是貪嫉。是貪嫉報。是瞋惱。是瞋惱報。是邪見。是邪見報。是慳恪。是慳恪報。是毀戒。是毀戒報。是瞋恚。是瞋恚報。是懈怠。是懈怠報。是亂意。是亂意報。是愚癡。是愚癡報。是結戒。是結戒。是犯戒。是犯戒。是應作。是不應作。是障礙。是不障礙。是得罪。是離罪。是淨。是垢。是有漏。是無漏。是邪道。是正道。是有爲。是無爲。是不世間。是涅槃。以難化之人。心如猿猴。故以若干種法。制御其心。乃可調伏。譬如象馬。隴悞不調（謂多惡不調也。）加諸楚毒。乃至徹骨。然後調伏。如是剛強難化衆生。故以一切苦切之言。乃可入律。（見維摩經香積佛品。參看五濁，十事善法條。）

五種不翻

翻卽翻譯。謂譯彼梵音。而成此華言也。唐玄奘法師明五種不翻。一祕密故不翻。如陀羅尼是。二多含故

不翻。如薄伽梵含六義故。（參看薄伽梵條。）三此無故不翻。如閻浮樹。中夏實無此木四順古不翻。如阿耨菩提。實可翻之。但摩騰以來。存梵音故。（參看五種梵音條。）五生善故不翻。如般若尊重。智慧輕淺。（參看般若條。）令人生敬。是故不翻。大智度論云。般若實相。甚深尊重。智慧輕薄。是故但云般若，而不言智慧。（分見名義集。）

五停心觀

一多貪衆生不淨觀。二多瞋衆生慈悲觀。三多散衆生數息觀。四愚癡衆生因緣觀。五多障衆生念佛觀。（

見四教儀。）以此五法爲方便。調停其心。令堪修念處。故名停心也。（見教觀綱宗。）（參看聲聞位條。）

五無間罪

或云五無間業。謂惡心出佛身血。（參看五逆條。）誹謗正法。破和合僧。殺阿羅漢。殺害父母也。（見金

光明經。(一) 瑜伽第九云。一害父。二害母。三害羅漢。四破僧。五出佛身血。(見名義集。)

五種不淨 大論明五種不淨。一生處不淨。是身為臭穢。不從蓮華生。亦不從薔薇。又不出寶山。二種子不淨。是身種不淨。非餘妙寶物。不由白淨生。父母邪想有。三自性不淨。地水火風質。能變為不淨。傾海洗此身。不能令香潔。四自相不淨。種種不淨物。充滿於身內。常流出不止。如漏囊盛物。五究竟不淨。審諦觀此身。終必歸死處。難御如反復。背恩如小兒。(見名義集。參看七種不淨觀，九想觀條。)

五體投地 凡禮敬三寶。必須五體投地。所以折伏驕慢。用表虔誠故也。一右膝。疏云。願我右膝著地之時。令諸衆生得正覺道也。二左膝。疏云。願我左膝著地之時。令諸衆生於外道法不起邪見。悉得安立正覺道中也。三右手。疏云。願我右手著地之時。猶如世尊坐金剛座。地震現瑞。證大菩提也。四左手。疏云。願我左手著地之時。令諸衆生遠離外道。難調伏者以四攝法而攝取之。令入正道也。五首頂。疏云。願我首頂著地之時。令諸衆生離驕慢心。悉得成就無見頂相也。(見華嚴疏鈔，三藏法數。)

五事降生 佛於兜率天宮。將欲降生。先觀五事。而後託胎也。一觀諸衆生根機熟與未熟。二觀度生時至未至。三觀諸國土何國處中。四觀諸種族何族最盛。五觀過去因緣。誰最真正應為父母。(見因果經，三藏法數。參看迦葉佛條。)

五明四韋 梵語離佳。此云書。釋名曰。書，庶也。紀庶物也。尚書序云。伏羲神農皇帝之書謂之三墳。言大道也。少昊顓頊高辛唐虞之書。謂之五典。言常道也。西域五明四韋等。猶此土三墳五典等也。皆名為書。西域記云。開蒙誘進。先遵十二章。七歲之後。漸授五明大論。言五明者。一曰聲明。梵語攝拖苾馱。此云聲明。釋詁訓字。詮目流別。二工巧明。技術機關。陰陽曆數。三醫方明。禁呪閑邪。藥石針艾。四因明。考定正邪。研覈真偽。(外道言論。五曰內明。究暢五乘因果妙理。大般若云。五地菩薩覺五明。此內五明也。外五明者。前四明同。五曰符印。分見名義集。四韋。(詳韋陀條。)

五智四身 真言宗明五智四身。五智者。謂清淨法界智。大圓鏡智。平等性智。妙觀察智。成所作智也。卽一心四智。以四智皆從清淨法界智體中流出故。(見二課合解。四身者。謂自性清淨法身。(光明徧照。他受用法身。(具八

萬四千好。(變化法身。(具三十二相。)等流法身。(或爲菩薩形，或爲二乘形，乃至天龍八部等種種之形。)是也。(見眞言宗義章。參看三輪身條。)

五淨居天

詳五那含天條。

五人說經

一佛說。謂如來出現於世。爲度衆生。廣說種種諸經。但自金口所宣者。是名佛說。二弟子說。弟子，卽聲聞，緣覺，菩薩等，諸大弟子也。謂佛在世時。承佛加被。各運神通。隨機演教。化度衆生。是名弟子說。三仙說。仙卽佛會之中諸大仙人也。謂其從佛入道。誓弘佛化。宣揚正法。饒益有情。是名仙說。四諸天說。天卽梵釋等諸天也。謂如帝釋。每於善法堂上。常爲忉利諸天。演說般若大經等。是名諸天說。五化人說。化人卽三乘聖人隨機現化者也。謂如羅睺羅化作金輪王。而度城東老母。先讚福果因緣。後說大乘妙法。是名化人說。(見大智度論。三藏法數。)

五住煩惱

詳五住條。

五奇特夢

世尊往昔因中。在山修道。號善慧比丘。得五種奇特夢。走白普光如來。請爲解說所夢之相。一夢臥大海。普光云。夢臥大海者。汝身現居生死海中。未到彼岸。未證涅槃也。二夢枕須彌。普光云。夢枕須彌者。以表出生死海。登於彼岸。將證涅槃也。三夢海中一切衆生入我身內。普光云。夢大海一切衆生入身內者。以示當於塵勞海中。爲諸衆生作歸依處。濟渡有情。超於彼岸也。四夢手執日。普光云。夢執日者。以表智慧光明。普照法界。開導昏迷。歸正覺路也。五夢手執月。普光云。夢執月者。以表方便之智。入於生死塵勞界內。用清涼法。化導衆生。令離熱惱也。(見過去現在因果經，三藏法數。)

五種淨肉

詳三淨肉條

五重玄義

一切經題。台宗將釋此經。例立五重玄義。一釋名。二顯體。三明宗。四論用。五判教相。釋此五重。有通有別。通則七番共解。別則五章各釋。例如利鈍。須廣略二門也。言七番者。一標章。二引證。三生起。四開合。五料簡。六觀心。七會異。標章。令易憶持。起念心故。引證。依據佛語。起信心故。生起。使不雜亂。起定心故。

觀心。卽開卽行。起精進心故。餘四五六。起慧心故。立五心。成五根。排五障。得五力。七覺調平。八正成因。冀得三解脫故。言釋名者。一切諸經。別名無量。舉要言之。不外七種。一單人。二單法。三單喻。四人法。五人喻。六法喻。七人法喻三事具足。單人。如佛說阿彌陀經，維摩經等。單法。如摩訶般若經，大涅槃經等。單喻。如梵網經，瓔珞經等。人法。如藥師如來本願功德經，菩薩生地經等。人喻。如菩薩瓔珞經，如來師子吼經等。法喻。如妙法蓮華經，寶炬陀羅尼經等。人法喻三事具足。如大方廣佛華嚴經，勝鬘師子吼一乘方廣經等。言顯體者。名爲實。體爲主。名爲假名。體是實質。名爲體上之能詮。體爲名下之所詮。凡種種文字。無非名言。文字所依之理。卽體也。而一切文字名言。均須因文達理。因言得體。如因筌得魚。因指見月。若但逐名。而不悟體。如捉蛇尾。反遭其螫。世尊所以常爲弟子說筏喻也。如云。未渡河者須用筏。已到岸者不須舟也。經教亦然。未悟心者。須用文字。已悟心者。一切名言。皆剩語也。言明宗者。宗者，趣也。語之所向曰宗。宗之所歸曰趣。乃修行之歸宿。會體之樞機。若行人不識宗趣。則行業無歸。又何能領會不思議之妙體乎。故宗趣不可不知。前顯體，顯於性。今明宗，明於修。全性起修。不二而二。全修在性。二而不二。今以梁柱喻宗。屋空喻體。由有梁柱。方得屋空受用。是故顯體之後。須明宗也。言論用者。用是力用。亦名功德。如來以權實二智。鑑機施教爲功能。旣施力用。必成功德。言判教者。教，是聖人被下之言。判，是分別異同之致。如來一代言教。所說法門。天台以通別五時兩種四教（參看五時，八教條。）而判釋之。昭如日月。瞭如指掌。一代聖教。罄無不盡。（見諦閑法師講錄。）

五種法身

一法性法身。謂此法性。體本圓常。該通萬有。如來之身。由此出生。故名法性法身。二功德法身。謂如來以萬行功德爲因。而成法身之果。故名功德法身。三變化法身。謂如來法身。無感不形。無機不應。如千江月。隨水現影。影維有殊。月本是一。故名變化法身。四虛空法身。謂如來法身。融通三際。包括大千。一性圓明。諸塵不染。故名虛空法身。五實相法身。謂如來法身。離諸虛妄。會極眞如。不生不滅。故名實相法身。（見華嚴疏鈔，三藏法數。）慧海大師云。問。方廣經云。五種法身。一實相法身。二功德法身。三法性法身。四應化法身。五虛空法身。於自己身何者是。答。知心不壞。是實相法身。知心含萬像。是功德法身。知心無心。是法性法身。隨根應說。

是應化法身。知心無形不可得。是虛空法身。若了此義者。卽知無證也。無得無證者。卽是證佛法法身。若有證有得。以爲證者。卽邪見增上慢人也。名爲外道。何以故。維摩經云。舍利弗問天女曰。汝何所得。何所證辯。乃得如是。天女答曰。我無得無證。乃得如是。若有得有證。卽於佛法中爲增上慢人也。（見頓悟入道要門論。）

五分法身香

五分法身者。謂以戒，定，慧，解脫，解脫知見，五種功德法而成佛身也。五分法身香者。謂戒香，定香，慧香，解脫香，解脫知見香。是也。達磨云。戒香，能斷諸惡。能修諸善。定香，深信大乘。心無退轉。慧香。常於身心。內自觀察。解脫香，能斷一切無明結縛。又云。自覺覺他。覺智明了。則名解脫。解脫知見香。觀照常明。通達無礙。（見六祖壇經箋註。）

五無間地獄

經云。五事業感。故稱無間。何等爲五。一者，日夜受罪。以至劫數。無時斷絕。故稱無間。（卽時無間）二者，一人亦滿。多人亦滿。故稱無間。（卽形無間）三者，罪器又棒。鷹蛇狼犬。確磨鋸鑿。剉斫鑊湯。鐵網罽繩。鐵驢鐵馬。生革絡首。熱鐵澆身。飢吞鐵丸。渴飲鐵汁。從年竟劫。數那由他。苦楚相連。更無斷絕。故稱無間。（卽受苦無間）四者，不問男子女人。羌胡夷狄。老幼貴賤。或龍或神。或天或鬼。罪行業感。悉同受之。故稱無間。（卽趣果無間）五者，若墮此獄。至百千劫。一日一夜。萬死萬生。求一念間暫住不得。除非業盡。方得受生。以此連綿。故稱無間。（卽命無間）（見地藏本願經，參看阿鼻條。）

五種阿闍黎

詳阿闍黎條。

五菩提誓願

真言宗明五誓願。一衆生無邊誓願度。二福智無邊誓願集。三法門無邊誓願學。四如來無邊誓願事。五菩提無上誓願成。（見真言宗義章。）

五不思議神變

經云。佛爲諸國王。現五不思議神變。一華入無量華。無量華入一華。一佛土入無量佛土。無量佛土入一佛土。無量佛土入一毛孔土。一毛孔土入無量毛孔土。無量須彌，無量大海，入芥子中。一佛身入無量衆生身。無量衆生身入一佛身。入六道身。入地水火風身。佛身不可思議。衆生身不可思議。世界不可思議。（見仁王經散

華品。）

五噉食五嚼食 詳半者蒲善尼條。

五上分五下分 五上分者。色界無色界之惑也。一掉舉。(高舉，是貪家等流。)二慢。三無明。四色染。五無色染。(由貪重故，兩界別說)。五下分者。欲界之惑也。一身見。二戒取。三疑。四貪。五瞋。(見名義集。)又云上分結者。卽色界無色界之結惑也。五上分結。一色愛結。二無色愛結。三掉結。四慢結。五無明結。下分結者。卽欲界之結惑也。五下分結。一貪結。二瞋結。三身見結。四戒取結。五疑結。結卽繫縛之義。謂衆生因煩惱妄惑。造諸惡業。而爲衆苦繫縛。流轉三界不能出離。故云結也。(見三藏法教。)

五利使五鈍使 詳十使條。

五種大師功德 一戒行無失。謂比丘於如來所制戒律。常能堅守執持。無有毀犯過失。具是功德。方宜爲人戒法之師也。二善建立法。謂比丘於諸戒律。善能建立一切法。則令人修學。無所違越。具是功德。方宜爲人戒法之師也。三善制立所學。謂比丘於律儀中常學之法。善能裁制安立。令無差謬。具是功德。方宜爲人戒法之師也。四善斷疑惑。謂比丘於所建立法則。及所當學。或衆有疑。善能廣爲開說。斷除其惑。令得如式修持。具是功德。方宜爲人戒法之師也。五教授出離。謂比丘以如來所制戒法。教授於人。令其如法受持。成就聖道。出離生死。具是功德。方宜爲人戒法之師也。(見瑜伽師地論，三藏法數。)

六道 道卽能通之義。謂六道生死。展轉相通。故名六道。亦名六趣。又曰六凡。一地獄道。梵語捺落迦。又云泥犁。此翻苦具。而言地獄者。此處在地之下。故言地獄。(詳地獄條。)二畜生道。亦云旁生。此道偏在諸趣。(詳畜生條。)三餓鬼道。梵語薩荔多。應法師云。正言閉麗多。此云祖父鬼。或言餓鬼。(詳餓鬼條。)以上三輩。俱是惡業之所招感。故又稱三惡道。四阿修羅道。(詳天龍八部條。)五人道。四洲不同。謂東弗婆提。南閻浮提。西瞿耶尼。北鬱單越。(參看四大部洲條。)六天道。在人間之上。有欲界，色界，無色界，共二十一天。(詳二十一天條。)以上三輩及人。俱是善業之所招感。故又稱三善道。(分見四教儀，名義集。)

六趣 一地獄趣。二餓鬼趣。三畜生趣。四阿修羅趣。五人趣。六天趣。衆生由業因之差別而趣向之處也。(參看六

道條。)

六根

根即能生之義。謂六根能生六識。故名六根。一眼根。(梵語砾芻。即眼也。)謂眼能於色境盡見諸色。瑜伽論云。屢觀衆色。觀而復捨。故名爲眼。二耳根。(梵語娑路多羅戊縷多。或輸嚕怛囉。即耳也。)謂其能聽聞衆聲。

瑜伽論云。數數於此。聲至於聞。故翻爲耳。三鼻根。(梵語伽羅尼羯羅拏。即鼻也。)謂鼻能嗅聞香氣。瑜伽論云。

數由此故。能嗅於香。故名爲鼻。四舌根。(梵語舐若時吃縛。或是訶囉。即舌也。)謂舌能常於食味。瑜伽論云。能

除飢渴羸瘦。數發言論。表彰呼召。故名爲舌。五身根。(梵語迦耶。或云設利羅。或云弟訶。或云應伽。即身也。)

謂身爲諸根之所依止。瑜伽論云。諸根所隨。周徧積聚。故名爲身。六意根。(梵語紇利陀耶。即意根也。)謂意於

五塵境界。若好若惡。悉能分別也。(分見楞嚴經。名義集。三藏法數。佛爾雅。)

五塵境界。若好若惡。悉能分別也。(分見楞嚴經。名義集。三藏法數。佛爾雅。)

六塵

塵即染污之義。謂能染污情識。而使真性不能顯發。涅槃經中。稱此六塵名六大賊。以能劫奪一切善法故也。

一色塵。謂青黃赤白之色。及男女形貌色等。是名色塵。二聲塵。謂絲竹環佩之聲。及男女歌詠聲等。是名聲塵。三

香塵。謂旃檀沉水飲食之香。及男女身分所有香等。是名香塵。四味塵。謂種種飲食肴膳美味等。是名味塵。五觸塵

。觸即著也。謂男女身分。柔軟細滑。及紗衣衣服等。是名觸塵。六法塵。謂意根對前五塵。分別好醜而起善惡諸法

。是名法塵。(見涅槃經。三藏法數。參看三科法門條。)

六識

六識者。眼，耳，鼻，舌，身，意，各有識也。謂依五根能見五塵而爲五識。於五塵境而起分別爲第六識。(

見法界次第。三藏法數。參看八識條)

六入

入即趣入之義。謂六根爲六識所依。能入六塵。故名六入。所謂眼入色。耳入聲。鼻入香。舌入味。身入觸。

意入法也。(見三藏法數。)又云。眼耳鼻舌身意之六根。爲六塵所入處。故云六入。亦云六處。(參看十二入條。)

六門

即六根。(詳三科法門條。)

六境

詳十八界條。

六度

亦云六波羅密。舊稱波羅密。譯言度。新稱波羅密多。譯言到彼岸。度，爲度生死海之義。到彼岸，爲到涅槃

岸之義。其義一也。其波羅密之行法。有六種。一曰檀那。譯言布施。（詳布施條。）二曰尸羅。譯言持戒。（詳尸羅條。）三曰羼提。譯言忍辱。（詳忍辱條。）四曰毗梨耶。譯言精進。（詳精進條。）五曰禪那。譯言靜慮。（詳禪那條。）六曰般若。譯言智慧。（詳般若條。）肇師云。決定審理謂之智。造心分別謂之慧。分別則從因立名。決定乃從果立號。菩提資糧論云。既爲菩薩母。亦爲諸佛母。般若波羅密。是覺初資糧。施戒忍進定。及此五之餘。方便願智力。（參看十波羅密條。）皆由智度故。波羅密所攝。此乃般若攝於六度。（分見名義集。）

六通 三乘聖者所得之神通也。一天眼通。徹視大千，二天耳通。洞聽十方。三他心通。悉知種類。四宿命通，達三世事。五神足通。形無窒礙。六漏盡通，任運自在。（見金剛經集註。）亦云六神通。一天眼通。謂能見六道衆生生死此生彼苦樂之相。及見一切世間種種形色。無有障礙。是名天眼通。二天耳通。謂能聞六道衆生苦樂憂喜語言。及世間種種音聲。是名天耳通。三知他心通。謂能知六道衆生心中所念之事。是名知他心通。四宿命通。謂能知自身一世，二世，三世，乃至百千萬世宿命。及所作之事。亦能知六道衆生各各宿命。及所作之事。是名宿命通。五身如意通。謂身能飛行。山海無礙。於此界沒。從彼界出。於彼界沒。從此界出。大能作小。小能作大。隨意變現。是名身如意通。六漏盡通。漏卽三界見思惑也。謂羅漢斷見思惑盡。不受三界生死。而得神通。是名漏盡通。（見法界次第，三藏法數。）

六賊 原性明靜，因情昏散。狂心若歇。眞佛自彰。當知塵識是賊。止觀是兵。（禪止心散。觀照心昏。）喻雖遣兵而討賊。法要卽賊以成兵。如楞嚴經曰。眼耳鼻舌。及與身心。六爲賊媒。自劫家寶。金光明經云。猶如世人。馳走空聚。（六根虛假如空聚落。）六賊所害。愚不知避。（六塵污染。害智慧命。劫功德財。故名六賊。）頌曰。當知此身如空聚。六賊依止不相知。六塵諸賊別依根。各不相知亦如是。亦名六衰。妙樂云。衰祇是賊。能損耗故。（見名義集。）

六情 卽眼耳鼻舌身意六根也。中觀論。青目釋云。經中說有六情。所謂眼耳及鼻舌。身意等六情。此眼等六情。行色等六塵。此中眼爲內情。色爲外塵。眼能見色。乃至意爲內情。法爲外塵。意能知法。是也。又六根通名情者。意

從常體得名。餘五是根生之果。從果受稱。又名六依。爲六識所依故。六塵又名六衰。令善法衰滅故。又名六欲。是人之所以所欲故。（見中觀論疏釋）。

六大

謂地水火風空識也。中論名爲六種定相。地以堅爲相。水以溼爲相。火以熱爲相。風以動爲相。空以虛爲相。

識以了爲相。不可更移。故云六種定相。青目釋云。問曰。六種各有定相。有定相故。卽有六種。答曰。空相未有時。則無虛空法。若先有虛空。卽爲是無相。（上半偈明無空。下半偈明無相。）此破空品相也。餘五種類破。如偈云。是故知虛空。非有亦非無。非相非可相。餘五同虛空。是也。（見中觀論疏釋。）

六衰

詳六賊條

六卽

天台宗圓教位次。判爲六卽。一理卽。謂一切處生。皆有佛性。有佛無佛。性相常住。又云。一色一香。無非

中道等言。總是理卽。二名字卽。次從善知識及從經卷。聞見此言。爲名字卽。三觀行卽。依教修行。爲觀行卽。（五品位。）四相似卽。相似解發。爲相似卽。（十信位。）五分證卽。分破分見。爲分證卽。（從初住至等覺位。）六究竟卽。智斷圓滿。爲究竟卽。（妙覺位。）約修行位次。從淺至深。故名爲六。約所顯理體。位位不二。故名爲卽。是故深識六字。不生上慢。委明卽字。不生自屈。可歸可依。思之擇之。（見四教儀。參看六卽佛條。）

六味

詳三德六味條。

六喻

金剛經云。一切有爲法。如夢幻泡影。如露亦如電。應作如是觀。六喻者。卽喻夢，喻幻，喻泡，喻影，喻露，喻電也。初喻夢者。寐中神遊也。列子分六夢。一正夢。謂平居自夢。二愕夢。謂驚愕而夢。三思夢。謂思念而夢。

。四寤夢。謂覺而道之而夢。五懼夢。謂恐懼而夢。六喜夢。謂喜悅而夢。周禮占六夢之吉凶。善見律明四種夢。（詳四種夢條。參看三細六蘊條。）

二喻幻者。楞伽云。如工幻師。依草木瓦石作種種幻。起一切衆生若干形色。起種種妄想。三喻泡者。淨名疏云。上水滲下水。上水爲因。下水爲緣。得有泡起。斯須卽無。四喻影者。梵語頻婆帳。

此云身影。淨名疏云。有物遮光。則有影現。物異影異。物動影動。無明行業。遮理智光。則有三事。報身影現業異。從生至死。流動非一。五喻露者。大戴禮云。露，陰陽之氣也。夫陰氣勝則凝爲霜雪。陽氣勝則散爲雨露。朝陽纔

照。雍露即晞。人生處世。奄忽何期。六喻電者。五經通義曰。電，雷光也。顧凱之曰。電，陰陽相觸爲雷電。經取疾速之象。令悟無常之法。性通達者。當起信志。（此釋六種能喻。）其所譬法。今述頌曰。世界變成如幻化。受想行起似浮泡。法塵緣慮同觀影。身似露珠垂樹梢。過去翻思事若夢。現前如電耀荒郊。須知畢竟常空寂。自是無端與物交。（見名義集。）亦曰六如。謂世間一切有所作爲之事。皆虛妄不實。如夢想之非真。如幻術之假化。如水泡之虛浮。如身影之恍惚。如朝露之易晞。如閃電之易滅。一切有爲法。應作如是觀。（見金剛經註。）僧徽師曰。如夢幻泡影。如露亦如電。令行人了萬法如夜夢。睡時似有。覺了全無。萬法迷無似有。悟得全無。故觀如夢。淨名經云。是身如夢。爲虛妄見。幻者。幻術也。結巾成兔。結草爲馬。本無實體。萬法緣生妄有。本無自體。故如幻。淨名經云。是身如幻。從顛倒起。泡者。風擊水成泡。豈有久住。觀萬法似浮漚不實。淨名經云。是身如泡。不得久立。影者。水中月影。光射物影。全體虛假亦然。故如影。淨名經云。是身如影。從業緣現。露者。晨朝溼露也。暫有卽無。觀萬法亦然。電者。閃電也。忽有忽無。念念無常。觀萬法亦如電光。剎那生滅。故如電。淨名經云。是身如電。念念不住。傅大士頌曰。如星翳燈幻。皆爲喻無常。漏識修因果。誰言得久長。危脆同泡露。如雲影電光。饒經八萬劫。終是落空亡。（見金剛經集註。）

六輪 本業瓔珞經云。鐵輪十信位。銅輪十住位。銀輪十行位。金輪十向位。琉璃輪十地。摩尼輪等覺妙覺。（見名義集。）輪有二義。一運轉。二摧碾。謂佛菩薩轉於法輪。則能摧碾衆生惑業。故以六輪對諸位次也。（見三藏法數。）

六河 謂生死河。涅槃河。煩惱河。佛性河。善法河。惡法河也。（見涅槃經。）

六聚 聚者，集也。由衆生罪有輕重。故佛制諸戒。結罪不一。因隨其重輕。集分六類。故云六聚也。一波羅夷。二僧伽婆尸沙。三偷蘭遮。四波逸提。五波羅提舍尼。六突吉羅。此卽四分律所明六聚也。（見名義集，三藏法數，參看七聚條。）

六如 詳六喻條。

六蔽

六蔽者。一慳貪。二破戒。三瞋恚。四懈怠。五散亂。六愚癡也。(見三藏法數。)

六凡

詳十界條。(參看六道條。)

六蠱

詳三細六蠱條。

六難

一佛世難遇。二正法難聞。三善心難生。四中國難生。五人身難得。六諸根難具。(見涅槃經。)

六妙門

妙名涅槃。門名能通。修此六法。則能通至涅槃。故名六妙門。一數息門。謂調和氣息。不澀不滑。安詳徐

數。從一至十。攝心在數。不令馳散。是爲初門。二隨息門。謂細心依隨息之出入。住而不散。捨數修隨。心隨於息。入時知入。出時知出。心安明淨。禪定自發。故以隨爲門也。三止門。謂攝心靜慮也。次捨隨修止。凝心寂慮。禪定自發。故以止爲門也。四觀門。謂分別觀察之心也。次不著於止。起觀分別。則無漏方便。因此開發。故以觀爲門也。五還門。謂轉心返照也。次捨觀修止。反照能觀之心。念念皆不可得。不加功力任運。返本還源。故以還爲門也。六淨門。謂心無所依。不起妄想分別之垢也。次捨還修淨。淨心成就。即發三乘聖道。故以淨爲門也。前三是定。後三是慧。定愛慧策。(愛謂愛樂於禪。策謂策進真行。)能發真明。(真明者。真性之明也。)出離生死。(見法界次第，三藏法數。)

六卽佛

一理卽佛。理卽佛者。不思議理性也。如來之藏。不變隨緣。隨緣不變。隨拈一法。無非法界。心佛衆生。

三無差別。在凡不減。在聖不增。二名字卽佛。名字卽佛者。開解也。了知一色一香。無非中道。理具事造。兩重三千。同在一念。如一念。一切諸念亦復如是。如心法。一切佛法及衆生法亦復如是。三觀行卽佛。觀行卽佛者。五品外凡位也。一隨喜。二讀誦。三講說。四兼行六度。五正行六度。圓伏五住煩惱。與別十信齊。而復大勝。四相似卽佛。相似卽佛者。十信內凡位也。初信任運先斷見惑。證位不退。與別初住，通見地，藏初果齊。二心至七心。任運斷思惑盡。與別七住，通已辦，藏四果齊。而復大勝。故永嘉云。同除四住。此處爲齊。若伏無明。三藏則劣也。八心至十心。任運斷界內外塵沙。行四百由旬。證行不退。與別十向齊。五分證卽佛。分證卽佛者。十住，十行，十向，十地，等覺，聖位也。初住斷一分無明。證一分三德。(正因理心發。名法身德。了因慧心發。名般若德。緣因善

心發。名解脫德。）一心三觀。任運現前。具佛五眼。成一心三智。行五百由旬。初到寶所。初居實報淨土。亦復分證常寂光土。證念不退。無功用道。現身百界。八相作佛。與別初地齊。二住至十住。與別十地齊。初行與別等覺齊。二行與別妙覺齊。三行已去所有智斷。別教之人不知名字。六究竟即佛。究竟即佛者。妙覺極果。斷四十二品微細無明永盡。究竟登涅槃山頂。以虛空爲座。成清淨法身。（一一相好。等真法界。）居上上品常寂光淨土。亦名上上品實報無障礙淨土。性修不二。理事平等。（見教觀綱宗。）無機子敍六即佛曰。凝禪任性。濼上聖以矜高。狂慧隨情。居下凡而自屈。由是天台智者祖師。明六即佛。破二種見。揀其太過。六分因果之事殊。收彼不收。即顯聖凡之理等。沈生死海。如寶在暗而不失。升涅槃山。如金出鑛以非得。不一不異。其道融通。無是非。此智圓妙。今述鄙頌。式讚大猷。庶幾見聞。咸得開悟云爾。一頌理即佛。動靜理全是。行藏事盡非。冥冥隨物去。杳杳不知歸。二頌名字即佛。方聽無生曲。始聞不死歌。今知當體是。翻恨自蹉跎。三頌觀行即佛。念念照常理。心心息幻塵。徧觀諸法性。無假亦無真。四頌相似即佛。四住雖先脫。六塵未盡空。眼中猶有翳。空裏見花紅。五頌分證即佛。豁爾心開悟。湛然一切通。窮源猶未盡。尙見月朦朧。六頌究竟即佛。從來真是妄。今日妄皆真。但復本時性。更無一法新。（見名義集。參看六即條。）

六種性

種性者。種別性分也。種即種子。有發生之義。性即性分。乃自分不改之義。瓔珞經，對別教十住，十行，十回向，十地，等覺，妙覺，而論。故有六種性。然性通六位。種局在因。故前之四位名種。等覺雖在因。然勝前。得稱爲覺。故不言種也。一習種性。謂十住菩薩。研習空觀。破見思惑。故名習種性。二性種性。謂十行菩薩。雖證本性真空之理。不住於空。而能分別一切諸法。化諸衆生。故名性種性。三道種性。謂十回向善薩。因修中道妙觀。通達一切佛法。故名道種性。四聖種性。謂前諸位皆名賢位。十地菩薩。由修中道妙觀。破無明惑。證入聖地。故名聖種性。五等覺性。謂望後妙覺。猶有一等。勝前諸位。得稱爲覺。是名等覺性。六妙覺性。謂自覺覺他。覺行圓滿。不可思議。故名妙覺性。（見瓔珞本業經，三藏法數，四教儀。）

六和敬

和敬者。和同愛敬也。此六者通名和敬。蓋外同他善謂之和。內自謙卑謂之敬。今稱僧爲六和。蓋出於此。

一同戒和敬。二同見和敬。三同行和敬。四身慈和敬。五口慈和敬。六意慈和敬。（見法界次第，三藏法數。參看三寶條。）

六慧法

一聞慧。謂別教菩薩。於十住位中。因聞中道之理。知一切法。離二邊相。（二邊相者。空有二邊之相也。）

二思慧。謂別教菩薩。於十行位中。思惟中道之理。發生一切智慧。故名思慧。三修慧。謂別教菩薩。於十回向位中。修習中道之理。發生一切智慧。故名修慧。四無相慧。謂別教菩薩。於十地位中。證知中道之理。空無性相。發生一切智慧。故名無相慧。五照寂慧。照即中道之用。寂即中道之體。謂別教等覺菩薩。以中道之觀慧。照中道之理體。故名照寂慧。六寂照慧。謂別教妙覺果佛之智慧。能於中道之理。即寂而照。即照而寂。寂照不二。定慧平等。故名寂照慧。（見菩薩瓔珞本業經，三藏法數。）

六種震動

其一。六種震動者。動，起，涌，三種是形。震，吼，擊，三種是聲。於形聲中各舉一種。故言震動。

六種中復各有三相。一方獨動名徧動。四方俱動名徧動。八方齊動名普徧動。起，涌，震，吼，擊，亦復如是。遂成十八種震動之相也。（見華嚴經疏。）其二。六種動相者。相即涌沒之相。涌謂涌起。沒謂隱沒也。以東，西，南，北，中，邊，互而言之。故有六種焉。亦名六種震動。一東涌。謂於世界東方而涌也。二西沒。謂於世界西方而沒也。三南涌。謂於世界南方而涌也。四北沒。謂於世界北方而沒也。五中涌。謂於世界中間而涌也。六邊沒。謂於世界邊際而沒也。（見大乘同性經，並大智度論。）

六十二見

謂外道之人。於色，受，想，行，識，五陰法中。每一陰起四種見。則成二十見。約過去，現在，未來

，三世論之。成六十見。此六十見。以斷常二見爲根本。則總成六十二見也。（見大涅槃經。）論云。六十二見者。五蘊中各起四見。四五十。三世各二十。通爲六十。通身即是神身異神二見。總爲六十二見。此六十二見。但爲斷常有無之邊見也。（見毘婆沙論。）輔行云。因是五見。生六十二。（五見。一身見，二邊見，三見取，四戒取，五邪見。）章安云。此有二意。一者，我見有五十六。謂欲界五陰。各計四句。合爲二十。色界亦爾。無色界除色。但有十六。故知三界合五十六。邊見有六。三界各二。謂斷常。添前合成六十二見。二者，三世五陰。各計斷常。用有

無二見而爲根本。此準大論六十八文。謂色如去等四句。四陰亦然。合二十句。此即計現在世也。又計色有邊等四句。四陰亦然。合二十句。即計未來也。三世六十。並有無二。總成六十二見。（見名義集。）

六根互用

詳導養身條。

六波羅密

詳六度條。

六度滿相

菩薩修行六度。各有滿時。凡有所施。而無遮礙。如尸毗王代鴿。是檀滿。如須陀摩王（亦云普明王）捨國。獲偈護不妄語。是名尸滿。如屢提仙人。爲歌利王割截無恨。身體平復。是忍辱滿。如大施太子。爲諸衆生。入海求珠。充足窮乏。得珠入手。海神見其睡。卽藏其珠。太子覺已。誓將此身杼海令盡。天帝感見。諸天助之。海水減半。乃至七日翹足偈讚弗沙。卽精進滿。如尙闍黎（螺髻仙人名。）仙人入定。鳥巢髻中。待子能飛。方乃出定。是名禪滿。如劬嬪大臣。分閻浮提地而爲七分。息國仇讎。是般若滿。（見天台八教大意。）

六苦行外道

一自餓外道。謂外道修行。不羨飲食。長忍饑虛。執此苦行。以爲得果之因。是名自餓外道。二投淵外道。謂外道修行。寒入深淵。忍受凍苦。執此苦行。以爲得果之因。是名投淵外道。三赴火外道。謂外道修行。常熱炙身及熏鼻等。甘受熱惱。執此苦行。以爲得果之因。是名赴火外道。四自坐外道。謂外道修行。常自裸形。不拘寒暑。露地而坐。執此苦行。以爲得果之因。是名自坐外道。五寂默外道。謂外道修行。於屍林塚間以爲住處。寂默不語。執此苦行。以爲得果之因。是名寂默外道。六牛狗外道。謂外道修行。自謂前世從牛狗中來。卽持牛狗戒。齧草噉污。唯望生天。執此苦行。以爲得果之因。是名牛狗外道。（見大涅槃經，三藏法數。）

天華

梵語布瑟波。此云華。梵語弗把提。又雞摩多羅。具云雞摩薩羅多摩羅。此云天華。梵語俱蘭吒。此云紅色華。大論云。一人間蓮華十餘葉。二天華百葉。三菩薩華千葉。（分見名義集，佛爾雅。）

天竺

印度之古稱。（詳印度條。）

天親

梵語婆藪盤豆。此云天親。西域記云。伐蘇畔度。唐云世親。舊曰婆藪盤豆。譯曰天親。訛謬。言天親者。苦

薩乃是毘紐天親。故云天親。於說一切有部出家受業。初毀大乘。因兄無著曲導。深悔前非。將自斷舌。兄告曰。汝昔以舌毀大乘。今應以舌讚大乘。補過自新。猶爲善矣。杜口絕言。其利安在。世親承命。遂不斷舌。且詣無著。請受大乘。於是研精覃思。製大乘論。凡百餘部。並盛宣行。(見名義集，參看無著條。)

天乘 其一。天者，謂天然自然。樂勝身勝也。天以十善爲乘。運出五道。得生欲天。於修十善時。更能修習禪定。卽生色界無色界天。故名天乘。其二。天卽色界天也。謂彼諸天修根本有漏禪觀。(有漏者。謂漏落生死也。)欲惑不染。以此根本禪定。(根本禪，卽色界禪。謂能出生一切禪定故也。)運出欲界。是名天乘。(分見三藏法數，名義集。)

天道 詳六道條。

天眼 詳五眼條。

天樂 詳三樂條。

天魔 詳魔羅條。

天行仙 詳十行仙條。

天帝網 詳因陀羅網條。

天伎神 詳天龍八部條。

天人師 詳十號條。

天台宗 詳十宗條。

天赤珠 梵語因陀尼羅。大論，此云天赤珠。(見名義集。)

天上四塔 一箭塔。二髮塔。三鉢塔。四牙塔也。一箭塔。本行經云。太子年十五。與諸釋種鬥射。一箭穿透七金鼓。又一箭徹七鐵豬。其箭透出。着地入土。幽泉迸涌。時天帝釋取其箭歸忉利天上。建塔盛貯供養。此天上四塔之始。一也。其泉涌處。人名爲箭井。唐三藏西域記云。箭井在迦毘羅城東南三十里。其水味甘如醴。病者飲之卽愈。

民於今利之。二髮塔。經云。太子初出家時。自以寶裝佩刀。左手握紺青之髮。而發願云。我今落此髮。誓與衆生斷除煩惱及與習障。尋卽截下。擲向空中。天帝釋接往忉利天。建塔安貯供養。此天上四塔之二也。三鉢塔。經云。菩薩將往道樹時。有天人告善生村主二女。一名難陀。(華言喜。)二名婆羅。(華言力。)曰。汝可最初施食。於是二女以乳烹糜。其釜上現種種瑞相。乃用鉢盛奉獻。菩薩食已。將其鉢擲向尼連河中。天帝釋收歸天上。建塔安置供養。此四塔之三也。四牙塔。昔帝釋先告乞半身舍利。歸天供養。佛唯許右頰上齧一牙。泊火已焚七日。而烈焰未滅。龍王作念。擬滅是火。先取舍利。皆盡力不能沃滅。及天帝釋躬持金瓶注水。火乃息矣。見裹佛身千體。唯着身并最上二體宛在。中間諸體。皆爲灰燼。其頂骨及四牙。燦然不動。帝釋稟教。唯取所許一牙。迎歸天宮。建塔安置供養。此天上第四塔也。(見釋迦如來成道記註。)或云忉利四塔。東照明園。髮塔。南粗澀園。衣塔。西歡喜園。鉢塔。北駕御園。牙塔。(見教乘法數。)

天龍八部

此乃聽法衆，亦護法衆也。八部者。一天衆。卽忉利天主。二龍衆。謂龍王。有四種。一者守天宮殿。持令不落。二者興雲致雨。益人間者。三者地龍。決江開瀆。四者伏藏龍。守護輪王寶藏者也。三夜叉。此云勇健。亦云暴惡。有三種。一在地。二在虛空。三天夜叉。居下天。守天城池門闕者。四乾闥婆。此云香陰。亦云凌空之神。不噉酒肉。惟香資陰。(陰卽身也。)乃帝釋天主樂神也。五阿修羅。亦云阿素洛。此云非天。無天德故。又云無端正。男醜女端故。又云無酒。瞋恨不飲故。法華疏云。修羅於四天下採華。醞海爲酒。魚龍業力。其味不變。於是瞋妒。誓願斷酒。故言無酒。淨名疏云。此神果報最勝。鄰次諸天，而非天也。多力好鬥。常與帝釋爭權。起世經云。修羅所居宮殿城郭器用。降地居天一等。亦有婚姻男女法式。略如人間。楞嚴經明此修羅。天人鬼畜。四趣皆有。大論云。此修羅在因之時。懷猜忌心。雖行五常。欲勝他故。作下品十善。感此道身。華嚴云。如羅睺阿修羅王。本身長七百由旬。化形長十六萬八千由旬。於大海中。出其半身。與須彌山而正齊等。六迦樓羅。此云金翅。翅翮金色。兩翅相去三百三十六萬里。頸有如意珠。以龍爲食。卽金翅鳥神也。七緊那羅。亦云眞陀羅。此云疑神。秦言人非人。似人而頭上有角。亦天伎神也。較乾闥婆小。新歌歌神。是諸天絲竹之神。八摩睺羅伽。亦云摩呼羅伽。又云

莫呼洛伽。此云大腹行。羅什法師云。是地龍而腹行。又云。是大蟒神而腹行也。（分見名義集，佛爾雅，三藏法數。）

天女散華

經云。時維摩詰室。有一天女。見諸天人聞所說法。便現其身。即以天華。散諸菩薩大弟子上。華至諸菩薩。即皆墮落。至大弟子。便著不墮。一切弟子神力去華。不能令去。爾時天問舍利弗。何故去華。答曰。此華不如法。是以去之。天曰。勿謂此華爲不如法。所以者何。是華無所分別。仁者自生分別想耳。若於佛法出家。有所分別。爲不如法。若無所分別。是則如法。觀諸菩薩華不著者。已斷一切分別想故。譬如人畏時。非人得其便。如是弟子畏生死故。色聲香味觸得其便也。已離畏者。一切五欲無能爲也。結習未盡。華著身耳。結習盡者。華不著也。又舍利弗問天言。汝何以不轉女身。天曰。我從十二年來。求女人相。了不可得。當何所轉。譬如幻師化作幻女。若有人問。何以不轉女身。是人爲正問否。舍利弗言。不也。幻無定相。當何所轉。天曰。一切諸法。亦復如是。無有定相。云何乃問不轉女身。即時天女以神通力。變舍利弗令如天女。天自化身如舍利弗。而問言。何以不轉女身。舍利弗以天女像而答言。我今不知何轉而變爲女身。天曰。舍利弗。若能轉此女身。則一切女人亦當能轉。如舍利弗。非女而現女身。一切女人。亦復如是。雖現女身。而非女也。是故佛說一切諸法。非男非女。即時天女還攝神力。舍利弗身還復如故。天問舍利弗。女身色相。今何所在。舍利弗言。女身色相。無在無不在。天曰。一切諸法。亦復如是。無在無不在。夫無在無不在者。佛所說也。（見維摩經觀衆生品，參看百華條。）

天大將軍

梵語散脂修摩。此翻云密。謂名，行，理，智，四者皆密故。天台釋天大將軍。乃云。金光明。以散脂爲大將。光明疏云。二十八部巡遊世間。賞善罰惡。皆爲散脂所管。又云密跡金剛。應法師云。梵語散那。譯云密主。知佛三密功德故。梵本都無迹義。以示迹爲神。譯者義立。故云密迹。（分見名義集。）

天台四教儀

是書爲高麗沙門諦觀所述。唐末。吳越錢忠懿王。遣使至高麗。求取一家章疏。高麗國君。乃勅僧白諦觀者報聘。以天台教部。還歸於越。觀既至。能探索大本。錄出四教儀之文。大教至是重昌矣。（節錄四教儀緣起。）

天台八教大意 是書爲隋天台沙門灌頂撰。釋明曠錄。曠云。謹按天台一宗。略論旨趣。究其始末。餘文廣尋。可

謂習義觀之初章。辯偏圓之妙慧。終朝結舌遍誦諸經。八音掩扇常聞梵響。靈山親證語不徒施。發陀羅尼言可驗矣。頃因好事者直筆書之。儻有見聞者。咸資種智自他功德。冀必由茲法界怨親俱霑願海。天台釋明曠於三童寺錄焉。

日神

梵語蘇利耶。或蘇梨耶。或修利。此云日神。日者，說文云。實也。太陽之精。起世經云。日天宮殿。縱廣正等五十一由旬。上下亦爾。（見名義集，參看日宮天子條。）

日種

詳瞿曇條。

日宮天子

謂此天宿因。布施持戒。修善奉佛。得生其中。其宮殿城郭。皆百寶所成。五風運持。不令停住。（五風者。持風，住風，隨順轉風，波羅訶迦風，將行風也。參看月宮天子條。）環繞須彌山半。照四大洲。所謂南閻浮提日正中。東弗于逮日始沒。西瞿耶尼日初出。北鬱單越當夜半。是爲一日。照四天下。除冥破闇。成熟萬物。其功實大。法華經中名寶光天子。即此天也。（見三藏法教。）起世經云。初初世間黑暗。爾時忽然出生日月及諸星宿。便有晝夜年歲時節。日從東方出。繞須彌山半腹而行。照於四洲。遂有晝夜不同。如云。東弗婆提日正中。北鬱單越日始沒。南閻浮提日初出。西瞿耶尼當夜半。南閻浮提日正中。東弗婆提日始沒。西瞿耶尼日初出。北鬱單越當夜半。西瞿耶尼日正中。南閻浮提日始沒。北鬱單越日始出。東弗婆提當夜半。北鬱單越日正中。西瞿耶尼日始沒。東弗婆提日初出。南閻浮提當夜半。所謂日照四洲是也。（見法苑珠林。）

日中佛食

梵語逋沙他。此云齋日。梵語烏哺沙他。此云受齋。又云增長。謂受持齋法。增長善根。毘羅三昧經。瓶沙王問佛。何故日中佛食。答云。早起諸天食。日中三世佛食。日西畜生食。日暮鬼神食。佛制斷六趣因。令同三世佛食故。今約理解。故云齋者。祇是中道。後不得食者。即佛制中後不得食也。毘婆沙論云。夫齋者。以過中不食爲體。以八事助成齋體。共相支持。名八支戒法。又經云。佛言中後不食有五福。一少淫。二少睡。三得一心。四無有下風。五身得安隱。亦不作病。（分見名義集。）

月神

梵語蘇摩。此云月神。釋名云。月者。缺也。言滿而復缺。淮南子云。月者。太陰之精。起世經云。月天宮殿

。縱廣正等四十九由旬。問。何故月輪初後時缺。答。如涅槃云。月性常圓。實無增減。因須彌山。故有盈虧。又俱舍云。近日自影覆。故見月輪缺。世施設足論云。以月宮行近。日輪光所侵。照餘邊發影。自覆月缺輪。故於爾時見不圓滿。然一日月普照四洲者。長阿含云。閻浮提日中。弗婆提日沒。瞿耶尼日出。鬱單越夜半。經文次第四方徧說。此二名出大孔雀咒王經。(見名義集，參看月宮天子條。)

月宮天子

謂此天宿因所修所證。與日宮天子同。故生其中。其宮殿百寶所成。五風運持。不令停住。(月宮殿中

亦有五風。餘風名義皆同。唯第四一種名攝。疑前日宮波羅訶迦。亦是攝之義，見起世經。)環繞須彌山半。照四洲。其圓缺者。白月初。日在前。黑月初。日在後。因日影覆射。故有圓缺。(白月初者。上半月初也。黑月初者。下半月初也。)所謂近日自影覆。故見月輪缺。然月光陰滋萬物。夜發光明。功次於日。法華經云。明月天子是也。

(見三藏法數。)

水精 詳七寶條。

水輪 詳四輪持世界條。

水鹽器馬 詳先陀婆條。

水喻真心

水喻真心有十義。一水體澄清。謂衆生真如之心。自性清淨。圓澄明徹。本來無染。猶水之澄清也。二

得泥成濁。謂衆生真如之心。性雖清淨。而爲無明之所染污。覺成不覺。猶水本清淨。得泥成濁也。三雖濁不失淨性。謂衆生真如之心。雖爲無明所染。而清淨本然之性。初不變異。猶水雖濁。而其淨性則不失也。四泥澄淨現。謂衆生真如之心。爲無明所覆。其體昏昧。若能除去無明之惑。則本然清淨之性。自然澄現。猶水之濁。澄去其泥。則淨體現矣。五遇冷成冰而有硬用。謂衆生真如之心。與無明合。則能隨諸染緣。變造九界之法。而成本識(阿賴耶識)之用。猶水之遇冷成冰。而有堅硬之用也。六雖成硬用不失濡性。謂衆生真如之心。雖隨無明之緣。起諸染用。然即事恆真。其不變之性。未始不存。猶水雖成堅硬之用。而其濡性未嘗有失也。七煖融成濡。謂衆生真如之心。雖隨無明之緣而起染用。然無明若盡。則本識還淨。猶水之成冰。遇煖而融。濡性自成也。八隨風波動。不改靜性。謂衆生

真如之心。隨無明風而波浪起滅。然其不生不滅之性。則自然不變。猶水之隨風波動。而靜性不改也。九高下流注。不動自性。謂衆生真如之心。隨緣流注。而性常湛然不動。猶水隨地高下。排引流注。而不動自性也。十隨器方圓。不失自性。謂衆生真如之心。普徧諸有爲法。而自性不失。猶水之隨器方圓而不失自性也。（見宗鏡錄，三藏法數。）

火神

梵語惡那尼。或名些吉利多耶尼。此云火神。書云。燥萬物者莫熯乎火。然蘊木中。古者不知。至燧人氏鑽木作火。以教天下變生爲熟。梵語婆庚，此云風神。此二神名。出孔雀經。（分見名義集。）

木縣

梵語閃婆。或睽婆。此云木縣。梵語吉貝。或切貝。或切波育。卽木縣也。正言迦波羅。此樹華名也。可以爲布。高昌國名毘。屬賓國南。大者成樹已。此形小狀如土葵。有殼。剖以出華。如柳絮。可紵以爲布。（分見名義集，佛爾雅。）

木槍

佛在羅閱祇竹園精舍。入城乞食。忽有木槍。迸在佛前。心自念言。此是宿緣。我當受之，衆見驚愕。佛復心念。現償宿緣。使衆人見。不敢造惡。便躡身虛空。去地一仞。木槍逐佛。乃至七由延。槍亦隨之。佛於空中化一青石。厚闊十二由延。佛立石上。槍卽穿石。出在佛前。又化地水火風。各厚闊十二由延。佛立其上。槍亦穿過。佛復上四天王宮。次第乃至梵天。槍亦次第而上。至於佛前。所過諸天。與說宿緣。佛復從梵天下。至羅閱祇城。槍亦尋下。國人隨從。看此因緣。佛恐衆人見償此緣。皆當悶死。故語衆人。各自還歸。亦救諸比丘衆各還房已。佛便心念。當償宿緣。遂疊大衣。敷座而坐。卽展右足。本槍便從足跌徹過。舍利弗等皆至佛所。禮拜慰問。爲說宿緣。往昔有兩部主賈客。入海取寶。後遇水漲爭船。第二部主與第一部主格戰。第二部主以鑢矛鑢第一部主脚徹過。卽便命終。佛告舍利弗。爾時第二部主者。卽我身是。第一部主者。今提婆達兜是。我時鑢彼脚。以是因緣。受諸苦報。今雖得佛。由此殘緣。故受木槍刺脚也。（見佛說興起行經，三藏法數。）

木瓜林

千二百五十人條

牛黃

梵語胡臚遮那。卽牛黃也。（見大悲經。參看瞿摩帝條。）

牛呵

梵鉢提。或橋梵波提。或伽梵婆提。或笈房鉢底。此翻牛呵。法華文句云。昔五百世曾爲牛王。牛若食後。常事虛瞧。蓋其餘報未除。舌嘗味時。亦事虛瞧。故人稱爲牛呵。楞嚴經。橋梵鉢提白佛言。我有口業。於過去劫。輕弄沙門。世世生生。有牛呵病。佛爲遮謗。賜之數珠。令嘗念佛。清淨心地。又云。橋梵鉢提。異舌知味。郭璞云。食之已久。復出嚼之。或翻牛王。又翻牛相。（見名義集。）

牛頭旃檀

或云。此方無故不翻。或云義翻與藥。能除病故。慈恩傳云。樹類白楊。其質涼冷。蛇多附之。華嚴云。摩羅耶山。（或云摩黎山。）出旃檀香。名曰牛頭。若以塗身。設入火坑。火不能燒。正法念經云。此洲有山。名曰高山。高山之峯。多有牛頭旃檀。若諸天與修羅戰時。爲刀所傷。以牛頭旃檀塗之即愈。以此山峯狀如牛頭。於此峯中生旃檀樹。故名牛頭。大論云。除摩梨山。無出旃檀。白檀治熱病。赤檀去風腫。摩梨山。此云離垢。在南天竺國。（見名義集。參看伊蘭條。）

牛狗外道

詳六苦行外道條。

牛糞中生華

梵語巨磨。此云牛糞中生華。（見名義集。）

心印

心者佛心。印者印證。謂爲佛心所印證也。祖庭事苑八曰。達磨西來。不立文字。單傳心印。直指人心。見性成佛。六祖曰。吾傳佛心印。安敢違於佛經。（見六祖壇經箋註。）

心地

心爲萬法之本。能生一切諸法。故曰心地。心地觀經八云。三界之中。以心爲主。能觀心者究竟解脫。不能觀者究竟沉淪。衆生之心。猶如大地。五穀五果。從大地生。如是心法。生世，出世，善惡，五趣，有學，無學，獨覺，菩薩，及於如來。以此因緣。三界唯心。心名爲地。（見六祖壇經箋註。）毗舍如來云。當平心地。則世界地一切皆平。（見楞嚴經五。）

心法

其一。小乘七十五法。攝爲五類。謂色法十一。心法一。心所有法四十六。不相應行法十四。無爲法三。（見圓覺經疏鈔。）心法一。謂心雖無形質。而有覺知之用。以能緣慮分別。名之爲心。卽意識也，此專言心法一者。蓋小乘之人。唯知心王是第六意識。而不知有第七第八二種之識也。其二。大乘百法。束爲五門。謂色法十有一。心法

八。心所有法五十有一。不相應行法二十有四。無爲法六。共成一百也。（詳百法明門條。）心法八。心即心識。謂眼識，耳識，鼻識，舌識，身識，意識，末那識，阿賴耶識。此八種識。皆有分別之義。俱屬於心。故名心法。（見三藏法數。）百法論疏云。心法有六種義。一集起名心。唯屬第八。集諸種子。起現行故。二精集名心。屬前七轉。能熏積集諸法種故。三緣慮名心。俱能緣慮自分境故。四或名爲識。了別義故。五或名爲意。等無間故。六或第八名心。第七名意。前六名識。入楞伽云。藏識說名心。思量性名意。能了諸境相。是故名爲識。（見名義集。）

心王 心王者。即第八識也。宗鏡錄云。不爲垢法之所染。甯爲淨法之所治。非生死之所羈。豈涅槃之能寂。遂稱識主。故號心王。（見名義集。參看心心所條。）

心性 明心見性條。

心境 世間一切諸法。唯一心造。心外更無一法可得。境本空寂。無有實體。所謂攝境歸心是也。（見三藏法數。）毘婆尸佛偈云。假借四大以爲身。心本無生因境有。前境若無心亦無。罪福如幻起亦滅。（見二課合解。）斷際禪師云。凡人多爲境礙心。事礙理。常欲逃境以安心。屏事以存理。不知乃是心礙境。理礙事。但令心空境自空。但令理寂事自寂。毋倒用心也。（見傳心法要。參看一真法界條。）

心諦 即第八識心王也。（見仁王經。詳心王條。）

心燈 猶言心靈。靜中不昧之義。梁簡文帝云。豈止心燈夜炳。亦乃意蕊晨飛。（見辭源。）華嚴經云。譬如一燈。入於暗室。百千年暗。悉能破盡。菩提心燈。亦復如是。

心所 詳心心所條（參看心所六位條。）

心心所 心即心王。即八識也。此八種識。各自爲主。亦能自在現行。不依別種識者。故名爲心王。而有與心王相應。又繫屬於心王者。則名心所。（見唯識釋。）

心經 此經凡有五譯。一羅什譯。名摩訶般若波羅密大明咒經。二玄奘譯。名般若波羅密多心經。即今通行本是。三般若利言譯。名與今同。四宋法月譯。名普徧藏般若波羅密多經。五施護譯。名佛說聖母般若波羅密多心經。自來傳

誦。皆崇契本。今本首無五事證信。月利等三本。具有序正流通。彼言佛在靈鷲山。與千二百五十人。并諸菩薩等俱。時佛入甚深光明宣說正法三昧。聞者無從。故尊者舍利弗。啓問觀自在菩薩而說此經。宋本又云。觀自在菩薩說此經畢。佛從三昧起。讚言善哉善哉。如汝所說。今文從簡。故略之。然大品經中有一段。與今大同。龍樹有釋。須者往檢。唐貞觀三年。京師災。勅諸道俗。隨豐四出。時三藏法師玄奘。因往西域。至罽賓國。道多虎豹。險不可過。不知爲計。閉門而作。至夕開門。見一老僧。頭面瘡瘡。身體膿血。危身獨坐。莫知由來。奘乃拜懇。僧卽口授心經令誦。遂得山川平易。怪物潛蹤。旣至印土。戒日王爲設論座。一十八國無與抗衡。徧遊五印。請諸梵本。以貞觀十九年還京。勅住弘福寺及玉華宮。翻譯經藏。成有七十三部。一千三百三十卷。（見二課合解。）

心意識法

華嚴云。諸業虛妄。積集名心。末那思量。意識分別。眼等五識。了境不同。愚癡凡夫。不能知覺。怖

老病死。求入涅槃。生死涅槃。二俱不識。於一切境。妄起分別。大乘入楞伽經云。心能積聚業。意能廣積集。了別故名識。對現境說五。婆沙云。祇是一心。有三差別。（見名義集。）唯識。謂薄伽梵處處經中。說心意識三種別義。集起名心。思量名意。了別名識。是三別義。如是三義。雖通八識。而隨勝顯。第八名心。集諸法種。起諸法故。第七名意。緣藏識等。恆審思量爲我等故。餘六名識。於六別境。蠢動間斷。了別轉故。如入楞伽他中說。藏識說名心。思量性名意。能了諸境相。是說名爲識。（見成唯識論五。）

心心所法

心心所法者。心，卽心王。心所，卽受想行等。心所法。卽受想行法也。又云心心數法。（見三藏法數。）

心所六位

論云。相應心所。有六位種類差別。謂徧行有五。（一觸，二作意，三受，四想，五思。此五種法。起則

同起。故云徧行也。）別境亦五。（一欲，二勝解，三念，四定，五慧。此五種法。起時各起。故云別境也。）善有十一。（一信，二慚，三愧，四無貪，五無瞋，六無癡，七勤，八輕安，九不放逸，十行捨，十一不害。此十一種法。皆是善法。故總云善也。）煩惱有六。（一貪，二瞋，三癡，四慢，五疑，六惡見。此六種法。能惱亂衆生。爲諸煩惱之根本。故云根本煩惱也。）隨煩惱有二十。（此二十分爲大中小，共二十種。十小隨。謂忿，恨，覆，惱，嫉

，慳，誑，諂，害，僞，二。中隨。謂無慚，無愧。八大隨。謂掉舉，昏沉，不信，懈怠。放逸，失念。散亂，不正知。此二十法。隨從前六種根本煩惱而起。故云隨煩惱也。不定有四。（一悔，二眠，三尋，四伺。此四種法。於善惡無記三性，不定而起。故云不定也。）如是六位。合五十一。一切心中定可得故。緣別別境而得生故。唯是煩惱等流性故。於善染等皆不定故。然瑜伽論合六爲五。煩惱隨煩惱俱是染故。（見成唯識論五。參看心心所，百法明門條。）

心真如門

詳一心法條。

心生滅門

詳一心法條。

王舍城

梵語羅閱祇伽羅。西域記。名曷羅闍婁利咽。此云王舍。應法師云。羅閱，義是料理。謂能料理人民。以王代之。摩伽陀國中城名也。此城往昔由千王共居。故名王舍。（見名義集。）

丹田

梵語優陀那。天台禪門曰。此云丹田。去臍下二寸半。大論云。如人語時。口中風出。名優陀那。此風出已。還入至臍。偈云。風名優陀那。觸臍而上去。是風觸七處。頂及斷（音銀，齒根肉也。）齒唇。舌喉及以胸。是中語言生（見名義集。）

方便

梵語瀦和俱舍羅。此云方便。維摩經云。智度菩薩母。方便以爲父。一切衆導師。無不由是生。肇師云。方便即智之別用耳。智以通幽窮微。決定法相。無知而無不知。謂之智也。雖達法相。而能不證。處有不失無。在無不捨有。冥空存德。彼我兩濟。故曰方便。什曰。智度雖以明照爲體。成濟萬行。比其功用。不及方便爲父。梵音中有父義。窮智之原故稱度。梵音中有母義。方便有二種。一解深空而不取相受證。二以實相理深莫能信受。要須方便誘引羣生。令其漸悟。方便義深而功重。故爲父也。淨名疏云。方便是權智。權智外用。能有成辦。如父能營求長成。所言權智。亦名如量智。偏觀俗諦。如事數量。則攝一切。智度即是實智。實智有能顯出法身力故。如母能生。所言實智。亦名如理智。正觀正諦。如理而知。則無顛倒。（參看二智條）又云。方是智所詣之偏法。（偏法者，卽小乘偏權之法也。）便是善權巧用之能。巧用諸法。隨機利物。故云方便。荆溪云。法華疏中。爲顯實故。分爲三釋。謂法

用，及門，（亦名能通。）并祕妙也。初明法用者。疏云。方者，法也。便者，用也。法有方圓。用有差會。三權是矩是方。一實是規是圓。二名能通者。疏云。方便者，門也。門名能通。通於所通。方便權略。皆是弄引。爲真實作門。真實得顯。功由方便。從能顯得名。三名祕妙者。疏云。方者，祕也。便者，妙也。妙達於方。即是真祕。如經云。唯我知是相。十方佛亦然。止不須說。我法妙難思。故以祕釋方。以妙釋便，卽此意也。（見名義集。）

方廣 梵語毗佛略。此云方廣。妙玄云。此從所表爲名。方廣之理。正理爲方。包富名廣。（見名義集。）又云。方者，法也。廣者，大也。謂大乘方等經典。其義廣大。猶如虛空。卽諸經之理體也。（見三藏法數。）

方口食 詳四邪命條。

方論師 此外道師說最初生諸方。（諸方，卽四方也。）從諸方生世間人。從人生天地。天地滅沒。還入彼處。名爲

涅槃。（見三藏法數。）

方便隨緣止 詳三止條。

中陰 亦名中有。謂諸衆生此身死後。識未托胎。現在所作善惡業因。必取當來善惡諸趣之果。因果不亡。故名爲有。又云。中陰者。謂現身已謝。後身未生。於此之中。識未托胎之時也。（見三藏法數。）又云。未死以前是前陰。旣生以後是後陰。死後生前爲中陰。（見佛教答問選錄。）

中有 詳中陰條。

中般 中卽中陰。亦名中有。以人死之後。未得托生之識身也。（參看中陰條）般卽般涅槃也。（參看涅槃條。）亦名中般涅槃。謂阿那含從欲界沒。生色界時。於色界中有身。便斷上地餘惑。（上地者，卽無色界也。）證阿羅漢。而般涅槃也。（見涅槃經，三藏法數。）

中宿衣 詳法衣條。

中觀論 簡稱中論。論有五百偈。龍樹菩薩之所造也。今譯本僅四百四十六偈。或譯之未盡耳。今論爲姚秦鳩摩羅什譯。門人僧叡作序。唐吉藏作疏。古之註中論者。凡七十家。今僅見二種。一清辯菩薩所釋者。名般若燈論。（參看

清辯條。(二)青目菩薩所釋者。卽中論。(參看寶伽羅條。)按龍樹世親兩系。對於大乘佛法。如車有雙輪。鳥有兩翼。不可缺一。傳世親學者。以成唯識論爲最。傳龍樹學者。結晶所在。羣推中論。兩論皆文簡義豐。無注疏幾不能讀。我國自基師述記。(基師者。窺基也。玄奘弟子。造唯識述記。其他著述甚多。時人稱爲百部論師。)與吉藏疏。失傳以後。鬱鬱千年。雖有佛事。實無佛學。清末。楊仁山居士由海外攜回兩書。於是日月重光矣。(見本論序。參看十宗之三論宗條。)

內凡位 詳四加行位條。

內外典 二教論云。救形之教稱爲外。濟神之典號爲內。智論云。習外典如以刀割泥。泥無所成。而刀自損。(見名義集。)

分齊 謂限量也。(見三藏法數。)

分衛 此云乞食。(詳乞食條。)

分陀利 此云白蓮華。(詳優鉢羅條。)

分段生死變易生死 梵語紇那。或繕摩。此云生。梵語末利誦。此云死。梵語闍提闍。此云生死。勝鬘云。生者新諸根生。死者故諸根滅。言分段變易二種生死者。六道凡夫。有人我見者。執著粗故。受分段身。壽有分限。身有形段。故云分段。此分段身生死。謂之分段生死。二乘菩薩。無人我見。而法執未除。無明未盡。雖無分段身。尙有變易身。因移果易。故名變易。謂因心變易而現色身。又名意生身。此變易身生死。謂之變易生死。(見名義集。佛教問答。參看意生身條。)

化儀四教 詳八教條。

化法四教 詳四教條。

化城寶所 化城者。無而倏有名化。防非禦敵名城。以喻小乘涅槃。能防見思之非。而禦生死之敵也。寶所者。喻

大乘實相之理。卽究竟大涅槃也。(見法華經·三藏法數。)

比丘

大論云。比丘名乞士。清淨活命故。復次。比，名破。丘，名煩惱。能破煩惱故。復次。比，名怖。丘，名能。能怖魔王及魔人民故。淨名疏云。或言有翻。或言無翻。言有翻者。翻云除。除。衆生薄福。在因無法自資。得報多所饑乏。出家戒行。是良福田。能生物善。除因果之饑乏也。言無翻者。名含三義。智論云。一破惡。二怖魔。三乞士。（見名義集。）藹益大師云。比丘梵語含三義。一乞士。隻鉢資身。無所蓄藏。專求出要。二破惡。正慧觀察。破煩惱惡。不墮愛見。三怖魔。發心受戒。羯磨成就。魔即怖也。（見彌陀要解。）

比丘尼

善見云。尼者，女也。文句云。通稱女爲尼。智論云。尼得無量律儀故。應次比丘。佛以儀法不便。故在沙門後。事鈔尼衆篇云。善見佛初不度女人出家。爲滅正法五百年。後爲說八敬。（參看八敬法條。）聽出家。依教行故。還得千年。今時不行。隨處法滅。會正記云。佛成道後十四年。姨母求出家。（梵語摩訶波闍波提。華言大愛道。佛姨母也。）佛不許度。阿難爲陳三請。佛令慶喜（阿難名。）傳八敬向說。若能行者。聽汝出家。彼云頂戴持。又耶輸陀羅。此云華色。亦云名聞。悉達次妃。天人知識。出家爲尼衆之主。（見名義集。）

比摩寺

于闐國有比摩寺。老子化佛之所。出後魏志。（見佛爾雅。）老子西昇經云。吾師化游天竺。善入泥洹。符子云。老子之師。名釋迦文。釋迦所說之法。謂之釋教。（見名義集。）

止觀

梵語憂畢叉。此云止觀平等。涅槃云。憂畢叉者。名曰平等。亦名不諍。又名不觀。亦名不行。是名爲捨。止觀云。若用止觀兩字。共通三德者。止卽是斷。斷通解脫。觀卽是智。智通般若。止觀等者。名爲捨相。捨相卽是通於法身。起信論云。云何修行止觀門。所言止者。謂止一切境界相。隨順奢摩他觀義故。（梵語奢摩他。此云止。以寂靜爲義。）所言觀者。謂分別因緣生滅相。隨順毘鉢舍那觀義故。（梵語毘鉢舍那。此云觀。謂以智照理故。）云何隨順。以此二義。漸漸修習。不相捨離。雙現前故。永嘉集云。以奢摩他故。雖寂而常照。以毘婆舍那故。雖照而常寂。以優畢叉故。非照而非寂。照而常寂。故說俗而卽真。寂而常照。故說真而卽俗。非寂而非照。故杜口於毘耶。法雲大師云。實相體寂。因元靜乃稱止。本覺靈照。由常明故曰觀。妄風俄動。假妙奢摩他而止之。心珠久昏。須毘婆舍那而觀矣。（分見名義集，參看却魔法條。）

不二法門

佛教有八萬四千法。不二法門。在諸法門之上。能直見聖道者也。維摩經云。文殊師利問維摩詰。何等是菩薩入不二法門。時維摩詰默然無言。文殊師利歎曰。善哉善哉。乃至無有文字語言。是真入不二法門也。（見維摩經入不二法門品。）

不可思議

不可思議者。名祕密藏。如梵書伊字。西域有新舊兩伊。如此土篆隸之類。舊伊三點相離。卽：字。新伊細畫相連。卽△字。天台取舊伊喻漸教三德。謂法身本有。般若修成。入無餘已。方是解脫。各不相屬。新伊喻圓教三德。謂法身卽般若。卽解脫。解脫卽般若。卽法身。般若卽法身。卽解脫。各不相離。故彼宗有性修離合法。梵語殺三摩娑。此云離合。謂法身般若解脫三德。如伊字三點。開則各離爲三。對乃共合成一。總明三德祕藏。圓融無礙。顯性修之一致。會生佛以同原。乃不可思議之法門也。（見名義集選。參看新伊相：三德祕藏條。）

不空罽索

梵語阿牟伽幡睒。此云不空罽索。呪名也。（見名義集。）

不樂著河

詳闍浮檀金河條。

不可思議解脫

經云。諸佛菩薩。有解脫。名不可思議。若菩薩住是解脫者。以須彌之高廣內芥子中。無所增減。須彌山王本相如故。而四天王忉利諸天。不覺不知已之所入。唯應度者。乃見須彌入芥子中。是名不可思議解脫法門。又以四大海水入一毛孔。不燒魚鼈鼉鼉水性之屬。而彼大海本性如故。諸龍鬼神阿修羅等。不覺不知已之所入。於此衆生亦無所燒。（見維摩經不思議品。參看解脫條。）

文身

詳名具文身條。

文殊師利

菩薩名。此云妙德。大經云。了了見佛性。猶如妙德等。淨名疏云。若見佛性。卽具三德。不縱不橫。故名妙德。無行經。名滿殊尸師利。或翻妙首。觀察三昧經。並大淨法門經。名普首。阿目佉經。普超經。名濡首。無量門微密經名敬首。西域記云。曼殊室利。唐言妙吉祥。首楞嚴說。是過去無量阿僧祇劫。有佛號龍種上尊王佛。央掘經說。是現在北方常喜世界。歡喜藏摩尼寶積佛。慈恩上生經疏。引經云。未來成佛。名曰普現。（見名義集。）文殊，亦名哀雅威。酈道元水經注。文殊師利，一名羅汰私婆。（見佛爾雅。）瀉益彌陀要解云。佛爲法王。文殊

紹佛家業。名法王子。什師注淨名云。妙德。以法身遊方。莫知其所生。又來補佛處。故言法王子。荆溪問曰。經稱文殊爲法王子。其諸菩薩。何人不是法王之子。答有二義。一於王子中。德推文殊。二諸經中。文殊爲菩薩衆首。（見名義集。）

支提 或名難提，脂帝，制底，制多。此翻可供養處。或翻滅惡生善處。雜心論云。有舍利名塔。無舍利名支提。文句云。支提。無骨身者也。阿含明四支微。謂佛生處，得道處，轉法輪處，入滅處也。（見名義集。參看窣堵波條。）

支那 亦云脂那。婆沙二音。一云支那。此云文物國。卽讚美此邦。是衣冠文物之地也。二云指難。此云邊鄙。卽貶挫此方非中國也。西域記云。摩訶至那。此曰大唐。（見名義集）。

支離墮 西方合論見網門中十墮之一也。論云。支離墮者。多有法師。涉獵教典。記注章句。執法身假名。析名相分齊。東緝西補。竟月窮年。畫面毘盧。排場法界。貢高我慢。得少爲優。聞人念佛。則曰此攝妄想之一法。或云教海義深。爾輩鈍根。念此亦可。或云此三藏中。爲某藏攝。或云此屬何教。似坊上小兒鬪曲。以多爲勝。各爭已見。無實履行。長爪梵志。以論義摧伏諸師。搪突蹴踢。無能制者。後至佛所白佛。我一切法不受。佛問是見受不。答亦不受。佛言汝不受一切法。是見亦不受。則無所受。與衆人無異。何由貢高。而生憍慢。梵不得答。當知饑兒過屠門大嚼。止益饑心。無救枵腹。曩有一靈俐座主。示余所得教中奧義。名流注疏。多肆評駁。余問是敵得生死不。傲然曰。有何生死可敵。余曰。是卽是。但恐閻羅殿前無譯字生。不會座主語言三昧也。此亦大中講席之病。奉勸少年開士。長篇短章。牽藤引蔓。口誦心憶。眼眯腦昏。究其效驗。不過上幾回座。講幾期經。受幾個轉眼禮拜。若無真實功行。唯添業逋。何若一聲阿彌。直登不退。事不迨半。功乃百千。曇謨最講涅槃華嚴。領衆千人。閻羅呵云。講經懷彼我。以驕凌物。比丘中第一癡行。卽押付司。可爲明戒。然有義解高流。因參教典。悟西方不思議大事。以此自利利他。轉益未來。燃長夜炬。功德無量。又何必懲嗜廢食。見蹶停驂也哉。編者深願三復斯言。以此自儆。

勿伽 詳胡豆條。

孔雀

梵語摩由邏。此云孔雀。梵語摩訶摩瑜嚶。此云孔雀王。（見佛爾雅。）又孔雀粹羽而翱翔。俱舍云。於一孔雀倫。一切種因相。非餘智境界。唯一切智知。證真釋云。有情無始重造一切界趣種子。在本識中。唯佛能了。且舉孔雀一類。尙已難知。（見名義集。）

父母

梵語鄔波弟鑠。此云父。梵語阿摩。此云母。梵語舍多羅。此云父母。（見佛爾雅。）揚子云。父母，子之天地與。無天何以生。無地何以形。撫華云。天懸象。地載形。父受氣。母化成。詩曰。哀哀父母。生我劬勞。無父何怙。無母何恃。出則銜恤。入則靡至。父兮生我。母兮鞠我。長我畜我。顧我復我。出入復我。欲報之德。昊天罔極。梵網經云。孝順父母。師僧三寶。（見名義集。）

五畫

四生 梵語仡那。或繕摩。此翻生。四生者。謂胎卵溼化也。楞嚴經云。胎卵溼化。隨其相應。卵唯想生。胎因情有。溼以合感。化以離應。瑜伽云。五蘊初起。名之爲生。依殼而起曰卵生。合藏而出號胎生。假潤而興曰溼生。無而忽現名化生。如是四生。由內心思業爲因。外穀胎藏溼潤爲緣。約藉緣多少。而成次第。卵生具四。(業緣，父緣，母緣，煖緣。)是以先說。胎生具三。(業緣，父緣，母緣。)溼生具二。(業緣，溼緣。)化生唯一。(業緣，謂思業也。)俱舍云。人，旁生，具四。地獄，及諸天。中有，(中陰)唯化生。鬼通胎化二。偈曰。天及獄中有。是三唯化生。修羅人并畜。各各具四生。鬼通胎化二。名三界四生。人具四生者。一卵生。如大論云。毘舍佉彌羅母。生三十二子。彌伽羅是大兒子。其母生三十二卵。剖生三十二男。皆爲力士。其母得三道。婆沙論云。昔有商人入海。得一雌(鳥母也)鶴。遂生二卵。卵漸溼熟。生二童子。端正聰明。年長出家。得阿羅漢。大名世羅。小名鄔波世羅。二胎生。三溼生。如大論云。胎生者。如常人生。溼生者。如庵羅婆利淫女。頂生轉輪聖王。涅槃云。頂生王從頂胞生。賢愚經云。於過去世。有大國王。名曰善住。其頂上歛生一胞。後漸轉大。便生童子。顏貌端正。卽頂生王是也。經律異相云。昔維耶離國。有梵志家。種一柰樹。生一瘤節。節生一枝。去地七丈。杪生諸枝。形如偃蓋。卽作棧閣。登而視之。見偃蓋中。乃有池水。有一女兒。在池水中。是也。四化生。如大論云。佛與四衆游行。比丘尼衆中。有阿婆羅。地中化生。及劫初時人皆化生。是也。旁生具四生者。金翅鳥王與龍之類。皆具四生。如阿含經云。大海之北。有居吒奢摩離樹。高一百由旬。枝葉徧布五十由旬。龍與金翅鳥王。各有胎卵溼化四種。皆依此樹四面而住。各有宮殿。縱廣六百由旬。皆七寶莊飾。胎生鳥王居樹東面。卵生鳥王居樹南面。溼生鳥王居樹西面。化生鳥王居樹北面。龍王等四生亦爾。四生鳥王以四生龍爲食。時龍王詣佛求救。佛卽脫所著皂衣。告龍王言。汝以是衣分與諸龍。皆令周徧。乃至值一縷者。鳥皆不犯。時鳥王無食。爲飢所困。往詣白佛。佛爲說法。彼卽皈依三寶。受不殺戒。又正法念經云。化生金翅鳥。能食四生龍。龍與金翅。皆具四生。走獸皆胎。飛鳥俱卵。證真云。情想合離。四生皆具。阿修羅四生者。如楞嚴經云。復有四種阿修羅類。若於鬼道。以護法力。乘通入空。此阿修羅從卵而生。鬼趣所攝。

。若於天中。降德貶墜。其所卜居。鄰於日月。此阿修羅從胎而出。人趣所攝。有阿修羅。執持世界。力洞無畏。能與梵王及天帝釋四天爭權。此修羅因變化有。天趣所攝。別有一分下劣修羅。生大海心。沉水穴口。且遊虛空。暮歸水宿。此阿修羅因溼氣有。畜生趣攝。(分見名義集，三藏法數，二課合解，參看九類衆生條。)

四大 謂地大，水大，火大，風大也。經云。堅持名地。津潤名水。煖性名火。輕動名風。(見仁王經。)又云。我今此身。四大和合。所謂毛髮，爪齒，皮肉，筋骨，髓腦，垢色。皆歸於地。唾涕，膿血，津液，涎沫，痰淚，精氣，大小便利。皆歸於水。暖氣歸於火。動轉歸於風。四大各離。今者妄身。當在何處。卽知此身畢竟無體。和合爲相。實同幻化。(見圓覺經。)

四相 其一。金剛經明四相。一我相。二人相。三衆生相。四壽者相。陳雄曰。貪，瞋，癡，愛。爲四惡業。貪則爲己私計。是有我相。瞋則分別爾汝。是有人相。癡則頑傲不遜。是衆生相。愛則希覬長年。是壽者相。李文會曰。有我相者。倚恃名位，權勢，財寶，藝學。攀高接貴。輕慢貧賤愚迷之流。人相者。有能所心。有知解心。未得謂得。未證謂證。自恃持戒。輕破戒者。衆生相者。謂有苟求希望之心。言正行邪。口善心惡。壽者相者。覺時似悟。見境生情。執著諸相。希求福利。有此四相。卽同衆生。非菩薩也。六祖曰。修行人亦有四相。心有能所。輕慢衆生。名我相。自恃持戒。輕破戒者。名人相。厭三塗苦。願生諸天。是衆生相。心愛長年。而勤修福業。法執不忘。是壽者相。有四相卽是衆生。無四相卽是佛。(見金剛經集註。)其二。圓覺經明四相。一我相。二人相。三衆生相。四壽命相。經云。一切衆生。從無始來妄想。執有我人衆生及與壽命。認四顛倒。爲實我體。由此便生憎愛二境。云何我相。謂諸衆生心所證者。譬如有人。百骸調適。忽忘我身。四肢絃緩。攝養乖方。微加鍼艾。卽知有我。是故證取。方現我體。云何人相。謂諸衆生心悟證者。悟有我者。不復認我。所悟非我。悟亦如是。悟已超過一切證者。悉爲人相。云何衆生相。謂諸衆生。心自證悟所不及者。譬如有人。作如是言。我是衆生。則知彼人說衆生者。非我非彼。云何非我。我是衆生。則非是我。云何非彼。我是衆生。非彼我故。但諸衆生。了證了悟。皆爲我人。而我人相所不及者。存有所了。名衆生相。云何壽命相。謂諸衆生。心照清淨。覺所了者。一切業智所不自見。猶如命根。又曰。末

世衆生。不了四相。雖經多劫。勤苦修道。但名有爲。終不能成一切聖果。（見圓覺經。）圓覺略疏云。智境四相。謂於有所證取之心。迤邐淺深有此四相之異。故後之三相。皆因我相根本而立。與金剛般若四相所言不同。蓋彼於迷妄之心。執爲四相故也。（見三藏法數。）

四諦

四諦者。謂苦，集，滅，道也。苦有三苦，八苦，一百八苦，無量惑業諸苦。集謂三惑煩惱。集是世間因。苦

是世間果。道謂略則戒定慧。廣則三十七道品。滅謂滅生死之有。證涅槃之性。道是出世間因。滅是出世間果。若悟真空。則五蘊六入皆如。無苦可離。塵勞本清淨。無集可斷。邊邪皆中正。無道可修。生死卽涅槃。無滅可證。唯是妙明真性耳。聲聞修此四諦。成阿羅漢。（見二課合解。）一苦諦者。梵語豆怛。或伊禰。晉云苦。亦云苦法界。卽苦諦也。法界次第云。苦以逼惱爲義。一切有爲心行。常爲無常患累之所逼惱。故名爲苦。三苦者。一苦苦。二壞苦。三行苦。（見名義集。）彌陀要解云。娑婆苦樂雜。其實苦是苦苦。偏身心故。樂是壞苦。不久住故。非苦非樂是行苦。性遷流故。八苦者。一生活苦。二老苦。三病苦。四死苦。五愛別離苦。六怨憎會苦。七求不得苦。八五陰盛苦。（見涅槃經。）生苦有五種。一者受胎。謂識托母胎之時。在母腹中窄隘不淨。二者種子。謂識托父母遺體。其識種子。隨母氣息出入。不得自在。三者增長。謂在母腹中。經十月日。內熱煎煮。身形漸成。住在生臟之下。熟臟之上。間夾如獄。四者出胎。謂初生下。有冷風熱風吹身。及衣服等物觸體。肌膚柔嫩。如被物刺。五者種類。謂人品有富，貴，貧，賤。相貌有殘，缺，妍，醜。是名生苦。老苦有二種。一者增長。謂從少至壯。從壯至老。氣力羸少。動止不寧。二者滅壞。謂盛去衰來。精神耗減。其命日促。漸至朽壞。是名老苦。病苦有二種。一者身病。謂四大不調。衆病交攻。若地大不調。舉身沉重。水大不調。舉身腫脹。火大不調。舉身蒸熱。風大不調。舉身僵硬。二者心病。謂心懷苦惱。憂切悲哀。是名病苦。死苦有二種。一者病死。謂因疾病壽盡而死。二者外緣。謂或遇惡緣，或遭水火等難而死。是名死苦。愛別離苦。謂常所親愛之人。乖違離散。不得共處。是名愛別離苦。怨憎會苦。謂常所怨憎憎惡之人。本是遠離。而反集聚。是名怨憎會苦。求不得苦。謂世間一切事物。心所愛樂者。求之而不能得。是名求不得苦。五陰盛苦。五陰者。色，受，想，行，識也。陰卽蓋覆之義。謂能蓋覆真性。不令顯發也。盛卽盛大之義。

謂前生，老，病，死等。衆苦聚集。故名五陰盛苦。（見三藏法數。）四諦論曰。衆苦依止，名生苦。能令變壞，名老苦。逼迫身心，名病苦。能滅諸根，名死苦。非愛共聚，名怨憎會苦。可愛相遠，名愛別離苦。希望不遂，名求不得苦。是衆苦相，名五陰盛苦。智論云。無量衆生有三種身苦，老，病，死。三種心苦，貪，瞋，癡。三種後世苦，地獄餓鬼畜生。法句經云。昔四比丘論世苦事。一云淫欲惱人。一云饑渴逼體。一云瞋恚擾亂。一云驚怖恐懼。各執己是。競謂他非。佛知遂問。比丘具答。佛言。汝等所論。不究苦義。身爲諸苦之本。衆患之原。當求寂滅。此爲最樂。（分見名義集。）二集諦者。梵語三牟提耶。或彌彌。晉云集。亦云集法界。卽集諦也。法界次第云。集以招聚爲義。若心與結業相應。未來定能招聚生死之苦。故名爲集。（見名義集。）三滅諦者。梵語尼樓陀。或娑陀。晉言滅。亦云滅法界。卽滅諦也。法界次第云。滅以滅無爲義。結業旣盡。則無生死之患累。故名爲滅。（見名義集。）四道諦者。梵語末伽。或槃那。晉云道。亦云道法界。卽道諦也。法界次第云。道以能通爲義。道有二種。一正道。實觀三七道品。三解脫門，緣理慧行。名爲正道。二助道。得解觀中種種諸對治法。及諸禪定。皆是助道。此二相扶。能通涅槃。故名爲道。（見名義集。）言四諦法者。法界次第云。通言諦者。諦以審實爲義。此四諦法。正爲聲聞人從聞生解故。必須藉教詮理不虛。故云審實也。若由因感果。則應先因而後果。今悉先果而後因者。教門引物爲便。前二諦是世間之法。令知苦以斷集。故先果而次因。後二諦是出世間之法。使爲滅以修道。亦先果而次因也。涅槃經明於四諦。凡有四種。一生滅四諦。二無生四諦。三無量四諦。四無作四諦。勝鬘經亦明四種。一有作四諦。二有量四諦。三無作四諦。四無量四諦。但此二經。詮次少異。荆溪問曰。何故立此四種四諦之殊。答。曰諦本無四。諦只是理。理尚無一。云何有四。故知依如來藏同體權實大悲願力。隨順物機不獲已而用之。機宜不同。致法差降。從一實理。開於權理。權實二理。能詮教殊。故有四種差別教起。三藏詮生滅。通教詮無生。別教詮無量。圓教詮無作。是故天台明四種四諦之法也。（分見名義集。）

四聖 一聲聞。二緣覺。三菩薩。四如來。聲聞者。聞佛說法音聲而得道果。故曰聲聞。緣覺者。觀因緣生法而證覺道。故曰緣覺。其出離三界。與阿羅漢同。而德乃較勝。菩薩者。具稱當云菩提薩埵。此云覺有情。謂內懷佛道，外

現凡相者。如來者。佛有十種德號。此居其首。不變曰如。隨緣曰來。佛有不變之體，隨緣之用。故號曰如來。（見佛教問答，參看聲聞位，辟支，菩提薩埵，多陀阿伽陀條。）

四果

即聲聞四果。初須陀洹果。梵語須陀洹。此云入流。或云預流。謂初見真理。得預聖流。七番生死。得阿羅漢。二斯陀含果。梵語斯陀含。此云一往來。金剛疏云。是人從此死。一往天上。一來人間。得盡衆苦。一番生死。便得阿羅漢。三阿那含果。梵語阿那含。此云不來。金剛疏云。是人欲界中死。生色無色界。於彼漏盡。不復來生。謂盡此一生。便得阿羅漢。四阿羅漢果。梵語阿羅漢。大論云。阿羅名賊。漢名破。一切煩惱賊破。復次阿羅漢。一切漏盡故。應得一切世間諸天人供養。又阿名不。羅漢名生。後世中更不生。是名阿羅漢。法華疏云。阿羅經云應真。瑞應經云真人。悉是無生釋阿羅漢也。或言無翻。名含三義。無明糠脫。後世田中。不受生死果報。故云不生。九十八使煩惱盡故。故名殺賊。具智斷功德。堪爲人天福田。故言應供。含此三義。故存梵名。法華經云。阿羅漢諸漏已盡。無復煩惱。逮得己利。盡諸有結。心得自在。（見法華經，名義集。）

四向

謂聲聞衆之未獲四果者。一須陀洹向。二斯陀含向。三阿那含向。四阿羅漢向。以其趨向果位而造修。故曰向。（見成實論。）

四教

天台宗判釋尊東流一代聖教大綱有八。頓，漸，祕密，不定。名爲化儀四教。如世藥方。藏，通，別，圓。名爲化法四教。如辨藥味。言化法四教者。法尚無一。云何有四。乃如來利他妙智。因衆生病而設藥也。見思病重。爲說三藏教。見思病輕。爲說通教。無明病重。爲說別教。無明病輕。爲說圓教。第一三藏教。四阿含爲經藏。毘尼爲律藏。阿毘曇爲論藏。此教詮生滅四諦。亦詮思議生滅十二因緣。亦詮事六度行。亦詮實有二諦。開示界內鈍根衆生。令修析空觀。出分段生死。證偏眞涅槃。正化二乘。傍化菩薩。此教具三乘法。二通教。鈍根通前藏教。利根通後別圓。故名爲通。又從當教得名。謂三人同以無言說道體法入空。故名爲通。此無別部。但方等，般若中，有明三乘共行者。即屬此教。詮無生四諦。亦詮思議不生滅十二因緣。亦詮理六度行。亦詮幻有空二諦。亦詮兩種舍中二諦。亦詮別入通三諦。（眞俗中）亦詮圓入通三諦。開示界內利根衆生。令修體空觀。出分段生死。證眞諦涅槃。正化菩薩

。傍化二乘。此教亦具三乘根性。三別教。謂教，理，智，斷，行，位，因，果。（參看達摩條。）別前藏通二教。別後圓教。故名別也。此教詮無量四諦。亦詮不思議生滅十二因緣。亦詮不思議六度十度。亦詮顯中二諦。亦詮圓入別二諦。亦詮別三諦。亦詮圓入別三諦。開示界外鈍根菩薩。令修次第三觀。出分段變易二種生死。證中道無住涅槃。此教名爲獨善法。四圓教。謂圓妙，圓融，圓足，圓頓。故名圓教。所謂圓伏，圓信，圓斷，圓行，圓位，圓自在莊嚴，圓建立衆生。此教詮無作四諦。亦詮不思議不生滅十二因緣。亦詮稱性六度十度。亦詮不思議二諦。亦詮圓妙三諦。開示界外利根菩薩。令修一心三觀。圓超二種生死。圓證三德涅槃。此教名最上佛法。亦名無分別法。（見教觀綱宗。）化儀四教。（詳八教條。）

四智

梵語若那。或闍那。秦言智。佛地經明四智。一大圓鏡智。如依圓鏡。衆像影現。如是依止如來智鏡。諸處境

識衆像影現。二平等性智。證得一切領受緣起。平等法性，圓滿成故。三妙觀察智。住持一切陀羅尼門，三摩地門，無礙辯才，說諸妙法故。四成所作智。勤身化業，示現種種，摧伏諸伎，引諸衆生，令入聖教，成解脫故。（見名義集。）六祖偈云。大圓鏡智性清淨。平等性智心無病。妙觀察智見非功。成所作智同圓鏡。五八六七果因轉。（慈山大師云。六七二識。因中先轉。五八一體。至果乃圓）但用名言無實性。若於轉處不留情。繁興永處那伽定。（此云龍定）（見六祖壇經。參看轉識成智條。）唐釋慧海云。湛然空寂。圓明不動。即大圓鏡智。能對諸塵。不起愛憎。即是二性空。（言二性空者。不生有無善惡愛憎。名二性空。）二性空即平等性智。能入諸根境界。善能分別。不起亂想，而得自在。即是妙觀察智。能令諸根隨事應用。悉入正受，無二相者。即是成所作智。（見頓悟入道要門論。）唯識明四智。一大圓鏡智。謂如來真智。本性清淨。離諸塵染。洞徹內外。無幽不燭。如大圓鏡。洞照萬物。無不明了。是名大圓鏡智。二平等性智。謂如來觀一切法。與諸衆生。皆悉平等。以大慈悲心。隨其根基。示現開導。令其證入。是名平等性智。三妙觀察智。謂如來善能觀察諸法圓融次第。復知衆生根性樂欲。以無礙辯才。說諸妙法。令其開悟。獲大安樂。是名妙觀察智。四成所作智。謂如來爲欲利樂諸衆生故。普於十方世界。示現種種神通變化。引諸衆生令入聖道。成本願力所應作事。是名成所作智。（見成唯識論，三藏法數。）

四衆 其一。諸經中標四衆者。皆以比丘，比丘尼，優婆塞，優婆夷，爲四衆也。（詳各本條。）其二。天台立發起，當機，影響，結緣，以爲四衆。（見名義集。）一發起衆。謂開端發起之衆也。激揚發動。使如來有所說。使大衆有所聞。乃至發起問答等是也。二當機衆。謂當座之機衆也。宿植德本。緣合時熟。不起於座。聞即得道也。三影響衆。謂古往諸佛菩薩。隱其圓極之果。示同機衆。匡輔法王。如影之隨形。響之應聲。又如衆星遶月。雖無作爲。而有大益也。四結緣衆。謂結開法因緣之衆也。蓋由過去根淺。三慧不生。現世雖見佛聞法。而未能獲益。但作未來得度因緣也。（見法華文句，三藏法數。）

四魔 梵語魔羅。此云能奪命。又云殺者。大論云。魔有四種。一煩惱魔。二五衆魔。三死魔。四天子魔。一煩惱魔者。所謂百八煩惱等。分別八萬四千諸煩惱。二五衆魔者。（或云五蘊魔，五陰魔。）是煩惱業。和合因緣得是身。四大及四大造色眼根等。是名色衆。百八煩惱等諸受和合。名爲受衆。大小無量無所有想。分別和合。名爲想衆。因好醜心發。能起貪欲瞋恚等心。相應不相應法。名爲行衆。六情六塵和合，故生六識。是六識分別和合無量無邊心。是名識衆。三死魔者。無常因緣故。破相續五衆壽命盡。離三法識斷壽故。名爲死魔。四天子魔者。（或云天魔。）欲界主深著世間樂。用有所得。故生邪見。憎嫉一切聖賢涅槃道法。是名天子魔。瑜伽論云。由蘊魔徧一切隨逐義。天魔障礙義。死魔煩惱魔。能與生死衆生作苦器故。今謂煩惱魔。是生死因也。五陰魔，死魔。是生死果也。天魔。是生死緣也。輔行云。苦，空，無常，無我，四。是界外魔。煩惱，五陰，死，天子，四。是界內魔。淨名疏云。降魔即破愛論。摧外即破見論。但愛見有二，界內即波旬六師之徒。界外即二乘及通教菩薩。小品云。須菩提。菩薩摩訶薩成就二法。魔不能壞。何等爲二。觀一切法空。不捨一切衆生。須菩提。菩薩成就此二法。魔不能壞。（見名義集。）

四攝 攝謂攝受。此四法，通言攝者。謂菩薩欲化導衆生。必須以此四法攝受。使其依附。然後導以大乘正道。故維摩經云。先以欲鉤牽。後令入佛智。是也。（見三藏法數。）一布施攝。謂菩薩以財法無畏等，布施衆生。令有怙恃，而樂歸依。二愛語攝。謂菩薩以可悅愛之語，開導衆生。令心歡喜，而生信受。三利行攝。謂菩薩以利益之行，援

助衆生。令心感戴，而起信仰。四同事攝。謂菩薩與諸衆生，共同作事。令能隨順，而資觀感。（見佛教問答，法界次第。）

四恩 其一。謂天地蓋載恩。國王水土恩。父母養育恩。師長訓誨恩。此世間四恩也。其二。正法念經云。一父恩。二母恩。三如來大師恩。四說法師恩。此世間出世間四恩也。其三。心地觀經云。一父母恩。二衆生恩。（以互爲父母及成我者。）三國王恩。四三寶恩。此廣該世出世間四恩也。（見二課合解。）其四。釋氏要覽云。一國王恩。二父母恩。三師友恩。四檀越恩。此出世間四恩也。（見三藏法數。）

四德 四德者。如來所證常樂我淨之德也。謂如來心體本空。應用無染。離凡夫二乘菩薩偏邪之顛倒。故稱爲德。（見三藏法數。）經云。不遷名常。安隱名樂。自在名我。無我名淨。（見涅槃經。）又輪王四德。謂一大富。二端正。姝好。三無疾病。四長壽。（見樓炭經。）

四明 四明山。在甯波府治西南。洞天福地記云。第九洞四明山。名丹山赤水之天。丹山洞天圖詠集云。山有四穴。通光晷。天宇澄霽。望之如戶牖。名曰石窗。又甯波，唐明兩代。皆嘗改爲明州。（洞天福地記爲道書之一。蜀杜光庭著。錄之以供四明二字之參考。）又云。四明，山名。在浙江鄞縣西南一百五十里。餘姚縣南一百十里。唐六典云。江南道名山曰四明山。凡二百八十峯。四面形勝。各有區分。羣峯之中。有分水嶺。石窗四面玲瓏。中通日月星辰之光。亦名四窗。故曰四明。其巖洞岡嶺之屬。隨地立名者。以數百計。（見辭源。）又四明尊者法智大師。諱知禮。字約言。四明金氏。父母禱於佛。夢神僧。攜童子。遺之曰。此佛子羅睺羅也。因而有孕。暨生。遂以爲名。太平興國四年。從寶雲大師習天台教觀。始三日。首座謂之曰。法界次第。汝當奉持。師曰。何謂法界。座曰。大總相法門。圓融無礙者是也。師曰。旣謂圓融無礙。何云次第。座無對。居一月。自講心經。聽者服其速悟。（見諦閑講錄。）

四禪 一曰初禪。離欲清涼。大喜心動也。二曰二禪。厭離覺觀。（初心在緣曰覺。細心分別禪味曰觀。）安定喜樂也。三曰三禪。捨前喜相。得妙安樂也。四曰四禪。知樂宜斷。捨念清淨也。修此四禪。爲色界天之因。（見佛教問

答。)

四律 一十誦律。此部計三世有實。三性悉得受戒。卽薩婆多部律也。二四分律。大集云。人名曇摩耄多。法名四分。卽曇無德部律也。三僧祇律。大集云。廣博徧覽五部經書。是故名爲摩訶僧祇。卽摩訶僧祇部律也。四五分律。謂不著四大相及虛空相故。此五部中彌沙塞部律也。迦葉遺律。唯傳戒本。廣律未流。四律並翻。震旦悉行。然獨流後代。唯曇無德部四分律宗而已。(分見名義集。參看五部律，及各本條。)

四病 經云。彼善知識。所證妙法。應離四病。云何四病。一者作病。若復有人。作如是言。我於本心作種種行。欲求圓覺。彼圓覺性，非作得故。說名爲病。二者任病。若復有人。作如是言。我等今者不斷生死。不求涅槃。涅槃生死。無起滅念。任彼一切。隨諸法性。欲求圓覺。彼圓覺性，非任有故。說名爲病。三者止病。若復有人。作如是言。我今自心。永息諸念。得一切性寂然平等。欲求圓覺。彼圓覺性，非止合故。說名爲病。四者滅病。若復有人。作如是言。我今永斷一切煩惱。身心畢竟空無所有。何況根塵虛妄境界。一切永寂。欲求圓覺。彼圓覺性，非寂相故。說名爲病。離四病者。則知清淨。作是觀者。名爲正觀。若他觀者。名爲邪觀。(見圓覺經。)

四蛇 喻四大也。地大，水大，火大，風大。以此四者。徧滿世界。故名爲大。人攬外之四大。而成內四大之身。堅溼煖動之性。在內交攻。不相和順。毒害如蛇。故名四蛇。(見三藏法數。)金光明經云。猶如四蛇。同處一篋。四大蛇。其性各異。(見名義集。)

四馬 梵語阿濕婆。此云馬。阿含經云。佛告比丘。有四馬。一見鞭影即便驚悚。二觸毛乃驚。三觸肉始驚。四徹骨方覺。初合聞他聚落無常卽驚。二如聞已聚落無常生厭。三如聞已親無常生厭。四如已身病苦方厭。涅槃四馬。喻生，老，病，死。或名婆訶羅。此云長毛。(見名義集。)

四緣 其一。智論明四緣。一因緣。謂六根爲因。六塵爲緣也。如眼根對於色塵時。識卽隨生。餘根亦然。是名因緣。二次第緣。謂心心所法。次第無間。相續而起，名次第緣。三緣緣。謂心心所法。由託緣而生。還是自心之所緣。名爲緣緣。四增上緣。謂六根能照境發識。有增上力用。諸法生時。不生障礙。名增上緣。(見三藏法數。)其二。

中論明四緣。論云。因緣次第緣。緣緣增上緣。四緣生諸法。更無第五緣。(詳中觀論。)其三。唯識明四緣。一因緣。謂有爲法。親辦自果。此體有二。一種子。二現行。(種子爲因。發芽爲緣。)二等無間緣。謂八現識。及彼心所。前聚於後。自類無間。等而開導。令彼定生。多同類種。俱時轉故。(生滅之緣。剎那相續。平等無間。)三所緣緣。謂若有法。是帶已相。心或相應。所慮所託。此體有二。一親。二疏。(見所取之相爲緣。)四增上緣。謂若有法。有勝勢用。能於餘法或順或違。雖前三緣。亦是增上。而今第四。除彼取餘。爲顯諸緣差別相故。(如雖有成佛之因。尚須得善知識引導之緣。乃能達此成佛之目的也。)(見成唯識論七。)

四住 詳五住條。

四依 梵語膩地。此云依。垂裕記云。所言依者。以內有道法。可爲人天依止。四依有三。一人四依。如涅槃四依品云。有四種人。能護正法。爲世所依。初依示爲小乘內凡像。故經云。具煩惱性。能知如來祕密之藏。二依示爲須陀洹像。三依示爲斯陀含阿那含像。四依示爲阿羅漢像。智者云。涅槃四依。義通別圓。若作別義者。如古師云。地前名初依。登地至三地名須陀洹。五地名斯陀含。是第二依。七地名阿那含。是第三依。八地至十地名阿羅漢。是第四依。若作圓義者。準望別教。以住前爲初依。十住爲二依。又始終判者。五品六根爲初依。十住爲二依。行向爲三依。十地等覺爲四依。四果配位。例別可見。此人四依也。二行四依。四分律明一著糞掃衣。(律云。糞掃衣。則非死人衣。)二長乞食。三樹下座。四用陳腐藥。此四種行。上根利器所依止故。三法四依。涅槃云。依法不依人。依義不依語。依智不依識。依了義經不依不了義經。維摩經云。依於義不依語。依於智不依識。依了義經不依不了義經。(參看了義條。)依於法不依人。(見名義集。)

四藏 詳五藏條。

四劫 詳莊嚴劫條(參看一小劫條。)

四鏡 論云。覺體相者。有四種大義。與虛空等。猶如淨鏡。云何爲四。一者如實空鏡。遠離一切心境界相。無法可現。非覺照義故。二者因熏習鏡。謂如實不空。一切世間境界。悉於中現。不出不入。不失不壞。常住一心。以一切

法卽眞實性故。又一切染法所不能染。智體不動。具足無漏。熏衆生故。三者法出離鏡。謂不空法。出煩惱礙，智礙。離和合相。清淨明故。四者緣熏習鏡。謂依法出離故。徧照衆生之心。令修善根。隨念示現故。（見梁譯起信論。）

四分 詳識分條。

四流 流而不返謂之流。謂衆生由三惑之所流轉。漂泊三界。而不能返於涅槃彼岸也。一見流。二欲流。三有流。四無明流。又名四暴河者。以其惑業暴湧成河。漂沒衆生也。亦名四輓者。謂衆生爲惑業所纏。若牛之縛輓以駕車。而不能脫離也。（見成實論，三藏法數。）輔行釋有流云。有卽三有。流謂四流。一見流。三界見也。二欲流。欲界一切諸惑。除見及癡。三有流。上二界一切諸惑。除見及癡。四無明流。三界癡也。於此三處。因果不亡。故名爲有。爲此四法。漂溺不息。故名爲流。度一切諸佛境界經。佛言四流。欲流，有流，見流，無明流，是也。（分見名義集。參看見思惑條。）

四天王

爲帝釋之外將。須彌山之半腹。有一山。名毘陀羅。山有四頭。四王各居之。各護一天下。因之稱爲護世四

天王。（見禪宗正旨淺註。）東方曰持國天王。梵語提多羅吒。大論云。秦言治國。主乾闥婆及毘舍闍。光明疏云。上升之元首。下界之初天。居半須彌東黃金埵。王名提頭賴吒。此云持國。又翻安民。南方曰增長天王。梵語毘流離。大論云。秦言增長。主弓檠荼及薜荔多。光明疏云。南瑠璃埵。王名毘留勒叉。亦翻免離。西方曰廣目天王。梵語毘流波叉。大論云。秦言雜語。主那伽及富單那。（亦云富樓多那。）光明疏云。西白銀埵。王名毘留博叉。又翻非好報。又翻惡眼。亦翻廣目。北方曰多聞天王。梵語鞞沙門。大論云。秦言多聞。主夜叉及羅刹。光明疏云。北水精埵。王名毘沙門。亦翻普聞。此四天王。居須彌腹。故俱舍云。妙高層有四。相去各十千。傍出十六千。八四二千量。堅手及持鬘。常橋大王衆。如次居四級。亦住餘七山。（分見名義集。）又自須彌山脚。上升一萬由旬。有堅手天住。又升一萬由旬。有持華鬘天住。又升一萬由旬。有常放逸天（亦云常橋天。又云恆橋天。）住。此三天皆繞山環列而住。皆是夜叉鬼神。其福如天。又升一萬由旬卽山半。有四天王天。依山四面各各而住。日月星宿。日夜行繞四

方。雖依空轉。亦與相平。又升四萬二千由旬。至須彌頂。卽三十三天住。最中卽忉利天。天主名釋提桓因。又名帝釋。俗云玉皇大帝。是也。（見二課合解。）（參看二十八天條。）

四大海 梵語那他。或捺陀。此云海。（見佛爾雅。）四大海者。謂在須彌山四方之大海也。須彌山在四大海之中央。

。四大海中各有一大海。四洲在其中。大鐵圍山圍繞四大海之外。（參看須彌山條。）

四大河 一旃伽河。梵語旃伽。華言天堂來。狀其來處最高故。又云。河神之名。以爲河名。（旃伽神女。無鼻聞香。

。見佛爾雅。）西域記云。舊曰恆河。又曰恆沙。訛也。此河從阿耨達池（參看阿耨達條。）東面銀牛口流出。繞池

一匝。入東南海。二信度河。舊云辛頭。華言驗河。此河從池南面金象口流出。繞池一匝。入西南海。三縛芻河。舊

云博叉。亦作婆搓。亦作婆叉。亦作噉叉。華言清河。此河從池西面瑠璃馬口流出。繞池一匝。入西北海。四徙多河

。舊云私陀。亦云斯陀。亦作悉陀。華言冷河。此河從池北面頰胝（此翻水精。）師子口流出。繞池一匝。入東北海

。或曰。潛流地下。出積石山。（卽徙多河之流。）爲中國之河源。（見名義集。佛爾雅。）

四重禁 亦名四重罪。亦卽四波羅夷罪也。又名四重戒。亦云根本戒。一淫戒。二盜戒。三殺人戒。四大妄語戒。謂

淫盜殺妄之四。正遠勝妙法故。犯此者不許與僧共住。命終當墮阿鼻地獄。（見梵網經心地品。）

四分律 詳曇無德條。

四邪命 梵語阿耨毗伽。此云邪命。以邪法活命根也。智論云。如經中說。舍利弗入城乞食。得已。向壁坐食。時梵

志女。名曰淨目。見而問曰。沙門。汝食耶。答言食。淨目問。下口食耶。仰口食耶。方口食耶。四維口食耶。俱答

云不。淨目言。食法四種。我問汝。汝言不。我不解。汝當說。舍利弗言。有出家人。合藥種穀植樹。不淨活命。名

下口食。有出家人。觀視星宿。日月風雨。雷電霹靂。不淨活命。名仰口食。有出家人。曲媚豪勢。通使四方。巧言

多求。不淨活命。名方口食。有出家人。學種種咒術。卜算吉凶。如是活命。名四維口食。姊。我不墮是四不淨食。

我用清淨乞士活命。是時淨目聞說清淨法食。歡喜信解。舍利弗因爲說法。得須陀洹。（見名義集。參看五邪命條。）

四種食 詳齋法四食條。

四惡道

謂地獄道。餓鬼道。畜生道。修羅道也。亦云四惡趣。（見法華經。）

四威儀

謂行，住，坐，臥，四威儀也。修道之人。心不放逸。若行若坐。常在調攝其心。成就道業。雖久於行坐。

亦常忍其勞苦。非時不住。非時不臥。設或住臥之時。常在佛法正念如理而住。於此四法。動合規矩。不失律儀。是為四威儀也。（見菩薩善戒經。三藏法數。）

四念處

梵語毘跋耶斯。此云四念處。念即是觀。處即是境。謂身，受，心，法，也。修行之人。於此四處。恒作無常，苦空，無我，不淨，等觀。名為四念處。初觀身不淨。（色蘊）一切色法。名之為身。已名內身。眷屬及他名外身。若已若他名內外身。此三種色。一一觀之。皆是穢惡不淨。（參看五種不淨條。）二觀受是苦。（受蘊）意根受名內受。五根受名外受。六根受名內外受。於一根有順受，違受，不違不順受，而生三苦。（參看四諦條。）三觀心無常。（識蘊）心王不住。體性流動。今日雖存。明亦難保。山水溜。斲石光。若不及時。後悔無益。四觀法無我。（想行蘊）法名軌則。有善法，惡法，無記法。人皆約法計我。我能行善。行惡。行無記。此等法中。求我決不可得。龜毛兔角。但有名字。實不可得。涅槃後分云。阿難。如汝所問。佛涅槃後依何住者。阿難。依四念處嚴心而住。觀身性相。同於虛空。名身念處。觀受不在內外。不住中間。名受念處。觀心但有名字。名字性離。名心念處。觀法不得善法。不得不善法。名法念處。一切比丘。應當依此四念處住。（見名義集，四教儀。）

四正勤

梵語秘柯摩羅阿佚多。此云正勤。斯有四法。法界次第云。一已生惡法為除斷。謂五蓋等煩惱覆心。離五種善根故。一心勤精進。方便除斷令盡也。二未生惡法不令生。謂五蓋煩惱惡法。今雖未生。恐後應生。能遮五善根故。一心勤精進。方便遮止。不令得生也。三未生善法令生。謂五種善根未生。為令生故。一心勤精進。方便修習。令善根生也。四已生善法為增長。謂五種善根已生。為令增長故。一心勤精進。方便修習。令不退失。增長成就。此四通名正勤者。破邪道。於正道中勤行。故名正勤也。（見名義集。）毘婆沙論云。斷已生惡法。猶如除毒蛇。斷未生惡法。如預防流水。增長已生善。如溉（灌也。）甘果栽。（栽，苗也。）未生善令生。如鑽木出火。故名四正勤。

亦名四斷。（見三藏法數）

四阿舍 小乘教中。別開四部。一增一阿舍。明人天因果。二長阿舍。破邪見。三中阿舍。明諸深義。四雜阿舍。明諸禪法。以四阿舍爲轉法輪設教之首。別得其名。（見名義集。參看阿舍條。）

四顛倒 有二種。一凡夫四倒。二二乘四倒。凡夫四倒。謂凡夫著有。妄於無常法計常。苦中計樂。無我計我。不淨計淨也。一非常計常。謂世間一切有爲之事。皆悉無常。虛幻不實。豈能長久。凡夫妄計是常。卽成常顛倒。二非樂計樂。謂世間五欲之樂。皆是招苦之因。凡夫不了。妄計爲樂。卽成樂顛倒。三非我計我。謂此身皆因四大假合而成。本無有我。若一大是我。三大應非我。若四大俱是我。應有多我。畢竟是誰爲我。故知我不可得。凡夫不了。於自身中強生主宰。妄計爲我。卽成我顛倒。四不淨計淨。謂已身他身。具有五種不淨。（參看五種不淨條。）凡夫不了。妄生貪著。執以爲淨。卽成淨顛倒。二乘四倒。謂小乘之人。但著於空。常計無常。樂計非樂。我計無我。淨計不淨也。一常計無常。常。卽法身常住之義。無常，卽變易之義。謂聲聞緣覺。爲無明所覆。於如來常住法身。妄計有生滅變易之相。是名無常顛倒。二樂計非樂。樂卽涅槃清淨之樂。非樂卽苦也。謂二乘爲無明所覆。於如來清淨涅槃。妄計是苦。是名非樂顛倒。三我計無我。我卽佛性真實之我。無我卽佛性中無有我也。謂二乘爲無明所覆。不了無我法中而有真我。故於佛性真我之中。妄計無我。是名無我顛倒。四淨計不淨。淨卽如來常住之身。非雜食身。非煩惱身。非血肉身。非是筋骨纏縛之身。二乘爲無明所覆。但觀世間一切諸色。皆爲不淨。不了如來常住法身之淨。是名不淨顛倒。以上凡夫二乘常無常等，二種顛倒。亦名凡（凡，卽凡夫，）小（小，卽小乘，卽聲聞緣覺二乘也。）八倒。（見涅槃經。三藏法數。）

四種夢 善見毘婆沙律。明四種夢。一四大不和夢。夢見山崩。飛騰虛空，或見虎狼師子賊逐。二先見故夢。晝見白黑及男女相。夜剋夢見。三天人與夢。若善知識天人。示善得善。若惡知識。示惡得惡。四想心故夢。前身有福。今感吉夢。先世造罪。今感凶夢。（見名義集。）

四空定 一空處。禪門云。此定最初離三種色。（參看三種色其二條。）心緣虛空。既與無色相應。故名虛空定。二識處。禪門云。捨空緣識。以識爲處。正從所緣處受名。三無所有處。禪門名不用處。修此定時。不用一切內外境界。

。外境名空。內境名心。捨此二境。因初修時。故言不用處。四非有想非無想。禪門云。有解云。前觀識處是有想。不用處是無想。今雙除上二想。亦有解言。約凡夫說言非有想。約佛法中說言非無想。合而論之。故言非有想非無想。修此四空定。生四空天。是名無色界。（見名義集。）又云。四空定者。一空處定。二識處定。三無所有處定。四非想非非想處定。修之者命終生無色界天。故亦名無色定。一空處定。謂行者得第四禪已。深思色法過患。作意滅除一切色法。一心緣空。念空不捨。色定即謝。其心泯然。任運自住空緣。於後豁然與空相應。其心明淨。不苦不樂。唯見虛空。無諸色相。心識澄靜。無礙自在。是爲虛空定相。二識處定。謂行者既得空定已。訶責空處多諸過失。便捨空處。一心繫緣現在心識。空定即謝。泯然任運。自住識緣。此後豁然與識相應。心定不動。唯見心識。念念不住。此定安穩。清淨寂靜。是爲識處定相。三無所有處定。謂行者得識定已。訶責識處過患。即捨識處。繫心無所有處。一心內淨。空無所有。不見諸法。寂然安穩。心無動搖。是爲無所有處定。四非想非非想處定。謂行者得無所有定已。深訶無所有處過患。即捨無所有定。觀於非有非無。常念不捨。其心任運。住在緣中。於後忽然真實定發。不見有無相貌。泯然寂絕。心無動搖。恬然清淨。如涅槃相。是定微妙。三界中極。證此不失。命終必生非非想處天。（見佛教問答。）

四法界 詳法界條。

四種僧 詳五種僧條。

四種我 一凡夫妄計我。謂世間凡夫之人。不了五陰等法皆空。於中妄計我身。確立主宰。造作諸業。流轉生死。無有休息。是爲凡夫妄計我。二外道神我。謂外道之人。於五陰中。妄計識神如麻豆等。或計偏身起於我見。墜墮邊邪。輪迴生死。是爲外道神我。三三乘假我。謂三乘之人。了知一切五陰等法。虛假不實。悉無有我。是爲三乘假我。四法身真我。謂如來法身。量等虛空。無所不徧。故於無我法中。明八自在我。（參看八自在條。）是爲法身真我。（見圓覺略疏，三藏法數）。

四煩惱 貪分煩惱二萬一千。瞋分癡分等分亦各二萬一千。總此四分。共有八萬四千煩惱。此煩惱心皆悉流動，擾濁

內心。由此方起善，惡，不動，三有漏業。能感三界生死苦果。（見教觀綱宗。）新華嚴云。貪行多者二萬一千。瞋行多者二萬一千。癡行多者二萬一千。等分行者二萬一千。了知如是悉是虛妄。（見名義集。）

四種禪

楞伽經明四種禪。一愚夫所行禪。謂聲聞緣覺外道修行者。觀人無我性。自相，共相，骨鏹，無常，苦，不淨相。計著爲首。如是相不異觀。前後轉進。想不除滅。是名愚夫禪。二觀察義禪。謂人無我，自相，共相，外道，自他，俱無性已。觀法無我。彼地相義。漸漸增進。是名觀察義禪。三攀緣如禪。（入楞伽，名觀眞如禪。）謂妄想二無我。妄想如實處。不生妄想。是名攀緣如禪。四如來禪。謂入如來地。行自覺聖智。三種樂住。成辦衆生不思議事。是名如來禪。頌曰。凡夫所行禪。觀察相義禪。攀緣如實禪。如來清淨禪。（見名義集。參看禪那條。）

四大部洲

東曰弗婆提。亦曰弗于逮。華言勝身。以其身勝南洲故。亦名東勝身洲。又云前。謂在諸方之前。又云初。謂日初出處也。在須彌山東。其土東狹西廣。形如半月。縱廣九千由旬。人面亦如半月形。人身長八肘。人壽二百五十歲。俱舍云。東提提訶洲。其相如半月。人身長八肘。壽二百五十。南曰閻浮提。華言勝金。大論云。閻浮，樹名。其林茂盛。此樹於林中最大。提名爲洲。此洲上有此樹林。林中有河。底有金沙。名閻浮檀金。以閻浮樹故。名爲閻浮洲。此洲有五百小洲圍繞。通名閻浮提。刊正記云。此河因樹立稱。金因河得名。長水云。或云閻浮果汁。點物成金。因流入河。染石爲金。其色赤黃。兼帶紫燄。西域記云。南瞻部洲。舊曰閻浮提洲。又曰剌浮洲。訛也。藏鈔云。瞻部。此土無相當。故不翻。唯西域記音中。翻爲穢樹。南瞻部洲。北廣南狹。三邊量等。其相如車。在須彌山南。縱廣七千由旬。人面亦像地形。人身多長三肘半。於中有長四肘者。人壽百歲。中天者多。俱舍云。瞻部洲人身。多長三肘半。人壽無定限。西曰瞿耶尼。華言牛貨。藏疏云。以彼多牛。以牛爲貨。亦翻取與。俱舍鈔云。劫初時。因高樹下有一寶牛。爲貨易故。西域記云。西瞿陀尼洲。舊曰瞿那尼。又云劬伽尼。訛也。亦名西牛貨洲。在須彌山西。其土形如滿月。縱廣八千由旬。人面亦如滿月。人身長十六肘。人壽五百歲。俱舍云。西牛貨洲。壽五百歲。相圓無缺。長十六肘。北曰鬱單越。或鬱怛越，鬱丹越。西域記云。北拘盧洲。舊曰鬱丹越。又曰鳩樓。訛也。華言勝處。亦翻勝生。於四洲中。有情處貨。皆最勝故。亦云高上。出餘三方故。在須彌山北。其土形如方座。四面

量等。猶如池沼。縱廣一萬由旬。人面亦像地形。人身長三十二肘。人壽一千歲。命無中天。俱舍云。諸處有中天。除北俱盧洲。以壽定故。以樂極故。以執堅故。聖人。八難中一。若論值佛聞法。南洲最上。故大論云。南洲三事。(一)能斷淫。(二)識念力。(三)能精進。(四)尚勝諸天。况北洲乎。所有諸佛唯出南洲。西域記云。金輪王乃化被四天下。銀輪王則政隔北拘盧。銅輪王則除北拘盧及西瞿陀尼。鐵輪王則唯瞻部洲。夫輪王者。將即大位。隨福所感。有大輪寶浮空來應。感有金銀銅鐵之異。(分見長阿含經。名義集。三藏法數。參看轉輪王。七種王寶條。)

四弘誓願

梵語僧那。此云弘誓。梵語尼坻。此云願。天台云。廣普之緣謂之弘。自制其心謂之誓。志求滿足乃稱願。大士曠懷。運心廣普。依無作四諦之境。起四種弘誓之心。(見名義集。)

一未度者令度。即衆生無邊誓願度。此緣苦諦境而發心也。二未解者令解。即煩惱無盡誓願斷。此緣集諦境而發心也。三未安者令安。即法門無量誓願學。此緣道諦境而發心也。四未涅槃者令得涅槃。即佛道無上誓願成。此緣滅諦境而發心也。(見天台八教大意。)

四無量心

四無量心者。慈，悲，喜，捨，也。通名無量者。謂菩薩利他之心廣大也。所緣衆生既無量。而能緣之心亦無量也。一曰慈無量心。謂菩薩愛念一切衆生。常求樂事。隨彼所求。而饒益之。二曰悲無量心。謂菩薩愍念一切衆生。受種種苦。常懷悲心。拯拔救濟。令其得脫。三曰喜無量心。謂菩薩慶他衆生。離苦得樂。其心悅豫。欣慶無量。四曰捨無量心。謂菩薩於所緣衆生。無憎愛心。名之爲捨。復念一切衆生。同得無憎無愛。無瞋無恨，無怨無惱。故名捨無量心。(見法界次第。三藏法數。參看慈悲喜捨條。)

四無礙智

亦名四無礙辯。梵語阿迦。此云無礙。(阿，翻無。迦，翻礙。見佛爾雅。)

一義無礙智。亦名四無礙辯。見佛爾雅。梵語鉢底婆。此云辯才。(見名義集。)

謂菩薩於此四法。智慧明了。通達無滯。亦名四無礙智。以其辯說融通。亦名四無礙辯。一義無礙智。謂菩薩了知一切諸法義理。通達無滯。二法無礙智。謂菩薩通達一切諸法名字。分別無滯。三辭無礙智。謂菩薩於諸法名字義理。隨順一切衆生殊方異語。爲其演說。能令各各得解。辯說無滯。四樂說無礙智。謂菩薩隨順一切衆生根性所樂聞法而爲說之。圓融無滯。(見法界次第。三藏法數。)

又云。辯才者。辯，說也。展轉無滯故。辯，別也。分明決了故。輔行明辯有四種。謂義，法，詞，樂說也。義謂顯了諸法之義。法謂稱說法之名字。詞謂能說名之語。

言。雖有此三。必須樂說。說前三也。（見名義集。）

四無所畏

其一。佛無所畏。此四通言無畏者。由佛十力之智。內充明了決定故。（參看十力條。）於大眾中。凡有所說。則無恐懼之相。故名無所畏。一一切智無所畏。一切智者。於世間出世間一切諸法。盡知盡見也。無所畏者。如佛言。我是一切正智人。故得安隱。得無所畏。在大眾中。作師子吼。能轉法輪。諸沙門，婆羅門，若天魔梵，若復餘眾。實不能轉。是為一切智無所畏。二漏盡無所畏。漏盡者。惑業生死俱盡也。無所畏者。如佛言。我一切漏盡。故得安隱。得無所畏。在大眾中。作師子吼。能轉法輪。諸沙門，婆羅門。若天魔梵，若復餘眾。實不能轉。是為漏盡無所畏。三說障道無所畏。謂說彼魔外障蔽聖道之法也。（障道有二。障如理智曰煩惱障。障如量智曰所知障。參看二障，二智條。）無所畏者。如佛言。我說障法。故得安隱。得無所畏。在大眾中。作師子吼。能轉法輪。諸沙門，婆羅門。若天魔梵。若復餘眾。實不能轉。是為說障道無所畏。四說盡苦道無所畏。盡苦道者。謂說能盡諸苦之道法也。無所畏者。如佛言。我所說聖道。能出世間。能盡諸苦。故得安穩。得無所畏。在大眾中。作師子吼。能轉法輪。諸沙門，婆羅門，若天魔梵，若復餘眾。實不能轉。是為說盡苦道無所畏。（見大智度論。）其二。菩薩無所畏。謂菩薩具諸智慧。明了決定。而於眾中說法。則無恐畏之相。故名無所畏。一能持無所畏。能持者。謂菩薩聞一切法。常能受持。憶念不忘。故於眾中說法。得無所畏。二知根無所畏。知根者。謂菩薩知一切眾生諸根利鈍。隨其所應而為說法。故於眾中說法。得無所畏。三決疑無所畏。決疑者。決剖一切眾生之疑難也。謂凡有一切來難問者。菩薩悉能如法剖決而答。故於眾中說法。得無所畏。四答報無所畏。答報者。以言辭應答。酬報其所問也。謂凡一切眾生。聽受問難。菩薩悉能隨意如法而答。故於眾生說法。得無所畏也。（見大智度論，三藏法數。）

四方四佛

詳五部教主條。

四仙計果

亦名外道四計。一僧法。即數論師。計一。則謂因中有果。二衛世。即勝論師。計異。則謂因中無果。三勒沙婆。即苦行論師。計雙亦。則謂因中亦有亦無果。四若提子。即邪見論師。計雙非。則謂因中非有非無果。（見教乘法數。參看僧法論，衛世師，苦行，外道六師。各本條。）

四門遊觀

本行經云。太子宮中樂極。思遊園苑。王勅嚴淨街衢。莊嚴園觀。選一智臣爲侍。備於顧問。初出東門。淨居天人化一老人。庭羸倚杖。太子見已。問侍臣曰。此何人耶。答曰。此老人也。問何名老人。答曰。昔曾少壯。以寒暑迭遷。血氣衰變。人生世間。無免老者。次出南門。天化一病人。太子問侍臣。答。此病人也。夫人嗜欲不節。飲食過度。四大不調。轉變成疾。衆痛迫惱。存亡無期。人生無有免者。次出西門。天化一死人。太子問侍臣。答曰。此死人也。以壽數享盡。精魄已去。四大各離。六根無覺。父母妻子。情深愛重。無能留者。世人無貴賤。無賢愚。皆不免死。太子由是情思不悅。迴駕歸宮。太子次出北門。天化一沙門。持錫掌鉢。徐行駕前。太子問曰。汝何人耶。答曰。我佛弟子沙門也。問何名沙門。答曰。三界兮擾擾。六趣兮昏昏。識心達本源。故號爲沙門。言訖。騰空而去。太子瞻仰而喜曰。唯此爲快。我當修學。於是還宮。（見釋迦如來成道記註。）

四教四觀

教者。聖人被下之言也。觀者。稟教修行之法也。四教。（詳四教條。）四觀者。初析空觀。觀於地，水，火，風，空，識，六界。無我我所。此觀開示界內鈍根衆生。令出分段生死。證偏真涅槃。藏教攝。二體空觀。陰界入皆如幻化。當體不可得。此觀開示界內利根衆生。令出分段生死。證真諦涅槃。通教攝。三次第三觀。先空次假後中。此觀開示界外鈍根菩薩。令出分段變易二種生死。證中道無住涅槃。別教攝。四一心三觀。照性成修。稱性圓妙。不縱不橫。不前不後。亦不一時。此觀開示界外利根菩薩。令其圓超二種生死。圓證三德涅槃。圓教攝。教觀雖各有四。而前三是權。後一是實。爲實施權。開權顯實。乃佛法之宗要也。（分見教觀綱宗。參看教觀條。）

四十二字

梵語毘伽羅。章安疏曰。此云字本。世間文字之根本也。言四十二字者。此錄字母法門。通言門者。以能通爲義。妙玄明四種門。一文字爲門。如大品四十二字。二觀行爲門。如釋論明修三三昧等。三智慧爲門。如法華云其智慧門。四理爲門。如大品云。無生法，無來無去。智論云。四十二字。是一切字根本。因字有語。因語有名。因名有義。若聞字。因字乃至能了其義。所以從此字門。則能入於無相之智。大品云。一字皆入四十二字。四十二字亦入一字。故華嚴經中。善知識衆藝童子，告善財言。我恆唱持此之字母。入般若波羅蜜門。所以衆聖皆由此而入於實相之慧也。補注頌曰。

阿囉波遮那邏陀。 婆荼沙和多夜吒。

迦婆磨伽他闍簸。 馱奢吠叉哆若施。

婆重麼火嗟伽他。 拏頗歌嚩遮陀荼。

一阿字門。梵語阿提阿耨波陀。阿提，秦言初。阿耨波陀，秦言不生。小品云。阿字門。一切法初不生故。智論云。得是字陀羅尼菩薩。若一切語中聞阿字即時隨義。所謂一切法從初來不生。中論云。諸法不自生。亦不從他生。不共不無因。是故說無生。華嚴云。唱阿字時。入般若波羅蜜門。名以菩薩威力。入無差別境界。疏云。阿者，入無生義。無生之理。統該萬法。菩薩得此無生。達諸法空。斷一切障。

二羅字門。華嚴作多字。梵語羅闍。大論云。秦言垢。小品云。羅字門。一切法離垢故。華嚴云。唱多字門。入無邊差別門。疏云。彼經第二當囉字。是清淨無染。離塵垢義。今云多者。應是譯人之誤。

三波字門。梵語波羅末陀。秦言第一義。小品云。波字門。一切法第一義故。大集經云。甚深之理不可說。第一義諦無聲字。華嚴唱波字門。名普照法界。疏云。諸法皆等。卽普照法界。

四遮字門。華嚴作者字。梵語遮黎夜。秦言行。小品云。遮字門。一切法終不可得故。論曰。若聞遮字。卽知一切諸行皆非行。今加釋曰。行始名因。行終名果。華嚴唱遮字門。名普輪斷差別。疏云。者字，諸法無有。諸行既空。徧摧差別。

五那字門。梵語那。秦言不。小品云。那字門。諸法離名性相不得失故。論曰。卽知一切法，不得失，不來不去。華嚴唱那字門。名得無依門。亦名得無依無上。疏云。那者。諸法無有性相言說文字。性相雙亡。故無依。能所詮泯。故無上。

六邏字門。梵語邏求。秦言輕。小品邏字門。諸法度世門故。亦愛枝因滅故。論曰。若聞邏字。卽知一切法離輕重相。華嚴唱邏字門。名離依止無垢。疏云。邏字悟一切法離世間惑染故。

七陀字門。華嚴作陀字。梵語陀摩。秦言善。小品陀字門。諸法善心生故。論曰。卽知一切法善相。華嚴唱陀字門。

名不退轉方便。疏云。悟一切法。調伏寂靜。真如平等。無分別故。方爲不退轉方便。

八婆字門。梵語婆陀。秦言縛。小品婆字門。諸法婆字門離故。論曰。卽知一切法無縛無解。華嚴唱婆字門。名金剛場。疏云。悟一切法離縛故。方入金剛場。

九茶字門。梵語茶闍他。秦言不熱。小品茶字門。諸法茶字淨故。論曰。卽知諸法無熱相。華嚴唱茶字門。名曰普輪。疏云。悟一切法離熱矯穢。得清涼故。是普摧義。

十沙字門。梵語沙。秦言六。小品沙字門。諸法六自在王性清淨故。(六根性)論曰。卽知人身六種相。華嚴唱沙字門。名爲海藏。疏云。悟一切法無罣礙。如海合像。

十一和字門。華嚴作疇字。梵語和波陀。秦言語言。小品和字門。入諸法言語道斷故。論曰。知一切法離語言相故。華嚴唱疇字門。名普生安住。疏云。悟一切法言語道斷故。

十二多字門。華嚴作哆字。梵語多他。秦言如。小品多字門。入諸法如相不動故。論曰。諸法在如中不動故。華嚴唱哆字時。名圓滿光。疏云。悟一切法真如不動故。

十三夜字門。華嚴作也字。梵語夜他跋。秦言實。小品夜字門。入諸法如實不生故。論曰。諸法入實相中不生不滅。華嚴唱也字時。名差別積聚。疏云。悟如實不生故。則諸乘積聚。皆不可得。

十四吒字門。華嚴作瑟吒。梵語吒婆。秦言障礙。小品吒字門。入諸法制伏不可得故。論曰。知一切法無障礙相。華嚴唱瑟吒字時。名普光明。息煩惱故。

十五迦字門。梵語迦邏。秦言作者。小品迦字門。入諸法作者不可得故。論曰。知諸法中無有作者。華嚴唱迦字時。名無差別雲。疏云。作業如雲。皆無差別。

十六婆字門。梵語娑婆。秦言一切。小品娑字門。入諸法時不可得故。諸法時來轉故。論曰。卽知一切法，一切種，不可得。華嚴唱娑字時。名降靈大雨。疏云。卽平等性。法苑云。一以普及爲言。切以盡際爲語。論云。一切有二種。一者名字一切。如云，一切皆懼死。無不畏刀杖。無色無身。不畏刀杖。此名字一切也。二者實一切。小品云

。一切者。所謂內外法是。二乘能知不能用。一切道起一切種。

十七磨字門。梵語磨磨迦羅。秦言我所。大品磨字門。入諸法我所不可得故。論曰。若聞磨字。即知一切法離我所故。華嚴唱磨字時。名大流湍激。衆峯齊峙。疏云。即我所執性。我慢高舉。若衆峯齊峙。我慢則生死長流。湍馳奔激。肇曰。我爲萬物主。萬物爲我所。又生公曰。有我之情。自外諸法。皆以爲我之所有。淨名疏云。內心法想爲我。計十法界爲所。

十八伽字門。梵語伽陀。秦言底。大品伽字門。入諸法去者不可得故。論曰。即知一切法底不可得故。華嚴唱伽字時。名普安立。疏云。即一切法行取性。

十九他字門。梵語多他阿伽陀。秦言如去。大品他字門。入諸法處不可得故。論曰。即知四句如去不可得。華嚴唱他字時。名真如平等藏。疏云。即是杜處所性。

二十闍字門。華嚴作社字。梵語闍提闍羅。秦言生。大品闍字門。入諸法生不可得故。論曰。即知諸法生老不可得聞。華嚴唱社字時。名入世間海清淨。疏云。即能所生起。

二十一簸字門。華嚴作鎖字。無翻。準智論云濕波。論曰。若聞濕波字。即知一切法如濕波字不可得。濕波字無義。故不釋。華嚴唱鎖字時。名念一切佛莊嚴。疏云。即安隱性。

二十二馱字門。梵語馱摩。秦言法性。大品馱字門。入諸法性不可得故。論曰。即知一切法中，法性不可得。華嚴唱馱字時。名觀察揀擇一切法聚。疏云。即能持界性。（參看法性條。）

二十三賒字門。華嚴作奢字。梵語賒多。秦言寂滅。大品賒字門。入諸法定不可得故。論曰。即知諸法寂滅相。華嚴唱奢字時。名隨順一切佛教輪光明。疏云。即靜寂性。妙樂云。此唱寂滅。是滅生之滅。非即生之滅。即生之滅是不滅故。如淨名云。法本不然。今則無滅。是寂滅義。

二十四昧字門。華嚴作佉字。梵語昧。秦言虛空。大品味字門。入諸法虛空不可得故。華嚴唱佉字時。名修因地智慧藏。疏云。即如虛空性。（參看虛空條。）

二十五叉字門。梵語又耶。秦言盡。小品叉字門。入諸法盡不可得。華嚴唱叉字時。名息諸業海藏。疏云。卽盡性。
(猶言盡空業海。)

二十六哆字門。華嚴作娑多字。梵語迦哆度求那。秦言是事邊得何利。小品哆字門。入諸法有不可得故。論曰。卽知諸法邊得何利。華嚴唱娑多字時。名觸諸惑障。開淨光明。疏云。卽任持處非處。令不動性。

二十七若字門。華嚴作壤字。梵語若那。或闍那。秦言智。小品若字門。入諸法智不可得故。論曰。卽知一切法中無智相。華嚴唱壤字時。名作世間智慧門。疏云。卽能所知性。(參看四智條。)

二十八施字門。華嚴作曷羅多。(又云阿施大。)梵語阿施。秦言義。小品施字。經本作施字門。入諸法施字不可得故。論曰。若聞施字。卽知一切法義不可得。華嚴唱曷羅多字。名生死境界智慧輪。疏云。卽執著義性。執著爲生死境。義卽智慧輪。

二十九婆字門。梵語婆伽。秦言破。小品婆字門。入諸法破壞不可得故。論曰。知一切法不可得破相。華嚴唱婆字時。名一切智宮殿圓滿莊嚴。疏云。卽可破壞性圓滿之言。不空譯爲道場。

三十車字門。梵語伽車提。秦言去。小品車字門。入諸法欲不可得故。如影五衆。亦不可得故。論曰。卽知一切法無所去。華嚴唱車字時。名修行方便藏。各別圓滿。疏云。卽欲樂覆性。

三十一麼字門。華嚴作娑麼。梵語阿濕麼。秦言石。小品麼字門。入諸法麼字不可得故。論曰。卽知諸法堅牢如金剛石。華嚴唱娑麼字時。名隨十方現前諸佛。疏云。卽可憶念性。

三十二火字門。華嚴作訶婆。梵語火夜。秦言喚來。小品火字門。入諸法喚不可得故。論曰。卽知一切法無音聲相。華嚴唱訶婆字時。名觀察一切無緣衆生。方便攝受。令出生無礙力。疏云。卽可呼召性。無緣召令有緣故。

三十三嗟字門。華嚴作縵字。梵語末嗟羅。秦言慳。小品嗟字門。入諸法嗟字不可得故。論曰。嗟字卽知一切法無慳無施相。華嚴唱縵字時。名修行趣入一切功德海。疏云。卽勇健性。

三十四伽字門。梵語伽那。秦言厚。小品伽字門。入諸法厚不可得故。論曰。卽知諸法不厚不薄。華嚴唱伽字時。名

持一切法雲堅固海藏。疏云。卽厚平等性。

三十五他字門。華嚴作吒字。梵語他那。秦言處。大品他字門。入諸法處不可得故。論曰。卽知諸法無住處。華嚴唱吒字時。名隨願普見十方諸佛。疏云卽積集性。

三十六擎字門。梵語擎。秦言不。大品擎字門。入諸法不來，不去，不立，不坐，不臥。論曰。衆生空法空。華嚴唱擎字時。名觀察字輪。有無盡諸億字。疏云。卽離諸喧諍。無往無來。行住坐臥。謂以常觀字輪故。

三十七頗字門。華嚴作娑頗。梵語頗羅。秦言果。大品頗字門。入諸法徧不可得故。論曰。卽知一切法因果空故。華嚴唱娑頗字時。名化衆生究竟處。疏云卽徧滿果報。

三十八歌字門。華嚴作娑迦。梵語歌大。秦言衆。大品歌字門。入諸法聚不可得。論曰。卽知一切五衆不可得。華嚴唱娑迦字時。名廣大藏無礙辯光明輪徧照。疏云。卽積聚蘊性。

三十九醯字門。華嚴作也娑。梵語醯。無翻。大品醯字門。入諸法醯字不可得故。論曰。卽知醯字空。諸法亦爾。華嚴唱也娑字時。名宣說一切佛法境界。疏云。卽衰老性相。

四十遮字門。華嚴作室者。梵語遮羅地。秦言動。大品遮字門。入諸法行不可得故。論曰。卽知一切法不動相。華嚴唱室者字時。名於一切衆生界法雷徧吼。疏云。卽聚集足迹。謂聚集一切衆生法雷。卽是足迹。

四十一咤字門。華嚴作侘字。梵語多羅。秦言岸。大品咤字門。入諸法驅不可得故。論曰。若聞多字。卽知一切法此彼岸不可得故。華嚴唱侘字時。名以無我開曉衆生。疏云。卽相驅迫性。謂無我曉之。卽爲驅迫。

四十二茶字門。華嚴作陀字。梵語彼茶。秦言必。大品茶字門。入諸法邊竟處不終不生。說過茶無可字。論曰。卽知一切法必不可得。華嚴唱陀字時。名一切法輪差別藏。疏云。此究竟含藏一切法輪。

南岳大師，用表四十二位。初阿字門。表初住。後茶字門。表妙覺。故曰。過茶無可說字。爲世所執謂之法。衆聖所由謂之門。大品云，菩薩摩訶薩，摩訶衍。所謂字等。語等，諸文入門。（見大品般若經，華嚴經，名義集，三藏法數。）

四事供養

佛在舍衛國祇樹給孤獨園。爲波斯匿王說法。王卽請佛及比丘僧。三月供養。遂於宮門之外。作大講堂。懸繒旛蓋。及辦一切。供給所須衣被，飲食，臥具，醫藥。故云四事供養。（見增一阿含經。）又經云。大吉祥天女，白佛言。世尊。我若見有苾芻，菴菴尼，鄔波索迦，鄔波斯迦。受持讀誦，爲人解說，是金光明最勝王經者。我當專心恭敬恭養此等法師。所謂飲食，衣服，臥具，醫藥，及餘一切所須資具。皆令圓滿。無有乏少。（見金光明經。）

四如意足

梵語摩奴是若。此云如意。法界次第明四如意足。一欲如意足。欲爲主。得定。斷行成就。修如意足分。是爲欲如意足。二精進如意足。精進爲主。得定。斷行成就。修如意分。是爲精進足。三心如意足。心爲主。得定。斷行成就。修如意足。（亦云念如意足。）四思惟如意足。思惟爲主。通言如意者。四念處中實智慧。四正勤中正精進。精進智慧增多。定力小弱。得四種定攝心故。智定力等。所願皆得。故名如意足。智定若等。能斷結使。故云斷行成就也。（見名義集。）

四分五周

唐清涼國師。將華嚴經三十九品經文。以四分五周，七處九會，（參看七處九會條。）剖解義蘊。所謂以聖教爲明鏡。照見自心。以自心爲智燈。照經幽旨也。信，解，行，證。是爲四分。所信，差別，平等，成行，證入，五因果周。是爲五周。一信分。謂第一會菩提場中。說世主妙嚴品，至毘盧遮那品。名舉果勸樂生信分。顯我佛自身。曠劫修證。勸勵當機。使見實迹而生信。爲所信因果周。二解分。謂第二會普光明殿說十信法。乃至三，四，五，六，七，會。說十住，十行，十回向，十地，十定等法。名修因契果生解分。修五位之圓因。契十身之極果。令物善解因果相。爲差別平等二因果周。三行分。謂第八會普光明殿普賢說離世間一品。具二千行法。名託法進修成行分。沒彼位名。於法生解。欲顯行位無礙。前後圓融。爲成行因果周。四證分。謂第九會逝多林說入法界品。名依人證入成德分。依諸勝善友。深證法界。成德在己。前旣行因證立。今乃證藉行深。爲證入因果周。（見法寶標目，華嚴綱要淺說。）

四榮四枯

佛於拘尸那城。娑羅雙樹間入滅。東西南北，各有雙樹。每面雙樹。一榮一枯。故名四榮四枯。以表凡

夫二乘常無常等八倒也。（參看四顛倒條。）四榮者。表凡夫四倒。所言榮者。以凡夫由此四倒增長惑業。有榮茂之義。故名四榮也。四枯者。表二乘四倒。所言枯者。以二乘觀無常苦空無我等，（參看四念處條。）則煩惱有朽滅不生之義。故名爲四枯也。（見涅槃經，宗鏡錄，三藏法數。）

四十八願 經云。無量無數劫前。有世自在王佛。出世化度衆生。是時有大國王。往聽說法。頓然覺悟。乃捨王位而作比丘。號曰法藏。卽對其佛發四十八願。應時大地震動。天雨寶華。空中讚言。決定成佛。由是無量劫行菩薩道。功圓成佛。號阿彌陀。其國名極樂。國中有七寶池。八功德水，充滿其中。池中蓮華。有無量品。（見大彌陀經，亦云無量壽經。）

四種念佛 一稱名念佛。謂稱念阿彌陀佛名號。於晝夜間。一心專注。或一萬聲，乃至十萬聲。如是歲月既久。則念念不斷。純一無雜。臨命終時。定見彼佛。現身迎接。決得往生極樂世界矣。（如阿彌陀經是。）二觀像念佛。謂觀阿彌陀佛形像相好。口稱佛名。則心不散亂。心不散亂。則本性佛從而顯現。如是則念念不斷。純一無雜。臨命終時。定見彼佛現身迎接。決得往生極樂世界矣。（如般若經是。）三觀想念佛。謂端坐正念。面向西方。心作妙觀。或想阿彌陀佛眉間白玉毫相光。乃至足下千輻輪相。如是從上至下。從下至上。輾轉觀之。觀想既熟。三昧現前。臨命終時。決得往生極樂世界矣。（如十六觀經是。）四實相念佛。謂念阿彌陀佛法性之身。卽得實相之理。無形無相。猶如虛空。心及衆生。本來平等。如是之念，卽是真念。念念相續。三昧現前。決得往生極樂世界矣。（如普賢觀經是。）（見普賢行願記，三藏法數。參看持誦條。）

四加行位 謂煖，頂，忍，世第一，內凡四位也，由四念處。發四正勤。斷二惡。修二善。勤觀四諦。能發似解。猶如鑽火。先得煖相。故名爲煖。由修四如意足。發生禪定。諦觀轉明。如登山頂。洞覽四方。故名爲頂。由定慧均平。善法增進。能成信等五根。安住不動。故名爲忍。由五根增長成力。能破五障而階見道。於諸世間有漏位中，最爲勝妙。故名世第一。以此有漏聞思修慧爲增上緣。資助本具無漏種子。令發現行而入見道。（見教觀綱宗。參看十回向，三十七道品，聲聞位條。）

四種觀世 詳迦葉佛條。（參看五事降生條。）

四百四病

梵語迦摩羅。或迦末羅。此云黃病。又云惡垢。亦云癩病。智論云。一者外因緣病。寒熱饑渴。兵刃刀

杖。墜落推壓。如是等種種外患爲惱。二者內因緣病。飲食不節。臥起無常。四百四病。名爲內病。梵語珊若婆。此

云癩風病。一發不起。智論云。四百四病者。四大爲身。常相侵害。一一大中。百一病起。冷病有二百二。水風起故

。熱病有二百二。地火起故。金光明經云。病有四種別。謂風熱痰癰。及以總集病。春時痰癰動。夏內風病生。秋時

黃熱增。冬時三俱起。又云。風痰癰俱有。是名爲總集。梵語阿薩闍。此云不可治病。弘明集云。必死之病。雖聖莫

蠲。可療之疾。待醫方愈。故涅槃明三種病。一易治。二難治。三不可治。淨名疏云。療治有損。一。有從初服藥。

但增而不損。終無差理。是名增增。二。或雖困篤。方治即愈。是名增損。三。或有服藥。初雖漸損。而後更增。是

名損增。四。從初斷損。乃至平服。是爲損損。又釋治衆生病。一增增者。即底下凡夫。若爲說法。更起誹謗。闍提

之罪。如善星調達等。（梵語蘇氣怛羅。此云善星。詳善星條。梵語提婆達多。亦名調達。詳調達條。）二增損者。

如戶利輸多。（梵語戶利輸多。此云吉祥護。見佛爾雅。）三損增者。如大論明四禪比丘謂是四果。臨終見生處。謗無

涅槃。即墮地獄。又毘曇成實。明退法人。皆其相也。四損損者。即身子等。（即舍利弗。詳十大弟子條。）諸得道

人。（分見名義集。）

四日照世

詳童受條。

四安樂行

其一。謂身無危險故安。心無憂惱故樂。身心安樂。乃能進行。故名安樂行。一身安樂行。二口安樂行

。三意安樂行。四誓願安樂行。（見法華文句。）其二。此四安樂行者。乃清涼澄觀國師。依法華經安樂行品而立。

謂涅槃之果。名爲安樂。修此行者。能趣涅槃。故名安樂行。又住此四行。則身靜神定。外苦不干。故名安樂行。一

畢竟空行。二身口無過行。三心無嫉妬行。四大慈悲行。（見華嚴經疏。）

四仙避死

昔有梵志。兄弟四人。各得五通。（參看五神通條。）自知命促。却後七日。皆當命終。共相議言。我

等既得五通。以已神力。何所不辦。豈不能避此難也。四人雖各往避。死終不免。佛以道眼。觀見其死。終不可避。

而說偈曰。非空非海中。非入山石間。無有地方所。脫之不受死。一入海。入海者。言吾入大海。上不至表。下不至底。正處中間。無常殺鬼。焉知我處。七日期滿。命亦終盡。二入山。入山者。言吾入須彌山。擘山兩開。入中還合。無常殺鬼。焉知我處。七日期滿。命亦終盡。三隱空。隱空者。言吾躡身虛空中。隱形無迹。無常殺鬼。焉知我處。七日期滿。自空墮地而死。猶如果熟。自然脫落。四居廬。居廬者。言吾當隱居大市之中。衆人猥鬧。各不相識。無常殺鬼。隨得一人。何必取吾。七日期滿。於衆人中。亦自命終。（見出曜經，三藏法數。）

四不可得 佛告諸比丘。世有四事不可得免。古今以來。天地成立。無免此苦。以斯四苦。佛興於世。令諸衆生。咸得脫離。一常少不可得。謂年幼之時。髮黑齒白。形貌光澤。衆人瞻戴。莫不愛敬。一旦老耄。頭白齒落。短氣呻吟。欲使常少不至老者。終不可得。二無病不可得。謂身體強健。行步輕便。一旦疾病。伏著床枕。不能動轉。欲使常安無病。終不可得。三長壽不可得。謂欲求長壽。五欲自恣。放心逸意。將期永久。無常卒至。忽然命終。欲求長壽。終不可得。四不死不可得。謂父母兄弟。妻妾子息。歡娛笑樂。意可常得。無常猝至。魂神獨逝。欲求不死。終不可得。（見諸經要集，三藏法數。）

四大健度

詳健度條。

四利須食

一資身為道。謂修行之人。若無飲食。則身疲力倦。命且不支。豈能進道。若得飲食資益於身。則心安體健。乃可進道。故須食也。二養身中蟲。謂人身中多有諸蟲。若缺飲食。則蟲鑽刺。身亦不安。必當及時進食而調養之。故須食也。三生施者福。謂修行之人。持戒清淨。專心修道。則能福利人天。若有檀越。施以飲食。使其成就道業。能令施者亦護福報。故須食也。四破餓外道。謂外道自以吞饑忍餓爲解脫法。卽自饑餓而不知。徒受困苦。安能解脫。故修行之人。日中受食。資其進道。兼破外道。不應饑餓。故須食也。（見釋氏要覽，三藏法數。）

四陀羅尼

一法陀羅尼。謂諸菩薩。得念慧力。持所聞法。經無量時。永不忘失。是名法陀羅尼。二義陀羅尼。謂諸菩薩。持所聞無量義趣。經無量時。永不忘失。是名義陀羅尼。三呪陀羅尼。呪，願也。謂諸菩薩。獲得如是總持。令其呪願。悉皆神驗。能除一切衆生種種災患。是名呪陀羅尼。四忍陀羅尼。忍卽安忍。謂諸菩薩。成就堅固之行。

。於所聞法。得精進忍。是名忍陀羅尼。（見瑜伽師地論，三藏法數。）

四方僧物 詳僧祇條。

四根本煩惱

謂我癡，我見，我慢，我愛，是也。我癡者。謂無明。愚於我相。迷無我理。故名我癡。我見者。謂我執。於非我法。妄計爲我。故名我見。我慢者。謂倨傲。恃所執我。令心高舉。故名我慢。我愛者。謂我貪。於所執我。深生耽著。故名我愛。此四常起。擾濁內心。令外轉識。恆成雜染。有情由此。生死輪迴。不能出離。故名煩惱。（見成唯識論四。）

四十八輕戒

第一不敬師友戒。第二飲食戒。第三食肉戒。第四食五辛戒。乃至第四十八破法戒。名相甚繁。可檢律藏。（見佛教問答。參看持戒條。）

四種曼荼羅

真言宗明四種曼荼羅。一大曼荼羅。彩畫佛菩薩之相好形像是。二三昧耶曼荼羅。諸尊所持之金剛，蓮華，刀劍，輪寶，及種種契印等。三法曼荼羅。一一佛菩薩諸尊之種子真言是。四羯磨曼荼羅。諸尊之坐立喜怒種種威儀事業之相也。四曼之量。各無邊際。一卽具四。四不離一。故法界一切有情。卽大曼荼羅也。器世間。卽三昧曼荼羅也。一切文字。卽法曼荼羅也。一切動作。卽羯磨曼荼羅也。是則佛界之四曼。卽具衆生界之四曼。衆生界之四曼。卽具佛界之四曼。一多相卽。舉一全收。故云各不相離也。（見真言宗義章，參看曼荼羅條。）

四王生八子

謂四王同出師子頰王。（梵語摩訶三摩。此云大平等。後爲師子頰王。見佛爾雅。）各生二子。故通有八子也。一淨飯王生二子。第一子悉達多。卽釋迦牟尼佛。第二子難陀。（此云歡喜。儀容第一。）二白飯王生二子。第一子調達。第二子阿難。三斛飯王生二子。第一子摩訶男。（卽拘利太子。參看阿若憍陳如條。）第二子阿那律。四甘露飯王生二子。第一子婆婆。或云帝沙。無翻。第二子跋提。（參看阿若憍陳如條。）故名四王生八子。（見釋迦譜，參看各本條。）

四輪持世界

輪取持載之義。華嚴經云。三千大千世界。依於水輪風輪空輪。不言金輪者。文略也。一金輪。大地之下有金輪。起世因本經云。水上有風。吹轉此水。於上成金。如熟酥生膏。是名金輪。二水輪。金輪之下有水輪。

菩薩藏經云。最上風輪。爲水輪之所依止。其水量高六十八百千由旬。三風輪。水輪之下有風輪。菩薩藏經云。風輪量高六萬八千俱胝。四空輪。風輪之下有空輪。華嚴經云。空無所依。雖無所依。然由衆生業感。世界次第安住。（見佛祖統紀，三藏法數。參看世界條。）

四十二章經 詳白馬寺條。（參看騰蘭條。）

四種阿修羅 詳四生條。（參看天龍八部條。）

四事不可久保 經云。有一孤母。而喪其子。憂惱失意。來自於佛。佛卽以此四事告之。一常必無常。世間之相。一一無常。假令萬劫之久。鐵石之堅。須彌之高。大海之廣。終爲無常之所壞滅。是故常不可久保也。二富貴必貧賤。世間之事。盛必有衰。盈必有虧。此理之必然也。蓋富貴雖命於天。而理有不可常者。故今之富貴。安知異時而不貧賤。故富之與貴。亦不可久保也。三會合必別離。人之生世。離必有會。合必有離。此理之自然。而非人意之所能必。故今之會合。安知異時而不別離。故會合亦不可久保也。四強健必死。人之處世。生必有死。此理之常。是故年雖強健。終歸壞滅。豈山石空海之所可避耶。（參看四仙避死條。）是故強健亦不可久保也。（見出曜經，三藏法數。）

印度 舊云天竺。西域記云。天竺之稱。異議糾紛。或云身篤。或云質豆。今從正音。宜云印度。又言月邦。良以其土聖賢繼軌。導凡御物。如月照臨。由是義故。謂之印度。五印度之境。周九萬餘里。三垂大海。北背雪山。北廣南狹。形如半月。割野區分七十餘國。時特暑熱。地多泉溼。（五印度者。亦云五天竺。謂東，南，西，北，及中天竺。是也。）成光子曰。中天竺國。東至震旦。五萬八千里。南至金地國。西至阿拘遮國。北至小香山阿耨達。亦各五萬八千里。則知彼爲中土矣。（見名義集。）後漢書，西域傳云。佛道神化。興自身毒。其國殷乎中土。玉燭和氣。靈聖之所降集。賢懿之所挺生。（見佛爾雅。）

印度四姓 印度古來有四種姓。一婆羅門。此云淨行。二刹帝利。此云田主。三毘舍。或云吠奢。此云商賈。四首陀。或云戌陀羅。此云農夫。西域記云。姓者所以繫統百世使不別也。氏者所以別子孫之所出也。族姓殊者。有四流

焉。一婆羅門。淨行也。守道居貞。潔白其操。二刹帝利。王種也。弃世君臨。仁恕爲志。三吠舍。商賈也。貿遷有無。逐利遠近。四戌陀羅。農人也。肆力疇墾。勤身稼穡。（見名義集。）亦名梵生四姓。謂四種人。妄計我從梵天而生。故稱梵生。婆羅門。自計從梵天口生。刹帝利。自計從梵天臍生。毘舍，自計從梵天脇生。首陀，自計從梵天脚生。以此貢高。自謂第一。實非第一也。（見三藏法數。）

世界

楞嚴云。世爲遷流。界爲方位。汝今當知東西南北。東南西南。東北西北。上下四方爲界。過去現在未來爲世

。世界有二種。一衆生世界。是正報。二器世界。是依報。（參看依正條。）故楞嚴云。由此無始衆生世界。生纏縛故。於器世間不能超越。（見名義集。）又楞嚴云。世界者。由衆生於清淨心體。一念不覺而起妄明。妄相既立。空昧相形。形相動搖。故有風輪執持世界。明覺立堅。故有金輪保持國土。風金相摩。故有火光爲變化性。寶明生潤。火光上蒸。故有水輪含十方界。此之世界同諸衆生業力。依空安立。而有成壞之劫。壞而復成。成而復壞。終始相續。無有斷絕。是名世界相續。（見三藏法數。）又云。世者。常言謂之時間。時間起於刹那。刹那者。吾人心念之動相耳。吾人動念不已。相續乃成時間。界者。常言謂之空間。空間生於有對。有對者。吾人心念之幻相耳。吾人幻念不已。分別乃成空間。自吾人心念妄動。羅織而成世界。遂因其妄動力之往返屈伸。而現染淨苦樂權實之異。染者爲六凡世界。而此六凡世界內。苦世界三。地獄，鬼，畜，也。樂世界三。天，人，修羅也。淨者爲四聖世界。而此四聖世界內。權世界二。聲聞，緣覺也。實世界二。菩薩，如來也。此十界者。猶是賅約之言。若繁而演之。則十界互具十界。而成百界。更互具百界。而成萬界。依此而推。則億兆京垓。甯有邊際。由此可知世界原由心念之妄動而起。實同幻化。（見佛教答問選錄。）

世尊

梵語路迦那他。大論云。此翻世尊。成論云。具上九號。爲物欽重。故曰世尊。天上人間所共尊敬故。（見名

義集。參看十號條。）又云。世尊者。謂以智慧等法。破彼貪瞋癡等不善之法。滅生死亡苦。得無上覺。天人凡聖。世間出世間。咸皆尊重。故號世尊。（見三藏法數。）

世諦

詳二諦條。

世親 詳天親條。

世間禪 詳禪門條。

世自在王 梵語樓夷巨羅。清淨平等覺經翻世饒王。無量壽經翻世自在王。（見名義集。）

世出世間 世間謂六凡法界。出世間謂四聖法界。（見顯密圓通。）又云。世，謂人天。出世間，即聲聞緣覺菩薩

也。（見三藏法數。）世出世法者。世間法。即人天所修五戒十善及治世之法也。出世間法。即三乘聖者所修四諦六度等法也。（見三藏法數。）

白毫相 謂佛兩眉中間。有白玉毫。清淨柔軟。如兜羅綿。（參看兜羅綿條。）右旋宛轉。常放光明也。（見法界次第。）觀佛三昧經。謂釋迦牟尼應身丈六。眉間白毫。八稜中空。白如珂雪。長一丈五尺。右旋周圍五寸。若釋迦報身。白毫右旋三百六十萬里。與一須彌。相去無幾。此明釋迦勝劣兩相。（見二課合解。）十六觀經。謂無量壽佛身如百千億夜摩天。閻浮檀金色。佛身高六十萬億那由他恆河沙由旬。眉間白毫。右旋宛轉。如五須彌山。佛眼如四大海水。青白分明。身諸毛孔。演出光明。如須彌山。彼佛圓光。如百億三千大千世界。於圓光中，有百萬億那由他恆河沙化佛。（見觀無量壽佛經。）梵語迦私。或迦尸。此云光。能發光故。釋迦世尊圓光一尋。阿彌陀佛光明無量。智論第七云。無量有二種。一者實無量。二者有量之無量。（見名義集。）

白傘蓋 呪名也。梵語薩怛多般怛羅。資中曰。相傳云是白傘蓋。喻如來藏。性本無染。徧覆有情也。（見名義集。）

（又云。薩怛多翻白。相絕諸染。智性圓淨。般怛羅翻傘蓋。用蔭萬類。（見二課合解。）

白膠香 梵語薩闍羅婆。或薩折羅婆。此翻白膠香。（見名義集。）

白茅香 梵語兜樓婆。出鬼神國。此方無故不翻。或翻香草。舊云白茅香也。（見名義集。）

白馬寺 譯經圖紀云。惟孝平皇帝永平三年。歲次庚申。帝夢金人。頂有日光。飛來殿庭。上問羣臣。太史傅毅對曰

。臣聞西域有神。號之爲佛。陛下所夢。其必是乎。至七年，歲次甲子。帝勅郎中蔡愔。中郎將秦景。博士王尊等。

一十八人。西尋佛法。至印度國。請迦葉摩騰竺法蘭。用白馬馱經。并將畫釋迦佛像。以永平十年歲次丁卯。至於洛陽。帝悅。造白馬寺。譯四十二章經。(明帝夢金人事。出後漢紀。)僧史略云。鴻臚寺者。本禮四夷遠國之邸舍也。尋令別擇洛陽西雍門外。蓋一精舍。以白馬馱經來。故用白馬爲題。寺者。釋名曰。嗣也。治事者相嗣續於其內。本是司名。西僧乍來。權止公司。移人別居。不忘其本。還標寺號。(見名義集。參看招提條。)

目健連 詳十大弟子條。

目脂鄰陀 或云目真鄰陀。此云石山。(見名義集。)

布施 要覽曰。梵語陀那鉢底。唐言施主。今稱檀那。訛陀爲檀。去鉢底留那也。法界次第云。秦言布施。若內有信心。外有福田。有財物。三事和合。心生捨法。能破慳貪。是爲檀那。布施有二種。一者財施。(亦云資生施。)二者法施。財施者。所謂飲食，衣服，田宅，六畜，奴婢，珍寶，一切已之所有資身之具。及妻子。乃至身命屬他。爲他財物。故云捨身猶屬財施。有所須者。悉能施與。皆名財施也。法施者。若從諸佛及善知識。聞說世間出世間善法。若從經論中聞。若自以觀行故知。以清淨心。爲人演說。皆名法施。(見名義集。)又云三種。一財施。二無畏施。三法施。論云。若見衆生來從乞求。以已資財。隨力施與。捨自慳著。令其歡喜。(財施。)若見衆生危難逼迫。方便救濟。令無怖畏。(無畏施。)若有衆生而來求法。以已所解。隨宜爲說。(法施)修行如是三種施時。不爲名聞。不求利養。亦不貪著世間果報。但念自他利益安樂。迴向阿耨多羅三藐三菩提。(見唐譯起信論。參看法施條。)

布薩 大論，秦言善宿。南山。此云淨住。淨身口意。如戒而住。六卷泥洹。翻云長養。長養二義。一清淨戒住。二增長功德。雜阿含云。布薩婆陀。若正本音優補陀婆。優言斷。補陀婆言增長。國語不同。律云，布薩法。一處名布薩健度。卽說戒也。應法師云。此名訛略。應言鉢羅帝提舍耶寐。此云我對說。謂相向說罪也。舊云淨住。乃義翻也。摩得伽云。布薩者。捨諸惡不善法，及諸煩惱有受。證得白法。究竟梵行事。故名也。僧祇云。欲得五事利益。當受持此律。何等爲五。一建立佛法。二令正法久住。三不欲有疑悔。請問他人。四僧尼犯罪者爲依怙。五欲遊化諸方，而無有礙。四分云。持律人得五功德，一戒品牢固。二善勝諸怨。三於衆中決斷無畏。四有疑悔者能開解。五善持

毘尼，令正法久住。（見名義集。）

末那 具云訖利瑟吒耶末那。第七識名也。唯識翻意。或云執我。亦云分別。唯識宗云。訖利瑟吒耶末那。此翻染污意。謂我癡，我見，我慢，我愛。四惑常俱。故名染污。常審思量。名之爲意。謂常思慮第八識。度量爲我。如是思量。唯第七有。餘識所無。故獨名意。復能了別。名之爲識。前之六識。從根得名。此第七識。當體立號。亦名我見識。（見名義集。參看八識條。）

末利 亦名摩利。（詳摩利條。）

末法 法運之懸記曰。正法千年。像法千年。末法萬年。今距世尊應世。特二千九百四十五年耳。雖已入於末法。而尙有九千餘年住世。法運猶未艾也。（見佛教問答。參看法運條。）

末田地 亦名摩田地。亦名摩田提。此云中。阿難化五百仙人。在河中得戒。故曰摩田地。西域記云。達麗羅川中大伽藍側。有刻木慈氏菩薩像。通高百餘尺。末田地迦羅漢。擲引匠人。升觀史多天。親觀妙相。往來三返。爾乃功畢。（見名義集。參看廟寶條。）

末伽梨 詳外道六師條。

正報 詳依正條。

正覺 詳三藐三佛陀條。

正徧知 詳三藐三佛陀條。

正法時 詳法運條。

正因佛性 詳三因佛性條。

正心行處 詳三摩地條。

正法末世 經云。末世衆生。不了四相。（人，我，衆生，壽命。）雖經多劫。勤苦修道。但名有爲。終不能成一切聖果。是故名爲正法末世。（猶言正法中之末世衆生耳。）何以故。認一切我爲涅槃故。有證有悟名成就故。（見

圓覺經。）

正法眼藏 世尊在靈山會上。拈華示衆。是時衆皆默然。唯迦葉尊者。破顏爲笑。世尊曰。吾有正法眼藏。涅槃妙心。實相無相。不立文字。教外別傳。付囑摩訶迦葉。又世尊至多子塔前。命摩訶迦葉分座令坐。以僧迦梨圍之。遂告曰。吾以正法眼藏密付於汝。汝當護持。并勅阿難副貳傳化。無令斷絕。（見指月錄一。）

正食不正食 四分律云。有五種蒲闍尼。此云正食。謂麩，飯，乾飯，魚，肉，也。五種佉闍尼。此云不正食。謂枝，葉，華果，細末，磨食，也。僧祇云。時食。謂時得食，非時不得食。多論云。從旦至中。其明轉盛。名之爲時。中後明沒。名爲非時。今言中食。以天中日午時得食。僧祇云。午時日影。過一髮一瞬。卽是非時。（見名義集。參看日中佛食條。）

尼連河 詳乳糜條。（參看雪山條。）

尼毘子 梵語尼毘。此翻離繫。肇曰。尼毘陀。乃外道出家總名也。如佛法出家名沙門是。尼毘子，出法華經。（見名義集。）

尼師壇 或尼師但那。此名坐具。或云隨坐衣。長佛之二揲手。（參看一揲手條。）廣佛之一揲手半。新坐具必貼故衣於其上面之中央。謂之揲故。四分律十九。坐具，一爲護身。二爲護衣。三爲護衆人之牀席臥具。案禮拜之時。先敷坐具。於其上作之。（見壇經箋註。）戒壇經云。尼師壇。如塔之有基也。汝今受戒。卽五分法身之基也。良以五分由戒而成。若無坐具以坐汝身。則五分定慧。無所從生。（見名義集。）

尼陀那 此云因緣。其一。謂無明等展轉感果爲因。互相由藉爲緣。三世相續無間斷也。（詳十二因緣條。）其二。謂如來所說一切根本緣起之事。皆名因緣。（詳十二部經條。）

尼拘律陀 尼拘律陀。又云尼拘盧陀。其一。木無節爲尼拘律陀。亦名諾瞿陀。此云無節。又云縱廣。葉如此方柿葉。其果名多勒。如五升瓶大。食除熱痰。（見名義集，佛爾雅。）其二。楊柳爲尼拘律陀。據華云。義翻楊柳。以樹大子小。似此方揚柳。故以翻之。宋僧傳云。譯之言易也。以其所有。譯其所無。如拘律陀樹。卽東夏楊柳。名雖

不同。樹體是一。（見名義集。）

外道 俱舍玄義云。學乖諦理。隨自妄情。不返內覺。稱爲外道。（見名義集。）資持記云。言外道者。不受佛化。別行邪法。唯識俗諦第一云。外道者。心遊道外。不順眞理。外於佛道。故名外道。（見壇經箋註。）垂裕云。準九十六外道經。於中一道是正。卽佛也。九十五皆邪。華嚴大論。九十六皆邪者。以大斥小故。百論云。順聲聞道者。皆悉是邪。（見名義集。）

外道四計 詳四仙計果條。

外道六師 邪心見理。發於邪智。不稟正教。故名外道。輔行云。六師元祖。是迦毘羅。（華言黃色）支流分異。

遂爲六宗。（見三藏法數。）一富蘭那迦葉。迦葉，母姓也。富蘭那，字也。肇曰。其人起邪見。謂一切法斷滅性空。無君臣父子忠孝之道。蓋色空外道也。二末伽黎拘隍黎。末伽黎，此云不見道。什曰。字也。拘隍黎，母名也。乃連母呼之。肇曰。其人起邪見。謂衆生苦樂。不因行得。皆自然耳。淨覺謂計自然者。亦是斷滅。自然，然，是也。自，如是也。蓋自然外道。三刪闍夜毘羅胝。刪闍夜，此云正勝。字也。毘羅胝，此云不作。母名也。亦連母彰名。肇曰。其人謂道不須求。經生死劫數。苦盡自得。如轉縷圓於高山。縷盡自止。何假求也。疏又云。八萬劫滿。自然得道。亦自然之類。四阿耆多翅舍欽婆羅。什曰。阿耆多翅舍，字也。欽婆羅。蠹衣名。此云蠹弊衣。肇曰。其人常著弊衣。拔髮熏鼻。五熱炙身等。妄謂今身受苦盡。後身常樂。乃非因計因。苦行之流也。五迦羅鳩駄迦旃延。此云牛領剪髮。迦羅鳩駄。此云牛領。字也。迦旃延。此云剪髮。姓也。肇曰。其人謂諸法亦有相亦無相。乃矯亂外道也。六尼隄陀者提子。尼隄。此翻離繫。尼隄陀。乃出家外道之總名。若提，母名也。依母受稱。故云若提子。肇曰。其人謂罪福苦樂。本自有定因。要當必受。非行道所能斷。亦自然之流也。此六師各有十五弟子。合六師而爲九十六也。總名爲九十六種外道。（見維摩經，陀羅尼集，名義集。）

外凡內凡 詳聲聞位條。

功德 傳燈錄三，達磨章云。梁武帝問達磨大師曰。朕卽位以來。造寺，寫經，度僧，不可勝紀。有何功德。師曰。

並無功德。帝曰。何以無功德。師曰。此但人天小果。有漏之因。如影隨形。雖有非實。帝曰。如何是真功德。答曰。淨智妙圓。體自空寂。如是功德。不以世求。（見壇經箋註。）六祖云。實無功德。勿疑先聖之言。武帝心邪。不知正法。造寺度僧。布施設齋。名為求福。不可將福便為功德。功德在法身中。不在修福。（見六祖壇經。）唯識論十，大覺世尊。成就無上寂默法。故名大牟尼。亦名法身。無量，無邊，力無畏等，大功德法所莊嚴故。（見壇經箋註。）六祖又云。見性是功。平等是德。念念無滯。常見本性。真實妙用。名為功德。內心謙下是功。外行於禮是德。自性建立萬法是功。心體離念是德。不離自性是功。應用無染是德。若覓功德法身。但依此作。是真功德。若修功德之人。心即不輕。常行普敬。心常輕人。吾我不斷。即自無功。自性虛妄不實。即自無德。為吾我自大。常輕一切故。善知識，念念無間是功。心行平直是德。自修性是功。自修身是德。善知識，功德須自性內見。不是布施供養之所求也。是以福德與功德別。（見六祖壇經。）

功德衣

梵語迦絺那。此翻功德衣。明了論云。為存略故。但言迦提。此翻功德。以坐夏有功。五利賞德也。西域記。以迦提翻云昂星。昂星直此月故。四分云。佛制，安居竟。（參看安居條。）應受功德衣。舊翻賞善罰惡衣。賞前安居人。後安居人不得也。云功德衣者。以僧衆同受此衣。招五利功德故也。（見名義集。）

由旬

亦云由延。又名踰繕那。此翻限量。又翻合應。大論云。由旬三別。大者八十里。中者六十里。下者四十里。謂中邊山川不同。致行里不等。（見名義集。參看踰繕那條。）

由乾

梵語由乾。此云雙。梵語陀羅。此云持。梵語由乾陀。此云雙持。山名。此山純寶所成。諸夜叉王咸住其中。（分見名義集。三藏法數。）

玄奘

河南洛陽人。俗姓陳氏。潁川陳仲弓之後。鳩車之齡落髮。竹馬之齒通玄。牆仞干霄。風神朗月。京洛名德。咸用器之。戒具云畢。偏肆毘尼。儀止祥淑。妙式羣範。閱筌蹄乎九丘。探幽旨於八藏。常慨教缺傳匠。理翳譯人。遂使如意之寶不全。雪山之偈猶半。於是杖錫裹足。履險若夷。旣戾梵境。籌諮無倦。五明四舍之典。三藏十二之筌。七例八轉之音。三聲六釋之句。皆盡其微。畢究其妙。法師討論。一十七周。遊覽百有餘國。貞觀十九年。迴靶上

京。勅弘福寺翻譯諸經。（見靜邁法師譯經圖紀。名義集。）又玄奘至印度。齋還經論六百五十餘部。與其弟子共譯七十五部。得千三百三十八卷云。

玄門 詳十玄門條。

弗沙 正名富沙。清涼疏云。亦云勃沙。此云增盛。明達勝義故也。亦云底沙。具云底邏那幡婆。亦名提舍。此翻明。又云說度。謂說法度人也。什師弗沙菩薩云。二十八宿中。鬼星名也。生時相應鬼宿。因以爲名。或名沸星。或名孛星。（見名義集。）

弗婆提 詳四大部洲條。

半偈 經云。過去之世。佛日未出。我於爾時。作婆羅門。周徧求索大乘經典。乃至不聞方等文字。我於爾時。住於雪山。釋提桓因。心大驚怪。自變其身。作羅刹像。甚可怖畏。下至雪山。去其不遠。而便立住。宣過去佛所說半偈。諸行無常。是生滅法。是苦行者。（釋尊自指因地作婆羅門身言。）聞是半偈。心生歡喜。卽從座起。四方顧視。言向所聞偈。誰之所說。我於爾時。更無所見。唯見羅刹。即便前至是羅刹所。作如是言。善哉大士。汝於何處得是過去離怖畏者所說半偈。（此四句偈。乃過去離怖畏如來偈也。）卽答我言。我不食來。已經多日。處處求索。了不可得。我卽問言。汝所食者。爲是何物。羅刹答言。食人暖肉。我復語言。汝但具足說是半偈。當以此身奉施供養。羅刹答言。誰當信汝。爲八字故。棄所愛身。我卽答言。十方諸佛。亦能證我爲八字故捨於身命。羅刹答言。諦聽諦聽。當爲汝說。生滅滅已。寂滅爲樂。（見涅槃經十三。壇經箋註。）

半尸迦 女名也。梵語半尸迦。此云女。十誦云。有好善容。評堪直半尸迦國。爲人欲抄斷故。令遣使僧中代受戒。（見名義集。）

半行半坐 詳三昧條。

半字滿字 半字滿字。喻出大涅槃經。例如此方大學小學也。三藏正化二乘。傍化菩薩。哆哆和和。漸誘初學。故

如半字。通教正化菩薩。傍化二乘。名爲大乘初門。別教獨菩薩法。圓教純明佛法。故如滿字。此略判也。細而論之

。藏通詮眞。名爲半字。別圓詮中。名爲滿字。又藏教不能通至別圓。故但是半字。通教能通別圓。是半而含滿。別教須用藏通方便。是滿而帶半。唯圓教始終皆以佛知佛見而爲修行。是滿字法門也。（見教觀綱宗。）又云。四教俱說。藏爲半字教。通別圓爲滿字教。對半說滿。故言對教。（見四教儀。）又半滿書籍者。涅槃云。譬如長者。唯有一子。心常憶念。憐愛無已。將詣師所。欲令受學。懼不速成。尋便將還。以愛念教。晝夜殷勤。教其半字。而不教誨毘伽羅論。（參看毘伽羅，悉曇章條。）何以故。以其幼稚，力未堪故。（分見名義集。）

半者蒲善尼 寄歸傳云。半者蒲善尼。唐言五噉食。謂飯餅麩（麩，乾糧也。參看恒鉢那條。）等。半者珂但尼。唐言五嚼食。謂根莖葉花果等。又云。若已食前五。必不食後五。若先食後五。則前五隨意噉之。今僧齋後。不果榮是。（見名義集。）

示教利喜 梵語都羅。此云喜。釋論云。五塵中生樂名樂。法塵中生樂名喜。智論明示教利喜。謂示人好醜，善不善，應行不應行，生死爲醜，涅槃安隱爲好，分別三乘，分別六波羅密，名示。教者，教言（聖人被下之言曰教。）汝捨惡行善。利者。未得善法味故。心則退沒。爲說法引導令出。汝莫於因時不求果。汝今雖勤苦。果報出時。大得利益。今其心利。故名利。喜者。隨其所行而讚歎之。故名爲喜。以此四事莊嚴說法。（見法華經，名義集。）

生報 詳三種報條。

生死 詳二種生死條。

生忍 詳忍辱條。

生乾 淨肉之一種。謂不由湯火而熟。亦非鷹鷂之所傷殘。乃因死已日久自乾也。（見涅槃經。參看三淨肉條。）

生緣慈 詳三緣慈條。

生不男 詳五不男條。

生滅四諦 詳四教條。（參看生住異滅條。）

生身舍利 詳舍利條。

生死事大

五祖云。世人生死事大。汝等終日只求福田。不求出離生死苦海。自性若迷。福何可救。永嘉玄覺禪師曰。生死事大。無常迅速。六祖曰。何不體取無生。了無速乎。曰。體即無生。了本無速。祖曰如是如是。（見六祖壇經。）經云。生死死生。生生死死。如旋火輪（見楞嚴經三。）天台云。從地獄至非非想天。雖然苦樂不同。未免生而復死。死已還生。故名生死。（見四教儀。）唐護法菩薩（梵語達摩波羅）神負遠遁。因卽出家。清辯論師（梵語波毘吠伽。）聞菩薩在菩提樹。宣揚法教。命門人往問訊曰。仰德虛心。爲日久矣。然以宿願未果。遂乖禮謁。菩提樹者。誓不空見。見當有證。稱天人師。護法菩薩謂其使曰。人世如幻。身命若浮。未遑談議。竟不會見。（見名義集。）銷釋金剛科儀曰。百年光景。全在剎那。四大幻身。豈能長久。每日塵勞汨汨。終朝業識茫茫。不知一性之圓明。徒逞六根之貪欲。功名蓋世。無非大夢一場。富貴驚人。難免無常二字。爭人爭我。到底成空。誇會誇能。畢竟非實。風火散時無老少。溪山磨盡幾英雄。綠鬢未幾。而白髮早侵。賀者纔臨。而弔者隨至。一包膿血。長年苦戀恩情。七尺髑髏。恣意濫貪財寶。出息難期入息。今朝不保來朝。愛河出沒幾時休。火宅憂煎何日了。不願出離業網。只言未有功夫。閻羅王忽地來追。崔相公豈容展限。回首家親都不見。到頭業報自家當。鬼王獄卒。一任欺凌。劍樹刀山。更無推抵。或攝沃焦石下。或在鐵圍山間。受鑊湯則萬死千生。遭剉磕則一刀兩斷。飢吞熱鐵。渴飲鎔銅。十二時甘受苦辛。五百劫不見頭影。受足罪業。復入輪迴。頓失舊時人身。換却這迴皮袋。披毛戴角。啣鐵負鞍。以肉供人。用命還償。生被刀砧之苦。活遭湯火之災。互積冤愆。遞相食噉。那時追悔。學道無因。何如直下承當。莫待今生蹉過。六祖金剛經口訣云。凡夫之人。生緣念有。識在業變。習氣薰染。因生愈甚。故既生之後。心著諸妄。妄認四大。以爲我身。妄認六親。以爲我有。妄認聲色。以爲快樂。妄認塵勞。以爲富貴。心目自見。無所不妄。諸妄既起。煩惱萬差。妄念奪真。真性遂隱。人我爲主。真誠爲客。三業前引。百業後隨。流浪生死。無有涯際。生盡則滅。滅盡復生。生滅相尋。至墮諸趣。轉輾不知。愈念無明。造諸業罟。遂至塵沙劫盡。不復人身。法華經云。以諸欲因緣。墜墮三惡道。輪迴六趣中。備受諸苦毒。竹窗隨筆云。醉生夢死。恆言也。實至言也。世人大約貧賤富貴二種。貧賤者。固朝忙夕忙以營衣食。富貴者。亦朝忙夕忙以享欲樂。受用不同。其忙一也。忙至死而後已。而心未

已也。齋此心以往。而復生。而復忙。而復死。死生生死。昏昏蒙蒙。如醉如夢。經百千劫。曾無了期。朗然獨醒。大丈夫當如是矣。（見壇經箋註。）經云得人身者。如爪上土。失人身者。如大地土。故云人身難得。（見涅槃經。）偈曰。非空非漸中。非入山石間。無有地方所。脫之不受死。（參看四仙避死條。）經云。假使壽年滿一百歲。七寶具足。受諸快樂。琰魔使至。不免無常。（見心地觀經五。）論云。問。人生石火電光。一念蹉跎。悔無所及。修道之人。尚不親心。况親於身。况身外歟。常恐出息不還。屬諸後世。狂風飄蓬。茫茫何之。願示一生之計。對淨土之會。功業之大者。二乘澄神虛無。耽空怖相。不念衆生。故無淨土。而大乘有之。悲華經。阿彌陀佛昔爲轉輪王。名無諍念。千子具足。於寶藏佛所。發菩提心。取西方極樂淨土。諸經中知名佛菩薩聲聞等。皆昔之千子也。太子不詢。觀音也。次摩尼。勢至也。次王衆。文殊也。次能伽奴。卽金剛智慧光明菩薩。次無畏。卽蓮華尊如來。次菴婆羅。卽虛空光明菩薩。次善臂。卽師子香菩薩。次泯圖。卽普賢也。次密蘇。卽阿闍佛也。密蘇發心已來。行時步步心心數法。常念諸佛。今登正覺。生妙樂利焉。百喻經云。貧人在路。得一靈金錢。數末周。錢主忽至。盡奪去。其人悔不疾去。懊惱苦極。遇佛法者。不勤方便修行。而好多聞。忽爾命終。墮三惡道。如彼愚人。還爲主奪。偈曰。今日營此事。明日營彼事。樂著不觀苦。不覺死賊至。恩恩營衆務。凡人無不爾。如彼數錢人。其事亦如是。（見念佛三昧寶王論。）（參看無常條。）

生住異滅

謂有爲四相。起信論云。是一切衆生不名爲覺。以無始來。恒有無明妄念。相續未曾離故。若妄念息。

卽知心相生住異滅。皆悉無相。又云。不覺心起。名之爲生。能見能現。妄取境界。起念相續。名之爲住。執取計名。名之爲異。造作諸業。名之爲滅。唯識論云。生表此法先非有。滅表此法後是無。異表此法非凝然。住表此法暫有用。（釋曰。自無而有曰生。自有而無曰滅。前後改變名異。暫爾相續名住。）故此四相。於有爲法。雖俱名表。而表有異。此依剎那。假立四相。一期分位。亦得假立。初有名生。後無名滅。生已相似相續名住。卽此相續轉變名異。是故四相皆是假立。又論云。本無今有。有位名生。生位暫停。卽說爲住。住別前後。復立異名。暫有還無。無時名滅。前三有故。同在現在。後一是無。故在過去。輔行記云。言三相者。不立住相。與異合說。以人於住。起常計故。

。致觀釋義云。問。有爲四相。所謂生住異滅。今胡但云生異滅。復有處但云生住滅耶。答。略則但言生滅。足顯有爲。廣則須言生住異滅。以表無實。生表此法先非有。滅表此法後定無。異表此法非凝然。住表此法暫有用。今處中說。故云三相。目無而有。假說爲生。自有而無。假說爲滅。中間暫有。假說爲住。住不久停。復名爲異。故言住即攝異。言異即攝住也。若二若三若四。總顯有爲虛妄不實。平等平等。(分見起信論，成唯識論，名義集，教觀綱宗。)

毘陀羅

樛李曰。結印手也。(見名義集。)

切利

應法師云。梵音訛略。正言多羅夜登陵舍。此云三十三。俱舍頌云。妙高頂八萬。三十三天居。四角有四峯。

金剛手所住。中宮名善現。周萬踰繕那。高一半金城。中有殊勝殿。周千踰繕那。(見名義集。)

婆羅門。性僑尸迦。與知友三十二人共修福德。命終皆生須彌山頂。僑尸迦爲天主。名帝釋天。三十二人爲輔臣。周圍列居。而帝釋獨處其中。淨名疏云。昔迦葉佛滅後。有一女人。發心修塔。復有三十二人。發心助修。修塔功德。爲切利天主。其助修者而作輔臣。君臣合之。名三十三天。(見三藏法數，參看釋提桓因條。)

北拘盧洲

詳四大部洲條。

匂身

詳名具文身條。

甘露

梵語蘇嚕。此云香水。(見佛爾雅。)

亦云甘露。帝釋天東北園。有圓生樹。樹葉中露如圓珠。其味極勝。食之長生。(見二課合解。)

甘蔗

詳釋尊姓字條。

石鹽

詳先陀婆條。

石女

梵語扇提羅。此云石女。無男女根故。梵語槩太子。名出楞伽。若大乘入楞伽。則云石女兒。(分見名義集。)

石壁無礙

詳五神通條。

弘忍大師

壇經稱爲三十二祖。姓周氏。蘄州黃梅人。遇道信大師得法。爲東土第五祖。嗣化於破頭山。(見壇經箋註。)

又云。祖蘄州黃梅人。先爲栽松道者。托生於周氏之女。父母惡逐之。女無所歸。乞食里中。及長。里人呼爲

無姓兒。路逢信祖。問曰。子何姓。祖曰。姓有。不是常性。師曰。是何姓。祖曰。是佛姓。師曰。汝無姓耶。祖曰。性空故無。信默然。乞爲侍者。女以夙緣。捨之無難色。祖與剃度。後付衣法。遂以學徒委之。授衣法於惠能後。上元二年化去。代宗諡大滿禪師法雨之塔。（見佛祖正宗道影一。）

右膝著地 詳和南條。

未到定 言未到定者。亦云未至。由其未入根本定故。如止觀云。若端坐攝身。調和氣息。泯然澄靜。身如雲影。虛

豁清淨。而猶見有身心之相。是則名爲欲界定也。從此已去。忽然不見欲界定中。身首衣服牀舖等事。猶如虛空。同回（巨頃切）安隱。身是事障。事障未來。障去身空。未來得發。如是名爲未到定相。（見名義集。）又未到地定者。謂於欲界中修禪。身雖未到初禪。而已得初禪定也。（見三藏法數。）

未生怨 詳阿闍世條。

平等 詳止觀條。

平等觀 詳十宗之天台宗條。

平等性智 詳四智條。

他心通 詳六通條。

他化自在天 詳二十八天條。

加行位 詳四加行位條。

加羅加 又名迦梨迦。此云黑龍。（見名義集。）

可得願 梵語尼坻。此云願。志求滿足曰願。智論明二種願。一者可得願。二者不可得願。可得願者。如鑽木求火

。穿地得水。修福得人天中生。及得阿羅漢辟支佛果。乃至得諸佛法王。如是等皆名可得願。不可得願者。有人欲量虛空，盡其邊際。及求時方邊際。如小兒見水中月。鏡中像。如是等願。皆不可得願。願有下中上。下願令致今世樂因緣。中願後世樂因緣。上願與涅槃樂因緣。古德云。有行無願。其行必孤。有願無行。其願必虛。（見名義集。）

可供養處 詳支提條。

本母 詳摩得勒伽條。

本生 詳十二部經條。

本事 詳十二部經條。

本覺 詳覺義條。

本迹 本謂根本。如樹之有根也。迹猶足迹。如人依處則有行迹。故名本迹。宗鏡錄明六種本迹。一理事本迹。二理

教本迹。三教行本迹。四體用本迹。五權實本迹。六今已本迹。（見三藏法數。）

本來面目 六祖語惠明曰。不思善。不思惡。正與麼時。（猶言此時）那個是明上座本來面目。惠明言下大悟。（見

六祖壇經。）傳習錄云。不思善不思惡時。認本來面目。修心訣云。諸法如夢。亦如幻化。故妄念本寂。塵境本空。

諸法皆空之處。靈知不昧。卽此空寂靈知之心。是汝本來面目。亦是三世諸佛。歷代祖師。天下善知識。密密相傳底

法印也。若悟此心。眞所謂不踐階梯。徑登佛地。步步超三界。歸家頓絕疑。（見壇經箋註。）

永明壽禪師 禪師名延壽。本丹陽人。後遷餘杭。初爲縣庫吏。多折官錢。勘之。止是買放生命。罪當死。引起市

曹。吳越錢鏐王使人探之。若顏色變卽斬之。不變來奏。臨斬。顏色不變。乃貸命。赦爲僧。賜名延壽。依四明翠岩

禪師出家。參天台韶國師。發明心要。後往永明。專修淨業。夜住別峯。率衆念佛。旁人時聞天樂鳴空。吳忠懿王（

錢弘俶）歎曰。自古求西方未有如此專切者。乃建西方香嚴殿。以成其志。師於禪觀中。見觀音以甘露灌其口。乃獲

觀音辯才。下筆盈卷。著萬善同歸集宗鏡錄等。共數百卷。住持雪憲永明。日課一百八事。精進以修西方。開寶八年

。二月二十六日。晨起。焚香告衆。跏坐而化。後有僧來自臨州。經年遶其塔。人問故。僧曰。因病入冥。見殿左供

一僧像。冥王禮拜殷勤。主吏曰。此杭州永明壽禪師也。修行精進。生極樂上品。王重其德。故禮敬耳。（見龍舒淨

土文，西歸直指。）

六畫

地獄

輔行云。地獄從義立名。謂地下之獄。名為地獄。婆沙論云。瞻部洲下。過五百踰繕那。乃有其獄。然此地獄

。有大有小。大則總名八寒八熱。小則如婆沙論云。八熱獄。一一獄有四門。一一門外有四遊增。有情遊彼。其苦增

故。(參看十六遊增地獄條。)言八大獄者。(一名八熱地獄。)一活。獄中衆生。手生鐵爪。相瞋相摑。應手墮肉。

或獄卒唱生。或冷風吹活。兩緣雖異。令活一等。等活受已。十六遊增。次第受苦。壽五百歲。由身口意造不善業所

招。二黑繩。獄卒以熱鐵繩紮罪人身。釜逐繩道砍身百千段。又紮以鋸之。或熱鐵繩絡身徹骨。如是受已。十六遊增

。次第受苦。壽一千歲。由逆父母佛及聲聞之業所招。三合會。亦名衆合。又名堆壓。獄中有大石山。罪人入至其中

。山自然合。堆壓其身。骨肉糜碎。苦毒萬端。如是受已。十六遊增。次第受苦。壽二千歲。由造三惡業不修三善行

所招。四叫喚。亦名號叫。亦名呼呼。獄卒捉罪人擲大鑊中。沸湯烹煮。號跳叫喚。苦痛萬狀。如是受已。十六遊增

。次第受苦。壽四千歲。由瞋恚懷毒。造諸惡行所招。五大叫喚。亦名大呼。獄卒將諸罪人置大鐵釜鐵鑊沸煮。業風

吹活。又擲大鐵鑊上。反覆煎熬。痛苦極切。發聲大叫。如是受已。十六遊增。次第受苦。壽八千歲。由習邪見愛網

。造卑陋行所招。六炎熱。又名燒炙。亦名燒然。在鐵城內。或火樓上。或大鐵陶。內外俱赤。皮肉焦爛。痛苦萬端

。如是受已。十六遊增。次第受苦。壽萬六千歲。由燒活命所招。七大熱。亦名衆熱。亦名極熱。亦名大燒然。鐵城

火然。內外俱赤。火坑火山。捉彼罪人。貫鐵叉上。著於火中。皮肉糜爛。久受苦已。十六遊增。次第受之。壽半劫

。由捨善果造衆惡行所招。八阿鼻地獄。亦名無間。(參看五無間條。)剝皮纏身。著火車上。或輪碾身爛。又置鐵城

。火無空處。苦痛萬端。暫無間歇。五無間獄卽此。(參看五無間地獄條。)如是受已。十六遊增。次第受之。壽長一

劫。由五逆十惡所招。如是等種種八大地獄。復有十六小地獄爲眷屬。八寒冰。八炎火。言八炎火地獄者。一名炭坑

。二名沸屎。三名燒林。四名劍林。五名刀道。六名鐵刺林。七名鹹河。八名銅檝。八寒冰地獄者。亦名八寒地獄。

一頰浮陀。亦名頰部陀。此云疱。寒觸身分。皆生細疱。二尼羅浮陀。亦名尼賴浮陀。亦名尼刺部陀。此云疱裂。寒

風所吹。身疱悉裂。三呵羅羅。亦名呵吒吒。又名頰嘶吒。亦名頰斯吒。寒顫聲也。唇動不得。舌作此聲。四呵婆婆

亦名阿波波。又名囉囉婆。亦患寒聲。舌動不得。唇作此聲。五臟臟。亦名虎虎婆。又名嘔喉喉。亦患寒聲。喉內振氣。作此聲故。六漚波羅。亦名鬱波羅。又名優鉢羅。或嘔鉢羅。此云青蓮華。寒苦增極。皮肉開拆。似此華也。或云地獄外壁。作此青蓮華色。七波頭摩。或名鉢特摩。此云紅蓮華。寒苦增極。肉色大拆。似此華也。八摩訶波頭摩。或摩訶鉢特摩。此云大紅蓮華。又名分陀利。此云白蓮華。寒苦增極。皮肉脫落。其骨之色。似白蓮華。又云大紅蓮華者。皮肉凍拆。似此華也。其中受苦。隨其作業。各有輕重。其最重處。一日之中。八萬四千生死。經劫無量。作上品五逆十惡者。感此道身。(見名義集，二課合解。)

地藏 菩薩名。釋迦既滅以後。彌勒未生以前。衆生賴以救苦。自誓必盡度六道衆生。始願成佛。現身於人天地獄之中。以救苦難，其狀圓頂。手持寶珠及錫杖。或云卽閻羅王之化身也。(見辭源。)地藏願云。衆生度盡。方證菩提。地獄未空。誓不成佛。地藏本願經云。世尊舉金色臂。摩地藏頂而作是言。地藏地藏。汝之神力不可思議。汝之慈悲不可思議。汝之智慧不可思議。汝之辯才不可思議。正使十方諸佛。讚歎宣說汝之不思議事。千萬劫中。不能得盡。(見二課合解。)

地乳

詳于閻條。

地居天

詳二十八天條。

地行仙

詳十行仙條。

地動八緣

一因水火風動故地動。經云。此閻浮提地。南北闊二萬一千由旬。東西闊七千由旬。厚六萬八千由旬。

地下有水。厚八萬四千由旬。水下有火。厚八萬四千由旬。火下有風。厚六萬八千由旬。風下有金剛輪。過去諸佛舍利。咸在其中。或有時大風忽動。火亦隨動。火既動已。水復隨動，水既動已。地即隨動。故云。因水火風動故地動。二菩薩處母胎故地動。經云。菩薩從兜率天降神。來處母胎。是時地亦大動。三菩薩出母胎故地動。經云。菩薩出母胎時。是時地亦大動。四菩薩成道故地動。經云。菩薩出家學道。成無上正覺。卽名爲佛。是時地亦大動。五佛入涅槃故地動。涅槃，華言滅度。是時地亦大動。六比丘欲現神通故地動。經云。有大神通比丘。欲現多種變化。或分

一身爲千百身。還復爲一。飛行虛空。山石無礙。涌沒自由。是時地亦大動。七諸天捨本形位得作天主故地動。經云。諸天有大神通。神德無量。從彼命終。還生彼處。由佛德力。捨本天形。得作帝釋。或作梵主。是時地亦大動。八。饑饉刀兵將起故地動。經云。若衆生命終福盡。或互相攻伐。或值饑饉。或遇刀兵。是時地亦大動。（見增一阿含經，三藏法數。）

地婆訶羅 唐言日照。中印度人。洞明八藏。博曉四含。戒行清高。學業優贍。尤工呪術。兼洞五明。（參看五明

四章條。）志在利生。來譯弘福。（見名義集。）

衣鉢 衣，謂僧伽梨之衣。鉢，謂四天王所獻之鉢。（詳僧伽梨，鉢多羅條。）

衣襪 真諦云。盛華器也。（見彌陀疏鈔。）或言衣襟。謂襪乃衣前襟也。（見二課合解。）

衣服 梵語震越。應法師云。此翻衣服。應是臥具。釋名曰。服上曰衣。衣，依也。所以庇寒暑也。傳云。衣身之章也。上曰衣。下曰裳。涅槃云。如世衣裳。障蔽形體。

大衣。或圖像衣。謂之瞿修羅。從其衣形而立名也。

小衣。或內衣。謂之舍勒。即今之短裙也。

裏衣。謂之尼衛。（見佛爾雅。）又謂之涅槃僧。（見楞嚴經。）

裙。謂之泥縛些那。或泥伐散那。

覆腋衣。謂之僧祇支。或僧迦鷄。或僧却畸。用覆肩腋故。

功德衣。謂之迦絺那。（詳功德衣條。）

細綿衣。謂之迦鄰陀。

大細布衣。謂之屈胸。（詳屈胸條。）

縵條衣。謂之鉢吒。非割截。無田相故。即在家二衆所著衣也。

細布衣。謂之頭鳩羅。或頭求羅。

隨坐衣。謂之尼師壇。（詳尼師壇條。）

麻衣。謂之芻摩。西域麻少，多用草羊毛。

蟲衣。謂之擗奢耶。謂用野蠶絲作衣。事鈔云。卽黑毛臥具。

野蠶絲。謂之高世耶。東天竺烏陀國。粳米欲熟。葉變爲蟲。蟲則食米。人取蒸以爲絲也。

絲。謂之毘羅。

絹。謂之兜那波吒。

葛。謂之四驂昧。

鬘。謂之摩羅。

氈。謂之劫波育。

毛。謂之欽跋羅。織細羊毛。謂之鎮鉢羅。或謂之褐賴縞。西域記云。織野獸毛。細軟可得緝績。故以見珍而充服用。

。無翻。約義卽褐毳之類。

木蘇。謂之閃婆。

麻布。謂之傍渠。

金帶。謂之彌呵羅。（已上分見名義集，佛爾雅。）

衣珠喻

衣珠者。衣中之珠也。經云。我等應得如來智慧。而便自以小智爲足。譬如有人。至親友家。醉酒而臥。是

時親友。官事當行。以無價寶珠。繫其衣裏。與之而去。其人醉臥。都不覺知。起已遊行。到於他國。爲衣食故。勤

力求索。甚大艱難。若少有所得。便以爲足。於後親友會遇見之。而作是言。咄哉丈夫。何爲衣食乃至如是。我昔欲

令汝得安樂。五欲自恣。於某年月日。以無價寶珠係汝衣裏。今故現在。而汝不知。勤苦憂惱以求自活。甚爲癡也。

（見法華經受記品。）又經云。譬如有人。於自衣中。繫如意珠。不自覺知。窮露他方。乞食馳走。雖實貧窮。珠不

曾失。忽有智者。指示其珠。所願從心。致大饒富。方悟神珠。非從外得。（見楞嚴經四卷。）

衣不合傳

五燈會元一。達磨願慧可而告之曰。昔如來以正法眼付迦葉大士。展轉囑累而至於我。我今付汝。汝當護持。并授汝袈裟。以爲法信。各有所表。宜可知矣。可曰。請師指陳。祖曰。內傳法印。以契證心。外付袈裟。以定宗旨。後代澆薄。疑慮競生。云吾西天之人。言汝此方之子。憑何得法。以何證之。汝今受此衣法。却後難生。但出此衣。并吾法偈。以表明其化無礙。至吾滅後二百年。衣止不傳。法周沙界。明道者多。行道者少。說理者多。通理者少。潛符密證。千萬有餘。此即指達磨相傳之衣法也。（見壇經箋註。）五祖曰。昔達磨大師。初來此土。人未之信。故傳此衣。以爲信體。代代相承。法則以心傳心。皆令自悟自解。自古佛佛唯傳本體。師師密付本心。衣爲爭端。止汝勿傳。若傳此衣。命如懸絲。又六祖將欲滅度。法海上座。再拜問曰。和尚入滅之後。衣法當付何人。祖曰。吾於大梵寺說法以至於今。鈔錄流行。目曰法寶壇經。汝等守護。遞相傳授。度諸羣生。但依此說。是名正法。今爲汝等說法。不付其衣。蓋爲汝等信根淳熟。決定無疑。堪任大事。然據先祖達磨大師付授偈意。衣不合傳。偈曰。吾本來茲土。傳法救迷情。一華開五葉。結果自然成。（六祖壇經。）

寺院

梵語毘訶羅。此云游行處。謂僧游履處也。亦翻塔寺。裕師寺誥云。寺是攝十方一切衆僧修道境界法。爲待一切僧。經游來往。受供處所。無彼無此。無主無客。僧理平等。同護佛法。故其中飲食衆具。悉是供十方。凡聖同有。鳴鐘作法。普集僧衆。同時共受。與檀越作生福之田。如法及時者。皆無遮礙。是宜開廓遠意。除蕩鄙懷。不吝身財。護持正法。（見名義集。）

寺主

梵語摩摩帝。或云毘訶羅莎弭。此云寺主。僧史略云。詳其寺主。起乎東漢白馬寺也。（參看白馬寺條。）寺旣爰處。人必主之。於是雖無寺主之名。而有知事之者。東晉以來。此職方盛。故梁武造光宅寺。召法雲爲寺主。創立僧制。（見名義集。）

肉髻

梵語囉瑟尸沙。此云髻。無上依經云。鬱尼沙。頂骨湧起。自然成髻。故名肉髻。（見名義集。）又云大佛頂。亦名無見頂。謂頂上有肉。高起如髻。一切人天二乘菩薩。皆不能見故也。（見三藏法數。）經云。爾時世尊從肉髻中。涌百寶光。光中湧出千葉寶蓮。有化如來坐寶華中。頂中放十道百寶光明。一一光明。皆遍示現。（見楞嚴經。）經

云。爾時世尊於其頂上。放種種光。徧照三千大千世界。還至佛所。若佛世尊說過去事。光從背入。若說未來事。光從胸入。若說地獄事。光從足下入。若說傍生事。光從足跟入。若說餓鬼事。光從足指入。若說人事。光從膝入。若說力輪王事。光從左手掌入。若說轉輪王事。光從右手掌入。若說天事。光從膺入。若說聲聞事。光從口入。若說獨覺事。光從眉間入。若說阿耨多羅三藐三菩提事。光從頂入。是時光明。還至佛所。繞三匝。從佛口入。（見佛頂尊勝陀羅尼經。）

肉眼 詳五眼條。

肉團心 梵語訖利陀耶。此云肉團心。其一。色法所攝。正法念經云。心如蓮華開合。提謂經云。心如帝王。皆肉團心也。其二。意根所託。如云意如幽室見。參看意根條。（見名義集。）

肉身菩薩

肉身菩薩者。生身之菩薩也。謂以父母所生之身。而至菩薩深位之人也。楞嚴經八。是清淨人。修三摩

地。父母肉身。不須天眼。自然觀見十方世界。（見壇經箋註。）壇經序云。六祖惠能大師。年二十有四。開經悟道。往黃梅（黃梅，山名。五祖弘忍居此。）求印可。五祖器之。付衣法。令嗣祖位。南歸隱遯一十六年。至儀鳳元年。（唐高宗年號。）丙子，正月八日。會印宗法師（廣州法性寺印宗和尚。吳郡人也。）詰論玄奧。印宗悟契師旨。是月十五日。普會四衆。爲師薙髮。二月八日。集諸名德。授具足戒。其戒壇乃宋朝求那跋陀羅創建。立碑曰。後當有肉身菩薩，於此受戒。又梁天監元年。智藥三藏自西竺國航海而來。將彼土菩提樹一株。植此壇畔。亦預誌曰。後當有肉身菩薩，於此受戒。又梁天監元年。智藥三藏自西竺國航海而來。將彼土菩提樹一株。植此壇畔。亦預誌曰。後當有一百七十年。有肉身菩薩，於此樹下，開演上乘。度無量衆。真傳佛心印之法主也。師至是祝髮受戒。及與四衆開示單傳之法旨。一如昔讖。（節錄唐釋法海撰六祖大師法寶壇經略序。）

色界 詳二十八天，三界條。

色心

十界凡聖之法。以色心二字。包括殆盡。色即器界根身。各自根身爲內色。大地器界爲外色。心即八識王所。識是心王。受想行是心所。王心所，對境必相應起故。此色心二法。別而言之。則有五陰，十二入，十八界等。名數

不同。名色心有爲數。（見二課合解，三藏法數。參看五蘊條。）

色究竟天 詳五那含天條。(參看二十八天條。)

名色 名卽是心。謂心但有名而無形質也。色卽色質。卽是身也。人自托胎已後。至第四七日。雖有身意。缺眼四根

。六處未全。但號名色。涅槃經。佛言。如說名色繫縛衆生。名色若滅。則無衆生。離名色已。無別衆生。離衆生已

。無別名色。亦名名色繫縛衆生。亦名衆生繫縛名色。(見名義集。)智度論云。一切諸法。但有名與色。更無有一

法出於名色者。(見三藏法數。)(參看十二因緣條。)

名字卽 詳六卽佛條。

名字卽佛 詳六卽佛條。

名句文身 梵語那摩。此云名。謂依事立名。能詮諸法自性。是名名身。梵語波陀。此云句。句謂句逗。能詮諸法

差別。是名句身。梵語便善那。此云文身。文卽是字。爲名句之所依故。(見名義集選。)成唯識論云。名詮自性。

句詮差別。文卽是字。爲二所依。且依此土說名句文。依聲假立。大論云。天竺語法。衆字和合成語。衆語和合成句

。如善爲一字。提爲一字。是二不合則無語。若和合名爲菩提。大乘入楞伽經云。句身者。謂能顯義決定究竟。成唯

識論云。句詮差別。如名爲眼。卽詮自性。若言佛眼，天眼。乃顯句詮差別也。慈恩疏云。文身者。爲名句依，而顯

所表。顯有四義。一扇。二相好。三根形。四鹽。如次能顯風涼，大人，男女，味，故。故名爲顯。卽喻此文身。能

顯於理。瑜伽云。佛菩薩等是能說者。語是能說相。名句文身是所說相。(見名義集。)名者依事立名。句者衆語合

成。文者聯合衆義。通言身者。身卽聚集之義。謂此三者。長短高下，次第行列，安布聯合。而能詮顯教法之體也。

(見三藏法數。)

西牛貨洲 詳四大部洲條。

西方蓮華部 詳五部教主條。

光音天 詳二十八天條。

光明徧照 詳盧舍那條。

光讚般若 詳般若經條。

百華 十輪經云。供養有三。一利益。以四事等。二敬心。將華表情。三修行。若有持說。卽爲供養。大品云。釋提桓因，及三千大千世界中諸天。化作華散佛。菩薩摩訶薩，比丘僧，及須菩提上。亦供養般若波羅蜜。是時三千大千世界。華悉周徧。於虛空中。化成華臺。端嚴殊妙。須菩提心念。是天子所散華。天上未曾見如是華。華是化華。非樹生華。是諸天子所散華。從心樹生。非樹生華。釋提桓因知須菩提心所念。語須菩提言。大德，是華非生華。亦非意樹生。須菩提語釋提桓因言。僑尸迦，是華若非生法。不名爲華。釋提桓因語須菩提言。大德，但是華不生。色亦不生。受想行識亦不生。須菩提言。僑尸迦，非但是華不生。色亦不生。若不生，是不名爲色。受想行識亦不生。若不生，是不名爲受想行識。以如是華。供如是佛。顯能所以不二。彰依正以無殊。號不思議法供養也。（見名義集。參看天女散華條。）

百論 僧肇法師云。佛入滅後八百餘年。外道紛然。異端競起。邪辯逼真。殆亂正道。有提婆菩薩。乃作斯論。所以防正閑邪。大明於宗極者矣。論有百偈。故名百論。（見三藏法數。參看十宗之三論宗條。）

百舌鳥 梵語舍羅。此云百舌鳥。（見名義集。）

百界千如 吾人現前一心。本具十法界。（十法界。地獄，鬼，畜，修羅，人，天，聲聞，緣覺，菩薩，佛。）每界體又具十。十十便得百界。一一界具十如。（十如，卽法華經方便品。諸法如是相，如是性，如是體，如是力，如是作，如是因，如是緣，如是果，如是報，如是本末究竟等。是也。）百界則成千如。（見二課合解。）

√ **百法明門** 百法明門者。色法十一。謂五根內色。六塵外色。心法八。謂八識心王。心所法五十一。常與八識心王相應起故。不相應法二十四。與心王心所及色三法俱不相應。但從三法分位假立。無爲法六。聖人清淨識。所對之法塵。以無生滅故。解此百法。則世出世聖凡事理。無不明了無礙。卽別教初地。圓教初住之位。詳百法明門論。（見二課合解。）

百福成相

釋迦修菩薩道時。經三阿僧祇劫修六度行。更住百劫種相好因。修百福成一相。（見四教儀。）福謂相因

。福義多途。難可定判。一云。輪王於四天下自在爲一福。有云。帝釋於二天下自在爲一福。有云。大千盲人治差爲一福。有云。一切人破戒。能爲說法令捨毀禁爲一福。有云。不可譬喻。唯佛能知。入第三僧祇修行大行。故福難量。（見天台八教大意。）

百八煩惱

昏煩之法。惱亂心神。故名煩惱。謂眼，耳，鼻，舌，身，意，六根。對色，聲，香，味，觸，法，六

塵。各有好惡平三種不同。（不好不惡。名之爲平。）則成十八煩惱。又六根對六塵好惡平三種。起苦受，樂受，不苦不樂受。復成十八煩惱。共成三十六種。更約過去未來現在三世。各有三十六種。總成百八煩惱也。（見四教儀集註。三藏法數。）

安居

南山云。形心攝靜曰安。要期住此曰居。靜處思微。道之正軌。理須假日追功。策進心行。隨緣託處。志唯尙

益。不許馳散。亂道妨業。故律通制三時。意存據道。文偏約夏月。情在三過。一無事游行。妨修出業。二損傷物命。違慈實深。三所爲既非。故招世謗。以斯之過。教興在茲。今就夏論。約有三時。初四月十六日。是前安居。十七日已去。至五月十五日。名中安居。五月十六日。名後安居。故律中有三種安居。謂前中後也。在處須無五過。一太遠聚落。求須難得。二太近城市。妨修道業。三多蚊蠅難。或囁齧人。踐傷彼命。四無可依人。其人具五德。謂求聞令聞。已聞令清淨。能爲決疑。能令通達。除邪見。得正見。五無施主施飲食湯藥。無此五過。乃可安居。西域記云。印度僧徒。依佛聖教。坐雨安居。或前三月。或後三月。前三月，當此從五月十六日至八月十五日。後三月，當此從六月十六日至九月十五日。前代譯經律者。或云坐夏。或云坐臘。斯皆邊裔殊俗。不達中國正音。或方言未融。而傳譯有謬。又云。印度僧徒。依佛聖教。皆以室羅伐拏月（參看時分條。）前半一日。入雨安居。當此五月十六日。以類滋縛庚闍月後半十五日。解雨安居。當此八月十五日。印度月名。依星而建。古今不易。諸部無差。良以方言未融。傳譯有謬。分時計月。致斯乖異。故以四月十六日入安居。七月十五日解安居也。（見名義集。）經云。若經夏首。三月安居。當爲清淨菩薩止住。心離聲聞。不假徒衆。至安居日。卽於佛前作如是言。我比丘，比丘尼，優婆塞，優婆夷，某甲。踞菩薩乘。修寂滅行。同入清淨實相住持。以大圓覺爲我伽藍。身心安居平等性智。涅槃自性無繫

屬故。今我敬請。不依聲聞。當與十方如來及大菩薩三月安居。爲修菩薩無上妙覺大因緣故。不繫徒衆。此名菩薩示現安居。（見圓覺經。）

安般

具云安那般那。或云阿那波那。安那。此云遣來。入息也。般那。此云遣去。出息也。安般守意經云。安爲身

。般爲息。安爲生。般爲滅。安爲念道。般爲解結。所以先數（數計也）入者。外有七惡。內有三惡。用少不能勝多。

先數入也。安名入息。般名出息。息有四事。一爲風。二爲氣。三爲息。四爲喘。有聲爲風。無聲爲氣。出入爲息。

氣出入不盡爲喘也。出息爲生死陰。入息爲思想陰。或云先數出息。氣則不急。身不脹滿。身心輕利。三昧易成。或

云先數入息。隨息內斂。易入定故。或云常隨便宜以數出入。若心輕浮。繫心丹田。常數入息。若心昏沈。繫心鼻端

。常數出息。此皆不許出入俱數。提婆菩薩云。佛說甘露門。名阿那波那。於諸法門中。第一安隱道。（見名義集。）

安樂

詳四安樂行條。

安忍

詳忍辱條。

安陀會

或安恒羅婆沙。此云中宿衣。謂宿睡時，近身住也。南山云。五條名下衣。若從用爲名。則云院內行道雜作

衣也。（見名義集。參看法衣條。）

安明山

梵語鉢羅笈菩提。淨名疏云。此云安明。垂裕云。入水最深。故名安。出諸山上。故曰明。西域記云。唐

言前正覺山。如來將證正覺。先登此山。（見名義集。）

安息香

梵語拙具羅。或窠具羅。或求求羅。此云安息。卽安息香也。（見名義集。）又俱嚧，俱嚧，杜婆。亦名安

息香。（見佛爾雅。）

安陀林

詳寒林條。

安茶論師

涅槃經云。此外道師。謂過去世。最初並無日月星辰及地。惟有大小。時大安茶生。形如雞卵。周匝金

色。後熟破爲二段。上爲天。下爲地。中間生梵天。復能生出一切有命無命之物。故計梵天是生萬物之祖也。（見提

婆菩薩釋楞伽經中外道小乘涅槃論。佛爾雅。）

多羅 其一。樹名。舊名貝多。此翻岸形。(又名貝葉。可以書經。)如此方棕櫚。直而且高。極高長八十九尺。華如黃米子。有云。一多羅樹高七仞。七尺曰仞。是則樹高四十九尺。西域記云。南印度建那補羅國北不遠。有多羅樹林三十餘里。其葉長廣。其色光潤。諸國書寫。莫不採用。其二。多羅。秦言岸。四十二字之一。(詳四十二字條。)(謂聞此字時。即知一切法此彼岸不可得故。(分見名義集。))

多寶佛 梵語袍休蘭羅。漢言大寶。即多寶佛。梵名出薩曇分陀利經。(見名義集。)經云。爾時佛告大樂說菩薩。此寶塔中有如來全身。乃往過去東方無量千萬億阿僧祇世界。國名寶淨。彼中有佛。號曰多寶。其佛本行菩薩道時。作大誓願。若我成佛。滅度之後。於十方國土有說法華經處。我之塔廟。爲聽是經故。涌現其前。爲作證明。(見法華經見寶塔品。)

多勒果 詳尼拘律陀條。

多伽羅 或多伽留。(詳根香條。)

多伽梢 或多伽羅。(詳智度條。)

多揭羅 詳零陵條。

多含不翻 詳五種不翻條。

多摩跋羅 梵語多摩跋羅。此云無垢香。梵語多阿摩羅跋陀羅。此云性無垢賢。多，此云性。阿摩羅，此云無垢。跋陀羅，此云賢。或云藿香葉。或云赤銅葉。(見佛爾雅。)

多他阿伽陀 秦言如去。四十二字之一。大品他字門。入諸法處不可得故。(詳四十二字條。)

多陀阿伽陀 亦云恒闍阿竭。後秦翻爲如來。金剛經云。無所從來。亦無所去。故名如來。此以法身釋。轉法輪論云。第一義諦名如。正覺名來。此以報身釋。成實論云。乘如實道。來成正覺。故名如來。此約應身釋。(見名義集。參看四聖，十號條。)

如來 詳多陀阿伽陀條。

如幻 詳六如，又二十五輪條。

如如 慧海大師云。問。如如者云何。答。如如是不動義。心真如故名如如也。（參看一心法條。）是知過去諸佛行此行。亦得成道。現在佛行此行。亦得成道。未來佛行此行。亦得成道。三世所修。證道無異。故名如如也。維摩經云。諸佛亦如也。至於彌勒亦如也。乃至一切衆生悉皆如也。何以故。爲佛性不斷有性故也。（見頓悟入道要門論。）

如意 其一。珠名。梵語摩尼。此云如意。應法師云。珠之總名也。其二。阿菟樓駄。亦云如意。十大弟子之一。（詳詳阿那律條。）其三。梵語摩奴是若。亦云如意。（詳四如意足條。）其四。梵語末笈芻利他。或未笈芻利他。西域記云。唐言如意。卽婆沙論師。（分見名義集。）

如來藏 楞伽經云。如來藏。爲無始虛偽惡習所熏。名爲識藏。密嚴經云。佛說如來藏。以爲阿賴耶。惡慧不能知。藏卽賴耶識。雖在纏而體淨。不變性而成迷。起信論云。依如來藏有生滅心。所謂不生不滅。與生滅和合。非一非異。名爲阿梨耶識。勝鬘經明二如來藏。一空如來藏。謂若離若脫若異一切煩惱藏。二不空如來藏。謂具過河沙不離不脫不思議佛法。南岳止藏云。一空如來藏。以此心體平等。妙絕染淨之相。非直心體自性平等。所起染淨等法。亦復自性非有。二不空如來藏。所謂具有染淨二法。以明不空。淨法中復有二種。一具足無漏性功德法。二具足出障淨法。染法亦二種。一具足染性。二具足染事。淨覺說題云。應知二種。約在纏出纏二義分之。故彼經云。若於無量煩惱藏所纏如來藏不疑惑者。於出無量煩惱藏法身亦無疑惑也。圭峯略疏三義釋藏。一隱覆名藏。二含攝名藏。三出生名藏。又略鈔明五種。一如來藏。在纏含果法故。二自性清淨藏。在纏不染故。此二就凡位說。三法身藏。果位爲功德所依故。四出世間上上藏。出纏超過二乘菩薩故。此二就聖位說。五法界藏。謂通因果。外持一切染淨有爲。故名法界。內含一切恆沙性德。故名爲藏。長水釋楞嚴云。如來藏四義喻海。一永絕百非。如海甚深。二包含萬有。如海廣大。三無德不備。如海珍寶。四無法不現。如海現影。又尼鞞經云。王名嚴熾。有大薩遮（梵語薩遮。此云有。婆沙云。有是何義。謂一切有漏法是。）來入其國。王出遠迎。乃爲王說。大王當知。依煩惱身。觀如來身。何以故。此

身卽是如來藏故。一切煩惱諸垢藏中。佛性滿足。如石中金。木中火。地中水。乳中酪。麻中油。子中禾。藏中金。模中像。孕中胎。雲中日。是故我言煩惱之中。有如來藏。（見名義集。）如來藏經。我以佛眼觀一切衆生。貪欲悲癡諸煩惱中。有如來智。如來眼。如來身。結跏趺坐。儼然不動。乃至德相備足。如我無異。以九喻廣說一切衆生有如來藏。寶性論釋。萎華中諸佛。糞穢中眞金。地中眞寶藏。諸果子中芽。朽故弊壞衣。纏裹眞金像。貧賤醜陋女。懷轉輪聖王。焦黑泥模中。有上妙寶像。衆生貪癡瞋。妄想煩惱等。塵勞諸境中。皆有如來藏。下至阿鼻獄。皆有如來身。眞如清淨法。名爲如來體。（見寶王論。）

如來種 梵語鼻鼓迦。此云種。肇曰。此五衆生之所由生。故名種。有云種以能生爲義。若不能生。不名爲種。維摩經云。維摩詰問文殊師利。何等爲如來種。交殊師利言。有身爲種。無明有愛爲種。貪恚癡爲種。四顛倒爲種。五蓋爲種。六入爲種。七識處爲種。八邪法爲種。九惱處爲種。十不善道爲種。以要言之。六十二見。及一切煩惱。皆是佛種。天台釋云。卽是以非種爲種。何者。離三道之外。更無如來種。一正因。卽苦道。二了因。卽煩惱道。三緣因。卽業道。妙樂云。三道是三德種者。卽性種也。有生性故。故名爲種。法華經云。諸佛兩足尊。知法常無性。佛種從緣起。是故說一乘。天台解曰。中道無性。卽是佛種。妙樂釋云。立本無性。爲本性德。故知淨名以三道爲性種。法華以中道爲性種。此二雖異。維仍是一。維摩指迷令悟。故以在迷三道爲佛種。正助二修爲種緣。法華明諸佛設教。故常平等理性爲佛種。逆順兩事爲種緣。淨名三道。乃約卽爲種。（三道是能。三德是所。）猶冰是水種。法華三德。指性自是種。（乃性當家名種。）如水爲冰種。如此區別。煥然明矣。（見名義集。）

如如智 經云。善男子。云何菩薩摩訶薩了知法身。爲除諸煩惱等障。爲具諸善法故。唯有如如。如如智。是名法身。前二種身。（化身。應身。）是假名有。此第三身。是眞實有。爲前二身而作根本。何以故。離法如如。離無分別智。一切諸佛無有別法。一切諸佛智慧具足。一切煩惱究竟滅盡。得清淨佛地。是故法如如。如如智。攝一切佛法。又云。一切諸佛。利益自他。至於究竟。自利益者。是法如如。利益他者。是如如智。能於自他利益之事。而得自在。成就種種無邊用故。是故分別一切佛法。有無量無邊種種差別。（見金光明經。）

如是我聞 詳阿難四問條。

因緣 詳尼陀那條。

因位 謂菩薩修行成佛。所經歷之四十一因位也。（見顯密圓通。）

因明 因明爲五明之一。（參看五明四章條。）西竺有陳那菩薩者。受妙吉祥菩薩指誨傳授。作因明正理門論。匡正類綱。重成規矩。地持論云。菩薩求法。當於何求。當於一切五明處求。求因明者。爲破邪論。安立正道。慈恩云。因明論者。元唯佛說。文廣義散。備在衆經。（分見名義集）。

因果 因果者。謂過去現在未來所感受善惡之因緣果報也。一曰異熟因，異熟果。異世成熟名爲異熟。謂過去世所作善惡之因。卽感今世所受善惡之果。今世所作善惡之因。卽感未來世所受善惡之果。是名異熟因，異熟果。二曰福因福果。謂布施持戒忍辱爲因。卽感現在及未來世所作種種事業。皆得自在之果。是名福因福果。三曰智因智果。謂修習一切智慧爲因。能證三乘及以佛果。是名智因智果。總名三因三果。（見瑜伽師地論・三藏法數。）五祖偈曰。有情來下種。因地果還生。（婆沙論云。果者從因有。事成名爲果。華嚴云。下佛種子於衆生田。生此覺芽。是故能令佛寶不斷。此二句言衆生既種佛因。必生佛果。）無情亦無種。無性亦無生。（此二句言無情如木石之類。則無佛性。既不下種子於田。則無生佛果之望。）（見六祖壇經箋註。）

因果律 佛說如是因。生如是果。同因不生異果。異因不生同果。共因共果。別因別果。過去善惡因。生現在苦樂果。現在善惡因。生未來苦樂果。又復互爲因果。前後相望。重重攝入。而不雜亂。不從自生。不從他生。不俱生。不無因生。一切法從因緣生。生而無生。性非有故。無生而生。相不無故。離於斷常有無二邊以談因果。斯名中道。斯名理智。般若說因果不可得。重在破執。而必同時宣說業果不壞。以因果不壞故。種煩惱因。得生死果。種解脫因。得涅槃果。種菩提因。得佛果。乃至種地獄因。得地獄果。種人天因。得人天果。因果既明。乃以種種方便。示令衆生。止惡離苦。修善得樂。從初發心乃至成等正覺。滴滴皆以因果爲本。而不執著。甚矣因果律之真實不虛也。冥想玄思。造爲天命世運之曲說。導衆生入迷途者。外道也。如來當日呵斥勝論數論自然諸師。令其傾服。正爲此耳。講

科學者。謀真理之發現。求人羣之幸福。是矣。其用心如何。其方便如何。是不能不賴於佛陀精妙忠實之指示也。（節錄北平時輪金剛法會殿言。）

因陀羅 此云帝。正翻天主。以帝代之。（見名義集。）又云。因陀羅，本印度之雨神。後爲保護世界之神。其像多眼四臂。或乘象。至佛教出。則稱爲帝釋天。即釋提桓因陀羅。與持國，廣目，增長，多聞四天王。保護世界。護持佛法。降伏惡魔。（見辭源。）

因陀羅網 即天帝網也。謂帝釋殿有千珠寶網。覆於殿上。於一明珠內。萬像俱現。衆珠亦然。互相現影。影復現影。遞互交光。重重無盡。華嚴經明華藏世界。亦如此天帝網分布而住。重重無盡。經云。諸佛知一切世界，如因陀羅網世界。是也。（分見三藏法數。參看帝網珠條。）

伊蘭 觀佛三昧海經云。譬如伊蘭，與旃檀生末利山中。牛頭旃檀初生伊蘭叢內。未及長大。在地下時。芽莖枝葉。如閻浮提竹筍。衆人不知。言此山中。純是伊蘭。無有旃檀。而伊蘭臭若尸屍。薰四十由旬。其華紅色。甚可愛樂。若有食者。發狂而死。牛頭旃檀。雖生此林。未成就故。不能發香。仲秋月滿。卒從地生。成旃檀樹。衆人皆聞牛頭旃檀上妙之香。永無伊蘭臭惡之氣。（見名義集。參看牛頭旃檀條。）

伊羅鉢 闍義鈔云。亦云伊羅跋羅。伊羅，樹名。此云臭氣。跋羅，此云極。謂此龍往昔由損此極臭樹葉。故致頭上生此臭樹。囚卽爲名。佛國記作翳羅鉢。（見名義集，佛爾雅。）

伊帝目多伽 此云本事。（詳十二部經條。）

自恣 梵語鉢刺婆刺拏。音義指歸云。譯爲隨意。寄歸傳云。凡夏罷歲終之時。此日應名隨意。卽是隨他於三事之中。任意舉發。說罪除愆之義。舊云自恣者。是義翻。然則自恣之言。涉乎善惡。今局善也。故事鈔曰。九旬修道。精練身心。人多迷己。不自見過。理宜仰憑清衆。垂慈誨示。縱宜己罪。恣僧舉過。內彰無私隱。外顯有瑕疵。身口託於他人。故云自恣。（見名義集。）又云。自恣者。謂自不知過。恣任僧舉也。佛制比丘安居竟。（參看安居條。）於七月十五日自恣。（見名義集選。）又梵語鉢和羅。或鉢和蘭。此云自恣食。應法師云。坐臙臙餅。謂夏罷獻佛之

餅。名佛臍食。又西方以佛從天降下王宮之日。供養佛食。名佛臍食。會正記云。卽自恣日食。待佛比丘。（見名義集。）

自性 詳三自性條。

自誓 梵語僧涅。此云自誓。一云僧那。此云大誓。一云僧那言鎧。僧涅言著。名著大鎧。亦云莊嚴。故小品云。大誓莊嚴。（見名義集。）

自證分 詳識分條。

共命鳥 梵語耆婆耆婆迦。此翻命。或翻生。雜寶藏經云。雪山有鳥。名爲共命。一身二頭。識神各異。同共報命。故曰命命。法華云命命。勝天王云生生。佛本行經。佛言。往昔雪山。有二頭鳥。一頭名迦嚩茶。一頭名憂波迦嚩茶。其憂波迦嚩茶頭一時睡眠。近彼寤頭。有摩頭迦樹。風吹華落。至彼寤頭。其頭自念。雖獨食華。若入腹時。俱得色力。不令彼寤。遂默食華。其睡頭寤。覺腹飽滿。歎氣出。問言。何處得此美食。寤頭具答。睡頭懷恨。後時游行。遇毒樹華。念食此華。令二頭死。時憂波迦嚩茶頭。語迦嚩茶頭言。汝今睡眠。我當寤住。彼頭纔睡。卽食毒華。其迦嚩茶寤覺毒氣。問何惡食。令我不安。憂波頭言。食此毒華。願俱以死。於是彼頭卽說偈言。汝於昔日睡眠時。我食妙華甘美味。其華風吹在我邊。汝返生此大瞋恚。凡是癡人莫願見。亦莫願與癡共居。與癡共居無利益。自損及以損他身。佛言。迦嚩茶鳥。卽我身是。憂波鳥者。提婆達多是。（見名義集。）

戍陀羅 或名戍達羅。又名首陀。此云農夫。爲印度四姓之一。（見名義集，參看印度四姓條。）

式叉摩那 此云學法女。亦云學戒女。四分云。十八童女。應二歲學戒。事鈔云。式叉尼具學三法。一學根本。謂四重是。（殺，盜，淫，妄。）二學六法。卽羯磨所謂染心相觸。盜人四錢。斷畜生命。小妄語。非時食。飲酒也。三學行法。謂一切大尼戒行並須學之。若學法中犯者。更與二年羯磨。今述頌曰。染心相觸盜四錢。斷畜生命小妄語。戒非時食及飲酒。是名式叉學六法。（見名義集。）

式叉迦羅尼 詳突吉羅條。

曲女城

梵語羯若鞠闍。西域記云。唐言曲女城。中印度境。大樹仙人。棲神入定。經數萬歲。從定而起。見王百女。詣宮來請。唯幼稚女。而充給使。仙人懷怒。便惡呪曰。九十九女。一時腰曲。從是之後。名曲女城。（見名義集。）又云。此城由往昔大樹仙人。呪九十九女一時腰曲。故名曲女。佛從初利天說法。下降於此。（見三藏法數。）

先陀婆

其一。此云石鹽。其香似之。因以爲名。華嚴經云。兜率天中有香。名先陀婆。於一生所繫菩薩座前。燒其一圓。與大香雲。徧覆法界。其二。涅槃云。水鹽器馬。一名四寶。（一名，謂先陀婆。四寶，謂水鹽器馬。如是四法。皆同一名。此是大王密語。）智臣善知。謂洗時奉水。食時奉鹽。飲時奉器。游時奉馬。皆但云先陀婆來。（以譬如來密語。甚深難解。諸大乘經。亦復如是。若說四無常。大乘菩薩應常善知。此是如來爲諸衆生說無常苦空無我之相。令得證於涅槃解脫之道。）章安云。此之四義。亦與四教四門四句意同。皆應次第對鹽等四。（見名義集。）

合昏樹

梵語尸利沙。或云尸利灑。卽此間合昏樹。有二種。名尸利沙者。葉實俱大。名尸利馱者。葉實俱小。又舍離沙。此云合歡。（見名義集。）

吉蔗

或云吉遮。正言訖栗著。此云所作。文句云起尸鬼。若人，若夜叉，俱有此鬼。（見名義集。）

吉祥海雲

梵文彌字。熏開曰。志誠纂要云。梵云室利鞞瑠。此云吉祥海雲。如來胸臆有大人相。形如彌字。名吉祥海雲。華嚴音義云。案卍字本非是字。大周長壽二年。主上權制此文。著於天樞。音之爲萬。謂吉祥萬德之所集也。經中上下。據漢本總一十七字。同呼爲萬。依梵文有二十八相云云。（見名義集。）

有樂

梵文龜字。音万。是吉祥勝德之相。由髮右旋而生。似龜字。梵云。褻縛悉底迦。此云有樂。有此相者。必有安樂。若卍五萬万字。是此方字。（見名義集。）

有爲

梵語僧柯慄多弭。此云有爲。大品云。一者有爲法相。謂十八空智。（十八空者。一內空，三外空，二內外空，四空空，五大空，六第一義空，七有爲空，八無爲空。九畢竟空，十無始空，十一散空，十二性空，十三自相空，十四諸法空，十五不可得空，十六無法空，十七有法空，十八無法有法空。見大智度論。）乃至八聖道智，十力，四無所畏，世間法出世間法等。二者無爲法相。無生無滅無住無異。（參看生住異滅條。）無垢無淨。無增無減。諸法

自性。大論釋曰。有爲法相。是作相。先無今有。已有還無故。無上相違。卽無爲法相。然此二法。若約相卽。如般若云。佛告善現。不得離有爲說無爲。不得離無爲說有爲。若約俱立。如華嚴云。於有爲界示無爲理。不滅有爲之相。於無爲界示有爲之法。不壞無爲之性。若約俱泯。道智經云。所謂一心本法。非有爲故。能作有爲。非無爲故。能作無爲。（見名義集。）經云。佛告諸菩薩。有盡無盡解脫法門。汝等當學。何謂爲盡。謂有爲法。何謂無盡。謂無爲法。如菩薩者。不盡有爲。不住無爲。又云。菩薩具佛德故。不住無爲。具智慧故。不盡有爲。大慈悲故。不住無爲。滿本願故。不盡有爲。集法藥故。不住無爲。隨授藥故。不盡有爲。知衆生病故。不住無爲。滅衆生病故。不盡有爲。諸正士菩薩已修此法。不盡有爲。不住無爲。是名盡無盡解脫法門。汝等當學。（見維摩經菩薩行品。）唐飛錫大師云。有爲雖僞。捨之則道業不成。無爲雖實。取之則慧心不朗。經云。厭離有爲功德。是爲魔業。樂著無爲功德。亦爲魔業。（見念佛三昧寶王論。）

有金河

詳閻浮檀金河條。

有情世間

詳三世間條。

次第定

詳九次第定條。

次第緣

詳四緣條。

次第三觀

詳十宗之天台宗條。

次第乞食

謂比丘乞食之時。不著於味。不輕衆生。不擇貧富。常平等一心。次第而乞。是爲頭陀行也。（見三藏法數。參看乞食，十二頭陀行條。）

仰口食

詳四邪命條。

牟呼栗多

詳時分條。

回向

謂三業所修一切諸善，乃至懺悔，勸請，隨喜，種種功德。回施法界一切衆生。同證菩提。是名回向。（見三藏法數。參看十迴向條。）

同體三寶

謂佛法僧。名雖有三。體性是一。故名同體三寶。(亦云一體三寶。)一佛寶。謂性體靈覺。照了諸法。非空非有。二法寶。謂法性寂滅。而恆沙性德。皆可軌持。三僧寶。謂恆沙妙德。性相不二。理事和合。(見華嚴疏鈔，并三寶章。三藏法數。參看一體三寶條。)

七畫

佛陀 梵語佛陀。簡稱曰佛。大論云。秦言知者。知過去，未來，現在，衆生，非衆生，數。有常無常等，一切諸法。菩提樹下。了了覺知。故名佛陀。佛地論云。具一切智，一切種智。離煩惱障，及所知障。於一切法，一切種相，能自開覺。亦能開覺一切有情。如睡夢覺。如蓮華開。故名爲佛。肇曰。佛者，何也。蓋窮理盡性。大覺之稱也。其道虛玄。固已妙絕常境。心不可以智知。形不可以像測。同萬物之爲，而居不爲之域。處言教之內，而止無言之鄉。非有，而不可爲無。非無，而不可爲有。寂寞虛曠。物莫能測。不知所以名。故強謂之覺。其爲至也。亦以極矣。何則。夫同於得者。得亦得之。同於失者。失亦失之。是以則真者同真。法僞者同僞。如來冥照靈諸。一彼實相。實相之相。卽如來相（見名義集。參看三寶，六卽佛條。）

佛身 經云。佛身者，卽法身也。從無量功德智慧生。從戒，定，慧，解脫，解脫知見，生。從慈，悲，喜，捨，生。從布施，持戒，忍辱，柔和，勤行精進，禪定，解脫，三昧，多聞，智慧，諸波羅密生。從方便生。從六通生。從三生。從三十七道品生。從止觀生。從十力，四無所畏，十八不共法生。從斷一切不善法，集一切善法生。從真實生。從不放逸生。從如是無量清淨法，生如來身。（見維摩經方便品。）

佛頂 梵語烏瑟膩沙。一云鬱尼沙。此云佛頂。（見佛爾雅。詳肉髻條。）

佛性 謂真性平等。猶如虛空。於諸凡聖無所限礙。故名佛性。一自性住佛性。謂真如之理。自性常住。無有變改。卽是一切衆生本有佛性。是名自性住佛性。二引出佛性。謂一切衆生。佛性雖具。必假修習智慧禪定之力。方能引發本有之性。是名引出佛性。三至得果佛性。謂修因滿足。則本有佛性。於證得果位之時。了了顯發。是名至得果佛性。（見華嚴孔目。三藏法數。參看三因佛性條。）

佛教 諸惡莫作。衆善奉行。自淨其意。是諸佛教。此一四句偈。總括一切佛教。佛教之廣海。此一偈攝盡。大小乘八萬之法藏。自此一偈流出。增一阿含經四十四云。於此賢劫中。有佛名爲迦葉如來。壽二萬歲。二十年中。恆以一偈以爲禁戒。一切惡莫作。當奉行其善。能自淨其意。是則諸佛教。又增一阿含序第一。迦葉問言。何等偈中。出生

三十七品及諸法。時尊者阿難。便說此偈曰。諸惡莫作。衆善奉行。自淨其意。是諸佛教。壇經，六祖大師謂神秀弟子志誠曰。吾聞汝師教示學人戒定慧法。未審汝師說戒定慧行相如何。誠曰。秀大師說。諸惡莫作名爲戒。諸善奉行名爲慧。自淨其意名爲定。師曰。如汝師所說戒定慧。實不可思議也。吾所見戒定慧又別。志誠曰。戒定慧只合一種。如何更別。師曰。汝師戒定慧接大乘人。吾戒定慧接最上乘人。悟解不同。見有遲疾。聽吾偈曰。心地無非自性戒。心地無癡自性慧。心地無亂自性定。不增不減自金剛。身去身來本三昧。復語誠曰。汝師戒定慧。勸小根智人。吾戒定慧。勸大根智人。若悟自性。亦不立菩提涅槃。亦不立解脫知見。無一法可得。方能建立萬法。若解此意。亦名佛身。亦名菩提涅槃。亦名解脫知見。見性之人。立亦得。不立亦得。去來自由。無滯無礙。應用隨作。應語隨答。普見化身。不離自性。卽得自在神通。遊戲三昧。是名見性。（見六祖壇經箋註。）慧海大師云。問。金剛經云。大乘最上乘。其義云何。答。大乘者。是菩薩乘。最上乘者。是佛乘。又問。云何修而得此乘。答。修菩薩乘者。卽是大乘。證菩薩乘。更不起觀。至無修處。湛然常寂。不增不減。名最上乘。卽是佛乘也。（見頓悟入道要門論。）

佛立 詳三昧條。

佛眼 詳五眼條。

佛臆食 詳自恣條。

佛法先後 傳燈錄二十八。神會大師，於大藏經內六處有疑。問於六祖。有問云。先佛而後法。先法而後佛。佛法

本根源。起從何處出。祖答曰。說卽先佛而後法。聽卽先法而後佛。若論佛法本根源。一切衆生心裏出。（見壇經箋註。）唐慧海禪師語錄問答云。問。只是佛之與法。爲是佛在先。爲是法在先。若法在先。法是何佛所說。若佛在先。承何教而成道。答。佛亦在法先。亦在法後。問。因阿佛法先後。答。若據寂滅法。是法先佛後。若據文字法。是佛先法後。何以故。一切諸佛。皆因寂滅法而成佛。卽是法先佛後。經云。諸佛所師。所謂法也。得成道已。然始廣說十二部經。引化衆生。衆生承佛法教。修行得成佛。卽是法先佛後也。（見頓悟入道要門論。）

佛陀多羅 唐云覺救。罽賓人也。於白馬寺，譯圓覺經。（見名義集。）

佛陀波利 唐云覺護。罽賓國人。忘身徇道。遍探靈迹。聞文殊在清涼山。遠涉流沙。躬來禮謁。天皇儀鳳元年。杖

錫五台。虔禮聖容。向空自云。如來滅後。衆聖潛靈。唯大聖文殊師利。於此山中。汲引羣生。教諸菩薩。波利所恨。生逢八難。不覩聖容。遠涉流沙。故來瞻禮。伏望大慈。令我暫識眞容。聊接慈語。言已。悲泣兩淚。向山頂禮。禮已。舉頭忽見一老人。從山中出來作婆羅門語。謂波利曰。師何所求。波利答曰。聞文殊隱山。求欲瞻禮。翁曰。師將佛頂尊勝陀羅尼經來不。此土衆生。多造諸罪。佛頂咒除罪祕方。若不將經。徒來無益。縱見文殊。何必能識。可還西國。取經傳此。弟子當示文殊所在。波利便禮。舉頭不見老人。遂返本國。取得經來。於永淳二年。返至西京。狀奏天皇。遂令杜行顓，及日照三藏，（日照，見地婆訶羅條。）於內共譯。經留在內。波利泣奏。志在利人。請布流行。帝愍專志。遂留所譯之經。還其梵本。波利將向西明（寺名）與僧順貞共譯佛頂尊勝陀羅尼經。所願已畢。持經梵本，入於五台。於今不出。（見名義集。）

佛馱跋陀羅 此云覺賢。大乘三果人。甘露飯王之苗裔。於此與羅什相見。什有所疑。多就咨決。東晉義熙十四年。於謝司空寺譯華嚴六十卷。堂前池內。有二童子。常從池出。捧香散華。（見名義集。）

佛六十四種梵音 不思議祕密大乘經。佛告寂慧菩薩言。如來非於唇齒舌喉及其面門出諸音聲。當知如來音聲。從虛空出。具有六十四種殊妙之相。楞伽經云。佛言我六十四種梵音。言語相生。無增無減。無有差別。與諸佛同一音故。一流澤。二柔軟。三悅意。四可樂。五清淨。六離垢。七明亮。八甘美。九樂聞。十無劣。十一圓具。十二調順。十三無澀。十四無惡。十五善柔。十六悅耳。十七適身。十八心生勇銳。十九心喜。二十悅樂。二十一無熱惱。二十二如教令。二十三善了知。二十四分明。二十五善愛。二十六令生歡喜。二十七使他如教令。二十八令他善了知。二十九如理。三十利益。三十一離重複過失。三十二如師子音。三十三如龍音。三十四如雲雷吼。三十五如龍王。三十六如緊那羅妙歌。三十七如迦陵頻伽。三十八如梵王。三十九如共命鳥。四十如帝釋美妙。四十一如振鼓。四十二不高。四十三不下。四十四隨入一切音。四十五無缺減。四十六無破壞。四十七無染污。四十八無希取。四十九具足。五十莊嚴。五十一顯示。五十二圓滿一切音。五十三諸根適悅。五十四無譏毀。五十五無輕轉。五十六無動搖。五

十七隨入一切衆會。五十八諸相具足。五十九令衆生心意歡喜。六十說衆生心行。六十一入衆生心意。六十二隨衆生信解。六十三聞者無分量。六十四衆生不能思惟稱量。（見三藏法數。）

身心

經云。一切諸衆生。身心皆如幻。身相屬四大。心性歸六塵。四大體各離。誰爲和合者。又云。卽知此身畢竟無體。和合爲相。實同幻化。四緣假合。妄有六根。六根四大。中外合成。妄有緣氣。於中積聚。似有緣相。假名爲心。（見圓覺經。參看迦耶條。）

身體

詳迦耶條。

身疾

經云。長者維摩詰，以如是等無量方便。饒益衆生。其以方便現身有疾。以其疾故。國王大臣，長者居士，婆羅門等，及諸王子，并餘官屬，無數千人。皆往問疾。其往者，維摩詰因以身疾，廣爲說法。諸仁者，是身無常。無強，無力，無堅，速朽之法。不可信也。爲苦，爲惱。衆病所集。諸仁者，如此身，明智者所不怙。是身如髮沫。不可撮摩。是身如泡。不得久立。是身如燄。從渴愛生。是身如芭蕉。中無有堅。是身如幻。從顛倒起。是身如夢。爲虛妄見。是身如影。從業緣現。是身如響。屬諸因緣。是身如浮雲。須臾變滅。是身如電。念念不住。是身無主爲如地。是身無我爲如火。是身無壽爲如風。是身無人爲如水。是身不實。四大爲家。是身爲空。離我所。是身無知。如草木瓦礫。是身無作。風力所轉。是身不淨。穢惡充滿。是身爲虛僞。雖假以澡浴衣食。必歸磨滅。是身爲災。百一病惱。是身如邱井。爲老所逼。是身無定。爲要當死。是身如毒蛇，如怨賊，如空聚，陰界諸入所共合成。諸仁者，此可患厭。當樂佛身。（見維摩經方便品。參看佛身條。）

身相

詳身心條。

身影

梵語頻婆帳。此云身影。（詳六喻條。）

身見

詳五見條。

身病

詳四諦條。

身口意業

詳三業條。

身受心法 詳四念處條。

劫波 或云劫簸。此云分別時節。今經論但云劫者。從略耳。(見名義集選。)劫有大中小不同。一增一減，合一千六百八十萬年，爲一小劫。二十小劫爲中劫。合四中劫(即成住壞空，各二十小劫。)爲一大劫。(見二課合解。)世界起滅。有成住壞空四劫。經一期之成住壞空。謂之一大劫。故一大劫，有十三萬四千四百萬年。(見佛教答問選錄。)俱舍云。時之極少名剎那。時之極長名爲劫。(見名義集。參看一小劫，莊嚴劫條。)

劫賓那 此云房宿。父母禱房星感子。舊曰金毘羅。此翻威如王。(見名義集。)又云。房宿，善觀星象。初來投佛。中路值雨。寄宿陶舍。佛化一僧。亦來求宿。僧爲說法。卽證道果。僧復佛形。故名。佛弟子中。知星宿第一。(見二課合解。)

劫波育 或劫貝。詳木蘇條。

沙門 或云桑門。或名沙迦漚囊。皆訛。正言室摩那拏。或舍羅摩拏。此言功勞。言修道有多勞也。什師云。佛法及外道。凡出家者。皆名沙門。肇云。出家之都名也。阿含經云。捨離恩愛。出家修道。攝御諸根。不染外欲。慈心一切。無所傷害。遇樂不欣。逢苦不戚。能忍如地。故號沙門。瑞應經云。息心達本源。故號爲沙門。或云具名沙門那。此云乏道。以爲良福田故。能斷衆生饑乏。以修八正道故。能斷一切邪道。故迦葉品云。沙門那者。卽八正道。沙門果者。從道畢竟永斷一切貪瞋癡等。或以沙門翻勤息。垂裕記云。謂勤行衆善。止息諸惡也。瑜伽論云。有四沙門。一勝道沙門。卽佛等。二說道沙門。謂說正法者。三活道沙門。謂修諸善品者。四污道沙門。謂諸邪行者。(見名義集。)

沙彌 南山沙彌別行篇云。此翻息慈。謂息世染之情。以慈濟羣生也。又云。初入佛法。多存俗情。故須息惡行慈也。音義云。沙彌二字。古訛略也。唐三藏云。室利摩拏路迦。此翻勤策男。室利摩拏理迦。(沙彌尼)此翻勤策女。寄歸傳云。授十戒已。名室羅末尼。譯爲求寂。最下七歲。至年十三者。皆名驅烏沙彌。若年十四至十九。名應法沙彌。若年二十以上。皆號名字沙彌。(見名義集。)

沙彌戒 詳十戒條。(參看持戒條。)

我見 詳二我見條。(參看五見條。)

我所 梵語磨磨迦羅。秦言我所。(詳四十二字條。)

我我所 我者，衆生於五陰身中。強立主宰。名之爲我。我所者，衆生妄執五陰之身，及男女資生等物。皆名我所。

(見三藏法數。參看四種我條。)

形色 詳三種色條。

形位 詳胎中五位條。

形相 詳三種色條。

形身 楞伽云。形身者。謂顯示名句。是名形身。又形身者。謂長短高下。注曰。形身，卽字也。(見名義集。參看

名句文身條。)

車渠 詳七寶條。

車匿 梵語闍釋迦。西域記云。舊曰車匿。訛也。亦釋種。太子出家。令車匿牽犍陟。犍陟，馬名。正云建他歌。譯

云納。經音義云。車匿，本是守馬奴名。淨名疏云。其自恃王種。輕諸比丘。僧法事時。輕笑言。如似落葉。旋風所吹。聚在一處。何所評論。佛去世後。猶自不改。佛令作梵壇。謂默擯也。亦云彼梵天治罪法。別立一壇。其犯法者。令入此壇。諸梵不得共語。(見名義集。參看梵壇條。)

見分 詳識分條。

見取 詳五見條。

見道位 詳聲聞位條。

見思惑 惑卽煩惱也。三界見惑。有八十八使。所謂身見，邊見，見取見，戒取見，邪見。已上爲利使。貪，瞋，癡，慢，疑。已上爲鈍使。此十使歷三界四諦下。增減不同。成八十八使。思惑有八十一品。謂三界分爲九地。欲界合爲一地。色界四地。無色界四地。四禪四定爲八。共爲九地。(參看九有條。)此九地各有九品。故成八十一品。初果

斷三界八十八使見惑。二果三果斷欲界九品思惑。四果阿羅漢。斷三界見思惑盡。子縛已斷。果縛猶在。名有餘涅槃。若灰身泯智。名無餘涅槃。(見四教儀，參看八十八使，八十一品條。)

忍辱

梵語羸提。此云安忍。法界次第云。秦言忍辱。內心能安忍外所辱境。故名忍辱。忍辱有二種。一者生忍。二者法忍。云何名生忍。生忍有二種。一於供敬供養中。能忍不著。則不生嬌逸。二於瞋罵打害中。能忍則不生瞋恨怨惱。是爲生忍。云何名法忍。法忍有二種。一者非心法。謂寒，熱，風，雨，飢，渴，老，病，死，等。二者心法。謂瞋，悲，憂，愁，疑，惑，淫，欲，嬌，慢，諸邪見等。菩薩於此二法。能忍不動。是名法忍。(見名義集。)論曰。云何修行忍門。所謂忍他人之惱。心不懷報。亦當忍於利衰毀譽稱譏苦樂等法故。(參看八風條。)又曰。所謂見惡不嫌。遭苦不動。常樂觀察甚深句義。(見起信論。)

忍辱仙

梵語羸提。此云忍辱仙。因果經云。釋迦因地爲忍辱仙人。在一山中修道。時憍陳如爲國王。名歌利。受性暴惡。一日將諸綵女入山。獵倦假寐。時諸侍臣入林採花。行至仙人菴前。仙爲說法。良久王悟。不見諸女。攜劍尋覓。見在仙菴前。王怒。問曰。汝何人。答。忍辱仙也。又問得上地定耶。答未。王曰。既未得上定。乃是凡夫。遂拔劍截下仙人手足。見仙神色不動。遂問汝恨我耶。仙曰不恨。願我成佛。先度於王。今既得道。先度陳如。卽歌利王也。(見釋迦如來成道記註。)經云。如我昔爲歌利王割截身體。我於爾時。無我相，無人相，無衆生相，無壽者相。何以故。我於往昔節節支解時。若有我相，人相，衆生相，壽者相。應生瞋恨。又念過去於五百世作忍辱仙人。於爾所世。無我相，無人相，無衆生相，無壽者相。(見金剛經。)西域記云。慧羯釐城東。有大窰塔波。是忍辱仙被歌利王割截之處。發軫問。輔行引此。明三藏忍度滿相。(參省六度滿相條。)金剛經所說。其義云何。答。割截是同。但隨藏衍。說忍爲異。藏謂伏惑。正修事忍。衍謂斷惑。達事卽空。亦猶儒童見燃燈佛。通於四教行因之相。(見名義集。)伽耶 其一。城名。此云山城。去菩提道場約二十里。西域記云。城甚險固。城西南五六里至伽耶山。(卽象頭山也。)谿谷杳冥。峯巒危險。印度國俗。稱曰靈山。自昔君王馭宇承統。化洽遠大。德隆前代。莫不登封而告成功。(見名義集。)又云。泮沙王舊城。西彌迦女奉佛乳糜處。(見佛爾雅。)其二。獸名。或云那伽。或云那先。此云象。

異物志云。象之爲獸。形體特詭。身倍數牛。目不踰豕。鼻爲口役。望頭若尾。馴良承教。聽言則跪。素牙玉潔。載籍所美。服重致遠。唐玄奘三藏傳云。西域有伽藍。以沙彌知寺任。相傳昔有菽藟。招命同學。遠來禮拜。見野象銜花。安置塔前。復以牙芟草。以鼻灑水。衆見感歎。有一苾芻。便捨大戒。願留供養。謂衆人曰。象是畜生。猶知敬塔。我居人類。豈視荒殘而不供事。遂結宇疏地。種花植果。雖涉寒暑。不以爲勞。鄰國聞之。共建伽藍。卽屈知僧務。乃爲故事。大論云。如象王視。若欲回身觀時。舉身俱轉。大人相者。身心專一。若有所觀。身心俱迴。(分見名義集。)

伽梨 詳僧伽梨條。

伽陀 其一。此云孤起。(詳十二部經條。)其二。秦言底。(詳四十二字條。)

伽耶迦葉 (詳千二百五十八條。)

伽梵達摩 智昇續經圖紀云。唐云尊法。西印度人。譯大悲經。(見名義集。)

伽藍聖衆 謂護伽藍諸神也。佛世有十八護神。一美音。二梵音。三天鼓音。四歎妙。五歎美。六摩妙。七雷音。

八師子。九妙歎。十梵響。十一人音。十二佛妙。十三歎德。十四廣目。十五妙根。十六徹聽。十七徹視。十八徧視。此佛世時受囑護法之神也。東土有華光，玄應，闕羽，昭明太子等。隨處顯靈。故多奉之。(見二課合解。參看僧伽藍條。)

那伽 此云龍。其一。說文云。龍爲鱗蟲之長。能幽能明。能大能小。能長能短。春分而登天。秋分而入地。順也。

廣雅云。有鱗曰蛟龍。有翼曰應龍。有角曰虬龍。無角曰螭龍。未升天曰蟠龍。本行集經。稱佛爲龍者。謂世間有愛。皆遠離之。繫縛解脫。諸漏已盡。故名爲龍。故曰。那伽常在定。無有不定時。(見名義集。)六祖偈云。繁興永處那伽定。人天眼目下注云。那伽定者。此曰龍定。龍常靜思念攝。故有定力。能現大變。佛有四威儀而常在定。故喻龍也。(見壇經箋註。)其二。爲八部衆名。(參看天龍八部條。)華嚴云。龍王降雨。不從身出。不從心出。無有積集。

而非不見。但以龍王心念力故。霑然洪霖。周徧天下。如是境界不可思議。龍有四生。俱舍云。卵生金翅鳥。能食四

生龍。海龍王經。龍王白佛。如此海中。無數種龍。有四金翅常來食之。願佛擁護。令得安隱。於是世尊脫身皂衣。告龍王言。汝取是衣。分與諸龍。皆令周徧。於中有值一縷之者。金翅鳥王。不能觸犯。持禁戒者。所願必得。（見名義集。）阿含經云。大海之北。有居吒奢摩離樹。（此云鹿聚。）高一百由旬。枝葉徧覆五十由旬。龍與金翅鳥王各有胎卵溼化四種。皆依此樹四面而住。各有宮殿。縱廣六百由旬。皆七寶莊飾。（見佛爾雅。）起世因本經云。卵生龍。居吒奢摩離羅樹東面。胎生龍居樹南面。濕生龍居樹西面。化生龍居樹北面。所居宮殿。皆七寶莊嚴。（見三藏法數。）其三。摩訶那伽。大論云。那伽。或名龍。或名象。是五千阿羅漢。諸羅漢最大力。以是故，言如龍如象。水中龍力大。陸行中象力大也。中阿含經云。佛告鄔陀夷。若沙門等。從人至天。不以身口意害。我說彼是龍象。淨名疏云。羅漢若得超越。名摩訶那伽。心調柔軟。三乘事定。齊此爲極。記云。如涅槃歎德云。人中之龍也。（見名義集。）

那羅 詳上伎戲條。

那婆 或那婆摩利。此云雜華。（見法華經，名義集。）

那摩 詳名具文身條。

那由他 或云阿度多。或云術那。或云那術。此云萬億。（見名義集。參看度量衡條。）

那落迦 地獄名。此翻惡者。那落，是者義。迦，是惡義。造惡之者。生彼處故。此標正報也。（見名義集，參看捺落迦條。）

那羅延 其一。菩薩名。維摩經，那羅延菩薩。涅槃疏，翻爲金剛。以法身常住，如金剛不朽故。其二。鬼神名。此翻鉤鎖力士。或翻堅固。（見名義集選。）

那爛陀 西域記曰。唐云施無厭。此伽藍南庵沒羅園中。有池。其龍名那爛陀。旁建伽藍。因取其稱。從其實義。是如來昔行菩薩道時。爲大國王。建都此地。憐愍衆生。好樂周給。時美其德。號施無厭。大宋僧傳云。那爛陀寺。周圍四十八里。九寺一門。是九天王所造。西域伽藍。無如其廣矣。（見名義集。）

那提迦葉 詳二百五十八條。

求那跋摩

譯師名。宋云功德鏡。罽賓國王之少子。洞明九部。博曉四含。深達律品。妙入禪要。誦經百餘萬言。

罽賓王薨。衆請紹位。恐爲戒障。遂林栖谷飲。孤行山野。遁迹人世。形儀感物。見者發心。宋元嘉中。達於建業。

帝曰。弟子常欲齋戒不殺。迫以身徇於物。不獲從志。法師何以教之。對曰。夫道在心不在事。法由己非由人。且帝

王與匹夫。所修各異。匹夫身賤名劣。言令不威。若不尅己苦躬。將何爲用。帝王以四海爲家。兆民爲子。出一嘉言

。士女咸悅。布一善政。人神以和。固當形不天命。役無勞力。則使風雨適時。寒暖應節。百穀滋繁。桑麻鬱茂。如

此持齋。齋亦大矣。如此不殺。德亦衆矣。甯在缺半日之餐。全一禽之命。然後方爲弘濟耶。帝大悅。曰。法師所言

。真所謂開悟人心。明達物理。談盡於人天之際矣。事鈔云。宋元嘉七年。至揚州。譯善戒等經。(見名義集。)

求那跋陀羅

譯師名。此云功德賢。中印度人。幼學五明四韋陀論。志性明敏。度量該博。後遇雜心。莫測涯際。

方悟佛法崇深。投簪落髮。專精志業。博通三藏。慈和恭恪。事師盡禮。捨小學大。深悟幽旨。宋文帝勅住祇洹。荆

州刺史南譙王劉義宣。嘗請講華嚴經。跋陀自愧未善宋言。旦夕禮懺。求觀世音。忽夢有人。白服持劍。擎一人頭來

。謂陀曰。何故憂耶。陀以意對。答曰。不須多憂。即便以劍易陀首。更安新頭。問曰。得無痛耶。答曰。不痛。既

痛。心神喜悅。於是就講。辯注若流。後還揚都。屬帝宴會。王公畢集。帝欲試其機辯。並解人意不。帝見其白首。

而謂曰。師今日不負遠來之意。自外知何。唯有一在。賢卽答言。慕化遠來。天子恩遇。垂三十載。今年七十一。唯

一死在。帝大悅。(見名義集。)

成實宗

詳十宗條。

成實論

詳訶梨跋摩條。

成住壞空

詳劫波條。

成所作智

詳四智條。

成唯識論

是論爲護法等菩薩造。(梵語達摩波羅。唐言護法。)唐玄奘法師之所譯也。昔印度有一無著菩薩。證初

地後。卽得神通。升兜率天宮。請彌勒菩薩。降於中印度。說五部論。無著更造顯揚聖教論等。爲之闡揚。其弟世親

。復造攝大乘論釋論以應之。世親之後。復有護法菩薩等。解釋世親菩薩所作之唯識三十頌。護法之後。戒賢繼之。是時唐玄奘法師至印度。依戒賢學。及歸國後。更集諸師之論。釋三十頌。合成一部。名成唯識論。如是震旦有唯識宗。（參看十宗之法相宗條。）

戒賢

梵語尸羅跋陀羅。西域記云。唐言戒賢。唐奘三藏。親承經論。（見名義集。）

戒定慧

詳三學條。

戒禁取

詳五見條。

作止任滅

詳四病條。

作瓶天子

作瓶天子。卽色界淨居天也。經云。爾時虛空有一天子。名曰作瓶。見悉達太子在於宮內。恐其著五欲

樂。乃言我當爲彼作於厭離之想。卽以威神感動。令其宮內所作音樂。皆爲不順五欲之事。唯傳涅槃微妙之聲。欲令厭離世間。心生覺悟。太子聞是聲已。遂發出遊之心。卽向迦毘羅城四門遊觀也。（見佛本行集經，三藏法數。）

住心

論云。問。心住何處卽住。答住無住處卽住。問。云何是住無住處。答不住一切處。卽是住無住處。云何是不

住一切處。答。不住一切處者。不住善惡有無內外中間。不住空。亦不住不空。不住定。亦不住不定。卽是不住一切處。只個不住一切處。卽是住處也。得如是者。卽名無住心也。無住心者。是佛心。問。其心似何物。答。其心不青不黃。不赤不白。不長不短。不去不來。非垢非淨。不生不滅。湛然常寂。此是本心形相也。亦是本身。本身者，卽佛身也。（見頓悟入道要門論。）經云。應生無所住心。若心有住。卽爲非住。又云。應無所住。而生其心。是也。（見金剛經。）

住地惑

詳五住條。

住持三寶

一泥龕塑像爲佛寶。泥龕塑像者。佛滅度後。以泥木雕塑爲像。住世不絕。是爲佛寶。二黃卷赤軸爲法

寶。黃卷赤軸者。卽今大藏經卷是也。以其住世不滅。是爲法寶。三剃髮染衣爲僧寶。剃髮染衣者。謂剃除鬚髮。著染色衣。卽世間之僧。以能流通佛法。是爲僧寶。（見華嚴疏鈔，并三寶章，及三藏法數。）

別相三寶

其一。亦名別體三寶。謂佛法僧各各相別不同。故名別相三寶。一佛寶。謂佛初於菩提樹下成道。但示丈六之身。及說華嚴經時。現爲盧舍那尊特之身。是爲佛寶。二法寶。謂五時所說大乘小乘，經律論藏。是爲法寶。三僧寶。謂稟佛教法。修因得果。卽聲聞緣覺菩薩。是爲僧寶。（見釋氏要覽。）其二。別相者。謂三寶中，名相各各不同。故云別相三寶也。一佛寶。謂佛具十身。（參看十身條。）名相差別不同。故名佛別相也。二法寶。謂佛說一大藏典。具教法，理法，行法，果法，名相不同。（教卽經教。理卽性理。行卽行業。果卽果位。）故名法別相也。三僧寶。謂文殊普賢諸大菩薩。乃至三賢十聖。（參看三賢十聖條。）各各修證地位不同。故名僧別相也。（見華嚴疏鈔，并三寶章，三藏法數。）

妙高山

卽須彌山。四寶合成曰妙。迺出羣山曰高。其高八萬四千由旬。廣亦如之。毘曇俱舍云。妙高。七寶所成。故名妙。出七金山。故名高。觀經疏云。舉高三百三十六萬里。縱廣亦爾。（見名義集。參看須彌條。）

妙吉祥

詳文殊師利條。

妙觀察智

詳四智條。

孝養父母

長蘆贖禪師。作勸孝文一百二十篇。前百篇。言孝養甘旨。爲世間之孝。後二十篇。勸父母修淨土。爲出世之孝。世間之孝。一世而止。出世之孝。無時而盡。能使父母生淨土。莫大之孝也。父母現在。而不以此勸勉。

他日徒爾傷心。徒爲厚禮。亦何益哉。觀經，前後兩說。孝養父母。爲淨業。卽此意也。（見重訂西方公據。）觀經疏鈔云。欲生極樂國土。必修十六妙觀。願見彌陀世尊。要行三種淨業。云何三種淨業。觀經佛告韋提希云。欲生彼國者。當修三福。一者孝養父母。奉事師長。慈心不殺。修十善業。二者受持三歸。具足衆戒。不犯威儀。三者發菩提心。深信因果。讀誦大乘。勸進行者。如此三事。名爲淨業。又云。此三種業。乃是過去未來現在三世諸佛淨業正因。（見佛說觀無量壽佛經。）又經云。佛在室羅筏逝多林給孤獨園。爲衆說法。時彼三十三天。於善法堂會。有一天子。名曰善住。居大寶宮。天女侍從。前後圍繞。縱逸嬉戲。與諸妓女。共相娛樂。時夜後分。忽聞空中有聲喚言。善住天子。汝從今數。却後七日。汝當捨報。墮於閻浮。作七種畜生。常食穢惡不淨之物。次墮地獄。備受諸苦。經多

劫後。方得爲人。雖得人身。生無兩目。矧陋羸醜。諸根不具。口氣常嗅。恆乏衣食。貧窮下賤。人所棄惡。爾時善住天子。聞語驚惶。疾詣天帝釋所。具白帝釋。帝釋聞語。甚大驚愕。即時思惟。而以天眼觀其所報。見已。復作是念。我但見此受報少分。而諸因感深遠之事。非我能測。唯有如來正徧知海。能知如是善惡等因。如我應往諮問是事。世尊大慈。應爲我等說是所以。或令善住。得免斯苦。因往問佛。佛告帝釋言。善男子。汝大慈心。能爲善住問其往昔因緣善惡業報之事。又能請我除免其苦。甚善。大善。諦聽諦聽。吾當爲汝分別解說。爾時世尊。從於頂上。放大光明。流照十方一切佛界。照已。還至佛所。繞佛三匝。從佛口入。佛便微笑。告帝釋言。乃往過去無量阿僧祇劫。爾時有佛。號毘婆尸如來。化世緣盡。般涅槃後。於像法中。爾時有國。名波羅奈。時有婆羅門。唯誕一子。身遂捨壽。其母孤養。年漸長大。向田營種。貧母爲之處處求食。未得之間。食時稍晚。其子飢渴。瞋心恚母。便出惡言。今日何緣不來送食。冤煩繫恨。再三返復。更出恚言。我母今者。不如畜生。我見猪狗野干獼猴烏鷲之類。養育兒子。爲憐念故。猶尙不令飢渴。無暫捨離。如何我母。不來見看。飢渴如是。復不送食。懷是怨恨。未久之間。母求得食。遽持來至。慰喻其子。令使歡喜。適坐欲食。忽於空中。見一獨覺。作沙門形。飛從南來。騰空北過。其子見已。心生敬仰。卽起合掌。頭面作禮。邀屈臨降。時辟支迦。便就祈請。其子歡喜。敷白茅座。獻淨妙華。滅其食分。持以奉上。比丘食已。爲說法要。示教利喜。其子於後。復得出家。而被差作維那知事。時有婆羅門造立僧坊。安置徒衆。復有施主送多酥油。時諸客僧。在於寺食。維那見已。心慳瞋恚。嫌客煩亂。酥油等味。都不與食。客問曰。此是檀越施現前僧。何故留之不行徒衆。而是維那卒躁惡性。即便唱罵。你客僧等。何不噉屎噉尿。索酥油耶。你眼盲耶。見有酥油。我匿之乎。佛告帝釋。爾時婆羅門子者。今善住天子是也。由其恚言。將畜比母。今招七返。作畜生身。又由作維那時。出食穢言業感。今其常食不淨。慳僧食故。地獄受苦。罵盲瞎故。得無目報。七百生中。常無兩目。長處黑闇。受大辛苦。天帝。當知如是罪業有因。會報終不敗滅。復次。天帝。善住天子得生天者。由彼過去供養辟支。敷座獻華。恭敬施食。開法力故。今受天福。經爾數劫。常勝妙樂。又由辟支騰空過時。其人發心。仰於空中。傾心致敬。頭面作禮。由是功德。今賴空中神聲預報。其報之者。卽是善住守殿神也。爾時善住。承佛

所說。卽知自業。皆是宿緣。卽於佛前。深自咎責。卽使舉身。投躡於地。徧身血瘀。如笮華帶。悶絕良久。方漸甦息。號咷雨泣。悲不自勝。佛告善住及天帝釋。十惡業緣。惡口尤最。當知惡罵。甚於猛火。而此猛火。但焚七珍之財。但焚世間資玩等物。惡口猛火。能燒七聖之財。（參看七聖財條。）能燒出世一切功德。消滅蕩盡。遽招惡報。如汝善住。一言恨母。一罵衆僧。燒天報盡。復入地獄。天帝。父母衆僧。不應輕毀。理當尊重。恭敬供養。輒語稱讚。常念其恩。三界慈愛。唯有父母。三世佛田。不過衆僧。如八輩眞僧。十二賢聖。供養之者。不虛功德。欲求出世。進可成道。甯應僧處。輒生欺語。父母生養。劬勞辛苦。十月妊娠。三年乳哺。長養教誨。艱憂備盡。冀其成立。才藝過人。又望出家。度脫生死。以是思念。昊天難報。是故我語阿難。左肩擔父。右肩擔母。繞須彌山。百千萬市。血流沒踝。尙不能報一日乳哺之恩。豈應惡念。輕生詆語。佛告帝釋。善住天子。今我見故。得五眼淨。懺悔微故。罪亦除滅。佛顧善住而謂之曰。汝止勿泣。我有法門。名最勝佛頂陀羅尼呪。持是呪者。能令汝得離苦解脫。（見最勝佛頂陀羅尼淨除業障經。）

初果 詳四果、聲聞位條。

初地 詳十地條。

初阿僧祇 詳三祇條。

吠陀 詳韋陀條。

吠舍佉月 詳時分條。

但三衣 三衣者。九條、七條、五條、袈裟之衣也。（參看法衣條。）謂比丘少欲知足。衣取蓋形。不多不少。如白衣之人。畜種種衣、及外道苦行裸形無恥。皆不合中道。是故佛弟子捨此二邊。但受三衣。爲頭陀行也。（見三藏法數。參看十二頭陀行條。）

但空不但空 但空、謂二乘之人。觀一切法皆悉虛幻。但見偏空。不見不空。故名但空。不但空、謂諸菩薩非但見空。兼見不空。不空卽中道。故名不但空。（見止觀、四教儀。）

希有 金剛經纂要刊定記、明佛有四種希有。一時希有。謂佛出世時希有。二處希有。謂佛降生處希有。三德希有。謂佛具無量佛慧最勝第一。非諸菩薩等所可思議。實爲希有。四事希有。謂佛從兜率天降。以至涅槃。隨其願力。能現八種事。利益衆生。實爲希有。（見三藏法數。）亦云未曾有。妙玄云。佛現種種神力。衆生怪未曾有。（見名義集。）

却魔法 謂坐禪之人。正定未發。多有魔事。心生驚怖。破壞善根。若能端心正念。則邪不干正。魔自滅謝。故有二種却魔之法也。一修止却魔。謂坐禪之人。修定之時。或見父母兄弟、諸佛形像。一切可愛之境。令人樂著。或見師子、虎狼、羅刹。一切可畏之形。令人怖懼。即當了達此是諸魔惑亂之相。悉皆虛誑。不喜不怖。而唯息心寂靜。則彼當自滅。是爲修止却魔。二修觀却魔。謂坐禪之人。修定之時。於諸魔境。修止却之不去。即當返觀。能見之心。無有處所。彼何所惱。如是觀時。尋當謝滅。若遲遲不去。但當正心。勿喜勿懼。則正定現前。彼當自滅。是爲修觀却魔。（見修習止觀坐禪法要、三藏法數。）起信論云。或有衆生。無善根力。則爲諸魔外道鬼神之所惑亂。若於坐中。現形恐怖。或現端正男女等相。當念唯心。境界則滅。終不爲惱。或現天像菩薩像。亦作如來像。相好具足。或說陀羅尼。或說布施、持戒、忍辱、精進、禪定、智慧。或說平等。空無相無願。無怨無親。無因無果。畢竟空寂。是真涅槃。或令人知宿命過去之事。亦知未來之事。得他心智。辯才無礙。能令衆生貪著世間名利之事。又云。或復令人若一日若二日若三日乃至七日。住於定中。得自然香美飲食。身心適悅。不飢不渴。使人愛著。或亦令人食無分齊。乍多乍少。顏色變異。以是義故。行者常應智慧觀察。勿令此心墮於邪網。當勸正念。不取不著。則能遠離是諸業障。應知外道所有三昧。皆不離見愛我慢之心。貪著世間名利恭敬故。真如三昧者。不住見相。不住得相。乃至出定。亦無懈怠。所有煩惱。漸漸微薄。若諸凡夫。不習此三昧法。得入如來種性。無有是處。又云。若人唯修於止。則心沈沒。或起懈怠。不樂衆善。遠離大悲。是故修觀。修習觀者。當觀世間一切有爲之法。無得久停。須臾變壞。一切心行。念念生滅。以是故苦。應觀過去所念諸法。恍惚如夢。應觀現在所念諸法。猶如電光。應觀未來所念諸法。猶如於雲忽爾而起。應觀世間一切有身。悉皆不淨。種種穢污。無一可樂。又云。若修止者。對治凡夫住著世間。能捨

二乘法弱之見。若修觀者。對治二乘不起大悲狹劣心過。遠離凡夫不修善根。以是善故。是止觀二門。共相助成。不相捨離。若止觀不具。則無能入菩提之道。(見梁譯起信論。參看止觀條。)

坐具 梵語尼師壇。此云坐具。(詳尼師壇條。)

沈香 梵語呵伽嚧。或惡揭嚧。此云沈香。(或云沈水香。)華嚴云。阿那婆達多池邊。(即阿耨達池。)出沈水香。名蓮華藏。其香一圓。如麻子大。若以燒之。香氣普熏閻浮提界。異物誌云。出日南國。欲取。當先斫樹壞。著地積久。外朽爛。其心堅者。置水則沈。曰沈香。其次在心白之間。不甚精堅者。置之水中。不沈不浮。與水平者。名曰篋香。(見名義集。)

角果 詳五果條。

角城 梵語拘尸那。此云角城。(詳拘尸那條。)

邪命 詳五邪命、四邪命條。

邪見 詳五見條。

究竟卽佛 詳六卽佛條。

究竟涅槃 詳涅槃條。

赤光珠 梵語鉢摩羅伽。此云赤光珠。(詳七寶條。)

虬龍 梵語叔叔邏。此云虬。符瑞圖云。黃帝時有虬龍。黑身無鱗甲。背有名字。梵語畜毘羅。此云蛟。有鱗曰蛟龍。抱朴子曰。母龍曰蛟。子曰虬。山海經云。蛟似蛇而四脚。小頭細頸。廣雅云。有鱗曰蛟龍。有角曰虬龍。(分見名義集。)

七
畫

11011

八畫

法華 佛經名。梵語薩達磨芬陀利。此云妙法蓮華。（七卷二十八品。姚秦天竺沙門鳩摩羅什譯出。）天台云。妙，名不可思議。法，謂十界十如權實之法。蓮華者。喻權實之法也。慈恩云。藻宏綱之極唱。旌一部之都名。法合軌持。縮羣祥以稱妙。華兼秀發。總衆美而彰蓮。（見名義集。）又云。釋尊於靈鷲山。說妙法蓮華經。開示向說三乘之權法。顯出唯一佛乘之實法。爲吾佛出世本懷。欲衆生成皆作佛。極唱圓滿了義之教。在會弟子。無論有學無學。皆授以將來成佛之記。以龍女一生成佛爲之證明。真所謂吾佛說法。妙極於斯矣。（見釋尊紀略。）

法界 梵語達摩馱都。此云法界。妙樂云。所詮無外。故名法界。賢首云。依生聖法。故云法界。清涼云。法界者。一切衆生身心之本體也。起信論云。心真如者。卽是一法界大總相法門體。所謂心性不生不滅。一切諸法。唯依妄念而有差別。淨名云。從無往本。立一切法。天台釋云。若迷無住。則三界六道。紛然而有。卽立世間一切諸法。若解無住。卽是無始無明。返本還源。發真成聖。故有四種出世聖法。清涼新經疏云。統唯一眞法界。謂總該萬有。唯是一心。然心融萬有。便成四種法界。一事法界。界是分義。一一差別。有分齊故。二理法界。界是性義。無盡事法。同一性故。三理事無礙法界。具性分義。性分無礙故。四事事無礙法界。一切分齊事法。一一如性融通。重重無盡故。（見名義集）又云。一事法界。謂諸衆生色心等法。一一差別。各有分齊。（分齊者，限量也。）故名事法界。二理法界。謂諸衆生色心等法。雖有差別。而同一體性。故名理法界。三理事無礙法界。謂理由事顯。事攬理成。理事互融。故名理事無礙法界。四事事無礙法界。謂一切分齊事法。稱性融通。一多相卽。大小互容。重重無盡。故名事事無礙法界。（見華嚴法界觀，三藏法數。）

法身 經云。善男子。云何菩薩摩訶薩了知法身。爲除諸煩惱等障。爲具諸善法故。唯有如如，如如智。是名法身。前二種身。（化身，應身，）是假名有。此第三身。是眞實有。爲前二身而作根本。何以故。離法如如。離無分別智。一切諸佛無有別法。一切諸佛智慧具足。一切煩惱究竟滅盡。得清淨佛地。是故法如如，如如智。攝一切佛法。（見金光明經分別三身品。）唯識論云。一自性身。謂諸如來眞淨法界。受用變化平等所依。離相寂然。絕諸戲論。具

無邊際真實功德。是一切法平等實性。卽此自性。亦名法身。（見名義集。參看佛身條。）

法性

梵語馱摩。秦言法性。小品馱字門。（參看四十二字條。）入諸法性不可得故。唯識論明三性。一徧計所執性。二依他起自性。三圓成實性。（參看三自性條。）南岳云。心體平等。名真實性。心體爲染淨所熏。依隨染淨二法。名依他性。所現虛相果報。名分別性。（見名義集。）

法衣

卽僧衣。依律所規定而製者。故名法衣。有上中下三品。一僧伽梨。（謂上衣。）此云大衣。或云說法衣。升座時著故。（參看僧伽梨條。）二鬱多羅僧。（謂中衣。）此云上著衣。卽七條也。或云入衆衣。禮誦時著故。（參看鬱多羅僧條。）三安陀會。（謂下衣。）此云中宿衣。卽五條也。或云作務衣。一切時著故。（參看安陀會條。）菩薩戒經云。五條名中著衣。七條名上衣。大衣名衆集時衣。戒壇經云。五條下衣。斷貪身也。七條中衣。斷瞋口也。大衣上衣。斷癡心也。（分見名義集。）

法爾

婆沙云。法應爾。不可改易。不可徵詰。是法爾義。淨覺云。外道計自然者。亦是斷滅。自然。然。是也。自，如是也。自然與法爾同。（見名義集。）

法忍

詳忍辱條。

法會

釋尊住持四十九年。說法三百餘會。如祇園法會，靈山法會等。是也。（見諸經。）

法相

經云。法王法力超羣生。常以法財施一切。能善分別諸法相。於第一義而不動。已於諸法得自在。是故稽首此法王。說法不有亦不無。以因緣故諸法生。無我無造無受者。善惡之業亦不亡。（見維摩經佛國品。）又云。夫說法者。當如法說。法無衆生。離衆生垢故。法無有我。離我垢故。法無壽命。離生死故。法無有人。前後際斷故。法常寂然。滅諸相故。法離於相。無所緣故。法無名字。言語斷故。法無有說。離覺觀故。法無形相。如虛空故。法無戲論。畢竟空故。法無我所。離我所故。法無分別。離諸識故。法無有比。無相待故。法不屬因。不在緣故。法同法性。入諸法故。法隨於如。無所隨故。法住實際。諸邊不動故。法無動搖。不依六塵故。法無去來。常不住故。法順空，隨無順，應無作。法離好醜。法無增損。法無生滅。法無所歸。法過眼耳鼻舌身心。法無高下。法常住不動。法

一切觀行。唯。大目連。法相如是。豈可說乎。夫說法者。無說無示。其聽法者。無聞無得。譬如幻士。爲幻人說法。當建是意而爲說法。當了衆生根有利鈍。善於知見。無所罣礙。以大悲心。讚於大乘。念報佛恩。不斷三寶。然後說法。（見維摩經弟子品。）又云。法相者。謂五蘊，十二入，十八界等諸法。以肉眼觀故。則見是有。以慧眼觀故。則見是無。衆生迷故。於此等法起執取相。故名法相。又云。菩薩諦觀世間一切諸法。皆卽法界真實之理。無取無捨。無瞋無喜。平等一相。由是觀故。滅衆生相。成就法相。（見三藏法數。）又云。一切世諦。有爲無爲。通名法相。

（見大乘義章二。）

法藏

梵語曇摩迦。此翻法藏比丘。乃無量壽佛行因時名。（見名義集。參看四十八願條。）

法輪

梵語斫訖羅。此土翻輪。淨名經云。三轉法輪於大千。其輪本來常清淨。言三轉者。一曰示轉。二曰勸轉。三曰證轉。所云法者。軌持名法。軌謂軌則。令物生解。持謂任持。不捨自體。輔行云。輪具二義。一運轉義。二摧碾

義。文句云。轉佛心中化他之法度入他心。名轉法輪。輔行云。以四諦輪轉度與他。摧破結惑。如王輪寶。能壞能安。法輪亦爾。壞煩惱怨。安住諦理。智論云。諸佛法輪有二種。一者顯。二者密。顯謂顯露。言顯義露。號顯露教。如在鹿苑，顯爲五人說小。密謂祕密。權謀隱覆曰祕。神用潛益曰密。密爲八萬說大。故阿含云。甚深之理不可說。

第一義諦無聲字。（見名義集。）

法施

經云。法施有五勝利。一者法施兼利自他。財施不爾。二者法施能令衆生出於三界。財施之福。不出欲界。三者法施能淨法身。財施但唯增長於色。四者法施無窮。財施有盡。五者法施能斷無明。財施唯伏貪愛。（見金光明經

。參看布施條。）

法運

法運有三時。一正法時。去佛不遠。法未隣邪。教理行果。四皆有之。二像法時。去佛漸遠。像教僅存。教理

行三雖有。證果者幾希矣。三末法時。去佛遙遠。空贖似量。教理雖在。行果兩忘。（見南嶽祖師發願文。參看達摩條。）青龍疏云。有教行證。名爲正法。有教有行無證。名像法。像，似也。但有於教。而無行證。名爲末法。（見

名義集。）

法師 法者，軌則也。師者，訓匠也。法雖可軌。體不自弘。弘之在人。是故五種弘經之人。皆得稱爲法師也。一受

持。信力故受。念力故持。謂於如來言教。以堅固深信受之。於已憶持不忘。是爲受持法師。二讀經。對文曰讀。謂正心端坐。目觀經文。口宣句讀。是爲讀經法師。三誦經。背文曰誦。謂習讀既熟。不須對文。自然成誦。是爲誦經法師。四解說。謂聖教之義難解。若能分別解釋。訓授於人。是爲解說法師。五書寫。謂於諸佛經典。若能書寫廣傳。流通大法。是爲書寫法師。（見法華文句。）又云。六法師者。謂一信力故受。二念力故持。三看文爲讀。四不忘爲誦。五宣傳爲說。六難曉須釋。謂此法師於妙法自行成就。又能以妙法訓導於他。故稱法師。（見大智度論。）華嚴經十地品中。第九善慧地菩薩。修行一切功德行願。作大法師。善能守護如來法藏。以無量善巧智慧辯才。能與大眾而演說法。令諸衆生。得大安樂。具茲十德。名爲法師。一善知法義。二能廣宣說。三處衆無畏。四無斷辯才。五巧方便說。六法隨法行。七威儀具足。八勇猛精進。九身心無倦。十成就忍力。（見華嚴經疏，三藏法數。）法華疏云。利物以慈悲入室爲首。涉有以忍辱爲基。濟他以忘我爲本。能行三法。大教宣通。卽世間依止。名爲法師。（見名義集。）唐慧海禪師曰。夫法師者。踞師子之座。瀉懸河之辯。對稠人廣衆。啓鑿玄關。開般若妙門。等三輪空施。若非龍象蹴蹋。安敢當斯。（見頓悟入道要門論。）

法眼 詳五眼條。

法印 詳三法印條。

法王子 詳童眞條。

法華宗 詳十宗條。

法相宗 詳十宗條。

法界宗 詳十宗條。

法性宗 詳十宗條。

法我見 詳二我見條。

法四依 詳四依條。

法喜食 詳二食條。

法供養 詳供養條。

法緣慈 詳三緣慈條。

法滅相 摩耶經云。樂好衣服。縱逸嬉戲。奴爲比丘。婢爲比丘尼。不樂不淨觀。毀謗毘尼。袈裟變白。不受染色。

貪用三寶物等。是法滅相。大集經云。王問比丘不能說。遂差墮地。袈裟變白。法滅盡經云。沙門袈裟。自然變白。

(分見名義集。)

金剛 梵語跋折羅。亦云斫迦羅。大論云越闍。新云縛左羅。西域記云。伐羅闍。此云金剛。起居注云。晉武帝十三

年。燉煌有人獻金剛寶。生於金中。色如紫石英。狀如蕎麥。百鍊不消。可以切玉如泥。什師云。如有方寸金剛。數十里內。石壁之表。所有形色。悉於是現。大經云。如金剛寶置之日中。色則不定。金剛三昧亦復如是。若在大衆。

色則不定。大論云。金剛寶者。帝釋所執。與修羅戰。碎落閻浮。薩遮尼乾經云。帝釋金剛寶。能滅阿修羅。智碎煩惱山。能壞亦如是。無常經云。金剛智杵碎邪山。永斷無始相纏縛。(見名義集。)又云。金剛具含三義。一者堅義。

二者利義。三者明義。帝釋天有寶杵。名曰金剛。其體最堅。其用最利。其相最明。以堅故，萬物不能壞。以利故，能壞一切物。以明故，能令一切暗皆除也。(見金剛經新疏。)又金剛，喻也。故言體，言相，言用，多以金剛喻之。

如金剛藏，金剛智，金剛心等。因亦以之名神。如金剛密迹，金剛夜叉之類。又以之狀物。如金剛寶，金剛杵之類。是也。(見辭源。)

金鼓 詳蜜奢兜條。

金剛手 梵語跋闍羅波膩。梁云金剛。應法師云。跋闍羅。此云金剛。波膩。此云手。謂手執金剛杵以立名。(見名

義集。參看千佛條。)

金光明 梵語修跋拏，此言金。婆頗婆，此言光。鬱多摩，此言明。修跋拏婆頗婆鬱多摩。卽金光明也。天台云。法

性之法。可尊可貴。名法性爲金。此法性寂而常照名爲光。此法性大悲能多利益名爲明。（見名義集。）

金色蟻

健獸羅國。石壁上有佛像。初石壁有金色蟻。大者如指。小者如米。齧石壁。如雕鑄成立佛狀。（見佛爾雅。）

金剛經

佛於第四時中。（參看五時條。）說般若經。所說既多。法亦不一。大般若經。全部有六百卷。凡四處十六會說。一在靈鷲山七會。二在給孤獨園七會。三在他化天宮摩尼寶藏殿一會。四在王舍城、竹林園、白鷺池側一會。若

謂文相顯然。計有九會放光。見是光者。皆得無上菩提。（見金剛經新疏。）金剛經。卽大般若經中。第二處第九會。第五百七十七卷。此經我佛第九會說般若時周穆王九年戊子。阿難尊者所記。（具名金剛般若波羅密經。前後有六譯本。一姚秦鳩摩羅什譯。一元魏菩提流支譯。一陳之眞諦譯。各一卷。又有三譯。隋之達磨翻多。唐之玄奘，及唐之義淨。合爲六譯。此經讀誦者無數。稱讀者無邊。造疏及註解者。凡八百餘家。所說道理。各隨所見。見雖不同。法卽無二。宿植善根者。一聞便了。若無宿慧。讀誦雖多。不悟佛意。（見壇經箋註。）五祖大師。常勸僧俗。但持金剛經。卽自見性。直了成佛。六祖云。若欲入甚深法界，及般若三昧者。須修般若行。持誦金剛般若經。卽得見性。當知此經功德。無量無邊。經中分明讚歎。莫能具說。又云。若大乘人。若最上乘人。聞說金剛經。心開悟解。故知本性自有般若之智。自用智慧。常觀照故。不假文字。（見六祖壇經。）經云。如來爲發大乘者說。爲發最上乘者說。若有人能受持讀誦。廣爲人說。如來悉知是人。悉見是人。皆得成就不可量，不可稱，無有邊，不可思議功德。如是人等。則爲荷擔如來阿耨多羅三藐三菩提。（見金剛經。）六祖金剛般若經注自序云。經是聖人之語。教人聞之。從凡悟聖。永息迷心。此一卷經。衆人性中本有。不自見者，但讀誦文字。若悟本心，始知此經，不在文字。若能明了自性。方信一切諸佛，從此經出。（見壇經箋註。）六祖序。如來所說金剛喻者。祇爲世人性無堅固。定慧卽亡。口誦心行。定慧均等。是名究竟。金在山中。不知是寶。亦不知是山。何以故。爲無性故。人則有性。取其寶用。得遇金師。鑿鑿山破。取鑛烹煉。遂成精金。隨意使用。得免貧苦。四大身中。佛性亦爾。身喻世界。人我喻山。煩惱爲鑛。佛性喻金。智慧喻工匠。精進勇猛鑿鑿。身世界中。有人我山。人我山中。有煩惱鑛。煩惱鑛中。有佛性寶。佛性寶中。

有智慧工匠。用智慧工匠。鑿破人我山。見煩惱鑿。以覺悟火烹煉。見自金剛佛性了然明淨。是故以金剛爲喻。因以爲名也。（見文獻通考。）

金剛石 梵語阿濕磨。秦言石。小品唱磨字門時。（參看四十二字條。）謂知諸法堅牢。如金剛石不可壞故。（見名義集。）

金銀生像 沙彌十戒。第十不捉金銀生像。南山云。胡漢二彰。謂胡言生像。此翻金銀也。善見云。生色似色。似像也。謂金則生是黃也。銀則可染似金。故云生像。（見名義集。）

金剛上師 金剛上師者。毘盧教主也。卽自性一禮三寶。爲瑜伽大祕密教主。無盡三寶從此生故。又四方四佛。莫不從此毘盧金剛心中之所流出故。（參看五部教主條。）梵語毘盧遮那。此翻徧一切處。卽法身佛也。謂法性之體。清淨周圓。以法界爲身故。蓋法性本覺常照。卽自性佛寶。法性本具諸法。卽自性法寶。本覺與諸法。圓融無二。卽自性僧寶。然此一體三寶。是一切賢聖上上師尊。卽經云。法爲諸佛所師是也。四方四佛。卽一心四智。四智皆從清淨法界智體中流出。而金剛上師。卽中方毘盧遮那清淨法界智也。又名法性。性全是智。智徧法界。無法不具。一切賢聖。無非觀此法性而成就也。經云諸佛所師。所謂法也。（見二課一解。）

金剛拳印 以左手大指。掐（音恰）左手無名指指根。餘四指包大指握固作拳。此印能除內外障染。（見誦經軌範。）

金剛密跡 詳天大將軍條。

舍利 其一。新云室利羅。或設利羅。此云骨身。又云靈骨。卽所遺骨分。通名舍利。光明經云。此之舍利。乃是無量戒定慧香之所熏修。最上福田。極難逢遇。大論云。碎骨是生身舍利。經卷是法身舍利。（法華經法師品云。在在處處。若說，若讀，若誦，若書，若經卷所住處。皆應起七寶塔。極令高廣嚴飾。不須復安舍利。所以者何。此中已有如來全身。是也。）法苑明三種舍利。一是骨。其色白也。二是髮舍利。其色黑也。三是肉舍利。其色赤也。菩薩羅漢。皆有三種。若佛舍利。槌擊不碎。弟子舍利。槌試卽碎。（見名義集。）經云。日月淨明德佛滅度後。諸菩薩大弟子。悲感懊惱。戀慕於佛。卽以海此岸（引正法念經云。妙高山內海此岸。卽南岸也。）旃檀爲積。供養佛身。而以燒

之。火滅以後。收取舍利。作八萬四千寶瓶。以起八萬四千塔。高三世界。表刹莊嚴。垂諸旛蓋。懸衆寶鈴。（見法華經藥王本事品。參看空塔波，涅槃相條。）其二。舍利。鳥名。此云春鸚。黃鸚也。詩云。出自幽谷。遷於喬木。又翻雲鷺鷥。玉篇云。水鳥也。詩云。有鷺在梁。鷺，爾雅註云。白鷺也。頭翅背上。皆有長翰。毛詩云。振鷺於飛。（見名義集。）

舍衛 亦云舍婆提。西域記云。室羅筏悉底。舊云舍衛。此翻開物。寶物多出此城。亦翻豐德。一具財寶。二妙五欲。三饒多聞。四豐解脫。義淨譯金剛，云名稱大城。撫華云。但得開義。而缺物義。此乃憍薩羅國都城之號。攜李證真鈔云。爲簡南橋薩婆國故廢國名。而標城號。發軔問。諸經中說。佛生迦毘羅國。何以論云。生舍婆提耶。答。迦毘羅與舍婆提相鄰。同是中印度境。故此言之。（見名義集。）佛國記云。南天竺拘薩羅國舍衛城。卽波斯匿王所治。『城內有祇園精舍。佛說法於此。』（見佛爾雅。）

舍羅 其一。鳥名。此云百舌鳥。其二。道具名。此云籌。十誦云。爲檀越問僧不知數。佛令行籌。不知沙彌數。行籌數之。若人施布薩物。沙彌亦得。雖不住布薩羯磨處。由受籌故。五分云。籌極短並五指。極長拳一肘。極麤不過小指。極細不得減箸。業疏云。三種行籌。一頭露。二覆藏。（以物覆籌。）三耳語。（耳畔勸勉。）四分云。爲受供行籌。通畔彌也。若未受十戒。亦得受籌。以同受供故。（見名義集。）

舍夷 詳釋尊姓字條。

舍利弗 詳十大弟子條。

舍舍迦 此云兔。韓子曰。宋人耕。田中有株。兔走觸株。折頸而死。因釋耕守株。冀復得之。路人笑矣。西域記云。初劫有狐兔猿異類相悅。時天帝釋。欲驗修菩薩行者。降迹應化爲一老夫。謂三獸曰。二三子尙安隱乎。無驚懼耶。曰。洪豐草。游茂林。異類同歡。旣安且樂。老夫曰。聞二三子情厚意密。忘其老弊。故此遠尋。今正饑乏。何以饋食。曰。幸少留此，我躬馳訪。於是同心虛己。分路營求。狐沿水濱。銜一鮮鯉。猿於林野。採異花果。俱來至止。同進老夫。唯兔空還。游躍左右。老夫謂曰。以吾觀之。爾曹未和。狐猿同志。各能役心。唯兔空還。獨無相饋。

以此言之。誠可知也。兔聞譏議。謂狐猿曰。多聚樵蘇。方有所作。猿狐競馳。銜草曳木。旣已蘊崇。猛燄將熾。兔曰。仁者。我身卑劣。所求難遂。敢以微軀。充此一餐。辭畢入火。尋即致死。是時老夫復帝釋身。除燼收骸。傷歎良久。謂狐猿曰。一何至此。吾感其心。不泯其迹。寄之月輪。傳於後世。(見名義集。)

舍磨奢那 此云冢。西域僧死埋骨地下。上累甃石。似窰堵波。但形卑小。(見名義集。)

又已摩賒那。此翻棄死人墓。卽寒林(參看寒林條。)&舍摩奢那。出佛國記。(見佛爾雅。)

阿舍 正云阿笈多。此云教。妙樂云。此云無比法。卽言教也。唯識論云。謂如來所說之教。長阿舍序云。阿舍者。秦言法歸。所謂萬法之淵府。總持之林苑也。法華論解。其智慧門。爲說阿舍義甚深。涉法師云。阿舍。此云傳所說義。是則大小二教。通號阿舍。而小乘中別開四部。(參看四阿舍條。)

以四阿舍爲轉法輪設教之首。別得其名。(見名義集。)

阿鼻 地獄名。此云無間。觀佛三昧經云。阿言無。鼻言救。成論明五無間。一趣果無間。捨身生報故。二受苦無間。中無樂故。三時無間。定一切故。四命無間。中不絕故。五形無間。如阿鼻相縱廣八萬由旬。一人多人皆徧滿故。(見名義集。參看五無間地獄條。)

阿閼 經云。佛告舍利弗。有國名妙喜。佛號無動。是維摩詰。於彼國沒而來生此。疏云。阿之言無。閼之言動。(見維摩經見阿閼佛品。名義集。)

阿梨 或云。此方無故不翻。其樹似蘭。枝若落時。必爲七分。義淨譯孔雀經云。頭破作七分。猶如蘭香藕。復自解曰。梵云頗杜迦曼折利。頗杜迦。蘭香也。曼折利。藉頭也。舊云阿梨樹枝。旣不善本音。不復識其事。故致久迷。然問西方。元無阿梨樹也。(見名義集。)

法華經。羅刹女偈言。若不順我咒。惱亂說法者。頭破作七分。如阿梨樹枝。(見法華經陀羅尼品。)

阿魏 詳與渠條。(參看五辛條。)

阿由 詳韋陀條。

阿彌陀 清淨平等覺經，翻無量清淨佛。無量壽經，翻無量壽佛。稱讚淨土經云。其中世尊。名無量壽及無量光。智論云。無量有二。一者實無量。諸聖人所不能量。如虛空，涅槃，衆生性，是不可量。二者有法可量。但力劣者不能量。如須彌山，大海水，斤兩滴數多少。諸佛菩薩能知。諸天世人所不能知。故言無量。（見名義集。）阿彌陀經云。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號爲阿彌陀。又舍利弗，彼佛壽命。及其人民。無量無邊阿僧祇劫。故名阿彌陀。名義集選云。蓋神通，說法，智慧功德。悉皆無量。特舉光明壽命二種爲名耳。（參看四十八願條。）

阿逸多 彌勒菩薩之名。（詳彌勒條。）

阿羅訶 秦言應供。大論云。應受一切天地衆生供養。佛十號之一。（參看十號條。）

阿難陀 詳十大弟子條。

阿那律 詳十大弟子條。

阿羅漢 詳四果條。（參看聲聞位條。）

阿那含 詳四果條。（參看聲聞位條。）

阿迦雲 詳藥王條。

阿斯陀 仙人名。或云阿夷。此翻無比。又翻端正。大論云。阿私陀仙。白淨飯王言。我以天耳。聞諸天鬼神說。淨飯王生子。有佛身相。故來請見。王大歡喜。勅諸侍人將太子出。侍人答王。太子小睡。時阿私陀言。聖王。常警一切。施以甘露。不應睡也。卽從座起，詣太子所。抱著臂上。上下相之。相已涕零。不能自勝。王大不悅。問相師曰。有何不祥。涕泣如是。仙人答言。假使天兩金剛大山。不能動其一毛。豈有不祥。太子必當作佛。我今年暮。當生無色天上。不得見佛。不聞其法。故自悲傷耳。（見名義集。）又云。淨飯王初生太子。請相之。曰。太子隨身相好。燦若芬花。在家作轉輪王。出家成無上道。臣今老矣。不得親於聆妙法。良可悲也。（見名義集選。）

阿育王 或云阿輸迦。或云阿輸柯。此云無憂王。（見名義集。）佛滅後百年。君臨中印度。初奉婆羅門教。肆其暴行

。殺戮兄弟。卽王位後。改奉佛教。施行仁政。爲佛教大護法。佛教之傳播於外國。多賴其力。又云。昔漢明帝幸白馬寺。西僧摩騰竺法蘭進曰。寺東何館。帝曰。昔有阜。無因而起。夷之復然。夜有光怪。民呼爲聖塚。疑洛陽神也。因祀之。騰蘭曰。按天竺金藏詮所誌。如來涅槃。阿育王藏佛舍利八萬四千所。今支那境中。得一十九所。此其一也。帝大驚異。勅塔於其上。受制度於騰蘭。塔成九層。高二百尺。是爲漢地佛塔之始。明年塔成。帝親臨幸。舍利光燭天地。有金色手出塔頂尺許。帝親幸拜瞻。光隨步武而轉。自午及申而滅。（見崇佛紀略。）

阿闍世 此云未生怨。妙樂云。母懷之日。已有惡心於瓶沙王。未生已惡。故因爲名。或呼婆羅留支。此云無指。妙樂云。初生。相者云凶。王令升樓。撲之不死。但損一指。故爲名也。內人將護。呼爲善見。（見名義集。）經云。爾時王舍大城有一太子。名阿闍世。隨順調達惡友之教。收執父王頻婆娑羅。（或名瓶沙王。）幽閉置於七重室內。制諸羣臣。一不得往。國太夫人。名韋提希。（此云思惟。）恭敬大王。澡浴清淨。以酥蜜和麩。用塗其身。諸璣珞中。盛葡萄漿。密以上王。爾時大王食麩飲漿。求水漱口畢。合掌恭敬。向耆闍崛山。遙禮世尊。而作是言。大目犍連。是吾親友。願興慈悲。授我八戒。時目犍連如鷹阜飛。疾至王所。日日如是。世尊亦遣尊者富樓那。爲王說法。如是時間。經三七日。王食麩蜜。得聞法故。顏色和悅。（見觀無量壽佛經。）

阿惟顏 詳一生補處條。

阿闍黎 或闍黎。或云阿祇利。寄歸傳云。梵語阿遮梨耶。唐言軌範。今稱闍黎。訛略。菩提資糧論云。阿遮黎夜。隋言正行。南山鈔云。能糾正弟子行故。（亦云軌範師。凡受戒經五年以上者。方得爲之。）四分律明五種阿闍黎。一出家阿闍黎。所依得出家者。（卽剃度本師。及授沙彌十戒者。）二受戒阿闍黎。受戒作羯磨者。（或云羯磨阿闍黎。卽受具足戒時。當壇白四羯磨者。）三教授阿闍黎。教授威儀者。（卽受具足戒時。先於屏處問遮難。教令登壇乞戒。及教威儀者。）四受經阿闍黎。所從受經。若說義乃至四句偈。（或云教讀阿闍黎。卽教經訓義講經師。乃至教四句偈等。）五依止阿闍黎。乃至依住一宿者。（卽諸方主持。爲人依止。乃至一宿等皆是。）和尚及依止多已十夏者爲之。上四師皆多已五夏者爲之。（見名義集，二課合解。）

阿輸迦

或名阿輸可。大論翻無憂華樹。因果經云。二月八日。夫人往毘藍尼園。見無憂華。舉右手摘華。從右脇產生太子。後漢法本內傳云。明帝問摩騰法師曰。佛生日月可知否。騰曰。昭王二十四年。甲寅之歲。四月八日。於毘嵐園內。波羅樹下。右脇而誕。故普曜經云。普放大光。照三千界。卽周書異記云。昭王二十四年。甲寅之歲。四月八日。江河泉池。忽然泛漲。井皆溢出。宮殿人舍。山川大地。咸悉震動。其夜卽有五色氣。入貫太微。偏於西方。盡作青紅之色。太史蘇由曰。有大聖人生於西方。故現此瑞。至千年外。聲教被此。又周第六主穆王滿。五十二年。壬申之歲。二月十五日。佛年七十九。方始滅度。故涅槃經云。二月十五日。臨涅槃時。出種種光。大地震動。聲至有頂。光徧三千。卽周書異記云。穆王卽位五十二年。壬申之歲。二月十五日。暴風忽起。發損人舍。傷折樹木。山川大地。皆悉震動。午後天陰雲黑。西方有白虹十二道。南北通貫。連夜不滅。太史扈多曰。西方有聖人滅度。魂相現耳。又今北地。尙膺八浴佛。乃屬成道之節。故周書異記云。周穆王二年。癸未二月八日。佛年三十成道。正當今之膺八也。（見名義集。）又波羅叉。或云畢利叉。亦名畢落。此云高顯。卽阿輸迦之異名。佛於下降誕。則爲高勝。名顯天人。故曰高顯。本行經云。是時摩耶夫人立地。以手執波羅叉樹枝。卽生菩薩。（見名義集。）

阿僧祇

或阿僧企耶。此云無央數。（央，盡也。）亦云無量數。大論云。僧祇。秦言數。阿，秦言無。問。幾時名阿僧祇。答。天人中能知算數者。極數不能知。是名一阿僧祇。如一一名二。二二名四。三三名九。十名百。十百名千。十千名萬。十萬名億。千萬億名那由他。千萬那由他名頻婆。千萬頻婆名迦他。過迦他名阿僧祇。菩薩地持經云。一者日月晝夜歲數無量。名阿僧祇。二者大劫無量。名阿僧祇。（見名義集。參看度量衡條。）

阿蘭那

肇翻無諍。又云寂靜。坐禪三昧經云。無諍者。將護衆生。不令起諍也。什注淨名。無諍有二。一以三昧力。將護衆生。令不起諍心。二隨順法性。無違無諍。（見名義集。）華嚴云。有諍說生死。無諍卽涅槃。六祖云。諍是勝負心。與道相違背。便生四相心。何由得三昧。（見金剛經集註。）

阿賴耶

或阿梨耶。第八識名也。此云藏識。謂能含藏諸法種故。此識體具三義。一能藏。謂能含藏雜染種故。二所

藏。謂諸雜染法所依處故。三執藏。謂有情執爲自內我故。然此識乃凡聖之本。根器之由。擅持種之名。作總報之主。建有情之體。立涅槃之因。世出世法。莫不由於斯也。又翻無沒識。取不失之義。(見名義集選。參看重習條。)起信論云。心生滅者。依如來藏故有生滅心。所謂不生不滅。與生滅和合。非一非異。各爲阿黎耶識。此識有二種義。能攝一切法，生一切法。(見梁釋起信論。)

阿陀那 義翻執持。能執持種子根身生相續義。執持有三。一執持根身令不壞爛。二執持種子令不散失。三執取結生相續義。(結者，繫也。屬也。於母腹中一念受也。便繫屬彼故。同時根塵等種。從自識中。亦生現行。名爲執取結生。)乃第八識之異名。非真非妄。卽妄卽真。故楞嚴云。陀那微細識。習氣如瀑流。真非真恐迷。我常不開演。解深密經云。阿陀那識甚微細。一切種子如瀑流。我於凡愚不開演。恐非分別執爲我。重聞云。真諦謂之第七識。蓋取第八染分立名。唯識，百法，謂之第八識者。則通取染淨和合爲因。解深密經謂之第九者。乃別取第八淨分言之也。(見名義集。)

阿梨耶 其一。卽第八識名。(詳阿賴耶條。)其二。鳥名。此云鳴。亦作鴉。爾雅云。茅鳴。喜食鼠。大目也。郭璞云。今鳩鳴也。似鷹而白。(見名義集。)

阿耨達 池名。西域記云。瞻部洲之中地者。阿那婆答多池。唐言無熱惱。舊曰阿耨達。訛也。在香山之南。大雪山之北。周八百里。金銀，銅鐵，瓊璃，頗胝，飾其岸焉。金沙彌漫。清波皎鏡。爲旃伽，信度，縛芻，徒多，四河所自出。(參看四大河條。)四面有四口出流。各繞池一匝。灌四大海。爲天下河源。(見名義集。)

阿修羅 詳天龍八部條。(參看四生條。)

阿摩勒 樹葉似棗。華白而小。果如胡桃。味酸甜。可入藥。(見名義集。)

阿蘭若 或阿練若。(詳蘭若條。)

阿伽陀 此云普去。能去衆病。又翻圓藥。華嚴云。阿伽陀藥。衆生見者。衆病悉除。(見名義集。)

阿毘曇 詳三藏條。

阿濕婆 詳四馬條。

阿伽樓 大論云。蜜香樹。(見名義集。)

阿彌陀經 此經凡有二譯。一姚秦三藏鳩摩羅什譯。名佛說阿彌陀經。亦名一切諸佛所護念經。二唐玄奘譯。名稱

讚淨土佛攝受經。(見二課合解。參看鳩摩羅什，玄奘條。)

阿鞞跋致 亦名河惟越致。此云不退轉。不退有三義。入空位不退。入假行不退。入中念不退。妙樂云。般若是一位

。雖二死故。解脫是行。諸行具故。法身是念。證實境故。智論云。無生法忍。即是阿鞞跋致也。(見名義集。)蘊益大師云。不退三義。一位不退。入聖流。不墮凡地。二行不退。恆度生。不墮二乘地。三念不退。心心流入薩婆若海

。(見彌陀要解。)

阿迦尼吒 正名阿迦提瑟提。或云阿迦尼沙。此云質礙究竟。卽色究竟天。(見名義集。參看二十八天條。)

阿波陀那 此云譬喻。(詳譬喻條。)

阿浮達摩 此云未曾有。(詳十二部經條。)

阿耨多羅 秦言無上。大論云。如諸法中涅槃無上。衆生中佛亦無上。地持經云。唯一丈夫。名無上士。大經云。有

所斷者名有上士。無所斷者名無上士。(見名義集。)佛十號之一。(參看十號條。)

阿難四問 佛將入滅。語阿難大衆言。我滅度後。汝當精勤教誡我諸眷屬。早求出離。此生空過。後悔無追。時阿

難聞佛語已。悲哽嗚咽。舉體迷悶。時阿泥盧豆(阿那律)安慰阿難曰。如來滅度時至。今日則有。明日則無。汝依我

語。諮啓四問。阿難問已。佛言。汝致四問。爲最後問。大能利益一切世間。汝等諦聽。我當爲說。問云。一，佛滅

度後。惡性車匿。云何共住。佛答言。車匿比丘。其性鄙惡。我滅度後。汝當依我教法調伏其心。捨本惡性。不久自

當得證道果。二，佛滅度後。我等以何爲師。佛答言。汝問以何爲師者。當知尸波羅戒是汝大師。依之修行。能得出

世甚深定慧。三，佛滅度後。我等依何法住。佛答言。汝問依何法住者。當知依四念處嚴心而住。一觀身性相。同於

虛空。名身念處。二觀受不在內外。不住中間。名受念處。三觀心但有名字。名字性離。名心念處。四觀法不得善法

。不得不善法。名法念處。(參看四念處條。)一切比丘。應當依此四念處住。四，一切經初當安何語。佛答言。汝問一切經初當安何語者。當知如來滅後。結集法藏。一切經初。當安如是我聞。一時佛住某方某處，與某等大衆而說是經。(見涅槃經後分，三藏法數。)

阿顛底迦

詳一闍提條。

阿若憍陳如

亦名俱鄰。法華疏云。阿若，名也。此翻已知。或言無知。無知者。非無所知。乃是知無耳。亦云阿

若多。又翻爲解。楞嚴云。我初稱解等。具云解本際。孤山云。以第一解法者也。憍陳如，姓也。此翻火器。婆羅門種。其先事火。從此命族。亦名憍陳那。十力迦。葉亦名婆敷。此上二人。佛之母族。伴太子修道者。(見名義集。)二人乃佛之舅氏(見佛爾雅。)頗鞞。或阿說示。此云馬勝。亦云馬師。又云阿輸沙踰祇。此云馬星。跋提。亦云婆提。本行集經云。跋提梨迦。此云小賢。(見名義集。)二人乃佛之家族。(見佛爾雅。)拘利太子。若涅槃疏。則摩訶男與拘利是一。(見名義集。)佛之從父兄。乃斛飯王長子。(見佛爾雅。)此上三人。佛之父族。亦伴太子修道者。(見名義集選。)佛成道後。此初度五人。名五比丘。法華云。即趣波羅奈。爲五比丘說。原其由也。太子入山。父王思念。乃命家族三人。謂阿鞞，跋提，拘利。舅氏二人。謂陳如，迦葉。尋訪住止。隨侍動靜。二人著五欲。太子初食麻麥。遽爾退席。三人著苦行。太子後受乳糜。亦復遠去。泊成佛果。念誰堪度。初思二仙。空言已死。復念五人。當往先度。故至波羅奈。一夏調根。初爲陳如說四諦得道。次爲阿鞞跋提說布施生天福樂。同時證果。三爲迦葉拘利。亦如前說。皆得聖道。是爲三番度五比丘。既先入道。故首列之。(見名義集。)

阿提目多伽

詳胡麻條。

阿耨鞞覩婆

或輸盧迦波。天竺但數字滿三十二卽爲一偈。號阿耨鞞覩婆偈。(見名義集。)或云首盧。或云室路迦

。(見佛爾雅)又阿耨鞞覩婆。華言頌。謂此頌不用長行與偈。但字數滿三十二字。卽爲一頌也。(見華嚴經疏，三藏法數。)

阿恃多伐底河

詳閻浮檀金河條。

阿那婆達多池 此云無熱。從池得名。池中有五柱堂。(見名義集。參看阿耨達條。)

阿耨多羅三藐三菩提 肇論云。秦言無上正徧知。道莫之大。無上也。其道真正。無法不知。正徧知也。苑師云。阿，此云無。耨多羅，翻上。三藐，翻正。三，徧也。等也。菩提，覺也。(阿耨多羅三藐三菩提。即無上正等正覺也。亦云無上菩提。)大智度論云。阿耨多羅三藐三菩提。即是般若。但名字異。在菩薩心中爲般若。在佛心中名阿耨多羅三藐三菩提。(見名義集。金剛經集註。)

波旬 正言波卑夜。此云惡。釋迦出世時魔王名也。什曰。秦言殺者。常欲斷人慧命。故亦名惡中惡。惡有三種。一曰惡。若以惡加已。還以惡報。是名爲惡。二曰大惡。若人不侵已。無故加害。是名大惡。三曰惡中惡。若人來供養恭敬。不念報恩。而反害之。是名惡中惡。魔王最甚也。諸佛常欲令衆生安隱。而反懷亂。故言甚也。肇曰。秦言或名殺者。或云極惡。斷人善因。名殺者。違佛亂僧。罪莫之大。故名極惡也。涅槃疏云。依於佛法而得善利。不念報恩。反加毀。故云極惡。亦名波旬。此云惡也。常有惡意。成惡法故。(見名義集。參看魔羅條。)

波陀 秦言句。(詳名句文身條。)

波羅蜜 此云到彼岸。大論，又云阿羅蜜。秦言遠離。波羅蜜。秦言度彼岸。此二音相近。義相會故。以阿羅蜜，釋波羅蜜。梵語波羅伽。大論，秦言度彼岸。華嚴云。以波羅蜜船。於生死流中。不依此岸。不著彼岸。不任中流。而度衆生。無有休息。天台禪門云。一者諸經論中。多翻到彼岸。生死爲此岸。涅槃爲彼岸。煩惱爲中流。菩薩以無相智慧。乘禪定舟航。從生死此岸。到涅槃彼岸。故知約理定，以明波羅蜜。二者大論別翻事究竟。即是菩薩大悲。爲衆生徧修一切事行滿足故。三瑞應經，翻度無極。通論事理。悉有幽遠之意。合而言之。故云度無極。此約事理行滿說波羅蜜。(見名義集。)六祖云。何名波羅蜜。此是西國語。唐言到彼岸。解義離生滅。著境生滅起。如水有波浪。即名爲此岸。離境無生滅。如水常通流。即名爲彼岸。故號波羅蜜。(見六祖壇經。)

波羅奈 亦云婆羅痾斯國。西域記云。舊曰波羅奈。訛也。婆沙云。中印度境。有河名波羅奈。去其不遠。造立王城。或翻江遶城。亦云鹿苑。(見名義集。)上古有仙人修道石室。有母鹿生鹿女。極美。金仙養之。因名鹿苑。乃釋迦

成道，初轉法輪處也。（見辭源。）

波羅叉 樹名。（詳柯輸迦條。）

波斯匿

或名不黎先尼。此云和悅。西域記云。正名鉢邏斯那特多。唐言勝軍。仁王經云。舍衛國主，波斯匿王。名

曰月光。佛告諸得道果實大衆云。是月光王。已於過去十千劫中，龍光王佛法中。爲四住開士。（謂四地菩薩。）我爲八住菩薩。今於我前。大師子吼。如是如是。如汝所解。得真義說。不可思議。不可度量。惟佛與佛乃知此事。（見名義集。）

波羅夷

僧祇云。義當極惡。三意釋之。一者退沒。由犯此戒。道果無分故。二者不共住。非但失道而已。不得於說

戒羯磨。二種僧中共住故。三者墮落。捨此身已。墮在阿鼻地獄故。四分云。譬如斷人頭。不可復起。若犯此法。不復成比丘故。偈云。諸作惡行者。猶如彼死屍。衆所不容受。以此當持戒。目連問罪報經云。犯波羅夷罪。如他化自在天。壽十六千歲。墮泥犁中。於人間數九百二十一億六千歲。此墮焰熱地獄。以人間一千六百年。爲他化天一晝夜。

僧伽婆尸沙。此云僧殘。善見云。僧伽者爲僧。婆者爲初。謂僧前與覆藏羯磨也。言尸沙者云殘。謂末後與出罪羯磨也。若犯此罪。僧作法除。故從境爲名。毘尼母云。僧殘者。如人爲他所斫。殘有咽喉。故名爲殘。理須早救。僧殘婆尸沙罪。如不僑天壽八千歲。於人間數二百三十億四十千歲。此墮大叫地獄。人間八百年。爲天一日夜。尼薩者波逸提。此翻捨墮。尼薩者。出要律儀。舊翻捨墮。聲論尼翻爲盡。薩者爲捨。四分云。僧有百二十種。分取三十。因財事生。犯貪慢心。強制捨入僧故。名尼薩者也。波逸提。義翻爲墮。十誦云。墮在燒煮覆障地獄。八熱通爲燒煮。八寒黑暗等通爲覆障。波逸提罪。如夜摩天壽二千歲。於人間數二十一億四十千歲。此墮衆合地獄。人間二百年。爲天一晝夜。波羅提提舍尼。義翻向彼悔。從對治境以立名。僧祇云。此罪應發露也。提舍尼罪。如三十三天壽命千歲。於人間數三億六十千歲。此墮黑繩地獄。人間一百年。爲天一晝夜。以上四者。同爲二百五十戒中之戒相也。（分見名義集。參看二百五十戒條。）

波羅奢華

章安云。此是樹名。其葉青色。華有三色，日未出時華黑色。日正照時華赤色。日沒時華黃色。準佛涅槃

槃時。諸弟子淚如此華。蓋取赤色如血義耳。經音義云。此華樹汁。其色甚赤。用染皮氈。名曰紫礦。(見名義集。)

波羅末陀 其一。秦言第一義。大品波字門。一切法第一義故。華嚴唱波字門。名普照法界。(詳四十二字條。)其二。譯師名。此云真諦。亦云拘那羅陀。此云親依。又云拘蘭難拖。西印度優禪尼國人。景行澄明。器宇清肅。風神爽拔。悠然自遠。羣藏廣部。罔不措懷。藝術異解。徧素諳練。梁武泰清中。於寶雲殿譯經。屬侯景紛亂。乃適豫章。始與南康等。雖復恟惶。譯業無輟。即汎舶西歸。業風賦命。飄還廣州。住制止寺翻譯。訖陳秦建。譯五十部。(見名義集。)

波毘吠伽 論主名。詳清辯條。

波利質多羅 諸天樹名。此云圓生。又翻間錯莊嚴。佛升忉利天爲母說法。在此樹下。妙高山亦有之。(見佛爾雅。)大經云。三十三天。有波利質多羅樹。其根入地深五由旬。高百由旬。枝葉四布五十由旬。又翻間錯莊嚴。衆雜色華。周而莊嚴。法華文句指此爲天樹王也。(見名義集。)

波羅提木叉 戒疏云。此翻解脫。如論所引。道戒名解脫。事戒名別解脫也。隨分果德。寄以明之。道性虛通。舉法類遣。不隨緣別。但名解脫。事戒不爾。緣別而生。緣通萬境。行亦隨徧。據行凌犯。卽名解脫。餘非未行。不名解脫。又律云。木叉者。戒也。據能克果。用日本因。因實是戒。非木叉也。故經云。戒是正順解脫之本。故名波羅提木叉。明知是果。故五分說分別名句木叉者。舉果目教也。記云。道戒名解脫者。卽七支無表思也。由斷惑得名故。若戒事名解脫者。則僧尼受戒。隨對殺等事不作。別別無因。別別無果。故名別別解脫。撫華曰。此云別解脫。謂三業七支。各各防非。別別解脫故。(見名義集。)佛遺教經云。於我滅後。當尊敬珍重波羅提木叉。若我住世無異。卽七衆解脫一切罪惡之律儀也。(見金剛經集註。)

陀摩 秦言善。大品陀字門。諸法善心生故。亦施相故。華嚴唱陀字門。名不退轉方便。(詳四十二字條。)南山云。策勤三業。修習戒行。有善起護。名之爲作。作而無犯。稱之曰持。音義指歸云。持者執也。執持所受之法。猶若捧珠

執玉也。犯者。干也。謂干犯所受之法。略護情。如珠落玉墮也。書曰。作善降之百祥。作不善之百殃。易曰。積善之家。必有餘慶。積不善之家。必有餘殃。（見名義集。參看三種報條。）

陀羅尼

大論云。秦言能持。集種種善法。能持令不散不失。肇翻總持。謂持善不失。持惡不生。又翻遮持。輔行云。

體遮三惑。性持三智。重聞云。遮二邊之惡。持中道之善。此從慧性立名。（見名義集。）亦云咒。咒，卽願也。陀羅尼是體。咒是用。首楞嚴云。諸佛密咒祕密之法。唯佛與佛自相了解。非是餘聖所能通達。但誦持之。能滅大過。速登聖位。又云。神咒是諸佛密印。佛佛相傳。不通他解。（見顯密圓通。）亦云真言。真言爲大日如來（卽摩訶毘盧遮那佛。）自證之法門。雖十地等菩薩在因位者。皆不能測知。故稱密教。（見辭源。）

和南

梵語槃那寐。名出聲論。或名槃談。訛云和南。皆翻我禮。或云那謨悉羯羅。此云禮拜。大論云。禮有三種。

一者口禮。如合掌問訊也。善見論云。比丘到佛所。問訊云。少病少惱。安樂行不。二者屈膝。頭不至地。屈膝者。卽互跪也。以三處翹聳。故名互跪。卽右膝著地也。涅槃疏明三義。一右膝有力。跪能安久。二右膝有力。起止便易。三右膝躁動。著地令安。若兩膝著地。則名長跪。毘奈耶云。尼女體弱。互跪要倒。佛聽長跪。三頭至地。卽五體投地也。大論云。人之一身。頭最爲上。足最爲下。以頭禮足。恭敬之至。輔行云。準地持，阿舍。皆以雙膝，雙肘，及頂，至地。名五體投地。亦名五輪。五處圓故。又勒那三藏明七種禮。（詳七種禮拜條。）西域記云。致敬之式。其儀九等。一發言慰問。二俯首示敬。三舉手高揖。四合掌平拱。五屈膝。六長跪。七手膝踞地。八五輪俱屈。九五體投地。凡斯九等。極唯一拜。跪而讚德。謂之盡敬。（見名義集。）梵語南無煩淡。此云頂禮。（見佛爾雅。）華嚴孔目三種禮佛。一成過禮。謂禮佛時。身儀不正。與輕慢相應。如確上下。佛制有過。二相似禮。謂禮佛時。身儀雖似端正。與雜覺相應故。三順實禮。謂禮佛時。身儀端正。與正智相應。隨順實禮故。大方廣寶篋經。智燈聲聞問文殊言。云何禮佛。文殊言。若見法淨。名見佛淨。若身若心。不低不昂。正直而住。不動不搖。其心寂靜。行寂靜行。是名禮佛。華嚴隨疏演義云。凡禮敬三寶。必須五體投地。所以折伏憍慢。用表虔誠故。一右膝。二左膝。三右手。四左手。五首頂。一願我右膝著地時。令諸衆生。得正覺道。二願我左膝著地時。令諸衆生。於外道法不起邪見。

悉得安立正覺道中。三願我右手著地時。猶如世尊坐金剛座。地震現瑞。證大菩提。四願我左手著地時。令諸衆生。遠離外道難調伏者。以四攝法而攝取之。令入正道。五願我首頂著地時。令諸衆生。離憍慢心。悉得成就無上菩提。(見二課合解。)

和尚 或和闍。傳云。和尚，梵本名鄔波遮迦。傳至于闍。翻爲和尚。傳到此土。什師翻名力生。有佛法力。能與衆生生長法身故。舍利弗問經云。夫出家者。捨其父母生死之家。入法門中。受微妙法。蓋師之力。生長法身。出功德財。養智慧命。功莫大焉。又和尚亦翻近誦。以弟子年少。不離於師。常逐常近。受經而誦。善見云。和尚外國語。漢言知有罪知無罪也。明了論本云。優波陀訶。翻爲依學。依此人學戒定慧故。卽和尚也。義淨云。鄔波陀耶。此云親教師。由能教離出世業故。故和尚有二種。一依教。卽受業也。二依止。卽稟學也。毘奈耶云。弟子門人。纔見師時。卽須起立。若見親教。卽捨依止。(見名義集。)

和敬 詳六和敬條。

和合衆 詳三寶條。

和伽那 詳授記條。

和雅音 詳五種梵音條。

拘尸那 此云角城。輔行云。其城三角。故云角也。(見名義集。)經云。佛在拘尸那城，力士生地。阿利羅跋提河邊，娑羅雙樹間。(參看娑羅條。)二月十五日。臨涅槃時。拘尸那城。娑羅樹林。其林變白。猶如白鶴(見大涅槃經。參看涅槃相條。)

拘盧舍 或俱盧舍。此云五百弓。亦云一牛吼地。謂大牛鳴聲所極聞。或云一鼓聲。俱舍云二里。雜寶藏云五里。(見名義集。)論云。四肘爲一弓。五百弓爲一拘盧舍。今之二里也。八拘盧舍爲一由旬。今十六里也。(見毘曇論。)

拘勿頭 華名。詳優鉢羅條。

拘耆羅 或拘翅羅。此云好聲鳥。聲好而形醜。又云鷺鷥。(見名義集。)

拘鞞陀羅 諸天香名。此云大游戲。乃初利天游戲處也。其處有樹。花最香。因以爲名。或云地樹香也。（見名義集選。）

拘留孫佛

或俱留孫佛。此云所應斷。又翻作用莊嚴。賢劫第九小劫，減至六萬歲時。出成佛道。爲千佛首。（見名義集。）

經云。人壽六萬歲時。此佛出世。種婆羅門。姓迦葉。父禮得。母善枝。居安和城。坐尸利沙樹下。（此間合昏樹。）說法一會。度人四萬。神足二。一薩尼。二毘樓。侍者善覺。子上勝。（見長阿含經。）偈曰。見身無實是佛身。了心如幻是佛幻。了得身心本性空。斯人與佛何殊別。（見指月錄一。）

拘那含牟尼佛

此云金寂。大論名迦那迦牟尼。秦言金仙人。四萬歲時。出現闍浮。（見名義集。）經云。人壽四萬歲時。此佛出世。種婆羅門。姓迦葉。父大德。母善勝。坐烏暫婆羅門樹下。說法一會。度人三萬。神足二。一舒槃

那。二鬱多樓。侍者安和。子導師。（見長阿含經。）偈曰。佛不見身知是佛。若實有知別無佛。智者能知罪性空。坦然不怖於生死。（見指月錄一。）

刹那

楞伽云。刹那時不往。名爲刹那。俱舍云。壯士一彈指頃。六十五刹那。仁王經云。一念中有九十刹那。一刹

那經九百生滅。毘曇翻爲一念。日藏云。我今復說刹那之數。一千六百刹那名一迦羅。（參看迦羅條。）六十迦羅名模呼律多。三十模呼律多爲一日夜。（參看時分條。）俱舍云。時之極少名刹那。時之極長名爲劫。通明極少。凡有三種。俱舍頌曰。極微字刹那。色名時極少。釋曰。分析諸色。至一極微。爲色極少。分析諸名及時。至一字一刹那。爲名極少時極少。（見名義集。參看時分條。）

刹土

梵語刹摩。正音掣多羅。此云土田。卽一佛所化之境。今云刹土者。華梵雙稱耳。（見名義集選。）垂裕云。蓋

取莊嚴差別。名之爲刹。此乃通指國土名刹。又復伽藍號梵刹者。如輔行云。西域以柱表刹。示所居處也。（參看幢幡條。）法華經云。表刹甚高廣。法苑云。阿育王取金華金旛。懸諸刹上。塔寺低昂。瓔珞經云。土名賢聖所居之處。（見名義集。）

刹帝利

肇曰。王種也。秦言田主。初初人食地味。轉食自然粳米。後人情漸僞。各有封殖。遂立有德。處平分田。

此王者之始也。故相承爲名。爲其尊貴自在。強暴快意。不能忍和也。什曰。梵音中含二義。一言忍辱。二言能瞋。言此人有大勢力。能大瞋恚。忍受苦痛。剛強難伏。因以爲姓。(見名義集。參看印度四姓條。)

明相

梵語阿留那。或阿樓那。或云薩埵。漢言明相。明了論云。東方已赤。通慧指歸云。此方約日未出前二刻爲曉。此爲明相也。以觀見掌文爲限。是四分明。又別宗名地了時。謂見地色分了故。又云。日出映閻浮樹色。名明相。虛空藏經云。是初行菩薩。明星出時。從座而起。向於明星。說如是言。南無阿嚩那。成就大悲。今者初出閻浮提。願以大悲覆護。我以言說。白大悲虛空藏菩薩。於夜夢中。示我方便。以是緣故。得懺悔所犯根本重罪。(見名義集。)

明心見性

楞嚴經云。一切衆生。從無始來。生死相續。皆由不知常住真心。性淨明體。用諸妄想。此想不真。故有流轉。問。心與於性。同異云何。答。或同或異。言或同者。如楞嚴云。常住真心。性靜明體。此俱目真。光明經云。心識二性。躁動不停。此俱召妄。二名異者。如楞嚴云。舜若多(此云虛空。)性可消亡。爍迦維(此云堅固。)心無動轉。此心真而性妄矣。大論云。隨緣不變故爲性。不變隨緣故爲心。此性真而心妄也。南陽慧忠國師語錄曰。未審心之與性。爲別不別。師曰。迷則別。悟則不別。曰。經云佛性是常。心是無常。今云不別。何也。師曰。汝但依語不依義。譬如寒月。水結爲冰。及至暖時。冰釋爲水。衆生迷時。結性成心。衆生悟時。釋心成性。(見名義集。)祖庭事苑八云。達摩西來。不立文字。單傳心印。直指人心。見性成佛。斷際禪師云。性卽是心。心卽是佛。佛卽是法。一念離真。皆爲妄想。不可以心更求於心。不可以佛更求於佛。不可以法更求於法。故學道人直下無心。默契而已。(見壇經箋註。)

夜叉

此云勇健。亦云暴惡。舊云閱叉。西域記云。藥叉。舊訛曰夜叉。能飛騰空中。什曰。秦言貴人。亦云輕健。有三種。一在地。二在虛空。三天夜叉。地夜叉但以財施。故不能飛空。天夜叉以車馬施。故能飛行。肇曰。天夜叉居下二天。守天城池門關。(見名義集。參看天龍八部條。)

夜摩天

詳二十八天條。

東勝身洲 詳四大部洲條。

東方七宿 詳二十八宿條。

東方金剛部 詳五部教主條。

泥犂 具云泥犁耶。文句云。地獄此方名。梵稱泥犁。秦言無有。無有喜樂。無氣味，無歡無利。故云無有。或言卑

下。或言墮落。中陰倒懸。諸根皆毀壞故。或言無者。更無赦處。（見名義集。參看地獄條。）

泥洹 卽涅槃之異譯。（詳涅槃條。）

兩足尊 經云。佛者，覺也。法者，正也。僧者，淨也。又云。歸依覺，兩足尊。歸依正，離欲尊。歸依淨。衆中尊

。是爲無相三歸依戒。（見六祖壇經。）兩足者。謂福慧兩足也。一福足。謂佛於因中。修行布施，持戒，忍辱，精進。禪定，五度之福。今於果上成就應身。相好圓滿。萬德莊嚴。是爲福足。二慧足。謂佛於因中。由修般若妙慧。或就法身。圓極眞常。滿菩提果。衆智莊嚴。是爲慧足。（見二藏法數。）論云。菩薩福德智慧。二種莊嚴。悉圓滿已。於色究竟得一切世間最尊勝身。是也。（見唐譯起信論。）

兩部曼荼羅 兩部曼荼羅者。一胎藏界。二金剛界。謂諸佛理智之體性。衆生色心之實相也。大日如來。究竟覺知

自心之源底。現金剛界曼荼羅。如實證悟自身之數量。現胎藏界曼荼羅。是卽祕密莊嚴住心之境界也。兩大部經中。（大日經，金剛頂經。）廣示此曼荼羅之實義。此兩部。由龍猛菩薩。一傳善無畏胎藏界。一傳金剛智金剛界。先後來華。善無畏未開宗立教。傳一行等。不久卽息。唯金剛智三藏。攜不空三藏同來。弘傳密教。蔚起一時。爲中華密教初祖。（參看十宗條。）不空三藏後回印度。重遇龍猛菩薩。（亦云龍樹。）承受兩界祕密。再來中華。廣譯經論。大弘密教。爲中華密教之二祖。（見眞言宗義章。參看四種曼荼羅條。）

定慧 禪定體也。寂而常照。智慧用也。照而常寂。體用不二。謂之定慧。六祖云。善知識。我此法門。以定慧爲本

。大衆勿迷。言定慧別。定慧一體。不是二。定是慧體。慧是定用。卽慧之時定在慧。卽定之時慧在定。若識此義。卽是定慧等學。又云。定慧猶如何等。猶如燈光。有燈卽光。無燈卽暗。燈是光之體。光是燈之用。名雖有二。體本

是一。此定慧法。亦復如是。（見六祖壇經。）又云。調攝亂意名定。觀照事理名慧。又名止觀。灌頂云。法界寂然名止。止卽定也。寂然常照名觀。觀卽慧也。（參看止觀條。）

定中獨頭意識 詳意識條。

性境 詳識緣三境條。

性空宗 詳十宗條。

性種性 詳六種性條。

性比丘尼 詳摩登伽條。

性戒遮戒 詳五戒條。

具足戒 詳二百五十戒條。

居士 梵語迦羅越。大品經中。居士是也。楞嚴云。愛談名言。清淨自居。普門疏。以多積財寶。居業豐盈。謂之居士。鄭康成云。道藝處士。（見名義集。）法華經普門品。若有國土衆生。應以居士身得度者。觀世音菩薩。卽現居士身而爲說法。諦閑法師釋云。富而不貴。清淨自居。乃稱居士。韜光藏德。寡欲精進之謂也。（見諦閑講錄。）

居吒奢摩離樹 詳那伽條。

竺法蘭 詳騰蘭條。

竺曇摩羅察 此云法護。月氏國人。甚有識量。天性純懿。操行精苦。篤志好學。萬里尋師。屆茲未久。博覽六經。游心七籍。解三十六種書。詰訓音義。無不備識。日誦萬言。過日咸記。先居燉煌。後處青門。大周目錄云。太康七年。譯正法華。（見名義集。）

始士 詳菩提薩埵條。

始教 詳五教條。

始覺 詳覺義條。

始終心要

是書爲荆溪大師湛然闡明三諦爲天然性德之所述也。註云。華嚴名法界。方等爲實相。般若稱佛母。法華號髻珠。涅槃名佛師。三諦是一法。佛說種種名。龍猛悟之而造論。智者得之而開拓。荆溪傳之爲心要。是則十方大覺諸祖所傳。莫不歸乎諦德祕藏。(參看三德祕藏條。)像未情澆。信心寡薄。如斯法門。不能宗重。而更別求心要之術。良由代習大乘者雜濫故也。(見從義註。)又台宗自北齋慧文大師。讀中論偈。悟三觀理。以授南嶽慧思大師。隋智顛大師得其傳。棲天台山。始立五時八教。爲一家宗說。時惟散說。至章安灌頂。始筆記而結集以成典籍。再傳法華，智威，天宮，慧威。左溪，玄剛。六傳至荆溪湛然尊者。師本習儒。姓戚氏。世居晉陵荆溪。始尙以儒服講道。旋受衣戒。晚歸台嶺。祖述所傳。著爲記文。凡數十萬言。彈偏小而大宏圓頓之教。一時號中興焉。(見諦閑講錄一。)

怛姪他

或怛姪他。或怛爾也他。此翻所謂。(見名義集。)或云陟姪他。或云怛惶遶。或云怛你也陀。瑜伽集云。卽說咒曰。(見二課合解。)陟姪他。唵。華言卽說咒曰。(見楞嚴咒音釋。)

怛鉢那

此云麩。通慧指歸云。謂將雜米麩碎蒸曝。毋論二種散麩。又將糖蜜持之。或言糲(音備)與麩不同。後堂云。糲是釜糲。連釜乾硬飯也。輔篇云。取乾飯麩。三過磨篩作之。稱爲糲也。孟子曰。舜糲飯茹菜。糲，乾飯屑也。(見名義集。)經云。國太夫人。身塗麩蜜。瓔珞盛漿。持用上王。沙門目連及富樓那。從空而來。爲王說法。不可禁制。又云王食麩密。得聞法故。顏色和悅。(見觀無量壽佛經。)

乳糜

經云。菩薩將詣道樹。成等正覺。時有天人。告善生村主二女難陀(此云喜。)婆羅(此云力。二女名也。)曰。汝可最初施食。於是二女以乳煮糜。用盃(鉢)盛獻。菩薩食已。以盃擲尼連河中。時帝釋收歸天上。建塔供養。(見本行集經。及佛成道記。參看天上四塔條。)

乳粥

詳八種粥條。

招提

梵語招提。經音義云。梵云招門提奢。唐言四方僧物。訛稱招提。此翻別房施。或云對面施。或云梵言僧臺。此翻對面施。音義云。體境交現曰對。輟已惠他名施。後魏太武始光元年。造伽藍。創立招提之名。(見名義集。)又

云。招門提奢。此云四方僧物。寺名也。謂寺中所有諸物。凡四方僧到者皆有分故。梁僧傳云。相傳外國有王。常破毀諸寺。唯招提未及毀壞。夜一白馬繞塔悲鳴。即以啓王。王即停壞。因改招提以爲白馬。故諸寺立名。多取則焉。
(見名義集選。參看白馬寺條。)

屈胸 此云大細布。緝木綿華心織成。其色青黑。即遼磨所傳袈裟。(見名義集。)

屈丹 詳于闐條。

屈屈吒播陀 詳雞足山條。

供養 供養者。資養三寶。爲奉燈明，香華，飲食，資財等事。是也。經云。佛在舍衛國祇樹給孤獨園。爲波斯匿王說法。王即請佛及比丘僧。三月供養。遂於宮門之外。作大講堂。懸繪旛蓋，及辦一切供給所需衣被飲食臥具醫藥。是名四事供養。(見增一阿含經。)又經云。諸供養中。法供養最。所謂如說修行供養。利益衆生供養。攝受衆生供養。代衆生苦供養。勤修善根供養。不捨菩薩業供養。不離菩提心供養。是也。(見華嚴經普賢行願品。)

孟蘭盆 孟蘭，西域之語轉。此翻倒懸。盆是此方貯食之器。三藏云。盆羅百味。式貢三尊。仰大衆之恩光。救倒懸之窘急。義常救倒懸器。應法師云。孟蘭言訛。正云烏藍婆拏。此云救倒懸。盆是華言。貯食之器。華梵雙舉。乃救倒懸器也。(見名義集。)

依正 依者依報。即國土也。正者正報。即衆生也。又云。依即所依之國土。正即十界能依之色身也。依正色法者。謂依是衆生依報。即山河大地屋宇之類是也。正是正報。即衆生五陰之身是也。此二種皆有形量分段。故云色法。依正色心者。謂依即所依國土。正謂正受果報。即能依之身也。色即色身。心即心識也。(分見三藏法數。)

依他性 詳法性條。

表色 詳三種色條。

青目 詳寶伽羅條。

青木香 梵語矩瑟佉。華言青木香。(見佛爾雅。)

制底 詳支提條。

制俎邏月 詳時分條。

空有 經云。以般若波羅密空故。不見緣。不見諦。乃至一切法空，內空，外空，內外空，有爲空，無爲空，無始空，性空，第一義空，般若波羅密空，因空，佛果空。空空故空。但法集故有。受集故有。名集故有。因集故有。果集故有。十行故有。佛果故有。乃至六道一切有。（見仁王經觀空品。）

空行仙 詳十行仙條。

果報 仁王經云。三賢十聖住果報。惟佛一人居淨土。輔行云。言果報者。從報果爲名。亦號實報。觀經疏云。行真實法。以得勝報。淨名疏云。以觀實相。發真無漏。所得果報。故名爲實。金剛經云。當知是經義不可思議。果報亦不可思議。又餘經云。施報富。戒報善道。忍報端正。進報神通。禪報生天。智破煩惱。（分見名義集。）

虎珀 詳七寶條。

長者 西土之豪族也。富商大賈。積財鉅萬。咸稱長者。此方則不然。蓋有德之稱也。風俗通云。春秋末。鄭有賢人。著一篇。號稱長者。謂年耆德艾。事長於人。以之爲長者。韓子云。重厚自居曰長者。天台文句云。長者十德。一姓貴。姓則三皇五帝之裔。左貂右插之家。二位高。位則輔弼丞相。鹽梅阿衡。三大富。富則銅陵金谷。豐饒侈靡。四威猛。威則嚴霜隆重。不肅而成。五智深。智則胸如武庫。權奇超拔。六年者。年則蒼蒼稜稜。物儀所伏。七行淨。行則白珪無玷。所行如言。八禮備。禮則節度庠序。世所式瞻。九上歎。上則一人所敬。十下歸。下則四海所歸。淨名疏云。國內勝人。稱爲長者。必是貴族。雖是貴族。爵位卑微。不稱姓望。雖是高位。貧無財德。世所不重。雖財充積。無寵不威。物不敬畏。雖有大勢。神用暗短。智人所輕。雖有神解明鑒。而年在幼。物情不揖。雖年耆貌皓。內行虧惡。人所鄙怪。雖操行無瑕。而外缺禮儀。無可瞻愛。雖進止容與。若上人不睦。名不徹遠。雖豪貴歌詠。無恩及下。物所不崇。故具十德。方稱長者。（見名義集。）

長跪 詳和南條。

長養 詳布薩條。

長行

詳十二部經條。

長壽天

謂此天以五百劫為壽。即色界第四禪中無想天也。言無想者。以其心想不行。如冰魚蟄蟲。外道修行。多生其處。障於見佛聞法也。(見三藏法數)

受齋

詳日中佛食條。

受胎

詳七種受胎條。

受念處

詳四念處條。

非量

詳識量條。

非非想天

詳二十八天條。

非行非坐

詳三昧條。

所知障

詳二障條。

所緣緣

詳四緣條。

所作已辦

詳羅漢四智條。

念力

詳五力條。

念佛

詳四種念佛條。

念如意足

詳四如意足條。

命根

大集經云。歌羅邏時。(參看胎中五位條。)即有三事。一命。二煖。三識。出入息者。名為壽命。不臭不爛。名之為煖。即是業持火大。故地水等色。不臭不爛也。此中心意。名之為識。即是剎那覺知心也。長無增減。三法和合。俱舍云。無色無身。依同分命根轉。從生至死。此識之種。即是命根。夫命根者。依心假立。命為能依。心為所依。俱舍云。無色無身。依同分命根轉。令心相續。疏釋曰。獲成就者名之為得。第八識種。令色心不斷。名為命根。或種實命。假業為命。類相似故。名眾

同分。(分見名義集。)又云。第八識種子，并出入息，煖氣，三者。連持不斷。人命得存也。(見三藏法數。參看歌羅邏條。)

命濁 詳五濁條。

命無中天 詳四大部洲條。

往生咒 亦云往生淨土神咒。亦云拔一切業障根本得生淨土陀羅尼。傳云。劉宋元嘉末年。天竺三藏法師求那跋陀

羅譯。出藏真字函。拔一切業障根本得生淨土陀羅尼經。

南無阿彌多婆夜。哆他伽多夜。哆地夜他。阿彌利都婆毗。阿彌利哆。悉耽婆毗。阿彌利哆。毗迦蘭帝。阿彌利哆。毗迦蘭多。伽彌膩。伽伽那。枳多迦利。婆婆訶。

述開云。明僧宗本淨土行法曰。此咒須持二十一遍。方合經意。不思議神力傳云。持咒之法。淨身，漱口，燃香。佛前胡跪合掌。朝夕六時。各誦三七遍。卽滅四重，五逆，十惡，謗法等罪。若人能誦此咒者。阿彌陀佛常住其頂。日夜擁護。無令冤家而得其便。現世常得安穩。臨終任運往生。若數滿二十萬遍。卽感得菩提芽生。若至三十萬遍。卽面見阿彌陀佛。又諸本句讀稍異。今依古本。故十四句也。(見二課合解。)

周利槃陀伽 梵語周陀。或云周利。此云大路邊生。梵語槃陀伽。或莎伽陀。此云小路邊生。又翻繼道。以其弟生

。繼於路邊。故名繼道。佛本行經云。其母是長者之女。隨夫他國。久而有孕。垂產思歸。行至中路。卽誕其子。如是二度。凡生二子。乃以大小而區別之。大卽周陀。小卽莎伽陀。(見名義集。)又云周利槃特伽。此云繼道。楞嚴經以爲一人。(見佛爾雅。)又云。周利是兄。翻大路邊生。槃陀是弟。翻小路邊生。又翻繼道。連兄標名故。繼道善義持。因教半偈。數月不成誦。久而忽悟。神通辯才無盡。佛弟子中。義持第一。(見二課合解。)

咒具四悉 一咒是鬼神王名。稱王名則部落敬主。不敢爲非。是世界悉檀。二咒如軍中密號。相應無所呵問。不相

應卽執持。是爲人悉檀。三咒如無親往他國。乃至粗食是常食等。能治詐王子瞋。是對治悉檀。四咒如王索先陀婆。(參看先陀婆條。)一名具四實。羣下莫曉。是第一義悉檀。(見教乘法數。參看陀羅尼條。)

九畫

毘舍 或云吠舍。亦云吠奢。或作薛舍。此翻商賈。爲印度四姓之一。（詳印度四姓條。）

毘尼 或毘奈耶。（詳三藏條。）

毘嵐 詳八風條。

毘耶離 亦名維耶離，鞞舍隸，吠舍離。此云廣嚴。西域記云。吠舍釐國。舊訛曰毘舍離。什師云。毘言稻。土之所宜也。耶離言廣嚴。其地平正莊嚴。淨名略疏云。此云廣博嚴淨。其國寬平。名爲廣博。城邑華麗。故名嚴淨。有

師翻爲好稻。出好粳糧。勝於餘國故也。有言好道。國有道砥直。有言好道。其國人民好樂正道。自敦仁義。不須君主。五百長者。共行道法。率土人民。莫不歸悅。（見名義集。）

毘沙門 或鞞沙門。此云多聞。（參看四天王條。）佛令掌擎古佛舍利塔。故俗又稱托塔天王。（見辭源。）

毘流離 此云增長。（詳四天王條。）

毘舍闍 亦云毘舍遮。又云畢舍遮。又云毘舍支。又云臂舍柘。此云啖精氣。噉人及五穀之精氣。梁言顛鬼。（見名義集。）

毘舍浮 此翻徧一切自在。藥王藥上經云。莊嚴劫中。最後一佛。（見名義集。）經云。人壽六萬歲時。此佛出世。種利利。姓拘利若。父善鎧。母稱戒。居無喻城。坐婆羅樹下。說法二會。度人一十三萬。神足二。一扶遊。二鬱多摩。侍者寂滅。子妙覺。（見長阿含經。）偈曰。假借四大以爲身。心本無生因境有。前境若無心亦無。罪福如幻起亦滅。（見指月錄一。）又毘攝浮。隨葉佛也。種種變現也。（見佛爾雅。）

毘婆尸 亦名維衛。此云勝觀。俱舍云。三無數劫滿。逆次逢勝觀。燃燈寶髻佛。初釋迦牟尼。此由釋尊於勝觀佛。初種相好。故毘婆尸。爲七佛首。以讚弗沙精進力故。超九大劫。故至於今。過九十一大劫也。（見名義集。）經云。人壽八萬歲時。此佛出世。種利利。姓拘利若。父槃頭。母槃頭婆提。居槃頭婆提城。坐彼婆羅樹下。說法三會。度人三十四萬八千。神足二。一名篤茶。二名提舍。侍者無憂。子方膺。（見長阿含經。）偈曰。身從無相中受生。猶如

幻出諸影象。幻人心識本來無。罪福皆空無所住。(見指月錄一。參看三祇，七佛三十三祖條。)

毘婆沙 詳廣解條。

毘黎耶 詳精進條。

毘佛略 詳方廣條。

毘奈耶 詳三藏條。

毘伽羅 章安疏曰。此云字本。河西云。世間文字之根本。典籍音聲之論。宣通四辯。訶責世法。讚出家法。言詞

清雅。義理深遠。雖是外論而無邪法。將非善權大士之所爲也。故以此論喻方等經。三藏傳云。其音不正。正云毘耶

羯刺誦。此翻爲聲名記論。以其廣紀諸法能詮。故名聲名記。成劫初。梵王說百萬頌。住劫初。帝釋略爲十萬頌。(

見名義集。)

毘楞伽 具云釋迦毘楞伽。此云能勝。寶名。(見名義集。)

毘盧遮那 輔行曰。此云徧一切處。煩惱體淨。衆德悉備。身土相稱。徧一切處。卽清淨法身佛也。唯識論云。一

自性身。謂諸如來真淨法界。受用變化平等所依。離相寂然。絕諸戲論。具無邊際真實功德。是一切法平等實性。卽

此自性亦名法身。光明玄義云。法名可軌。諸佛軌之而成佛。故經云。諸佛所師。所謂法也。(見名義集。)

毘鉢舍那 此云觀。涅槃云。毘婆舍那。名爲正見。亦名了見。亦名能見。亦名徧見。名次第見。名別相見。是名

爲慧。(見名義集。)

又云。毘鉢舍那。此云觀。謂以智照理故。亦云正見。亦云了見。謂觀行成時。境智相應。了了

見性。不昏昧故。(見名義集選。參看止觀條。)

毘留博叉 此云廣目。(詳四天王條。)

毘世論師 梵語毘世。此云勝異論。卽六句義。於實句中有九法。地水火風空時方等。計積極微以成器世間。此外

道計極微常住不滅。(見名義集。參看衛世師條。)

又云。此外道師。說地水火風虛空微塵等物和合。而生一切世間知

無知物。(謂有知覺無知覺之物。無和合者。卽是離散。遂計離散。名爲涅槃。(見三藏法數。)

迦耶 梵有四名。一迦耶。二設利羅。三弟訶。四應伽。卽身也。此云積聚。瑜伽云。諸根所隨。周徧積聚。故名爲身。又依止義。亦翻分。謂支分。楞嚴云。身如腰鼓額。或云身如立戟槊。安般守意經云。何等爲身。何等爲體。骨肉爲身。六情合爲體。(見名義集。)

迦羅 其一。梵語歌羅分。或云迦羅。此云一毛百分之一。經音義云。如以一毛析爲百分。一分名歌羅分。(見名義集選。)清涼疏。此云豎。謂析人身一毛以爲百分也。(見名義集。)其二。梵語迦羅。刊正記云。卽實時。謂毘尼中。誠內弟子。聽時食。遮非時食。則實有其時也。故大論云。毘尼結戒。是世界中實。非第一義中實。梵語三摩耶。刊正記云。名假時。亦名短時長時。大論云。除邪見故。說三摩耶。不言迦羅。復次有人言一切天地好醜。皆以時爲因。論中廣約三世無相。時法無實。是故說三摩耶。令其不生邪見。三摩耶說名時。亦是假名時。亦名長短時者。不同外道定執。蓋是假說長短。而無其實故。若短若長。悉名三摩耶。見陰界入生滅。假名爲時。(分見名義集。)其三。梵語迦茶。或迦羅。此云黑色。(見名義集。)

迦他 詳阿僧祇條。

迦逋 或迦布德迦。詳鴿伽藍條。

迦葉佛 具云迦葉波。此云飲光。經云。人壽二萬歲時。此佛出世。種婆羅門。姓迦葉。父梵德。母財主。居波羅奈城。坐尼拘律樹下。說法一會。度人二萬。神足二。一提舍。二羅婆。侍者善友。子集軍。(見長阿含經。)偈曰。一切衆生性清淨。從本無生無可滅。卽此身心是幻生。幻化之中無罪福。(見指月錄一。)又云。二萬歲時。出成正覺。至百歲時。釋迦牟尼。居兜率天。四種觀世。故大論云。一者觀時。人壽百歲。佛出時到。二者觀土地諸國常在中國生故。三觀種姓。利利種姓勢力大。婆羅門種智慧大。隨時所貴。佛於中生。四觀生處。何等母人。能懷那羅延力菩薩。亦能自護淨戒。如是觀竟。唯中國迦毘羅淨飯王后。能懷菩薩。如是思惟已。於兜率天下。不失正慧。入於母胎。(見名義集。參看五瑞，七佛條。)

迦旃延 其一。佛弟子名。(詳十大弟子條。)其二外道名。具名迦羅鳩駄迦旃延。(詳外道六師條。)

迦毘羅 其一。仙人名。迦毘羅。梁言青色。亦名劫畢羅。翻黃色。輔行曰。此云黃頭。頭如金色。又云頭面俱如金色。造僧伽論。其二。國名。梵語迦毘羅。譯窣都。迦毘羅。此云黃色。窣都。此云所依處。上古有仙。曰黃頭。依此修道。西域記云。劫比羅伐窣堵。舊曰迦毘羅。訛也。或云迦維衛。或名迦夷。此云赤澤。或名婆兜釋翅搜。此云能仁住處。音訛也。竺法蘭對漢明帝云。迦毘羅衛者。大千之中也。宋沙門慧嚴。與南蠻校何承天。共論華梵中邊之義。乃引周公測景之法。謂此土夏至之日。有餘陰。天竺則無也。言測景者。周公攝政四年。欲求地中而營王城。故以土圭測景。得潁川陽城。於是建都。土圭。長尺有五寸。夏至日晷漏半。立八尺之表。表北得景尺有五寸。景與土圭等。此爲地中。鄭司農云。凡日景於地。千里而差一寸。當知陽城。蓋就此土自爲中耳。既有表景。豈非餘陰耶。况此東垂大海。三方且非。由是觀之。邊義彰矣。(見名義集。)又云迦毘羅。古代中印度之地名。卽釋迦父王所主國也。其地在今哥拉克普爾以北。爲釋迦降生之處。(見辭源。)

迦樓羅 詳天龍八部條。

迦蘭陀 其一。園名。園中有竹。多有迦蘭陀鳥棲止。因以爲名。其二。鳥名。此云好聲鳥。形如鵲。羣棲竹林。其三。山鼠名。昔毘舍離王入山。眠於樹下。有毒蛇欲害王。此鼠來鳴令王覺。王感恩。令一村供此鼠。乃號此村爲迦蘭陀。其四。村名。亦長者名。佛世迦蘭陀村。有一長者。居金錢四十億。王卽賜於長者之號。由此村故。所以名爲迦蘭陀長者也。三藏傳云。園主名迦蘭。先以園施諸外道。後見佛。又聞深法。恨不以園得施如來。時地神知其意。爲現災怪。怖諸外道。逐之令去。告曰。長者欲以園施佛。汝宜速去。外道含怒而去。長者歡喜。建立精舍。躬往請佛。(分見名義集。)亦云竹林精舍。出佛國記。(見佛爾雅。)

迦陵頻伽 此云妙聲鳥。大論云。如迦陵頻伽鳥。在殼中未出。發聲微妙。勝於餘鳥。正法念經云。山谷曠野。其中多有迦陵頻伽。出妙音聲。如是美音。若天，若人，緊那羅等，無能及者。唯除如來音聲。(見名義集。)

迦羅提婆 此云天。龍樹弟子。波吒釐城。僧屈外道。經十二年。不擊犍椎。提婆重聲。摧伏異道。提婆囚入大自在

廟。廟金爲像。像高六丈。琉璃爲眼。大有神驗。求願必得。怒目動睛。提婆語曰。神則神矣。本以精靈訓物。而假以黃金琉璃。威炫於世。何斯鄙哉。便登梯鑿神眼。衆人咸云。神被屈辱。婆曰。欲知神智。本無慢心。神知我心。復何屈辱。夜營厚供。明日祭神。神爲肉身。而無左眼。臨祭歎曰。能此施設。眞爲希有。而我無眼。何不施眼。提婆卽剗己眼施之。隨剗隨出。凡施萬眼。神大歡喜。問何所願。婆曰。我辭不假他。但未信受。神曰如願。卽沒不現。神理交通。咸皆信伏。(見名義集。)又云。尊者其初託生南天竺土。婆羅門種。尊貴豪勝。由毀神眼。遂無一目。因卽號曰迦那提婆。(見付法藏傳六。)又云。第十五祖迦那提婆。南天竺國人也。因謁龍樹。知是智人。令侍者以滿鉢水置於座前。提婆觀之。乃以針投。契於龍樹。卽爲法嗣。(見傳燈錄二。)又云。迦那提婆尊者。南天竺國人。姓毘舍羅。(見佛爾雅。)

迦留陀夷 此云黑光。亦云羸黑。顏色黑光故。(見名義集。)又云。身黑而光。爲佛使者。教化最善。佛弟子中。教化第一。(見二課合解。)

迦葉遺部 梵語迦葉遺。此云重空觀。卽解脫律也。大集經云。我涅槃後。我諸弟子受持如來十二部經。說無有我及以受者。轉諸煩惱猶如死屍。是故名爲迦葉遺。法名解脫。此有戒本。相同四分。(見名義集。參看五部律條。)

迦刺底迦月 詳時分條。

祇園 具稱祇樹給孤獨園。梵語祇陀。或云祇洹。波斯匿王太子名也。此云戰勝。生時。父波斯匿戰勝外國。西域記云。逝多。唐言勝林。舊曰祇陀。訛也。諸經言祇樹者。西域記云。時給孤獨願建精舍。佛命舍利子隨瞻揆焉。唯太子逝多園地爽垲。尋詣太子。具以情告。太子戲言。金徧乃賣。善施聞之。心豁如也。卽出金藏。隨言布地。有少未滿。太子請留曰。佛誠良田。宜植善種。卽於空地。建立精舍。世尊告阿難曰。自今已來。應謂此地爲逝多樹給孤獨園。梵語須達多。或云修達多。或婆須達多。西域記云。唐言善施。或名樂施。舊曰須達。訛也。正名蘇達多。勝軍王大臣。仁而聰敏。積而能散。賑乏濟貧。哀孤恤老。時美其德。號給孤獨。(分見名義集。)又云。太子施樹。長者施園。故曰祇樹給孤園。簡稱祇園。(見金剛經集註。)梵語他那。此云處。眞諦云。住處有二。一境界處。游歷之境

。爲化在俗之流。二依止處。爲統出家之衆。此卽祇園。婆沙云。聚舍衛。令遠人知。國是總也。舉祇園。令近人知。園是別也。(見名義集。)

珊瑚

梵語鉢囉婆福羅。此云珊瑚。(參看七寶條。)任昉述異記曰。珊瑚樹碧色。生海底。一株數十枝。枝間無葉。大者高五六尺。小者尺餘。應法師云。初一年青色。次年黃色。三年蟲食敗也。(見名義集。)

恆河沙

經云。須菩提。如恆河中所有沙數。如是沙等恆河。於意云何。是諸恆河沙寧爲多不。須菩提言。甚多。但諸恆沙尚多無數。何況其沙。(見金剛經。)論云。問曰。如閻浮提中種種大河。亦有過恆河者。何故常言恆河沙等。答曰。恆河沙多。餘河不爾。復次。恆河是佛生處。遊行處。弟子現見。故以爲喻。復次。諸人經書。皆以恆河爲福德吉河。若入中洗者。諸罪惡垢。皆悉除盡。以人敬事此河。皆共識知。故以恆河沙爲喻。復次。餘河名字屢轉。此恆河世世不轉。以是故以恆河爲喻。不取餘河。(見智度論七。)章安云。諸經多以恆河沙爲重者。有四義故。一人多識之。二人者得福。三八河中大。四是佛生處。此卽四悉檀也。(見名義集。)

帝釋

詳釋提桓因條。

帝釋窟

梵語因陀羅執羅窠訶。西域記云。唐言帝釋窟。西峯南巖間。有大石室。廣而不高。佛常中止。時天帝釋。以四十二疑事。書石請問。佛爲演釋。其迹猶在。(見名義集。)

帝網珠

帝網珠者。謂帝釋殿前千珠寶網。(參看因陀羅網條。)光相交映。互攝無礙也。(見三藏法數。)又云。如帝網珠。一珠趣多珠。多珠趣一珠。珠珠互映。珠珠互攝。不增不減。圓融圓融。無盡無盡。以喻華藏世界圓融無礙也。(見二課合解。)又云。帝釋殿上。千珠寶網。千珠光影入一珠。一珠光影千徧珠。雖珠珠互徧。此珠不可爲彼。彼珠不可爲此。參而不雜。離而不分。一一徧彰。亦無所在。一印頓圓。無餘法矣。(見淨土十要。)

威音王

經云。往古昔過去無量無邊不可思議阿僧祇劫。有佛名威音王如來。劫名離衰。國號大成就。(見法華經常不輕菩薩品。)又云。我等先於威音王佛聞法出家。(見楞嚴經五。)此乃空劫初成之佛。已前無佛。故宗門稱向上曰威音那畔。(見法華通義。)永嘉玄覺禪師謂玄策曰。我聽方等經論。各有師承。後於維摩經悟佛心宗。未有證明者

。策云。威音王已前卽得。威音王以後。無師自悟。盡是天然外道。(見六祖壇經。)

洛叉

或落沙。此云十萬(見名義集。)一作勒叉。此云億。度洛叉。此云兆。(見佛爾雅。)

度衆生

唐慧海大師云。衆生自度。佛不能度。若佛能度衆生時。過去諸佛。如微塵數。一切衆生。總應度盡。何故

我等至今。流浪生死。不得成佛。當知衆生自度。佛不能度。(見頓悟入道要門論。)僧若訥曰。第一義中。無生可度

。卽是常心也。若見可度。卽是生滅。良由一切衆生。本來是佛。所謂平等真法界。佛不度衆生。(見金剛經集註。)六

祖云。迷時師度。悟了自度。今已得悟。只合自性自度。又云。不悟卽佛是衆生。一念悟時。衆生是佛。又謂徒衆曰

。吾今教汝等識自心衆生。見自心佛性。欲求見佛。但識衆生。只爲衆生迷佛。非是佛迷衆生。自性若悟。衆生是佛

。自性若迷。佛是衆生。自性平等。衆生是佛。自性邪險。佛是衆生。汝等自心若險曲。卽佛在衆生中。一念平直。卽

是衆生成佛。我心自有佛。自佛是真佛。自若無佛心。何處求真佛。汝等自心是佛。更莫狐疑。外無一物而能建立。

皆是本心生萬種法。故經云。心生種種法生。心滅種種法滅。(見六祖壇經。)經云。心佛及衆生。是三無差別。又云

。若人欲了知。三世一切佛。應觀法界性。一切唯心造。又云。一切衆生。種種幻化。皆生如來圓覺妙心。是知離此

心外。無佛可成。又世尊云。一切衆生。具有如來智慧德相。但以妄想執著而不證得。著離妄想。則無師智，無礙智

，自然智。卽得現前。(見華嚴經。)觀經云。諸佛如來。是法界身。入一切衆生心想中。是故汝等心想佛時。是心卽

是三十二相。八十隨形好。是心作佛。是心是佛。諸佛正徧徧海。從心想生。(見觀無量壽佛經。)又經云。佛告須菩提

。諸菩薩摩訶薩。應如是降伏其心。所有一切衆生之類。若卵生，若胎生，若溼生，若化生，若有色，若無色，若有

想。若無想，若非有想，若非無想。我皆令入無餘涅槃而滅度之。如是滅度無量無數無邊衆生。實無衆生得滅度者。何

以故。須菩提。若菩薩有我相，人相，衆生相，壽者相。卽非菩薩。又云。佛告須菩提。善男子。善女人。發阿耨多

羅三藐三菩提心者。當生如是心。我應滅度一切衆生。滅度一切衆生已。而無有一衆生實滅度者。何以故。須菩提。

若菩薩有我相，人相，衆生相，壽者相。則非菩薩。又云。須菩提。於意云何。汝等勿謂如來作是念。我當度衆生。

須菩提。莫作是念。何以故。實無有衆生如來度者。若有衆生如來度者。如來卽有我，人，衆生，壽者。(見金剛經

。荆溪大師云。真如界內。絕生佛之假名。平等會中。無自他之形相。但以衆生妄想。不自證得。莫之能返也。由是立乎三觀。破乎三惑。證乎三智。成乎三德。（見始終心要。）

度量衡

度，謂法度。量，謂嘉量。衡，謂權衡。漢書律歷志曰。度長短者。不失毫釐。又云。度者。分寸尺丈引也。

。所以度長短也。本起於黃鐘之長。以子穀秬黍中者。（師古曰。子穀，猶言穀子耳。秬，卽黑黍。先取北方爲號。

一黍之廣。度之九十分。中者不大不小。言黑黍穀大小中者率爲分寸。）黃鐘之長。一爲一分。十分爲寸。十寸爲尺。

。十尺爲丈。十丈爲引。而五度審矣。量者。侖合升斗斛也。所以量多少也。本起於黃鐘之侖。用度數審其容。以子

穀秬黍中者。千有二百實其侖。以井水準其概。（孟康曰。概欲其直。故以水平之。井水清。清則平也。）合侖爲合。

十合爲升。十升爲斗。十斗爲斛。而五量嘉矣。（梵語阿羅。此云一斗。梵語云佉梨。此云一斛。一佉梨十佉盧也。梵

語婆訶。此云篋。盛穀圓篋也。梵語佉勒迦。此云着穀麥篋。篋受二十斛。）量多少者。不失圭撮。（應邵云。圭，

自然之形。陰陽之始也。四圭曰撮。三指撮之也。）權者。銖兩斤鈞石也。所以稱物平施。知輕重也。本起於黃鐘之

重。一侖容千二百黍。重十二銖。兩之爲兩。二十四銖爲兩。十六兩爲斤。三十斤爲鈞。四鈞爲石。（梵語陀那羅。

此云銖。梵語伽梨沙那。此云兩。梵語波羅。此云斤。）忖爲十八。易十有八。變之象也。（孟康曰。忖，度也。度其

義有十八也。黃鐘侖銖兩斤鈞石凡七。與下十一象爲十八也）論語。周衰官失。孔子陳後王之法曰。謹權量。審法度

。修廢官。舉逸民。四方之政行矣。孟子曰。權然後知輕重。度然後知長短。漢書。衡權者。衡，平也。權，重也。

衡所以任權。而均物平輕重也。其道如底。（師古曰。底平也。）以見準之正。繩之直。左旋見規。右折見矩。其在

天也。佐助璇璣。斟酌見指。以齊七政。（師古曰。日月五星也。）故曰玉衡。（分見名義集。）數謂數量。算經。黃

帝爲數法有十等。億兆京秬垓壤溝澗正載。風俗通云。千生萬。萬生億。億生兆。兆生京。京生秬。秬生垓。垓生壤

。壤生溝。溝生澗。澗生正。正生載。載，地不能載也。億分四等。一以十萬爲億。二以百萬爲億。三以千萬爲億。

四以萬萬爲億。虞書曰。自伏羲畫八卦。由數起。律歷志引書曰。先其算命。本起於黃鐘之數。始於一而三之。三積

之。歷十二辰之數。十有七萬七千一百四十七。而五數備矣。（孟康曰。初以子十乘三。三餘則轉。因其成數以三乘

之。歷十二辰。得是積數也。五行陰陽之數備矣。其算法用竹。徑一分六寸。二百七十一枚。而成六觚爲一握。六觚，六角也。度角至角。其度一寸。面容一分。其數以易大衍之數五十。其用四十九。成陽六爻。得周流六虛之象也。量卽嘉量。詳度量衡。法雲大師云。理非數量。如虛空無丈尺。事有法度。猶丈尺約虛空。故大品經。須菩提白佛。無數無量無邊。有何等算。佛言。無數者。名不墮數中。若有爲性中。無爲性中。無量者。量不可得。若過去。若未來。若現在。無邊者。諸法邊不可得。雖性非算數所知。而相有分齊（限量也）之量。俱舍論五十二數。皆從一增至十也。謂一十百千萬。洛叉。億也。十萬也。度洛叉。兆也。十億也。俱胝。京也。百億也。未陀。稀也。阿庾多。垓也。萬億也。大阿庾多。壤也。那庾多。溝也。千萬億也。大那庾多。澗也。鉢羅庾多。正也。大鉢羅庾多。載也。等。五十二數。乃至阿僧企耶。參看阿僧祇條。

度沃焦

釋迦牟尼。又翻度沃焦。如舊華嚴名字品。及十住婆沙所列。大海有石。其名曰焦。萬流沃之。至石皆竭。

所以大海水不增長。衆生流轉。猶如焦石。五欲沃之而無厭足。唯佛能度。故此爲名。見名義集。參看釋迦牟尼條。

南無

或那謨。或南摩。此翻歸命。要律儀翻恭敬。善見論翻歸命覺。或翻信從。法華疏云。南無。大有義。大品經

云。佛言。若有一人稱南無佛。乃至畢苦。其福不盡。智論問曰。云何但空稱名字。便得畢苦。其福不盜。答曰。是人會開佛功德。能度人老病死苦。若多若少供養。及稱名字。得無量福。此說稱佛功德。華嚴云。甯受地獄苦。得聞諸佛名。不受無量樂。而不聞佛名。所以於往昔。無數劫受苦。流轉生死中。不開佛名故。大品經云。我得阿耨多羅三藐三菩提時。十方過如恒沙等世界衆生。聞我名者。必得阿耨多羅三藐三菩提。此說開佛名福。見名義集。或翻皈依。亦翻空色。若約法身理而言。謂空是真空之體。色是幻色之用。攝用皈體。故云皈依。見大悲咒註像本。梵語南無煩淡。此云頂禮。見佛爾雅。

南山宗

詳十宗條。

南瞻部洲

詳四大部洲條。

香飯 經云。於是維摩詰不起於坐。居衆會前。化作菩薩。相好光明。威德殊勝。蔽於衆會。而告之曰。汝往上方界分。度如四十二恆河沙佛土。有國名衆香。佛號香積。與諸菩薩方共坐食。汝往到彼。如我詞曰。維摩詰稽首世尊足下。致敬無量。問訊起居。少病少惱。氣力安不。願得世尊所食之餘。當於娑婆世界施作佛事。令此樂小法者。得弘大道。亦使如來名聲普聞。又云。於是香積如來。以衆香鉢。盛滿香飯。與化菩薩。時化菩薩。既受鉢飯。與彼九百萬菩薩俱。承佛威神。及維摩詰力。於彼世界。忽然不現。須臾之間。至維摩詰舍。又云。時維摩詰語舍利佛等諸大聲聞。仁者可食。如來甘露味飯。大悲所熏。無以限意食之。使不消也。(見維摩經香積佛品。)

香室

梵語健陀俱胝。義淨云。西方名佛堂爲健陀俱胝。此云香室。(見名義集。)

香巖

經云。香巖童子。白佛言。我聞如來。教我諦觀諸有爲相。我時辭佛。晏晦清齋。見諸比丘。燒沉水香。香氣寂然。來入鼻中。我觀此氣。非木非空。非煙非火。去無所著。來無所從。由是意銷。發明無漏。如來印我得香巖號。塵氣條滅。妙香蜜圓。我從香巖。得阿羅漢。佛問圓通。如我所證。香巖爲上。(見楞嚴終經五。)

香雲蓋

經云。爾時四天王白佛言。世尊。時彼人王。請說法者。昇坐之時。便爲我等燒衆名香。供養是經。於一念頃。上昇虛空。卽至我等諸天宮殿。於虛空中。變成香蓋。佛告四天王。是香光明。非但至此諸天宮殿。變成香蓋。放大光明。由彼人王。手執香爐。燒衆名香。供養經時。其香煙氣於一念頃。徧至三千大千世界。於虛空中。充滿而住。種種香煙。變成雲蓋。其蓋金色。普照天宮。如是三千大千世界。所有種種香雲香蓋。皆是金光明最勝王經威神之力。是諸人王。手持香爐。供養經時。種種香氣。非但徧此三千大千世界。於一念頃。亦徧十方無量無邊恆河沙等百千萬億諸佛國土。於諸佛上虛空之中。變成香蓋。金色普照。亦復如是。(見金光明經四天王護國品。)

香華宮城

梵語拘蘇摩捕羅城。西域記云。唐言香華宮城。穀梁曰。城以保民爲之。華嚴寶眼城天告善財言。應守護心城。離生死故。(見名義集。)

茅香

梵語突婆。此云茅香。亦稱香麻。香草也。梵語嗚尸羅。此云茅香根。(見名義集。)

苜蓿 梵語寒畢力迦。此云苜蓿。漢書云。罽賓國多苜蓿。（見名義集。）俗名金花菜。（見辭源。）

苜蓿子 詳胡麻條。

苜蓿 雪山香草名。古師云。含五義。一體性柔軟。喻出家人能折伏身語麤獷故。二引蔓旁布。喻出家人傳法度人。

連延不絕故。三馨香遠聞。喻出家人戒德芬馥。爲衆所聞故。四能療疼痛。喻出家人能斷煩惱毒害故。五不背日光。喻出家人常向佛日故。（見名義集。）又云。苜蓿。雪山香草。謂其有五種德。以喻比丘亦具此德也。（見佛爾雅。）

胡豆 梵語勿伽。此云胡豆。卽綠豆也。眞諦三藏云。勿伽羅。此翻胡豆。綠色豆也。上古仙人。好食於此。仍以爲

姓。正云摩訶沒特伽羅。新翻采菽氏。菽，亦豆也。西域記云。沒特伽羅。舊曰目犍連。訛略也。（分見名義集。參看十大弟子之目犍連條。）

胡麻 梵語阿提目多伽。舊云善思夷華。此云苜蓿子。胡麻也。又云。此方無故不翻。或翻龍舐華。其草形如大麻。赤

華青葉。子堪爲油。亦堪爲香。宗鏡引攝論云。苜蓿本來是炭。多時埋在地中。變爲苜蓿。西方若欲作塗身香油。先以華香取苜蓿子聚爲一處。淹令極爛。後取苜蓿壓油。油遂香也（見名義集。）

胡桃 梵語播囉師。此云胡桃。（見名義集。）

軍持 或軍遲。此云瓶。寄歸傳云。軍持有二。若藥瓦者是淨用。若銅鐵者是觸用。西城記云。摺稚迦。卽澡瓶也。舊云軍持。訛略也。西域尼畜軍持。僧畜澡灌。謂雙口澡灌。事鈔云。應法澡灌。資持云。謂一斗已下。（見名義集）

軍持。亦名澡瓶，淨瓶。用以貯水隨身淨手者。以絹繫口。以繩懸沈於水中。待滿引出。用以濾水。經云。若爲生梵天者。當於軍持手。（見大悲經。）

室羅筏悉底 詳舍衛條。

室羅伐拏月 詳時分條。

耶輸陀羅 或耶檀。此云華色。亦云名聞。悉達次妃。天人知識。出家爲尼衆之主。大論云。釋迦文菩薩有二夫人

。一名瞿毗耶。二名耶輸陀羅。羅睺羅母也。瞿毗耶是寶女。故不孕子。（見名義集。）端應經云。太子十七歲納妃三

人。以示同人法也。一瞿夷。二耶輸。三鹿野。(見三藏法數。參看瞿夷條。)經云。爾時羅睺羅母耶輸陀羅比丘尼作是念。世尊於授記中。獨不說我名。佛告耶輸陀羅。汝於來世。百千萬億諸佛法中。修菩薩行。爲大法師。漸具佛道。於善國中。當得作佛。號具足千萬光相如來。(見法華經持品。)

首陀 詳戍陀羅條。

首楞嚴 大論云。秦言健相。分別知諸三昧行相多少深淺。如大將知諸兵力多少也。菩薩得是三昧。諸煩惱魔。及魔人。無能壞故。譬如轉輪聖王主兵寶將。所住至處。無能壞伏。故名健相三昧也。又云。一切事究竟堅固。大經云。首楞者。一切事竟。嚴名堅固。一切畢竟而得堅固。名首楞嚴。是故首楞嚴定。名爲佛性。慈恩翻爲金剛藏。此諸菩薩證此定故。以是爲名。(見名義集。)首楞嚴。是三昧之名。乃百八三昧之元首。一切大定之總名也。(見二課合解。)

首陀婆 詳五那含天條。

皈依 詳南無條。

律宗 詳十宗條。

律師 經云。具足十法名律師。(見寶雲經六。)又云。佛言。善解一字名律師。一字者。律字也。(見行事鈔下三。)唐慧海大師云。夫律師者。啓毘尼之法藏。傳壽命之遺風。洞持犯而達開遮。乘威儀而行軌範。牒三番羯磨。作四果初囚。若非宿德白眉。焉敢造次。(見頓悟入道要門論。)律師三法。一本毘羅藏。謂爲律師者。必本於毘尼。諷誦通利。句義辯習。文字不忘。然後可以教授於人。所以稱爲律師。二堅持不雜。謂爲律師者。當懷慚愧。堅持法律。於毘尼藏所有文句義疏。悉皆通達。若有問者。次第而答。不相雜亂。所以稱爲律師。三受持不忘。謂爲律師者。於毘尼藏所傳之師。須知次第授受之由。若佛授優波離。如是次第師師相承。乃至於今。於其名字。或能盡知。或知一二而不忘失。所以稱爲律師。(見善見毘婆沙律。三藏法數。)

律藏 詳三藏條。

突吉羅 善見云。突者。惡也。吉羅者。作也。聲論。正音突悉吉粟多。四分律本云。式叉迦羅尼。義翻應當學。此

罪微細。持之極難。故隨學隨守以立名。七聚之中。分此一部以爲二聚。身名惡作。口名惡說。多論問。何此獨名應常學。答。餘戒易持罪重。此戒難持易犯。常須念學。故不列罪名。但言應常學。犯突吉羅衆學戒罪。如四天王壽五百歲。墮泥犁中。於人間數九百千歲。此墮等活地獄。人間五十年。下天一晝夜。（見名義集。參看七聚，二百五十戒條。）

胎生 詳四生條。

胎相 一正知入不正知住出。謂轉輪王，宿世曾修廣大之福。其業最勝。但知入胎。不能正知住胎出胎也。二正知入不正知出。謂獨覺之人。久習多聞。其智最勝。但正知入胎住胎。不能正知出胎也。三俱正知入住出。謂菩薩曠劫修行。福德智慧俱勝。故能正知入胎住胎出胎也。四俱不正知。謂六道衆生有情之類。若福微薄者。入母胎時。或見大風大雨。或衆聲威逼。遂見己身入於密草稠林。住在此中。復從此出。若福厚大者。入母胎時。自見己身。或處妙好園林。或居勝臺殿。住在此中。復從此出。於入住出胎。皆不能知也。（見阿毘達磨俱舍論。三藏法數。）

胎化藏 謂佛說胎中化現等事。如菩薩處胎等經是也。（參看八藏條。）

胎中五位 一羯羅藍。或歌羅邏。此云凝滑。又云雜穢。狀如凝酥。胎中初七日之形也。（參看命根條。）二頰部曇。或遏蒲曇。或頰浮陀。此云疱。狀如瘡疱。胎中二七日之形也。三閉尸。或蔽尸。或伽那。此云凝結。狀如就血。或云聚血。或云粟肉。胎中三七日之形也。四健男。或羯南。或健南。或伽訶那。此云凝厚。漸堅硬故。亦云硬肉。胎中四七日之形也。雖有身意。缺眼四根。六處未全。但號名色。五鉢羅奢佉。此云形位。具諸根形。四支差別。俱舍以此胎五七日。名胎中五位。六七日。名髮毛爪齒位。七七日。名具根位。五根圓滿故。所言根者。增上出生。名之爲根。五識藉彼爲增上緣而得生故。又具五義。名之爲根。嚴續依發及徧別故。從此五七。至未出胎。並名六入。言胞胎者。說文云。兒生裹衣者曰胎。爾雅云。胎，始養也。（分見名義集。）

斫迦羅 其一。或云柘迦羅。或云灼羯羅。應法師云。此翻輪山。舊云鐵圍。圍卽輪義。譯人義立。（參看鐵圍山條

。）又云。毗那耶迦山外曰斫迦羅。（見佛爾雅。）其二。或云跋折羅。大論云越闍。新云縛左羅。西域記云。伐羅闍

。此云金剛。(詳金剛條。)(分見名義集。)

斫訖羅 此土翻輪。(詳法輪條。)

持誦 瑜伽中有四種念誦。一音聲念誦。出聲念也。二金剛念誦。合口默念。三三摩提念。心念者是。四真實義念。

如字修行。又或開五。一出入息誦。想咒字語。隨出入息。息出字出。息入字入。字字朗然。如貫明珠。前後無間。二瑜伽持誦。想心月輪。內外分明。咒字次第。從前右旋。周布輪緣。終而復始。三金剛持誦。口中微微默轉。四微聲持誦。字字分明稱念。但令自耳聞之。五高聲持誦。令他聞之。滅惡生善。如意寶經中。妙住菩薩問。持此總持王章句。何因不見三世諸佛。佛言。以住業故。疑未斷故。有爲心故。無方便故。若能心無疑惑。決定專注。是名真實持者。又妙臂菩薩問。持誦真言。不能成果。爲法力無能耶。所作非時耶。種性非性耶。真言缺利耶。修持輕慢耶。供養不真耶。金剛手菩薩答。修真言行求成就者。應當離諸煩惱。起於深信。發菩提心。重佛法衆。遠十惡業。離邪見網。行十善法。入大曼拏。依阿闍黎。決志勇進。懺悔宿障。助伴同行。供養虔潔。真言無訛。今不如法。豈應驗耶。如法持誦。必有靈感。(見二課合解。參看四種念佛條。)

持戒 梵語尸羅。古師翻戒。梵語三婆羅。此云禁戒。起信論云。護持如來所制禁戒。不令見者有所譏嫌。能使衆生

捨惡修善。言持戒者。謂奉持如來戒律。則能防止三業所起之惡也。詳言之。有五戒，八戒。爲在家人所應受持者。十戒(亦云沙彌戒。)(二百五十戒。(亦云具足戒。)(爲出家人所應受持者。十重四十八輕。則爲菩薩大戒。(亦云三聚淨戒。)(不論在家出家。但發心修菩薩行者。皆得受持之也。(見名義集，佛教問答。參看各本條。)

持國 詳四天王條。

風神 梵語婆庚。此云風神。書云。撓萬物者莫疾乎風。俱舍云。安立器世間。風輪最居下。則知世界依風而住。梵語惡那尼。此云火神。(參看火神條。)(此二神名。出孔雀經。(見名義集。)

風輪 華嚴經云。此四風輪(四風輪者。一安住。二常住。三究竟。四堅固。)(能持水輪。水輪能持大地令不散壞。以譬如來出現。依無礙慧光明。而起四種大智風輪。能持一切衆生善根也。(見三藏法數。參看四輪持世界條。)

契經 詳三藏條。(參看十二部經條。)

染淨 無明之用爲染。法性之用爲淨。無明法性。體本不二。用乃有殊。(見三藏法數。)染有三種。卽惑業苦也。發

業潤生煩惱名惑。能感後有諸業名業。業所引生衆苦名苦。(見成唯識論。)淨有三種。一方便淨。嘔和善巧。權能逗物。二圓淨。因圓果滿。畢竟成就。三性淨。冲湛寂靜。不生不滅。(見涅槃經玄義。)

染分 謂我癡，我見，我慢，我愛，之四惑也。(見三藏法數。)或云染污。謂我癡，我見，我慢，我愛，四惑常俱。故名染污。(見名義集。參看四根本煩惱條。)

苦諦 詳四諦條。

苦行 梵語勒沙婆。此云苦行。外道名也。以算數爲聖法。造經十萬偈。名尼乾子，此三仙說。無漏盡通。故唯五通

。宗鏡錄云。迦毘羅計因中有果。僧佉計因中無果。勒沙婆計因中亦有果亦無果。(見名義集。)

苦具 或苦器。詳捺落迦條。

苦法忍 詳八忍八智條。

苦類忍 詳八忍八智條。

苦集滅道 詳四諦條。

苦行外道 詳六苦行外道條。

相分 一實相名相。體卽真如。是真實相故。二境相名相。爲能與根心而爲境故。三相狀名相。此唯有爲法有相狀故。通影及質。唯是識之所變。四義相名相。卽能詮下所詮義相分是。此四相中。取後三相而爲相分。又相分有二。一識所頓變。卽是本質。二識等緣境。唯變影緣。不得本質。(見名義集。參看識分條。)

相似卽佛 詳六卽佛條。

降魔相 謂菩薩於菩提樹下。將成道時。天地震動。放大光明。隱蔽魔宮。時魔波旬。卽令三女。亂其淨行。菩薩以神力故。變其魔女。皆成老母。魔王大怒。徧勅部從。上震天雷。雨熱鐵丸。刀輪器仗。交橫空中。挽弓放箭。箭停

空中。變成蓮華。不能加害。羣魔憂戚。悉皆迸散。是名降魔相。(見釋迦譜，三藏法數。)

降兜率相 詳五瑞條。

背捨 詳八背捨條。

飛行仙 詳十行仙條。

革屣 梵語亟縛屣。或名革屣。此云靴。或云鞞。(同靴)波斯屬國。有阿鞞(部本切)茶國。城北大林中。有伽藍。吾

佛於此。聽比丘着亟縛。此云靴也。又于闐國有辟支佛靴。于今不爛。非皮非繒。莫能審之。(見佛爾雅。)

指鬘

梵語鶖窣利魔羅。西域記云。唐言指鬘。舊曰央崛摩羅。訛也。殺人取指冠首爲鬘。鶖崛摩鬘經云。師教殺人。限至於百。各貫一指。以鬘其頭。又翻一切世間現。(見名義集。)又云。鶖崛魔。指鬘也。卽伽瞿比丘奇角氏。

(見佛爾雅。)

指月

經云。佛告阿難。汝等尙以緣心聽法。此法亦緣。非得法性。如人以手指月示人。彼人因指。當應看月。若復觀指以爲月體。此人豈唯亡失月輪。亦亡其指。何以故。以所標指爲明月故。豈唯亡指。亦復不識明之與暗。何以故

。卽以指體爲月明性。明暗二性無所了故。(見楞嚴經二。)

信心

論云。略說有四種。一者信根本。所謂樂念真如法故。二者信佛有無量功德。常念親近供養恭敬。發起善根。願求一切智故。三者信法有大利益。常念修行諸波羅密故。四者信僧能正修行。自利利他。常樂親近諸菩薩衆。求學

如實行故。(見梁譯起信論。)經云。信爲道源功德母。長養一切諸善根。(見華嚴經。)

信願行

彌陀要解云。非信不足以啓願。非願不足以導行。非持名妙行，不足滿所願而證所信。此三爲求淨土之資糧。如鼎三足。缺一不立。信者。信自他，因果，事理之六。相因而成淨土。願者。願捨娑婆而欣極樂。行者。執持名

號。一心不亂。所言信自。則知自心豎窮橫徧。清淨本然。今被無明所惑。不能了徹。若能卽念彌陀。決顯自性唯心

佛土。信他。則知釋尊說經不誑。諸佛長舌不虛。彌陀真實宏願。但衆生能依信起願。決定有生。信因。則定散二種

念佛。皆成佛種。信果。則定散二善。兼願具足。定到蓮臺。信事。則十萬億土外。必有極樂可求。不同莊生寓言，

以事由理成故。信理。則盡空法界，唯自心現。況止十萬億土之遙。以理由事顯故，淨名云。心淨國土淨。心穢世界穢。淨土則享無生樂。穢土則受生死苦。是故吾人切當發願。願捨穢而取淨。起妙行以持名。信願具足。念佛念心。念心念佛。心佛一如。取捨雙亡。成清淨佛。豈非由三資糧而始歟。（見二課合解。）要解又云。信願爲慧行。持名爲行行。得生與否。全由信願之有無。品位高下。全由持名之深淺。故慧行爲前導。行行爲正修。如目足並運也。論云。復次衆生初學是法。（謂修行信心分。參看信心條。）欲求正信。其心怯弱。以住於此婆婆世界。自畏不能常值諸佛。親承供養。懼謂信心難可成就。意欲退者。當知如來有勝方便。攝護信心。謂以專意念佛因緣。隨願得生他方佛土。常見於佛。永離惡道。如修多羅說。若人專念西方極樂世界阿彌陀佛。所修善根迴向。願求生彼世界。卽得往生。常見佛故。終無有退。若觀彼佛眞如法身。常勤修習。畢竟得生住正定故。（見梁譯起信論。參看四種念佛條。）

信解行證

詳四分五周條。

十畫

般若 具云般刺若。秦言智慧。又梵語若那。秦言智。梵語末底。秦言慧。法界次第云。照了一切諸法皆不可得。而能通達一切無闕。名為智慧。大論云。般若定實相甚深極重。智慧輕薄。是故不能稱此生善。故不翻。(參看五種不翻條。)此六度法。(參看六度條。)祖引經論。以辨其相。共立六義。一對治。善戒經云。謂慳，惡，瞋，怠，亂，癡。是所破之蔽。(六蔽。)(二相生。善戒經云。謂捨家。持戒。遇辱須忍。忍已精進。精進已，調五根。根調故。知法。)(三果報。善戒經云。富具色力壽安辯。又餘經云。施報富。戒報善道。忍報端正。進報神通。禪報生天。智破煩惱。四互攝。彌勒頌云。檀義攝於六。資生，無畏，法。是中一二三。名為修行住。此檀攝六度也。又菩提資糧論云。既為菩薩母。亦為諸佛母。般若波羅蜜。是覺初資糧。(覺是菩提。六度是菩提資糧。般若為初耳。)施戒忍精進。及此五之餘。方便願智力。(參看十波羅蜜條。)皆由智度故。波羅蜜所攝。此乃般若攝於六度。初後既爾。中四例知。五譬喻。華嚴云。菩薩摩訶薩。以般若波羅蜜為母。方便善巧為父。檀波羅蜜為乳母。尸羅波羅蜜為養母。忍波羅蜜為莊具。勤波羅蜜為養育者。禪波羅蜜為浣濯人。善知識為教授師。一切菩提分為伴侶。一切善法為眷屬。一切菩薩為兄弟。菩提心為家。如理修行為家法。諸地為家處。諸忍為家族。大願為家教。滿足諸行為順家法。勸發大乘為紹家業。法水灌頂一生所繫菩薩為王太子。成就菩提為能淨家族。六分開。六度通大小。十度唯在大。言十度者。於禪中有願智力。故開願度。有神通智。開出力度。根本定。守禪度名。般若中有道種智。開出方便度。有一切種智。開出智度。一切智。守本般若名。什曰。窮智之原故稱度。梵音中有母義。(見名義集。)(六祖云。般若者。唐言智慧也。又云。般若無形相。智慧心即是。若作如是解。即名般若智。(見六祖壇經。)

般舟 詳三昧條。

般泥洹 即般涅槃。此云滅度。(詳涅槃條。)

般若經 佛於第四時中。所說之經既多。法亦不一。有八部之名焉。一大品般若。謂佛演說五蘊，十二入，十八界，

三十七道品，等法。皆從六波羅蜜生。其般若波羅蜜。最大，最勝，最爲第一。餘之五度。若無般若導達。則不得名爲波羅蜜也。以其卷帙多故。是名小品般若。二小品般若。謂與前大品所說之法。大要是同。因對大品。以其卷帙少故。是名小品般若。三放光般若。謂世尊入於三昧。從足千輻輪相。放大光明。上至肉髻，及諸毛孔中。皆放光明。徧照十方國土。爲諸菩薩而說此經。是名放光般若。四光讚般若。光即光明。讚即講說。謂佛從舌本出無數光明。照三千界。其光明中。自然而現無數金蓮華。其蓮華上。各有諸佛講說此經。是名光讚般若。五道行般若。謂佛說法。令諸衆生聞者喜樂。展轉相告。於中受學。成就道行。是名道行般若。六金剛般若。金剛，喻也。般若，法也。以金之剛貞。至堅至利。能斷難斷。能碎萬物。譬喻般若空慧。能斷諸衆生難斷之惑。是名金剛般若。七勝天王般若。勝天王問佛云。菩薩摩訶薩。云何修學一切法。通達一切法。佛即答云。菩薩摩訶薩。修學般若波羅蜜經。則能通達擅波羅蜜乃至智波羅蜜等。此經由勝天王發問而說。是名勝天王般若。八文殊問般若。文殊師利白佛言。我觀如來。不異相。不動相。不作相。無生相。無滅相。不有相。不無相等。佛即答云。若能如是見於如來。心無所取。亦無不取等。甚爲希有。此經因文殊發問而說。是名文殊問般若。（見三藏法數。）

般刺密帝 唐云極量。中印度人。懷道觀方。隨緣濟度。展轉遊化。達我支那。乃於廣州制旨道場。譯首楞嚴。（見名義集。）又云。師中印度人。剖膊藏經。航海而來。遇房相於廣州制旨道場。譯首楞嚴經。（見名義集選。）

涅槃 具云摩訶般涅槃那。此云大滅度。大即法身。滅即解脫。度即般若。大經云。涅槃不生。槃言不滅。不生不滅。名大涅槃。楞伽經云。我所說者。妄想識滅。名爲涅槃。肇師涅槃論云。秦言無爲。亦名滅度。無爲者。取其虛無寂寞。妙絕於有爲。滅度者。言其大患永滅。超度四流。斯蓋鏡像之所歸。絕稱謂之幽宅也。法華，金剛。皆云滅度。焚三藏翻爲圓寂。賢首云。德無不備稱圓。障無不盡稱寂。圭峯正名寂滅。准肇公云。泥洹盡諦者。豈直結盡而已。則生死永寂滅。故謂之盡矣。或翻安樂。凡聖大小。皆有涅槃。或名彼岸。肇師云。彼岸者。涅槃岸也。智論云。槃名爲趣。涅槃爲出。永出諸趣。故名涅槃。光明玄義云。若三鬼煩惱盡。證有餘涅槃。焚身灰智。入無餘涅槃。勝鬘經云。知有餘苦。斷有餘集。證有餘滅。修有餘道。是名得少分涅槃。得少分涅槃者。名向涅槃界。究竟涅槃者。

大法鼓經云。乃至得一切種功德。一切種智。大乘涅槃。然後究竟。法華經云。不令人獨得滅度。皆以如來滅度而滅度之。初發大心。當期究竟。涅槃經云。有四法爲涅槃近因。一近善知識。二聽聞正法。三思惟其義。四如說修行。若言勤修苦行。是涅槃近因緣者。無有是處。(見名義集)智論明二涅槃。一有餘涅槃。謂見思煩惱已斷。(即見思惑。)尚餘現受色身未泯。是名有餘涅槃。二無餘涅槃。謂見思二惑與所受五衆(即五陰)之身。俱得滅盡。無有遺餘。是名無餘涅槃。光明玄義明三涅槃。一性淨涅槃。謂諸法實相之理。不可染。不可淨。不染即不生。不淨即不滅。不生不滅。名性淨涅槃。二圓淨涅槃。智極故名圓。惑盡故名淨。據性而言。雖無染淨。約修而說。惑智宛然。智若契理。惑畢竟不生。智畢竟不滅。不生不滅。名圓淨涅槃。三方便淨涅槃。方便猶善巧也。智既契理。卽照羣機。照必垂應。機感卽生。此生非生。機緣既盡。應身卽滅。此滅非滅。不生不滅。名方便淨涅槃。唯識論明四種涅槃。一本來自性清淨涅槃。謂真如理。隨緣變造一切諸法。雖有煩惱垢染。而本性清淨。具足無量微妙功德。無生無滅。湛若虛空。一切衆生。平等共有。與一切法。不一不異。離一切相。無有分別。故名本來自性清淨涅槃。二有餘依涅槃。謂煩惱之障雖滅。尚餘欲界五陰之身而爲所依。故名有餘依涅槃。三無餘依涅槃。謂煩惱既盡。所餘五陰之身亦滅。故名無餘依涅槃。四無住處涅槃。謂不住生死。不住涅槃。窮未來際。利樂有情。故名無住處涅槃。(見三藏法數。)

涅槃僧 詳衣服條。

涅槃相 釋尊度人已竟。將入涅槃。二月十五日。於拘尸那城娑羅雙樹間。臥七寶牀。其林忽然變白。猶如白鶴。爾時佛受純陀長者(參看純陀條。)最後供已。與文殊師利等言。諸善男子。但當自修其心。慎莫放逸。遂於中夜而入涅槃。諸天人等。以千端鬘纏裹其身。七寶爲棺。盛滿香油。積諸香木。以火焚之。收取舍利。以爲八分。(八分者。拘尸城一分。波肩羅婆國一分。師伽那婆國一分。阿勒遮國一分。毘耨國一分。毘離國一分。遮羅迦羅國一分。摩伽陀國一分也。)起塔供養。是名涅槃相。(見涅槃經後分。三藏法數。參看舍利條。)

修陀 此譯云白。或云須陀。此天食也。天台禪師。觀心食法。既敷座坐已。聽維那進止。鳴磬後。歛手供養一體三寶。徧十方施作佛事。次出生飯。稱施六道。卽表六波羅蜜。然後受此食。淨名經云。於食等者。於法亦等。大品經

寶。徧十方施作佛事。次出生飯。稱施六道。卽表六波羅蜜。然後受此食。淨名經云。於食等者。於法亦等。大品經

云。一切法趣味。是趣不過。味尚不可得。云何當有趣非趣。所言一切法趣味者。味即是食。此食即是不思議法界。食中含受一切法。食若是有。一切法皆有。食若是無。一切法皆無。今食不可思議故。尚不見是有。云何當有趣。尚不見是無。云何當有非趣。若觀食不見趣非趣。即是中道三昧。名眞法喜禪悅之食。而能通達趣非趣法。卽雙照二諦。得二諦三昧法喜禪悅之食。是名食等。什曰。一揣食。二願食。如見沙囊命不絕也。三業食。如地獄無食而活。四識食。無色衆生。識想相續也。(見名義集。參看齋法四食條。)

修多羅

詳三藏條。(參看十二部經條。)

修伽陀

秦言好去。大論云。於種種諸深三摩提。無量智慧中去。或名修伽度。此云善逝。菩薩地持經云。第一上升。永不復還。故名善逝。(見名義集。參看十號條。)

俱舍

或云比呬。或云摘迦。此翻爲藏。卽包含攝持之義。非藏無以積錢財。非藏無以蘊文義。故攝論云。何名爲藏。

。由能攝故。謂攝一切所應知義，無令分散。故名爲藏。四教義云。今言三名。各含一切文理。故名爲藏。阿含卽定藏。毘尼卽戒藏。阿毘曇卽慧藏也。小乘三藏。皆佛所說。如出曜經云。佛在波羅奈仙人鹿野苑中。告五比丘。此苦原本。本所未聞。本所未見。廣說此法爲契經藏。佛在羅閱城。(王舍城。)時迦蘭陀子。名須陳那。出家學道。最初犯律。故說戒藏。佛在毘舍離。見跋耆子本末因緣。告諸比丘。諸無五畏悲恨之心者。便不墮惡趣。亦復不生入地獄中。廣說如阿毘曇。是知小乘俱是佛說。斯大乘論藏。自屬菩薩之所造也。大乘三藏。謂佛滅度後。阿難結集修多羅藏。優波離結集毘奈耶藏。迦葉結集阿毘曇藏。大論云。佛在世時。無三藏名。大乘經律混同。是故法華判其三藏屬小乘者。多是譯師加三藏名。顯小乘教也。四教義云。說時非行時。教起之次。阿含爲先。修行之初。木叉爲首。故出曜經說教次第。先經次律而後論也。(見名義集。參看三藏條。)

俱胝

或拘致。此云百億。(見名義集。參看度量衡條。)

俱舍宗

詳十宗條。

俱蘇摩

詳華鬘條。

能所 二法爲對待之時。自動之法謂之能。不動之法謂之所。如能緣所緣，能見所見等。金剛經新註一曰。般若妙理。無能所。絕對待。（見禪宗正旨淺注。）

能奪命 詳魔羅條。

能天主 詳釋提桓因條。

能仁寂默 詳釋迦牟尼條。

眞如 詳一心法條。

眞俗 詳二諦條。（參看三諦條。）

眞諦 詳波羅末陀條。

眞無漏 詳三十四心條。

眞言宗 詳十宗條。

眞應無礙 眞卽遮那眞身也。應卽釋迦應身也。眞身是體。應身是用。全體起用。用卽是體。故釋迦遮那。圓融自在。本無二體。華嚴經云。如來眞身本無二。應物分形滿世間。是卽眞應無礙之義也。（見三藏法數。）

眞言密教 樓閣經云。眞言是諸佛之母。成佛種子。若無眞言。終不能成無上正覺。又云。三藏教，盡從陀羅尼所出。（見三藏法數。）眞言密教。自教主法身大毘盧遮那。（卽釋迦牟尼。）傳之自眷屬上首金剛薩埵。金剛薩埵持此法

門。住南天竺鐵塔。潛待流傳之時機。於釋迦如來入城後八百年頃。有一大士。名龍猛菩薩。（參看龍樹條。）其初廣遊天上龍宮。窮法華華嚴等所有顯教。流布人間。遂乃開此鐵塔。金剛薩埵親授灌頂。於是得受祕密最上乘教。後龍猛傳之龍智菩薩。龍智傳之金剛智三藏。金剛智傳之不空三藏。不空傳之大唐青龍寺惠果等八阿闍黎。是爲此宗之全盛時代。過此以後。則入唐季衰運。而流爲市井歌唄矣。日本眞言宗初祖。弘法大師。卽中華惠果大師之入室弟子也。當時惠果門下。中華之嗣法無人。故金剛胎藏兩部大法。（參看兩部曼荼羅條。）始隨遍照金剛而輝耀於扶桑矣。由是日本八代祖師。嫡嫡相承。如國璽寶印之帝帝相付。至今千餘年。法流澎湃。道統常新。是則法身如來加持力之所

致也。菩提心論云。惟真言法中。卽身成佛。金剛頂經云。修此三昧者。現證佛菩提。大妙金剛經云。不轉肉身。得無漏果。是爲真言密教付法相承之概略也。（見真言宗義章。）又云。唐開寶八年庚申。西域沙門金剛智率不空三藏。來遊京師。帝召見。大悅。勅館於慈恩寺。命傳祕密教。（見崇佛紀略。）初金剛薩埵於毘盧遮那前。親受瑜珈五部蘇悉軌範。薩埵傳龍猛。猛傳龍智。智傳金剛智。智傳不空三藏。不空傳此土慧朗法師。自朗而下。其嗣寢微。迄今末法。所謂瑜珈佛事存焉。

眞如三昧

論云。眞如三昧者。不住見相。不住得相。乃至出定。亦無懈怠。所有煩惱。漸漸微薄。若諸凡夫不習

此三昧法。得入如來種性。無有是處。以修世間諸禪三昧。多起味著。依於我見。繫屬三界。與外道共。若離善知識所護。則起外道見故。復次。精勤專心修學此三昧者。現世常得十種利益。云何爲十。一者常爲十方諸佛菩薩之所護念。二者不爲諸魔惡鬼所能恐怖。三者不爲九十五種外道鬼神之所惑亂。四者遠離誹謗甚深之法。重罪業障。漸漸微薄。五者滅一切疑惑諸惡覺觀。六者於如來境界信得增長。七者遠離憂悔。於生死中。勇猛不怯。八者其心和。捨於憍慢。不爲他人所惱。九者雖未得定。於一切時一切境界處。則能減損煩惱。不樂世間。十者若得三昧。不爲外緣一切音聲之所驚動。又云。依是三昧故。則知法界一相。謂一切諸佛法身。與衆生身。平等無二。卽名一行三昧。當知眞如是三昧根本。若人修行。漸漸能生無量三昧。（見梁譯起信論。參看三昧條。）

韋陀

亦名吠陀。此云智論。知此生智。卽邪智論。亦翻無對。舊云毘陀。訛也。韋陀有四。一阿由。此云方命。亦

曰壽。謂養生繕性。二殊夜。謂祭祀祈禱。三婆磨。謂禮儀占卜。兵法軍陣。四阿達婆。謂異能技數。禁呪醫方。索隱引摩登伽經云。初人名梵天。造一韋陀。次有仙名白淨。變一有四。一名讀誦。二名祭祀。三名歌詠。四名禳災。次名弗沙。有二十五弟子。各一韋陀。能廣分別。或云韋陀是符檄。漢書高紀曰。檄以木簡爲書。長尺二寸。用徵召也。其有急事。則加鳥羽插之。示疾速也。（見名義集。）

韋馱

此翻智論。靈威要略曰。天神姓韋。諱琨。卽南方天王八將之一臣也。四王合三十二將。此爲其首。生知聰慧

。早離塵欲。清淨梵行。修童眞業。不受天欲。面受佛囑。外護佛法。統護三洲。利物弘化。大濟羣生。故凡建伽藍

。皆設像崇敬。以彰護法之功也。（見三藏法數。）大藏宗聖錄曰。南無三洲感應護法韋馱尊天菩薩。先世曾爲金輪王太子。與賢劫中千佛兄弟。誓願現大將軍身。擁護佛法。助轉法輪。一十七世爲童真身。寶華琉璃光佛會上成道。名爲普眼菩薩。釋迦如來會上成道。爲童真菩薩。手執金剛寶杵。重八萬四千斤。發大誓願。金剛可壞。豈真不破。誓願在賢劫中九百九十九尊佛出世。成道利生。永鎮三門。擁護佛法。然後成佛。號曰樓至如來。以滿千佛之數。（見觀相大悲咒。）輔宏記云。非樓至佛也。正法念經云。昔有王國有二夫人。第一夫人生一子。試當來成佛次第。釋迦探籌居第四。第二夫人生二子。第一子願作梵王。爲請千兄轉法輪主，其次願爲密迹金剛，護千兄教。今內祕外現執金剛杵。是知非樓至也。（見二課合解。參看千佛條。）

韋提希 瓶沙王妃。阿闍世王之母也。此云思惟。觀經云。惟願世尊。教我思惟。教我正受。（見名義集，觀無量壽佛經。）

時分 梵語劫波羅。華言時分。（見楞嚴經。）西域記云。時極短者。謂刹那也。百二十刹那爲一呎刹那。六十呎刹那爲一臘縛。（一作羅婆。）三十臘縛爲一牟呼栗多。五十牟呼栗多爲一時。六時合成一日一夜。夜三晝三。（參看晝夜六時條。）居俗日夜。分爲八時。晝四夜四。月盈至滿。謂之白分。月虧至晦。謂之黑分。或十四日，或十五日。月有大小故也。黑前白後。合爲一月。六日合爲一行。日游在內。北行也。日遊在外。南行也。總此二行。合爲一歲。又分一歲以爲六時。正月十六日。至三月十五日。漸熱也。三月十六日，至五月十五日。盛熱也。五月十六日，至七月十五日。雨時也。七月十六日，至九月十五日。茂時也。九月十六日，至十一月十五日。漸寒也。十一月十六日，至正月十五日。盛寒也。如來聖教。歲爲三時。正月十六日，至五月十五日。熱時也。五月十六日，至九月十五日。雨時也。九月十六日，至正月十五日。寒時也。或爲四時。春夏秋冬也。春三月。謂制俎邏月。吠舍佉月。逝瑟吒月。當此從五月十五日，至四月十五日。夏三月。謂頰沙茶月。室羅伐拏月。婆達羅鉢陀月。當此從四月十六日，至七月十五日。秋三月。謂頰溼縛庾闍月。迦刺底迦月。末伽始羅月。當此從七月十六日，至十月十五日。冬三月。謂報沙月。磨祛月。頗勒窣拏月。當此從十月十六日，至正月十五日。又東夏明時。如爾雅云。夏曰歲。商曰祀。周曰年。

。唐虞曰載。註曰。歲取歲星行一次。祀取四時祭祀一訖。年取年穀一熟。載取物終更始也。尙書大傳云。夏以十三月爲正。色尙黑。以平旦爲朔。殷以十二月爲正。色尙白。以雞鳴爲朔。周以十一月爲正。色尙赤。以夜半爲朔。白虎通曰。正朔有三者。本天有三統。謂三微之月也。三微者。陽氣始施黃泉。萬物微動而未著也。十一月之時。陽氣始養根株。黃泉之下。萬物皆赤。赤者。盛陽之氣。故周爲天正。色尙赤也。十二月之時。萬物始芽而白。白者。陰陽氣。故殷爲地正。色尙白也。十三月之時。萬物始建。孚甲而出。皆黑。人得加功。故夏爲人正。色尙黑也。（見名義集。）經云。三月是春時。三月名爲夏。三月名秋分。三月謂冬時。此據一年中。三三而別說。二二爲一節。便成歲六時。初二是華時。三四名熱際。五六名雨際。七八謂秋時。九十是寒時。後二名冰雪。（見金光明經除病品。）又云。六十刹那爲一息。十息爲一羅婆。又云。瞬頃謂之羅婆。四羅婆謂之迦連。四十迦連謂之迦羅。三十迦羅謂之一刻。又云。一瞬爲咀刹那。一須臾爲摩臘羅。又云。二十念爲一瞬。二十瞬爲彈指。又云。一須臾曰一牟休多。又云。二十羅預爲一須臾。三十須臾爲一晝夜。（見佛爾雅。參看刹那條。）

時輪金剛

時輪金剛者。乃佛教無上密乘中五大部之第一部。爲密部之王。拔苦之主。濟幽利顯。化劫除災。中華民國二十一年。壬申，九月。由西藏護國廣慧班禪大師。於北平故宮太和殿。起薦時輪金剛法會。密宗傳入中土後。時輪法會。此爲創舉。考其由來。原印度北境，有香拔喇國。義譯持樂。其境圓形。中如蓮華。每瓣有區邑十二兆。兆各有十萬大城。釋迦成道後。翌年癸未三月十五日。在靈鷲山顯說法體。月善國王與九十六法王。在金剛體壇城中灌頂。聞宣說時輪金剛根本經。月善記錄之。迎奉於香拔喇。建時輪金剛大壇城。爲七寶所成。（見啓建時輪金剛法會緣起。）

耆婆

或云耆域。或名時縛迦。此云能活。又云故活。影堅王（瓶沙王）之子。善見（阿闍世）庶兄。柰女所生。（參看庵羅條。）出胎即持針筒藥囊。其母惡之，即以白衣裹之。棄於巷中。時無畏王乘車遙見。乃問之。有人答曰。此小兒也。又問死活耶。答云故活。王即勸人乳而養之。後還其母。四分律云。耆婆初詣得叉尸羅國。姓阿提梨。字賓迦羅。從學醫道。經於七年。其師便以一籠器，及掘草之具。令其於得叉尸羅國，面一由旬。求覓諸草。有不是藥者持

來。耆婆如教。卽於國內面一由旬。周竟求覓。所見草木。盡皆分別。無有草木非是藥者。師言。汝今可去。醫道已成。我若死後。次卽有汝。耆婆經云。耆婆童子。於貨柴人所。大柴束中。見有一木。光明徹照。名爲藥王。倚病人身。照見身中一切諸病。(見名義集。)祇域行針得福。謂佛有疾。使祇域治之。囚行針出血。疾得頓愈。雖出佛血。由治疾故。而得福報。(見大智度論。)十誦律云。佛在舍衛國時。比丘有癩病。求治於藥師耆域。耆域告病比丘言。汝可洗浴。病卽得瘥。比丘言。佛未聽入浴室。諸比丘以是事白佛。佛遂聽入洗浴。而說洗浴五利焉。一除垢。二身清淨。三除寒冷。四除身中風。五得安隱。(見三藏法數。)

耆闍崛 梵語耆闍崛。大論云。耆闍名鷲。崛名頭。以其山頂似鷲故。增一阿含云。佛告諸比丘。此山久遠。同名靈鷲。觀經疏云。諸聖仙靈。依之而往。西域記云。宮城東北行三四里。至娑栗陀羅矩吒。此云鷲峯。亦云鷲臺。舊云耆闍崛。訛也。旣棲鷲鳥。又類高臺。應法師云。案梵本無靈義。此鳥有靈。知人死活。故號靈鷲。其山三峯。如仰雞足。似狼之迹。亦名狼迹。又名普賢山。白墻山。仙人山。負重山。又梵語娑栗陀。此云鷲。或揭羅闍。此云鷲鷲。山海經云。景山多鷲。說文云。鷲鳥黑色多子。師曠云。南山有鳥。名曰羌鷲。黃頭赤咽。五色皆備。西域多此鳥。蒼黃目金。食死屍。(分見名義集。)又云。伊沙崛。或云揭梨馱羅鳩胝。佛國記云。泮沙王舊城東南上十五里。到耆闍崛山。(見佛爾雅。)

耆婆天 長水云。耆婆，此云命。西國風俗。皆事長命天神。此說未知所出。準法華疏云。耆域，此翻故活。生忉利天。目連弟子病。乘通往問。值諸天出園遊戲。耆域乘車不下。但合掌而已。目連駐之。域云。諸天受樂。忽遽不暇相看。尊者欲何所求。具說來意。答云。斷食爲要。目連放之。車乃得去。據此。耆婆天。卽是醫師耆域也。(見名義集。)

耆婆耆婆迦 鳥名。詳共命條。

娑婆 亦云索訶。西域記云。索訶世界三千大千國土。爲一佛之化攝也。舊曰娑婆。又曰娑訶。皆訛。悲華經云。何名娑婆。是諸衆生忍受三毒及諸煩惱。能忍斯惡。故名忍土。如來獨證自誓。眞諦三藏云。劫初梵王名忍。梵王是世

界主。故名忍土。一云雜會世界。謂六趣有情共居止故。長水云。大千界之都名。咸通傳云。娑婆則大千總號。孤山云。舉其通名。非指大千也。（見名義集。）維摩經香積佛告諸菩薩言。下方度如四十二恆河沙佛土。有世界名娑婆。佛號釋迦牟尼。今現在於五濁惡世。爲樂小法衆生。敷演道教。（見維摩經香積佛品。）又華嚴經。二十重華藏莊嚴世界海中。其第十三重。卽娑婆華藏世界。此世界依種種色風輪所持蓮華網而住。其狀猶如虛空。有十三佛刹微塵數世界圍繞。其佛卽毘盧遮那如來也。（見三藏法數。）又云。吾今所住。名娑婆世界。居在第十三重之中央。乃是十三刹塵中一塵之數耳。極樂世界。亦在十三重之一塵。而與娑婆相平也。（見二課合解。）

娑羅 樹名。或言婆羅。此云堅固。北遠云。冬夏不改。故名堅固。西域記云。其樹類斛。而皮青白。葉甚光潤。四樹特高。華嚴音義。翻爲高遠。其林森聳。出於餘林也。後分云。娑羅林間。縱廣十二由旬。天人大衆。皆悉徧滿。尖頭針峯。受無邊衆。間無空缺。不相障礙。大經云。東方雙者。喻常無常。南方雙者。喻樂無樂。西方雙者。喻我無我。北方雙者。喻淨不淨。四方各雙。故名雙樹。方面皆悉一枯一榮。後分云。東方一雙。在於佛後。西方一雙。在於佛前。南方一雙。在於佛足。北方一雙。在於佛首。爾時世尊。娑羅林下。寢臥寶牀。於其中夜。入第四禪。寂然無聲。於是時頃。便般涅槃。入涅槃已。東西二雙。合爲一樹。南北二雙。亦合爲一。垂覆寶牀。蓋於如來。其樹卽時慘然變白。猶如白鶴。枝葉花果皮幹。悉皆暴裂墮落。漸漸怙悴。摧折無餘。（見涅槃經，名義集。）

娑竭羅 或娑伽羅。從海標名。此云鹹海。（詳鹹海條。）

娑婆訶 或娑嚩訶。省云娑訶，莎訶。圓成義。又請召法，用唵哩。發遣法，用吽。調伏法，用嚩呬呬發吒。增益法，用冒沙吒。敬愛法，用曩謨。息災法，用莎訶。佛言一切真言句。首句當安唵字。次置吽發吒字。後用莎賀字。仁王釋六義。一成就。二吉祥。三圓寂。四息災。五增益。六無住。賢首疏。薩婆訶，翻速成。令前所作。速疾成就也。名義集。娑婆訶，或莎訶。翻善說。又翻散去。謂一切災惡。悉皆散滅無盡。福善都集成也。空智經，佛言一切真言句。首當安唵字。（參看唵字觀條。）護國經云。唵。是遮那如來置頂上放白毫光。釋云。唵字，三身義。無見頂相義。本不生義。如來毫相功德義。文殊品云。唵者。覺悟義。覺悟二乘一乘四聖法故。諸部咒云。唵字引生義。謂三身如

來，五智佛母，引生一切功德法門也。咒語祕密。本不可說。今依灌頂疏中。略出翻譯。稍明其義。（見二課合解。）

娑毘迦羅

亦云切毘羅。此云金頭。或云黃髮。食米臍外道。應法師云。舊言食米屑也。外道修苦行。合手大指及

第三指。以物縛之。往至人家舂穀簸米處。以彼縛指拾取米屑。聚至掌中。隨得多少。去以爲食。若全粒者。卽不取之。亦名鶉（音淳）鳩行。外道拾米如鶉鳩行也。（見名義集。）

旃檀

樹名。此土謂檀香。楞嚴云。佛告阿難。汝嗅此旃檀。然於一株。四十里內。同時聞香。（參看牛頭旃檀條。）

有云。自佛往忉利天爲母說法。優填王爲憶佛故。以旃檀木刻像佛容。及佛返。檀像乘空迎佛。佛乃摩其頂而記之。曰。千餘年後。其往震旦國教化乎。及漢明夢容。（參看白馬寺條。）遣使迎法。而像與經偕至。（此像據係優填國旃檀師第四作者。）自後廣事繪刻。住持佛寶。遂滿寰區。迄今入寺院。登寶殿。巍巍赫赫。紫金光聚。瞻仰禮拜。敬愛兼抱。靈山一會。儼然未散。然則應佛雖逝。法佛常存。後生小子。敢不奉事惟謹乎。（見釋尊紀略。）

旃陀羅

此云屠者。正言旃荼羅。此云嚴幟。謂惡業自嚴。行時搖鈴持竹爲幟幟故。（通俗文云。徽號曰幟。私記曰

幟。謂以絳帛書著背上曰徽。廣雅云。旛也。）若不爾者。王必罪之。法顯傳云。名爲惡人。與人別居。入城市則擊竹自異。人則避之或帶之。人皆怖畏。（見名義集。）

旃荼女

旃荼。賤女也。亦名旃沙。佛言。往昔有佛名盡勝如來。會中有兩種比丘。一名無勝。一名常歡。時波羅奈

城。有大愛長者婦名善幻。兩種比丘往來其家。以爲檀越。無勝比丘。爲斷漏故。供養無乏。常歡比丘。結使未除。供養微薄。常歡比丘與嫉妬心。誹謗無勝與善幻通。不以道法供養。乃恩愛耳。時常歡者。則我身是。善幻婦者。今旃荼是。我時謗無勝故。受諸苦報。今雖得佛。由此餘殃。我爲外道比丘王臣說法之時。却被多舌童女繫孟起腹。來至我前。謗曰。沙門何以不說家事。乃說他事。今汝自樂。不知我苦。汝先共我通。使我有身。今當臨月。事須酥油。以養小兒。盡當給我。爾時衆會皆低頭默然。時釋提桓因。化作一鼠。入其衣裏。嚙孟繫斷。忽然落地。衆等見已。皆大歡喜。（見佛說興起行經，三藏法數。）

純陀

其一。菩薩名。此云妙義。準涅槃經乃菩薩優婆塞也。（見名義集選。參看涅槃相條。）大衆稱德。號爲妙義

。其二。仙人名。高僧傳云。純陀。西域人。年六百歲不衰。唐代宗從之。求留年之道。陀曰。心神好靜。今爲塵境汨之。何從冥寂乎。若離前靜外。欲望留年。如登木采芙蓉。其可得耶。陛下欲長年。由簡潔安神。神安則壽永。寡欲則身安。術斯已往。貧道所不知也。(見名義集。)

浮圖 詳窣堵坡條。

浮囊 五分云。自今聽諸比畜浮囊。若羊皮。若牛皮。傳聞西域渡海之人。多作鳥翎毛袋或齋巨牛脰。海船或尖。吹氣浮身。(見名義集。)

浮塵根 詳意根條。

烏芻瑟摩 資中。此云火頭。此力士觀火性得道。故以名也。(見名義集。)楞嚴經。烏芻瑟摩白佛言。我常先憶久遠劫前。性多貪欲。有佛出世。名曰空王。說多淫人。成猛火聚。教我徧觀百骸四肢。諸冷煖氣。神光內凝。化多淫心。成智慧火。從是諸佛。皆呼召我。名爲火頭。我以火光三昧力故。成阿羅漢。(見楞嚴經五。)

根香 梵語多伽羅。或多伽留。此云根香。大論云。多伽樓。木香樹也。(見名義集。)

根智 詳智度條。

根位 詳胎中五位條。

根身 根，卽眼等諸根。身，卽色身也。(見三藏法數。)

根本煩惱 詳二煩惱條。

茶毘 梵語闍維。或耶旬。正名茶毘。此云焚燒。西域記云。涅槃那。舊曰闍維。訛也。通慧音義云。親問梵僧。未聞闍維之名。(見名義集。)

又云。闍毗。又云闍鼻多。(見佛爾雅。)

茶矩磨 詳鬱金條。

草木心 梵語汙栗馱。此方稱草木心。(見名義集。)

又云。活栗馱。草木心也。肝栗。大草木心也。矣栗馱。積聚精要心也。乾栗陀耶。牟呼栗多。堅實心也。(見佛爾雅。參看堅實心條。)

草木喻 詳大劫條。

海印

大集經云。如閻浮提一切衆生身，及與外色。大海中皆有印象。故名海印。菩薩亦爾。得大海印三昧已。能分別一切衆生心行。於一切法門。皆得慧明。華嚴經云。海有奇特殊勝法。能爲一切平等印。衆生寶物及川流。普能包容無所拒。無盡禪定解脫者。爲平等印亦如是。福德智慧諸妙行。一切並修無厭足。（見名義集。）海印三昧。謂香海澄淳。湛然不動。一切形像。皆於中現。如印印文。以喻如來智海無心。一切衆生。皆在其中頓現也。（見三藏法數。參看鹹海條。）

師子

梵語僧伽彼。或吼多。又云訶利。或嗽里。此云師子。大論云。如師子王。清淨種中生。深山大谷中住。方頰大骨。身肉肥滿，頭大眼長。光澤明淨。眉高而廣。牙利白淨。口鼻方大。厚實堅。齒密齊利。吐赤白舌。雙耳高上。髦髮光潤。上身廣大。膚肉堅著。脩脊細腰。其腹不現。長尾利爪。其足安立。以身大力。從住處出。優脊嘶申。以口扣地。現大威勢。食不過時。顯晨朝相。表師子王力。梵語優波僧伽。梁云小師子。又云狻猊。爾雅曰。狻猊如虺貓。食虎豹。註云。卽師子。出西域。新華嚴云。譬如大師子吼。小師子聞。悉皆勇健。一切禽獸。遠避竄伏。佛師子吼。諸菩薩等，若聞讚菩提心聲。長養法身。妄見衆生。漸伏退散。大論問。何以名師子座。答。是號名師子。非實師子。佛爲人中師子。佛所坐處。若牀，若地。皆名師子座。（分見名義集。）

師子髮

梵語訶利枳舍。或嗽里雞舍。此云師子髮。（見名義集。）

師子覺

梵語佛陀僧訶。唐言師子覺。無著（世親之兄）弟子。密行莫測。高才有聞。二三賢哲。每相謂曰。凡修行業。願觀慈氏。若先捨壽。得遂宿心。當相報語。以知其至。其師子覺先捨壽命。三年不報。世親菩薩，尋亦捨壽。時經六月，亦無報命。時諸異學。咸皆譏誚。以爲流轉惡趣。遂無靈鑿。其後無著菩薩。於夜初分。方爲門人教授定法。燈光忽翳。空中大明。有一天仙。乘虛下降。卽進階庭。敬禮無著。無著云。爾來何暮。今至何謂。對曰。從此捨壽。往觀史多天。慈氏內衆。蓮華中生。蓮華纔開。慈氏讚言。善來廣慧。旋遶纔周。卽來報命。無著曰。師子覺者。今在何處。曰。我纔旋遶時。見師子覺在外衆中。耽著五欲。無暇相顧。無著曰。慈氏何相。演說何法。曰。慈氏

相好。言不能宣。演說妙法。義不異此。然菩薩妙音。清暢和雅。聞者忘倦。（見名義集。）

師子比丘 第二十四禪師子比丘尊者。中印度人。姓婆羅門。二十五祖婆舍斯多尊者。罽賓國人。姓婆羅門。（見

佛爾雅。）尊者游化至罽賓國。付法與婆舍斯多後。王曰。離生死否。曰。已離生死。曰。可施我頭。曰。我身非有。何怪於頭。王即揮刀斷尊者頭。白乳湧出。高數尺。王之右臂。旋亦墮地。（見佛祖正宗道影一。）

師子奮迅三昧 此三昧，將九種禪定。互相重習。悉令通利。故又名熏禪。行者依九次第定。從初禪次第入第二禪

三禪。乃至滅受想定。（參看九次第定條。）從滅定起。還入非非想定。從非非想定起。還入無所有定。如是次第還入乃至初禪。能前進。能却行。如師子之奮迅狀。故名師子奮迅三昧。（見佛教問答。）法界次第云。師子奮迅者。借譬以顯法也。如世師子奮迅。爲二事故。一爲奮却塵土。二能前走却走。捷疾異於諸獸。此三昧亦爾。一則奮除障定微細無知之惑。二能入出諸禪捷疾無間。（見名義集。）

馬麥 佛言。過去世時。有比婆葉如來。在槃頭摩跋城中。與大比丘衆俱。有槃頭王與諸臣民。請佛供養及比丘僧。

爾時城中。有婆羅門。教五百童子。王設會先請佛。默然許之。王還。具饌已畢。即執香爐啓曰。唯願屈尊。來受我供。佛敕大衆往詣王宮。食畢各還。時爲病比丘請食而歸。過婆羅門所。時婆羅門見食香美。便起妬意。此髡頭沙門。正應食馬麥。不應食甘饌。亦教童子言。此等師主。皆食馬麥。時婆羅門者。即我身是。五百童子者。五百羅漢是。我時言他食馬麥故。受諸苦報。今雖得佛。由此殘緣。我及衆等於毘蘭邑，食馬麥九十日，以償殘報也。（見佛說興起行經，三藏法數。）經云。若我滅後。其有比丘。發心決定修三摩提。能於如來形像之前。身然一燈。燒一指節。及於身上薰一香炷。我說是人無始宿債。一時酬畢。長攝世間。永脫諸漏。雖未即明無上覺路。是人於法已決定心。若不爲此捨身微因。縱成無爲。必還生人。酬其宿債。如我馬麥。正等無異。（見楞嚴經六。）

馬鳴 梵語阿濕縛窶沙。或名阿濕矩沙。此云馬鳴。生時廐馬皆鳴故。又與外道塚間論議。石馬躍鳴爲之作證故。（

見名義集選。）摩訶衍論云。若尅其本。大光明佛。若論其因。第八地內住位菩薩。西天竺誕生。虛伽爲父。瞿那爲母。同生利益。過去世中。有一大王。名曰輪陀。有千百鳥。皆悉好聲。若鳥出聲。大王增德。若不出聲。大王損德。

。如是諸鳥。若見白馬。則出其聲。若不見時。常不出聲。爾時大王徧求白馬。終日不得。作如是言。若外道衆。此鳥鳴者。都破佛教。獨尊獨信。若佛弟子。此鳥鳴者。都破外道。獨尊獨信。爾時菩薩用神通力。現千百馬。鳴千百鳥。紹隆正法。令不斷絕。是故世尊名曰馬鳴。律宗統要鈔。引緣異此。(見名義集。)又云。第十祖脅。中印度人也。十一祖富那夜奢。華氏國人也。第十二祖馬鳴大士。波羅奈國人也。(見傳燈錄一。)脅比丘付法於富那奢而涅槃。富那奢一時在閑林思惟。有一大士名馬鳴。智慧淵鑑。凡所難問。無不摧伏。起大橋慢。草芥羣生。富那奢知其可化。與彼論二諦之義。使彼屈伏。遂爲弟子。富那奢既涅槃。乃遊行教化於華氏城。建大法幢。摧滅邪見。作妙伎樂。名喇吒唧羅。其音清雅哀婉。宣說苦空無我之法。時城中五百王子。開悟出家。後在月支國。度脫無量人民。(見付法傳五。)又本傳云。此師說法時。能感羣馬悲鳴。故號馬鳴。(見三藏法數。參看大乘起信論條。)

納衣 或衲衣。謂比丘不貪服飾。不求好衣。但於聚落中。拾陳舊廢棄之物。浣濯令淨。作爲衲衣。覆除寒露而已。若貪新好。則多追求。以損道行。又能招致賊盜。是故著弊衲衣。是爲頭陀行也。(見三藏法數。參看十二頭陀行條。)

智論云。好衣因緣。故四方追逐。墮邪命中。若受人好衣。則生親著。若不親著。檀越則恨。又好衣是未得道者。生貪著故。好衣因緣。招致賊難。或至奪命。有如是等患。故受弊衲衣法。(見名義集。)

畜生 梵語底栗車。此云畜生。卽六畜也。禮記註云。牛馬羊犬豕雞。輔行云。攝趣不盡。以五道中皆徧有故。又翻畜生。婆沙云。畜謂畜養。謂彼橫生。稟性愚癡。不能自立。爲他畜養。故名畜生。又云旁生者。切以久蘊愚情。天沈慧性。資種植於田野。受驅策於邊疆。錦臚翠毛。飛騰碧漢。金麟頰尾。游泳清波。形分萬殊。類徧五道。今示旁生。令修正行。(見名義集。)言畜生道者。此道徧在諸趣。披毛帶角。鱗甲羽毛。四足多足。有足無足。水陸空行。互相吞啖。受苦無窮。愚癡貪欲。作中品五逆十惡者。感此道身。(見四教儀。參看六道條。)又云。底栗車。畜生之總名也。(見佛爾雅。)

鬼神 鄭玄云。聖人之精氣謂之神。賢人之精氣謂之鬼。尸子云。天神曰靈。地神曰祇。人神曰鬼。鬼者。歸也。故古人以死人爲歸人。婆沙云。鬼者。畏也。謂虛怯多畏。又威也。能令他畏其威也。又希求名鬼。謂彼餓鬼。恆從他

人希求飲食。以活性命。光明疏云。神者，能也。大力者能移山填海。小力者能隱顯變化。肇師云。神受善惡雜報。見形勝人劣天。身輕微難見。淨名疏云。皆鬼道也。正理論說鬼有三種。一無財鬼。亦無福德。不得食故。二少財鬼。少得淨妙飲食故。三多財鬼。多得淨妙飲食故。此三種中。復各有三。初無財三者。一炬口鬼。謂火炬炎熾。常從口出。二針咽鬼。腹大如山。咽如針孔。三臭口鬼。口中腐臭。自惡受苦。少財三者。一針毛鬼。毛刺如針。行便自刺。二臭毛鬼。毛利而臭。三大癭鬼。咽垂大癭。自決噉膿。多財三者。一得棄鬼。常得祭祀所棄食故。二得失鬼。常得巷陌所遺食故。三勢力鬼。夜叉，羅刹，毘舍闍等。所受富樂。類於人天。正理論云。諸鬼本處琰魔王界。從此展轉散趣餘方。長阿含云。一切人民所居舍宅。一切街巷四衢道中。屠兒市肆。及邱塚間。皆有鬼神。無有空者。凡諸鬼神。皆隨所依。卽以爲名。依人名人。依村名村。乃至依河名河。一切樹木。極小如車軸者。皆有鬼神依止。世品云。鬼以人間一月爲一日。乘此成月歲。彼壽五百年。由諂誑心。作下品五逆十惡。感此道身。（見名義集。）鬼住處有正住邊住。正住者。閻浮提下五百由旬。有閻羅城。周七萬五百千由旬。王領鬼衆。於中止住。又鐵圍兩山中間。日月威光不照。中有餓鬼甚衆。邊住者。四洲名山大川。巨海海邊。山谷空中。古墓丘林。新居故宅。屏廁不淨。一切等處。悉皆有之。報有有威德。無威德。種類無量。果報俱異。有威德者。住山谷空中海邊等處。皆有莊嚴寶宮。殿宇甚麗。非人所見。無威德者。依不淨糞穢。草木塚墓。屏廁故區。附物依幽。皆無舍宅安居。威德有二。有福。有德爲正神。四洲名山大川嶽瀆城隍土地等。各有攸司。香火綿綿。福佑民間。有福無德爲邪神。夜叉羅刹。魍魎魍魎。附物爲怪。依廟而靈。妄作殃祥。常享淫祀。正理論有三品九類。（詳上）正法念經。有三十六種施食儀註。有三十六部鬼王。大吉義咒經。有四天王所領八部鬼神。（詳各本卷中。）鬼徧諸趣。乃至諸人所住房舍。滿中有之。但人與鬼互不見聞。亦無相礙。此皆沉空滯冥。長劫不超。縱得佛法聖光。覲面不能見聞。宿業自障如是。所謂千佛出世。不通懺悔。是也。（見二課合解。）

鬼子母

梵語訶利帝南。或訶離底南。或訶利底母。鬼子母也。光明云。訶利帝南。此標梵語。鬼子母等。此顯涼言。名雖有二。人祇是一。故律中明鬼子母後總結云。時王舍人衆。皆稱爲訶利帝母神。寄歸傳云。西方施主。請僧齋日

。初置聖僧供。次行衆僧食。復於行末。安一盤。以供訶利帝母。（見名義集。）鬼子母。羅刹中之巨魄也。生子于。最小名愛奴。極所憐惜。常食人子。佛爲化導。將愛奴藏之鉢下。其母於天上人間。覓之不得。既歸投佛。佛遂揭鉢還之。其千子皆統數萬鬼衆。五百在天上。常嬉亂諸天。五百在人間。常繞國界人民。佛爲授五戒。歸依法。得須陀洹。住佛精舍。鬼子母既歸佛已。常爲衆生作福。求子得子。禱病則安。母由受佛戒。亦呼千子同依佛所。誓不惱天人。常護佛法也。（見天傳，三藏法數，二課合解。）

神通 詳五神通條。

神人 梵語佻真。此云神人。（見名義集。）卽如意生王也。（見佛爾雅。）

神我 詳二十五諦條。

神秀 釋神秀。俗姓李氏。今東京尉氏人也。少覽經史。博綜多聞。旣而奮志出塵。鬻染受法。後遇蘄州雙峯東山寺五祖忍師。以坐禪爲務。乃歎伏曰。此真吾師也。決心苦節。以樵汲自役而求其道。忍於唐上元中卒。秀乃往江陵當陽山居焉。（見宋高僧傳八。）

神足通 詳六通條。

神珠寶 亦名光藏雲。神珠者。謂轉輪聖王。清旦升殿。有神珠寶。忽然出現。其色瑩潔。無有瑕類。夜懸空中。隨國大小。明照內外。如晝無異。（見修行本起經，三藏法數。參看七種王寶條。）

唄匿 詳梵唄條。

袒持 詳三昧條。

殺三摩娑 詳不可思議條。

息空 息空。卽鼻根也。謂周利槃特迦。於過去爲大法師。祕吝佛法。不肯教人。後感愚鈍。亦以宿有善因。遇佛出家。以根鈍故。憶持如來一句伽陀。經一百日。終不能誦。佛令安居。數息攝心。因是觀息出入剎那生滅之相。豁然無礙。得入圓通。故云。如我所證。反息循空。斯爲第一。（見楞嚴經，三藏法數。）

息有四相 詳安般條。

息二邊分別止 詳三止條。

追說追泯 說大涅槃者有二義。一爲未熟者。更說四教。具談佛性。令具真常。入大涅槃。故名捨捨教。二爲末代

鈍根。於佛法中。起斷滅見。天傷慧命。忘失法身。設三種權。扶一圓實。故名扶律談常教。（見四教儀。）涅槃追說

四教。追泯四教者。重爲未入實者。廣談常住。是追說圓教也。又爲末世鈍根。重扶三權。是追說藏通別教也。雖復

四教並談。而與方等四教不同。方等中之四教。藏通初後並不知常。別教初不知後方知。（初心雖知中道。是但中理

。不具諸法。不同涅槃佛性。）唯圓教初後俱知。今涅槃中之四教。同知常住。故不同也。既前三教亦皆知常。不同

方等中隔異之三。是追泯藏通別教也。既扶三權。以助一實。不同方等中對三之一。是追泯圓教也。（見教觀綱宗。）

十一畫

梵音 西域五竺。經尙天書。東夏九州。字法鳥跡。自古罕覲。因譯方傳。(見名義集。)言梵音者。切初廓然。光音天神。降爲人祖。宣流梵音。故西域記云。詳其文字。梵天所制。原始垂則。四十七言。寓物合成。隨事轉用。流演枝派。其源浸廣。因地隨人。微有改變。語其大較。未異本源。而中印度特爲詳正。辭調和雅。與天音同。氣韻清亮。爲人軌則。故西竺之言語。謂從梵天稟承者。職是故耳。(見名義集序。)又言梵音者。卽大梵天王所出之聲。而有五種清淨之音也。一正直音。二和雅音。三清徹音。四深滿音。五周徧遠開音。(見長阿含經。參看五種梵音條。)楞伽經云。佛言我六十四種梵音。言語相生。無增無減。無有差別。與諸佛同一音故。不思議祕密大乘經云。佛告寂慧菩薩言。如來非於唇齒舌喉。及其面門。出諸音聲。當知如來音聲。從虛空出。具有六十四種殊妙之相。一流澤。二柔軟。三悅意。四可樂。五清淨。六離垢。七明亮。八甘美。九樂聞。十無劣。十一圓具。十二調順。十三無澀。十四無惡。十五善柔。十六悅耳。十七適身。十八心生勇銳。十九心喜。二十悅樂。二十一無熱惱。二十二如教令。二十三善了知。二十四分明。二十五善愛。二十六令生歡喜。二十七使他如教令。二十八令他善了知。二十九如理。三十利益。三十一離重複過失。三十二如師子音。三十三如龍音。三十四如雲雷吼。三十五如龍王。三十六如緊那羅妙歌。三十七如迦陵頻伽。三十八如梵王。三十九如共命鳥。四十如帝釋美妙。四十一如振鼓。四十二不高。四十三不下。四十四隨入一切音。四十五無缺減。四十六無破壞。四十七無染污。四十八無希取。四十九具足。五十莊嚴。五十一顯示。五十二圓滿一切音。五十三諸根適悅。五十四無譏毀。五十五無輕轉。五十六無動搖。五十七隨入一切衆會。五十八諸相具足。五十九令衆生意歡喜。六十說衆生心行。六十一入衆生心意。六十二隨衆生信解。六十三聞者無分量。六十四一切衆生不能思惟稱量。(分見三藏法數。)

梵網

佛經名。謂梵天寶網。其目不同。以譬戒律之目。亦各各不同也。(見三藏法數。)

梵王

詳釋梵條。

梵志 詳婆羅門條。

梵語 詳梵音條。

梵刹 伽藍之美稱。卽寺院也。輔行云。西域以柱表刹。示所居處也。（見名義集。）

梵唄 或云唄匿。此云止。若準律文。唄匿。如法出要律儀云。如此鬱鞞國語。翻爲止斷也。又云止息。由是外緣已

止已斷。爾時寂靜。任爲法事也。或婆陟。訛也。梵音婆師。此云讚歎。梵天之音。善見云。聽汝作唄。唄，言說之詞也。法苑云。尋西方之有唄。猶東國之有讚。讚者從文以結章。唄者短偈以流頌。比其事義。名異實同。婆沙憶耳

。以三契聲頌所解法。佛讚善哉。佛道論衡云。陳思王（魏曹植）幼含珪章。十歲能文。每讀經文。流連嗟玩。以爲至道之宗極也。遂製轉讀七聲昇降曲折之響。世之諷誦。咸憲章焉。常遊魚山。忽聞空中梵天之響。清颺哀婉。其聲動心。獨聽良久。而侍御莫聞。植深感神理。彌悟法應。乃摹其聲節。爲梵唄。撰文。（見名義集。）

梵壇 此云默擯。釋迦如來臨涅槃時。優婆離尊者同阿難問佛云。惡性車匿。如何共住。答云。惡性比丘。以梵壇治之。梵壇。卽默擯之義也。（見金剛經集註。參看車匿，阿難四問條。）五分云。梵壇法者。一切七衆。不來往交言

。若心調伏。爲說那陀迦旃延經。令離有無。卽入初果。（見名義集。）

淨肉 詳三淨肉條。

淨華 詳七淨華條。

淨業 詳三淨業條。

淨土宗 詳十宗條。

淨名經 卽維摩經。（詳維摩詰條。）

淨居天 詳五那含天條。

淨飯王 梵語首圖默那。或名閱頭檀。此云淨飯。或翻眞淨。或云白淨。釋迦之父也。（見名義集。）

斛飯王 梵語途盧檀那。此云斛飯。釋迦之叔父也。（見名義集。）

清辯

梵語波毘吠伽。西域記，唐言清辯。靜而思曰。非慈氏成佛。誰決我疑。遂於觀音菩薩像前。誦隨心陀羅尼。

經涉三年。菩薩現身。謂論師曰。何所志乎。對曰。願留此身。待見慈氏。菩薩曰。人命難保。宜修勝善。生觀史天

。乃見慈氏。對曰。志不可奪也。菩薩又云。若其然者。宜往馱那羯磔國，城南山巖，執金剛神所。志誠誦持執金剛

陀羅尼者。當遂此願。論師於是往而誦焉。三載之後。神出問云。伊何所願。論師對曰。願留此身。待見慈氏。神又

謂曰。此石巖內。有修羅宮。如法行請。石壁當開。開即入中。可以見也。神又謂曰。慈氏出世。我當相報矣。論師

受命。專精誦持。又經三載。乃呪芥子。以擊石壁。石壁乃開。論師乃與六人。入石壁裏。入已。石壁仍復如故。（

見名義集。）

清淨

梵語波娑提伽。或云梵摩。此云清淨。葛洪字苑。梵，潔也。取其義耳。大論云。雖爲一切衆生。是心不清淨

。不知已身無吾我。不知取者無人無主。不知所施物實性。不可說一。不可說異。於是三事心著。是爲不清淨。寶性

論云。一自性清淨。謂性淨解脫。二離垢清淨。謂障淨解脫。大論云。畢竟空。即是畢竟清淨。以人畏空。故言清淨

。（見名義集。）

清淨識

詳菴摩羅識條。

清涼法師

詳十宗之華嚴宗條。

婆羅

其一。隋言毛道。謂行心不定。猶如輕毛。隨風東西。魏譯金剛云。毛道凡夫。應法師云。梵語嚩羅。此云毛

。婆羅。此云愚。梵音相近。譯人致謬。正言婆羅必栗託乞那。此翻愚異生。愚癡闇冥。無有智慧。但起我見。不生

無漏。亦名嬰愚凡夫。凡夫者。義譯也。梵語婆羅必利他伽闍那。此云小兒別生。以癡如小兒。不同聖生也。其二。

此云力。陰持入經云。彼力應以何爲義。答。無能得壞爲力義。有所益爲力義。有膽爲力義。能得依爲力義。增一阿

含說六種力。小兒以啼爲力。女人以瞋爲力。沙門婆羅門以忍辱爲力。阿羅漢以精進爲力。參看五力十力條。（見名

義集。）其三。女名。善生村主二女。難陀爲喜。波羅（或婆羅）爲力。參看乳糜條。（見佛爾雅。）其四。樹名。一作

薩羅。此云堅固。冬夏不改。又葉光淨也。（見佛爾雅。）

婆藪 其一。婆藪。仙人名。方等陀羅尼經云。爾時婆藪從地獄出。將九十二億罪人。來詣娑婆世界。十方亦然。於

時文殊師利語舍利弗。此諸罪人。佛未出時。造不善行。經於地獄。因於華聚放大光明。承光而出云云。婆者言天。

藪言慧。云何天慧之人。地獄受苦。又婆言廣。藪言通。又婆言高。藪言妙。又婆言斷。藪言智。又婆言剛。藪言柔

。又婆言慈。藪言悲。其二。婆藪盤豆。論主名。唐言世親。詳天親條。(見名義集。)

婆羅門

普門疏云。此云淨行。劫初種族。山野自閑。故人以淨行稱之。肇曰。秦言外意。其種別有經書。世世相承

。以道學爲業。或在家。或出家。多恃己道術。我慢人也。應法師云。此訛略也。具云婆羅賀摩拏。義云承習梵天法

者。其人種類。自云從梵天口生。四姓中勝。(參看印度四姓條。)獨取梵名。唯五天竺有。餘國卽無。諸經中梵志

。卽同此名。正翻淨裔。稱是梵天苗裔也。(見名義集。)

婆伽婆

詳薄伽梵條。

婆利師迦

亦云婆師迦。又云婆使迦。此云夏生華。又翻雨華。雨時方生。故曰雨華。(見法華經，名義集。)

婆蹉富羅

詳犢子條。

婆達羅鉢陀月

詳時分條。

畢鉢羅

西域記云。菩提樹，卽畢鉢羅樹也。昔佛在世。高數百尺。屢經殘伐。猶高四五丈。佛坐其下。成等正覺。因而

謂之菩提樹焉。莖幹黃白。枝葉青翠。冬夏不凋。光鮮無變。每至涅槃之日。葉皆凋落。頃之復故。法苑云。釋迦道樹

，多阿沛多羅。(見名義集。)(優波羅於畢鉢羅窟。結集毘奈耶藏。迦葉於畢鉢羅窟。結集阿毘曇藏。或云菩提婆力叉。或

云阿濕咄婆力叉。或云賓攢梨力叉。或云阿迦沙彌陀。卽菩提樹。或具嚧陀。似菩提樹。又梵語阿入菟迦。(此云無憂。)

利沙。(亦云室哩濕縛。烏曇跋羅。亦云塢東跋羅。)(尼俱陀。亦云枳也藥嚧獸。畢鉢羅。此五菩提樹也。(見佛爾雅。)

畢洛叉

詳阿輸迦條。

畢陵伽婆蹉

詳餘習條。

曼陀羅

其一。諸天華名。此云適意。又云白華。(見法華經。)(其二。人名。此言弱聲。亦云弘弱。扶南國人。神超

解悟。幽明畢觀。無懼夷險。志存弘化。梁武時。揚都翻譯。(分見名義集。)

曼殊沙 諸天華名。此云柔軟。亦云赤華。(見法華經，名義集。)

曼荼羅 或滿荼邏。此翻壇。新云正名曼荼羅。言壇者。鄭玄註禮云。封土曰壇。除地曰壇。封者起土界也。壇之言

坦也。坦，明貌也。漢書音義云。築土而高曰壇。除地平坦曰場。國語云。壇之所除地曰場。除，掃也。周書曰。爲三壇同壇。壇，除地也。(見名義集。參看四種曼荼羅條。)

曼殊室利 詳文殊師利條。

悉檀 南岳師以悉檀例大涅槃。華梵兼稱。悉是華言。檀是梵語。悉之言徧。檀翻爲施。佛以四法徧施衆生。故名悉

檀。妙玄云。世界悉檀歡喜益。爲人悉檀生善益。對治悉檀破惡益。第一義悉檀入理益。妙樂云。別前二教。及別地前。但屬三悉。引入今經。第一義悉。(見名義集。)四悉檀益。一世界悉檀。世即隔別之義。界即界分也。蓋由衆生根器淺薄。故佛隨其所欲樂聞。爲之次第分別而說。令生歡喜。故云世界悉檀歡喜益。二爲人悉檀。謂佛欲說法。必先觀衆生根器之大小。宿種之淺深。然後稱其機宜而爲說之。令生正信。增長善根。故云爲人悉檀增善益。三對治悉檀。謂如衆生貪欲多者教觀不淨。瞋恚多者教修慈心。愚癡多者教觀因緣。爲對此等諸病。說此法藥。徧施衆生。故云對治悉檀破惡益。四第一義悉檀。第一義。即理也。謂佛知衆生善根已熟。即爲說法。令其得悟聖道。故云第一悉檀入理益也。(見法華文句，三藏法數。)

悉達 具云薩婆悉達。唐言頓吉。太子生時。諸吉祥瑞。悉皆具故。大論翻爲成利。西域記云。薩婆曷刺他悉陀。唐

言一切義成。舊云悉達。訛也。此乃世尊小字耳。(見名義集。)或云婆須悉達。亦云悉達多。(見佛爾雅。)又云。王子生時。地生七寶蓮華。大如車輪。王子於上。自行七步。舉右手揚言曰。天人之中。惟我最勝。無量生死。於今盡矣。身黃金色。具足三十二大人之相。父母名之曰悉達多。悉達多。此云頓吉。以其生時多現瑞相故也。(見釋尊紀略。)又云。四月八日。菩薩化從右脅而生。自行七步。舉其右手。作師子吼。天上天下。惟我獨尊。九龍空中。吐清淨水。灌太子身。三十二相。八十種好。放大光明。普照三千大千世界。即名太子爲悉達多。漢言頓吉。(見大藏

一覽集示生品。參看迦葉佛條。）

悉曇章 西域悉曇章。本是婆羅賀摩天所作。自古迄今。更無異書。但點畫之間。微有不同。悉曇，此云成就所生。

悉曇是生字之根本。說之爲半。餘章文字具足。說名爲滿。又十二章悉名爲半。自餘經書記論爲滿。類如此方由三十六字母而生諸字。澤州云。梵章中有十二章。其悉曇章以爲第一。於中合五十二字。悉曇二字，是題章總名。餘是章體。所謂惡阿乃至魯盧樓。（見名義集。）一作悉檀。字母也。婆羅賀摩所作。亦云成就也。字之根本也。半字滿字也。（見佛爾雅。參看五明四章，半字滿字條。）

乾闥婆 或健陀羅。淨名疏。此云香陰。亦云陵室之神。不噉酒肉。唯香資陰。是天主幢倒樂神。在須彌山南金剛窟住。什曰。天樂神也。處地十寶山中。天欲作樂時。此神身有異相出然後上天。新云尋香行。應法師云馱香。（見名義集。）亦謂之童籠磨。華言樹。是乾闥婆名。諸樂兒爲幻伎者曰龍闥婆。（見佛爾雅。）

乾慧地 詳十地條。

乾闥婆城 大論云。日初出時。見城門樓櫓（露上無覆之屋曰樓櫓。）宮殿。行人出入。日轉高轉滅。但可眼見。而無有實。名健闥婆城。靜苑華嚴音義云。西域云。樂人。爲乾闥婆。彼樂人多幻作城郭。須臾如故。因即謂龍展所現。輔行云。乾城，俗云蜃氣。蜃，大蛤也。朝起海洲。遠視似有。近看即無。（見名義集。）又云。帝釋樂神。名乾闥婆。彼多幻作城郭。須臾即滅。此方呼爲蜃樓。謂是海中蜃氣所現。古書云。海旁蜃氣象樓台。（見名義集選。）經云。乾依宮住。而能興雲。有人仰視。所見宮殿。當知是乾闥婆城。（見華嚴經四十二。）

乾陀羅耶 正言健達。此云香。張華博物志云。有西國使獻香者。漢制不滿斤不得受。使乃私去。著香如大豆許在宮門上。香開長安四面十里。經月乃歇。華嚴云。善法天中。有香名淨莊嚴。若燒一圓而以熏之。普使諸天心念於佛。（見名義集。）梵語伊羅。樹名。此云臭氣。梵語伊羅鉢。龍名。闍義鈔云。亦云伊羅跋羅。伊羅，比云臭氣。跋羅，此云極。謂此龍往昔由損此極臭樹葉。故致頭上生此臭樹。因卽爲名。佛國記作翳羅鉢。（見名義集，佛爾雅。）

兜率陀 此云妙足。新云覩史陀。此云知足。西域記云。覩史多。舊曰兜率陀，兜術陀，訛也。於五欲知止足故。佛

地論名寔足。謂後身菩薩。於中教化。多修寔足故。（見名義集。）

兜樓婆 詳白茅香條。

兜羅綿 兜羅。此云細香。苑音義翻冰。或云兜沙。此云霜。斯皆從色爲名。或名妒羅綿。妒羅，樹名。緜從樹生。

。因而立稱。如柳絮也。亦翻楊華。或稱兜羅毘者。毛毳也。熏聞云。佛手柔軟。加以合縵。似此緜也。（見名義集。）

衆生 梵語僕呼繕那。或薩多婆。或禪豆。或禪兜。此云衆生。摩訶衍云。謂意及意識。一切衆染。合集而生。故名

衆生。而別自體。唯依心爲體。同性經云。佛言。衆生者。衆緣和合。名曰衆生。所謂地，水，火，風，空，識，名色，六入，因緣生。楞伽經云。王言。世尊。彼衆生者。以何爲本。依何而往。以何爲因。佛言。此衆生者。無明爲本。依愛而往。以業爲因。又云。王言世尊。業有幾種。佛言。業有三種。何等爲三。謂身口意業。（見名義集。參看三聚條。）

衆園 詳僧伽藍條。

衆香 淨名疏云。香是離穢之名。而有宣芬散馥騰馨之用。感通傳天人費氏云。人中臭氣。上熏於空。四十萬里。諸天清淨。無不厭之。但以受佛付囑。令護於法。佛向與人同止。諸天不敢不來。故佛法中。香爲福事。如大論云。天竺國熱。又以身臭。故以香塗身。供養諸佛及僧。戒德香經。阿難白佛。世有三種香。一曰根香。二曰枝香。三曰華香。此三品香。唯能隨風。不能逆風。故今所列。並此三也。（見名義集。參看香雲蓋條。）

衆學戒法 或言衆學法。（詳二百五十戒條。）

莊嚴 梵語惟位。此云莊嚴。（見佛爾雅。）莊卽端莊。嚴卽嚴飾。謂福德智慧二種。皆能莊嚴法身也。（參看兩足尊條。）一智慧莊嚴。謂諸菩薩從初發心乃至究竟。無明淨盡。佛性現前。所有智慧。能顯法身。二福德莊嚴。謂諸菩薩修行六度。萬行具足。所有福德。能顯法身。（見涅槃經。）金剛經云。莊嚴佛土者。卽非莊嚴。是名莊嚴。非莊嚴者。卽形相莊嚴也。是名莊嚴者。卽第一義莊嚴也。形相莊嚴。謂人若分別佛土。是有爲形相。而言我能成就者。彼

且住著色身等境。非真莊嚴。是名形相莊嚴。第一義莊嚴。謂以無所住著清淨之心。依真實智慧。通達自性之士。唯心顯現。此是正智成就佛土。是名第一義莊嚴。（見金剛經纂要疏。三藏法數。）

莊嚴劫

佛祖統計三十一。過去莊嚴劫。此劫有成住壞空各二十小劫。現在賢劫。以多賢人。故名賢劫。（未來名星宿劫。參看三千諸佛條。）成劫者。謂世界初成立也。有二十小劫。第一小劫。因過去劫壞空之後。第二禪光音天。

空中布金色雲。注大洪雨積風輪上。結爲水輪。有大風起。吹水生沫。而成須彌等山。時一切有情。皆集光音天中。天衆既多。居處迫窄。其福減者。下生世間。最初有一天子。從光音天沒。來生大梵天中。是爲梵王。其壽六十小劫。第二小劫。光音諸天。來生初禪梵世天中。爲梵輔天。其壽四十小劫。第三小劫。光音諸天。復有來生梵世天中。爲梵衆天。其壽二十小劫。如是漸漸下生欲界天中。時光音諸天。有福盡者。化生爲人。飛行自在。無有男女之相。地涌甘泉。味如酥蜜。因試嘗之。遂生味著。失其神通及以身光。世間大暗。黑風吹海。漂出日月。置須彌山腹。照四天下。乃有晝夜。彼時衆生。由耽地味。顏色羸悴。復食自然粳稻。殘穢在身。爲欲蠲除。便生二道。成男女根。宿習力故。便生淫欲。夫妻共住。光音諸天。後來生者。入母胎中。遂有胎生。時自然粳稻。朝刈暮熟。刈復隨生。米長四寸。後因人多貪取。漸生穰穰。（羸穰皮謂之穰。）刈已不生。第四小劫。乃至第二十小劫。皆悉一增一減。名爲成劫。住劫者。謂世界安住也。有二十小劫。第九小劫。人壽減至六萬歲時。第一拘留孫佛出世。減至四萬歲時。第二拘那含牟尼佛出世。減至二萬歲時。第三迦葉佛出世。減至一百歲時。第四釋迦牟尼佛出世。第十小劫。人壽減至八萬歲時。第五彌勒佛出世。第十五小劫。於減劫中。第六師子佛乃至欲樂佛。凡九百九十四佛。相繼出興。說法度人。第二十小劫。於增劫中。樓至佛出世。滿足一千也。已上二十小劫。皆悉一增一減。名爲住劫。壞劫者。謂世界壞滅也。有二十小劫。如火災起時。壞至初禪天。始從地獄。終至梵天。有情衆生。經十九增減劫。次第壞盡。唯器世間空曠而住。乃至一切有情都盡。最後一增減劫。方壞器世間。有七日從海底出。大海盡竭。須彌崩壞。風吹猛燄。燒上梵天。悉成灰燼。乃至三千世界。一時燒盡。名爲壞劫。空劫者。謂世界空虛也。有二十小劫。壞劫之後。自初禪梵世以下。世界空虛。猶如墨穴。無晝夜日月。唯大黑暗。名爲空劫。（見佛祖統紀，三藏法數。參看劫波

，一小劫，大劫，各條。）

唵字觀 守護國界經云。爾時釋迦牟尼佛言。祕密主。我於無量數劫中。修集如是波羅密多。至最後身。六年苦行。

未得阿耨多羅三藐三菩提。成大毘盧遮那。坐道場時。無量化佛。猶如油麻。遍滿虛空。諸佛同聲而告我言。善男子。諦聽。汝今應於鼻端想月輪。於月輪中作唵（梵文_ॐ）字觀。作是觀已。於後夜分。得成阿耨多羅三藐三菩提。十方世界恆沙諸佛。不於月輪作唵字觀得成佛者。無有是處。（見真言宗義章。）寶咒註云。唵。如來因位。多年修行。不得菩提。後習此觀。於初夜分。便成正覺。謂唵字具無量法門。是一切真言之母。一切如來。皆因觀想此字而得成佛也。（見大悲咒註像本。）儀軌經云。唵字。是無相法界。無相法界。全是真言。是知真言總含萬行。即三藏（經律論）之本源也。（見三藏法數。參看婆婆訶條。）

奢他摩 此云止。涅槃經云。奢摩他，名為能滅。能滅一切煩惱結故。又名能調。能調諸根惡不善法故。又曰寂靜。能令三業成寂靜故。又曰遠離。能令衆生離五欲故。又曰能清。能清貪欲瞋恚愚癡三濁法故。以是義故。故名定相。（見名義集。參看三止，二十五輪條。）

陰入界法 詳三科法門條。

堅實心 梵語乾栗陀耶。或名牟呼栗多。此云堅實心。楞伽注云。謂第一義心。如樹貞實。非念慮心也。乃是羣生本有之性。又摩訶衍論。立十種識，總攝諸識。即於前九識中。加一切一心識。一切一心識。是此方言。梵語正名乾栗陀耶。問。一切一心識，與菴摩羅識。云何甄別。答。從諸佛所證之理。乃立菴摩羅名。就衆生所述之本。則標乾栗陀號。何者。經云而轉諸識入菴摩羅。故知果位名菴摩羅。一切一心識。如論云。能作一切種種名字。知是羣生所迷之本。輒辨其義，後賢詳之。（見名義集。）

菴摩羅識 此云清靜識。僧遁注金剛三昧經云。白淨無垢識。彼經。佛言。諸佛如來。常以一覺。而轉諸識。入菴摩羅。何以故。一切衆生本覺。常以一覺覺諸衆生。令彼衆生皆得本覺。覺諸情識。空寂無生。何以故。決定本性。本無有動。重聞云。天台依攝大乘，說菴摩羅名無分別智光。即第九淨識也。宗鏡錄云。摩羅淨識。湛若太虛。佛性

明珠。皎同日月。光明玄云。菴摩羅識。是第九不動。若分別之。即是佛識。(見名義集。)

唯識宗 詳十宗條。

第一義諦 詳二諦條。

通相 楞伽經云。佛告大慧菩薩言。一切聲聞緣覺菩薩。有二種通相。謂宗通及說通。大慧。宗通者。謂緣自得勝進

相。遠離言說文字妄相。趣無漏界自覺地自相。遠離一切虛妄覺想。降伏一切外道衆魔。緣自覺趣。是名宗通相。云何說通相。謂說九部種種教法。雖異不異有無等相。以巧方便隨順衆生。如應說法。今得度脫。是名說通相。(見楞伽經一切佛語心品。)宗通者。即自證殊相之相也。說通者。說法逗機之相也。(見壇經箋註。)宗通者。宗即心。宗亦要也。通即能通無礙。相即自心所得勝進之相。謂依教思修。得意忘言。趣入自覺之地。覺智圓明。融通無礙。是名宗通相。說即說法。通即辯說無礙。相即起用化他之相。謂以方便。隨順衆生根器淺深。爲其演說。無有障礙。是名說通相。(見三藏法數。)

通行仙 詳十行仙條。

通明禪 善修此禪。必發六通三明。故名通明禪。(參看六通。三明條。)

菴伽 詳四大河條。

庵羅 庵同菴。正云菴沒羅。或菴羅婆利。肇注。此云柰也。柰女經云。維耶梨國。梵志園中。植此柰樹。樹生此女

。梵志收養。至年十五。顏色端正。宣聞遠國。七王爭聘。梵志大懼。乃置女高樓。謂七王曰。此非我女。乃樹所生。設與一王。六王必怒。今在樓上。請王平議。應得者取之。非我制也。其夜瓶沙王(此云影堅)從伏竇入。登樓共宿。謂女曰。若生男。當還我。即脫手金環之印。付女爲信。便出語羣臣言。我已得女。瓶沙軍皆稱萬歲。六王罷去。後女生故活。(梵名著婆。詳著婆條。)至年八歲。持環印見瓶沙王。王以爲太子。至二年。會闍王生。(參看阿闍世條。)因讓曰。王今嫡子生矣。應襲尊嗣。遂退其位。肇師注云。其果似桃而非桃。略疏云。柰樹定非柰也。又翻爲難分別。其果似桃而非桃。似柰而非柰。此與大經意同。經云。如菴羅果。生熟難分。具有四句。釋難分別。一內外

俱生。二外熟內生。三外生內熟。四內外俱熟。纂要云。舊譯爲柰。誤也。此果多華。子甚少。其葉似柳。長一尺。廣三指。果形似梨而底鉤曲。生熟難知。可以療疾。彼國名爲王樹。謂在王城種之。(見名義集。)

菴摩勒 肇曰。形似檳榔。食之除風冷。時手執此果。故卽以爲喻。西域記云。庵沒羅果。而有兩種。小者生青熟黃

。大者始終青色。(見名義集。)又名菴磨勒。又名摩勒落迦果。又名阿末羅。又名菴沒羅。隋書云。真臘國有菴羅樹。花葉似棗。實似李。嵇合南方草木狀云。菴摩勒樹。葉細似合昏花。黃葉似李。青黃色。核圓。作七八楞。食之。先苦後甘。(見佛爾雅。)

菴羅園 闍義云。菴羅是果樹之名。其果似桃。或云似柰。此樹開華。華生一女。國人歎異。以園封之。園旣屬女。

女入守護。故言庵羅樹園。宿善冥熏。見佛歡喜。以園奉佛。佛卽受之而爲所住。(見名義集。)此園亦曰菴羅衛。(佛爾雅。)

袈裟 僧服也。具云迦羅沙曳。此云不正色。從色得名。章服儀云。袈裟之目。因於衣色。如經中壞色衣也。十律以

爲敷具。謂同氈席之形。四分以爲臥具。謂同衾被之類。薩婆多云。臥具者。三衣之名。大淨法門經云。袈裟者。晉名去穢。大集經名離染服。賢愚經名出世服。真諦雜記云。袈裟是外國三衣之名。名含多義。或名離塵服。由斷六塵故。或名消瘦服。由割煩惱故。或名蓮華服。服者離垢故。或名間色服。以三如法色所成故。言三色者。律有三種壞色。青，黑，木蘭。青謂銅青。黑謂雜泥。木蘭卽樹皮也。悲華經云。佛於寶藏佛前發願。願成佛時。袈裟有五功德。一入我法中。犯重邪見等。於一念中。敬心尊重。必於三乘授記。二天龍人鬼。若能敬此袈裟少分。卽得三乘不退。三若有鬼神諸人。得袈裟乃至四寸。飲食充足。四若衆生共相違背。念袈裟力。尋生慈心。五若持少分。恭敬尊重。常得勝他。瓔珞經云。若天龍八部鬥爭。念此袈裟。生慈悲心。搜玄引大集。王問比丘不能說。遂羞墮地。袈裟變白。法滅盡云。沙門袈裟。自然變白。應法師云。韻作曩望。音加沙。葛洪字苑。始改從衣。(見名義集。參看那伽，四生條。)

偏袒 舍利弗問經。佛言。作供養。應須偏袒。以便作事。福田時。應覆兩肩。現田紋相。梵語僧祇支。或僧卻啼。

西域記云。唐言掩腋。舊或名竭支。正名僧迦鷁。(處脂切)此云覆腋衣。用覆左肩。右開左合。竺道祖云。魏時。請僧於內自恣。宮人見僧偏袒。不以爲善。遂作此衣施僧。因綴於左邊祇支上。因而受稱。卽偏衫右邊。令隱祇支名。通號兩袖曰偏衫。今作時。須開後縫截領。以存元式故也。(分見名義集。)

授記

梵語和伽那。此云授記。達磨鬱多羅云。聖言說與名授。果爲心期名記。妙玄云。說九道劫數。當得作佛。首

楞嚴經。明四種記。一未發心記。或有流轉六道。往於人間。好樂佛法。過百千萬億劫。當發心。過百千萬億阿僧祇劫。行菩薩道。供佛化人。皆若干劫。當得菩提。(淨名疏云。雖未發心而與記也。如佛祇洹林邊。爲鴿雀授記。又云。約四教位者。雖是具縛凡夫。及二乘方便。若有四教大乘機。雖未發心而記。)二適發心與記。是人久種善根。好樂大法。有慈悲心。住不退地。故發心與記。(淨名疏云。現前卽內凡。適發心與記。)三密爲記。有菩薩未得記。而行六度功德滿足。天龍八部皆作是念。此菩薩幾時當得菩提。劫國弟子衆數如何。佛斷此疑。卽與授記。舉衆皆知。此菩薩獨不知。(淨名疏問。何故密記。答。有菩薩心行未熟。若聞授記。心則放逸。不得現前受記。又云。密記卽三教外凡位。)四無生現前記。於大衆中。現前得無生。顯露與記。(淨名疏云。無生。取三教見真位。)(見名義集。)(菩提資糧論明四種授記。一未發菩提心授記。二共發菩提心授記。三隱覆授記。四現前授記。義略同前。)(見三藏法數。參看十二部經條。)

陳那

菩薩名。(詳童授條。)

逝多

詳祇園條。

逝瑟吒月

詳時分條。

野干

梵語悉伽羅。此云野干。似狐而小。形色青黃。如狗羣行。夜鳴如狼。郭璞云。射(音夜)干能緣木。廣志云。

巢於絕巖高木也。輔行記云。狐是獸。一名野干。多疑善聽。顏師古註漢書曰。狐之爲獸。其性多疑。每渡河冰。且聽且渡。故言疑者稱狐疑。述征記云。北風勁。河冰合。要須狐行。此物善聽。冰下無聲。然後過河。說文云。狐。妖獸也。鬼所乘。有三德。其色中和。小前大後。死則首丘。郭氏玄中記曰。千歲之狐爲淫婦。百歲之狐爲美女。然

法華云。孤狼野干。似如三別。祖庭事苑云。野干形小尾大。孤卽形大。禪經云。見一野狐。又見野干。故知異也。
(見名義集。)梵語鳴尸婆。亦云野干。(見佛爾雅。)

鹿園

亦曰鹿苑。卽釋尊初轉法輪處也。西域記云。在波羅奈國。昔釋迦佛因地修菩薩行時。化身爲鹿王。名善鹿王。

提婆達多名惡鹿王。各有五百眷屬。同止此林。時國王名梵摩達。遊獵此林。二鹿王并眷屬俱在園中。時善鹿王遂至王前。啓白王曰。大王較(音角)獵。燎原之次。我徒一千。死在今日。然鹿死肉多。卽日腐臭。願王恩宥。許日供一鹿。入王大廚。王有割鮮之膳。我徒延朝夕之命。王善其辭。遂俞所請。其兩羣內。日輸一鹿。未嘗敢失。一日當次惡鹿羣一嶋鹿。鹿有胎故。告王延俟後期。不允。乃投善鹿王。王曰。悲哉慈母。恩及未形。汝自安心。吾當可代。時善鹿王自詣王廚。宰夫奏。王問其故。對曰。今日次一嶋鹿。鹿有胎，乞延下次。無肯代者。然一日之命。誰不保惜。我今不忍。又慮失供。故自赴廚。願王聽許。王歎曰。善哉。汝有此心。我乃獸心爾。當斷肉味。無復日供。迺施此林爲養鹿之園。佛觀此地有昔因緣。首來說法。報地恩也。(見釋迦如來成道記註。)

鹿王

梵語蜜利伽羅。此云鹿。梵語伊尼延。或哩泥延。或鷺尼延。亦名鷺泥耶躡。此云鹿王。(見名義集。及佛爾雅。)

鹿苑

詳波羅奈條。

鹿野

詳瞿夷條。

犀牛

梵語羯伽。此云犀牛。爾雅云。南方之美者。梁山之犀象。註曰。犀牛皮角象牙骨。又云。犀似豕。註曰。形似水牛。(見名義集。)又曰渴伽。或佉伽婆沙。梵語毘沙拏。此云犀牛角。犀牛一角。一者獨也。喻獨角也。(見佛爾雅。)大集經云。獨覺名爲犀角。(見名義集。)

莫訶婆伽

此云麝。(詳麝香條。)

莫呼洛伽

詳天龍八部條。

瓶沙王

梵語頻婆娑羅。或名瓶沙王。此云摸實。身摸充實。又翻形牢。亦云影堅。影謂形影。皆取體分強壯之義。

頻婆，或云頻毘。此翻顏色。娑羅，此云端正。或翻色像殊妙王。（見名義集，觀經。）瓶沙一作萍沙。一名佛沙迦。影堅也。（見佛爾雅。）

捺落迦 地獄名。此云不可樂。衆苦具足故。亦云苦器。受苦衆生之所依故。此標依報也。（見名義集選。參看那落迦條。）

雪山修行

梵語醯摩跋多。此翻雪山。（見佛爾雅。）印度北境。有高聳大山。千古頂雪。故稱雪山。或云即喜馬拉

雅山。釋尊年十九。出家修道。入此山。若行六年。既出山。在伽耶之菩提樹下。大有所悟。遂四出說法。凡四十九年。（見辭源。）又云。釋尊年十九。遊觀四門。見老病死人之苦。及沙門出世之樂。心大感動。志求出離。決計出家

。時二月十九夜。（因果經，二月七日。）四天王捧馬足出北門。至檀特山。小息林間。以所佩刀斷髮。誓曰。願共一切衆生。斷此煩惱。時淨居天人。化爲獵者。身披袈裟。太子以寶衣易之。入彌樓山。（梵語彌樓。此云光明。七金山也。）從阿藍迦藍（仙人名。亦云羅勒伽藍。又云阿羅邏迦摩羅。）學不用處定三年。（不用處定。即無所有處定。）

復從鬱頭藍（亦仙名。或云鬱頭藍弗。又云鬱頭羅摩羅摩子。此云猛喜。亦云極喜。）習非非想定三年。覺非遂捨。至象頭山。（即伽耶山。參看伽耶條。）雜外道羣中。自修苦行。日食一麻一麥。以無心無意受行之功。諸外道悉受其化。

如是六年。自知將成。曰。今非真解脫。當先受食。後成佛道。遂沐浴泥連河。受牧牛女所獻乳糜食之。（參看乳糜條。）相貌復舊。尋詣畢鉢樹下。天帝化吉祥童子。刈草以敷其座。時二月七日之夕也。（參看阿輸迦條。）既坐。放光

降魔畢。（參看降魔相條。）即入正定。及子時。（正在初八。）忽觀明星悟道成佛。（時年三十。）於金剛坐現圓滿身。三七日爲大根演華嚴。而小根見佛仍丈六比丘相。時有梵釋諸天請轉法輪。（參看轉法輪條。）於三七日後。詣鹿苑。

先度五人。（參看阿若橋陳如條。）又於摩竭提國化迦葉兄弟三人。（參看三迦葉條。）舍利弗目犍等。次第得度。俱成

聲聞道果。如是五十年。說法三百餘會。度人無量。壽八十而入涅槃。（參看涅槃相條。）是爲如來出世一期教化。（見二課合解。）

密宗

詳十宗條。

密行 密行者。微密之行。人所不能知者也。（見三藏法數。參看十大弟子條。）

密迹 詳天大將軍條。

晝夜六時 日分初中後。名晝三時。夜分初中後。名夜三時。故云晝夜六時。（見彌陀要解。參看時分條。）

執我 詳末那條。

執日 詳羅怛羅條。

執持 詳阿陀那條。

執取相 詳三細六麤條。

執金剛神 梵語和夷洹羅闍叉。卽執金剛神也。（見名義集。）

常住 常住者。無滅無生。不遷不變之謂也。涅槃之理。微三際以常存。亘十方而常在。故曰常住。（見三藏法數。）

常寂光 不遷不變名常。離有離無名寂。照俗照真名光。卽妙覺究竟果佛所居之土也。淨名疏云。修於圓教願行之因。因極果滿。道成妙覺。居常寂光。是也。（見三藏法數。）普賢觀經云。釋迦牟尼。名毘盧遮那遍一切處。其佛住處。名常寂光。（見名義集。）

常住常住 詳僧祇條。

常樂我淨 詳四德條。

健相 詳首楞嚴條。

健達 詳乾陀羅耶條。

健馱邏 西域記云。舊曰乾陀衛。訛也。隋云香行國。（見名義集。）健馱邏國。一名乾陀越。譯云香林。亦云香淨。

有大宰堵波。又云。健馱邏。舊云健陀衛。佛國記云。佛鉢今在健陀衛。又云乾陀羅國。本名業波羅國。城東南七里。有雀離浮圖。國王迦尼色迦所造。卽健馱邏國。一名健陀衛。一名健馱羅。前後五見。又云。健陀衛國。阿育王子

法益所治。佛以眼施人處。又云。健默羅國。有波你尼仙。生知博物。作爲字書。(分見佛爾雅。)國名頗古。其義爲香。印度阿輸迦王。曾遣僧傳教於其地。(見辭源。)

頂禮 詳和南條。

頂位 詳四加行位條。

頂生王 詳四生條。

貪愛 梵語尼延底。此云深入。貪之異名。梵語羯吒斯。此云愛之別名。涅槃云。愛河洄液沒衆生。無明所盲不能出。

。貪與於愛。圭峯圓覺約四句釋。一貪非愛。如人貪忙。非乃是愛忙。二愛非貪。如人愛看相打相殺。誰肯貪求。三亦貪亦愛。卽名利財色。四非貪非愛。卽違情之境。(分見名義集。)經云。一切衆生。從無始際。由有種種恩愛貪欲。故有輪迴。(見圓覺經。)注維摩經什師云。外國一女。身金色。有長者子達摩多羅。以千兩金邀入竹林。文殊變白衣士。寶衣嚴好。女人見之。貪心內發。文殊言欲得衣者。當發菩提心。女曰。何爲菩提心。言汝身是。云何是。曰。菩提性空。汝身亦空。女於迦葉佛所。多植善本。廣修智慧。聞說。卽得無生法忍。將示欲之過。還與長者子入林。自現身死。膾眼爛臭。長者子大怖。往詣佛所。佛爲說法。亦得法忍。(見寶王論。)

貪瞋癡 詳三毒條。

捨覺分 捨卽捨離。謂捨離所見念著之境。善能覺了虛僞不實。永不追憶也。(見三藏法數。參看七覺分條。)

捨有三等 斷際禪師云。捨有三等。內外身心一切俱捨。猶如虛空。無所取著。然後隨方應物。能所皆忘。是爲大

捨。若一邊行道布德。一邊旋捨。無希望心。是爲中捨。若廣修衆善。有所希望。開法知空。遂乃不著。是爲小捨。大捨如火燭在前。更無迷悟。中捨如火燭在傍。或明或暗。小捨如火燭在後。不見坑窞。故菩薩心如虛空。一切俱捨。過去心不可得。是過去捨。現在心不可得。是現在捨。未來心不可得。是未來捨。所謂三世俱捨。(見傳心法要。)

教觀 教觀綱宗。原名一代時教權實綱要圖。長幅難看。今添四教各十乘觀。改作書冊題名。北天目藕益沙門智旭重

述也。大師云。佛祖之要。教觀而已矣。觀非教不正。教非觀不傳。有教無觀則罔。有觀無教則殆。然統論時教。大綱有八。依教設觀。數亦略同。八教者。一頓，二漸，三祕密，四不定，名爲化儀四教。如世藥方。五三藏，六通，七別，八圓，名爲化法四教。如世藥味。當知頓等所用。總不出藏等四味。藏以析空爲觀。通以體空爲觀。別以次第爲觀。圓以一心爲觀。四觀各用十法成乘。（參看十乘觀法條。）能運行人至涅槃地。藏通二種教觀。運至真諦涅槃。別圓二種教觀。運至中諦大般涅槃。（參看五時八教條。）又釋義云。教者，聖人被下之言也。觀者，稟教修行之法也。教綱萬殊。大綱唯八。而化儀無體。全攬化法爲體。則藏通別圓四教。乃教之綱也。依教設觀。亦復萬殊。而析空體空次第一心四觀。收無不盡。則析體等四。乃觀之綱也。教觀雖各有四。而前三是權。後一是實。爲實施權。開權顯實。乃佛法之宗要也。臨濟云。識取綱宗。本無實法。爲實施權。則不可執實而廢權。開權顯實。則不可執權定異實。故云無實法也。又云。得意之人。舉一教字。教爲法界。便具觀法。不必更別言觀。舉一觀字。觀爲法界。便具教法。不必更別言教。只因衆生但認語言爲教。不能與觀相應。但認工夫爲觀。不能與教相應。故設做工夫。不以教印。則肯修瞎鍊。未免行邪險徑。名之爲殆。猶所云思而不學也。設學文字。不解觀心。則說食數寶。究竟茫無受用。名之爲罔。猶所云學而不思也。（見教觀綱宗）

教主 詳五部教主條。

教行理 詳達摩條。

偷蘭遮 善見律云。偷蘭名大。遮言障善道。後墮惡道。體是鄙穢。從不善體以立名者。由能成初二兩篇之罪故也。

明了論，解偷蘭爲麤。遮耶爲過。麤有二種。一是重罪方便。二能斷善根。所言過者。不依佛所立戒而行。故言過也。偷蘭遮罪。如兜率天壽四千歲。於人間數五十億六十千歲。此墮嗚叫地獄。人間四百年。爲天一晝夜。（見名義集。）

現量 詳識量條。

現報 詳業報，三種報條。

理卽佛 詳六卽佛條。

理法界 詳法界條。

理事二和 詳三寶條。

習氣 詳惑業苦條。

習因 詳十習因條。

習種性 詳六種性條。

蛇藥 梵語薩戛斂地。西域記云。唐言蛇藥。佛昔爲帝釋。時遭饑歲。疾疫流行。醫療無功。道瑾（左傳云。路死也

。以相屬。帝釋悲愍。思所救濟。乃變其形爲大蟒身。殭屍（死不朽也。）川谷。空中徧告。聞者感慶。相率奔赴

。隨割隨生。療饑療疾。（見名義集。）梵語摩呼羅伽。此翻大蟒蛇。梵語烏洛迦。此翻毒蛇。繞旃檀樹。毒氣便息

（見佛爾雅。）

眷屬 妙玄云。譬如父母遺體。攬此成身。得爲天性。天性親愛。故名眷。更相臣順。故名屬。行者亦爾。受戒之時

。說此戒法。授於前人。前人聽聞。卽得發戒。師弟所由生也。禪亦如是。授安心法。如教修行。卽得發定。是爲我

師。我是弟子。慧亦如是。說諸法門。轉入人心。由法成親。親故信。信故順。是名眷屬也。眷屬五種。一理性眷屬

。二業生眷屬。三願生眷屬。四神通生眷屬。五應生眷屬。一理性眷屬者。衆生如佛如。一如無二如。理性相關。任

運是子。故云。衆聖中尊。世間之父。一切衆生。皆是吾子。不關結緣不結緣也。二業生眷屬者。昔以方便。結藏等

四緣。若信若謗。因倒因起。雖復得度未度。皆是眷屬。今三藏佛，於分段國，出家成道。其未度者。來牽分段。爲

親爲中爲怨。三願受道。得出生死。三願生眷屬者。先世結緣。雖未斷苦。願生內眷屬中，或怨家等，因之得道。四

神通眷屬者。若先世值佛。發真見諦。生猶未盡。或在上界。或在他方。今佛於分段作佛。或以願力。或以通力。來

生下界。爲親爲中爲怨。輔佛行化。斷餘殘惑，而出三界。願通云何異。約自報力名神通。約教名誓願。神通生者。

本受報處猶有報身。以身通力，分形來此。若願生者。報處無身。願力下生耳。五應生眷屬者。無明先破。已得法身

之本。能起應入生死。其意有三。一爲熟他。二爲自熟。三爲本緣。若別說者。業生在分段。願生通生在方便。應生

在寂光。通論一處具有四種。如實報已得法身。能起應作四種眷屬。就圓結緣者。雖未斷惑。自有三種眷屬。就得道者。卽是四也。別眷屬亦四可知。通藏結緣三種可知。雖無應來之應。得論感應之應。就所應得名。四義宛足。又法門眷屬者。如淨名云。方便爲父。智度爲母。法喜爲妻。慈悲爲女。善心誠實爲男。歷四教分別不同。可以意得。觀心具在全帙。須者往檢。(見妙玄節要。具名妙法蓮華經玄義節要。天台智者大師說。章安尊者灌頂記。藕益大師智旭節也。)

十二畫

菩提 肇師云。道之極者。稱曰菩提。秦無言以譯之。後代諸師。皆譯爲道。以大論翻爲佛道故。今問。如周易曰。立人之道。曰仁與義。此則儒宗仁義爲道。莊子曰。虛靜恬淡。寂寞無爲者。天地之平。而道德之至。此則道家以虛無爲道。今釋氏宗以何爲道。答曰。般舟經云。諸佛從心得解脫。心者清淨名無垢。五道鮮潔不受色。有解此者大道成。是知吾教以心爲道。心乃自性清淨心也。其體湛寂。其心靈照。無名無相。絕有絕無。心不能思。口不能議。褒美稱爲第一義諦。華嚴云。若能善用其心。則獲一切勝妙功德。凡夫由昧心源。故隨妄念。能於妄念深照性空。名解大道。又云。體解大道。發無上心。此心智發。能爲佛母。號曰智度。是故智度亦名大道。法華云。爲滅諦故。修行於道。由道是心。其性虛通。徧一切法。無非是道。又云覺。苑師云。菩提覺也。（見名義集。）金光明經玄義明三菩提。一真性菩提。真名不僞。性名不改。不僞不改。名爲真性。以此真性爲道。故名真性菩提。二實智菩提。謂能照真性之智。稱理不虛。名爲實智。以此實智爲道。故名實智菩提。三方面菩提。謂善巧隨機。化用自在。名爲方便。以此方便爲道。故名方便菩提。（見三藏法數。）

菩薩 詳菩提薩埵條。

菩提樹 詳畢鉢羅條。

菩提分 詳七覺分條。

菩薩戒 詳持戒條。（參看十重戒條。）

菩提薩埵 簡稱曰菩薩。肇師云。菩提。佛道名也。薩埵。秦言大心衆生。有大心入佛道。名菩提薩埵。無正名譯也。安師云。開士，始士。荆溪釋云。心初開故。始發心故。淨名疏云。古本翻爲高士。旣異翻不定。須留梵音。但諸師翻譯不同。今依大論釋。菩提名佛道。薩埵名成衆生。天台解云。用諸佛道。成就衆生。故名菩提薩埵。又菩提是自行。薩埵是化他。自修佛道。又化他故。賢首云。菩提。此謂之覺。薩埵。此曰衆生。以智上求菩提。用悲下救衆

生。(見名義集。)

菩提達磨 傳燈錄三。第二十八祖菩提達磨。南天竺國，香至王，第三子也。傳法正宗記云。尊者本名菩提多羅。遇二十七祖(般若多羅尊者。)付法後。改名爲菩提達磨。佛祖歷代通載八。二十六祖(不如密多尊者。)至東印度。與王同車而出。見丐者纓絡童子稽首於前。謂王曰。此童非他。卽大勢至菩薩是也。此聖之後。復出二人。一人化南印度。一人緣在震旦。爲宿因與祖同居。祖傳甚深修多羅。尊者演摩訶般若故。卽名之曰般若多羅。而付以法。後尊者往南天竺香至國。度王之第三子菩提多羅。(見壇經箋註。)正史記載云。南天竺國菩提達磨尊者。承師遺命。泛海達廣州。在梁普光元年。武帝迎至金陵。帝問曰。朕造寺，寫經，度僧。不可勝紀。有何功德。答。並無功德。此但人天小果有漏之因。帝曰。如何是真功德。答。淨智妙圓。體自空寂。如是功德。不以世求。帝又問。如何是聖諦，第一義。答。廓然無聖。帝曰。對朕者誰。答。不識。帝不悟。達磨知機不契。遂於二月十八日。駕蘆葦一枝。作法乘風。渡江往魏。抵洛陽。止於嵩山少林寺。面壁九年而化。後世稱爲東土禪宗初祖。(詳正史。)

菩薩摩訶薩

此云大道心成就有情。乃悲智雙運。自他兼利之稱。(見彌陀要解。)

提婆

此云天。法華疏云。天者，天然。自然勝，樂勝，身勝。故論云。清淨光潔。最勝最尊。故名爲天。苟非最勝

之因。豈生最勝之處。言最勝因者。所謂十善。身三，語四，及意三行。由其三業。防止過非。有順理義。卽名十善。以茲十善。運出五道。故此十戒。名曰天乘。(參看二十八天條。)大論名天。通辨四種。一名天。二生天。三淨天。四淨生天。一名天者。如今國王名天子。二生天者。從四天王至非有想非無想天。三淨天者。人中生諸聖人。四淨生天。三界天中生諸聖。又涅槃亦明四天。一者世間天。如諸國王。二者生天。從四天王至非非想。三者淨天。謂四果，支佛。四者義天。謂十住菩薩。以見一切法是空義故。(見名義集。)又論主名。梵語迦那提婆。此云天。(詳迦那提婆條。)

提舍尼

詳波羅夷條。

提多羅咤

詳四天王條。

提和羅耶 晉言天人王。佛授調達作佛之號。（見名義集。）

提婆達多 亦名調達。亦名提婆達兜。法苑云。本起經，提婆達多。齊云天熱。以其生時。人天等衆。心皆驚熱。無性攝論云。唐云天授。亦云天興。謂從天乞得故。入大乘論。問。彼提婆達多。世世爲佛怨。云何而言是大菩薩。答。若是怨者。云何世世相值。如二人行。東西各去。步步轉遠。豈得爲伴。又云。是賓伽羅菩薩。（見名義集。）

須彌 亦名蘇迷盧。西域記云。唐言妙高。（參看妙高山條。）舊曰須彌。又曰須彌樓。皆訛。四寶合成。在大海中。據金輪上。日月之所迴泊。諸天之所游舍。七山七海。環峙環列。四面各有一色。東黃金。南瑠璃。西白銀。北頗梨。隨其方面。水同山色。（見名義集。）又云。須彌。山名。一小世界之中心也。譯爲妙高，妙光，安明，善積，善高。凡器世界之最下爲風輪。最上爲水輪。其上爲金輪。（即地輪。）地輪上有九山八海。即持雙，持軸，檐木，善見，馬耳，象鼻，（或云障礙。）持邊，（或云地持。）須彌山，之八山（參看七金山條。）八海。（參看四大海條。）有鐵圍山。其中心之山。即須彌山也。註維摩經一。肇曰。須彌山。天帝釋所住金剛山也。秦言妙高。處大海之中。水上方高三百三十六萬里。（見壇經箋註。）

須摩提 大論云。此云妙意。亦云好意好智。彌陀經阿彌陀佛所居國土。名須摩提。（見名義集。）亦云極樂。又云安養，安樂，安隱，清泰等。（見彌陀要解。）

須菩提 詳十大弟子條。

須陀洹 詳四果條。

須曼那 或云須末那。又云蘇摩那。此云善攝意。又云稱意華。其色黃白而極香。樹不大。高三四尺。下垂如蓋。須曼女，生於須曼華中。（見名義集。）

須達多 詳祇園條。

無明 言無明者。不了法界。邪見妄執。常在闇冥。故曰無明。（見名義集。）無明有二。一根本無明。謂從無始之

際。一念不覺。長夜昏迷。不了真理。能生一切諸惑煩惱。是爲根本無明。二枝末無明。謂心心所法。〔參看心心所法條。〕相應而起。卽有貪瞋慢疑見等煩惱。〔參看心心所六位條。〕是爲枝末無明。〔見三藏法數。〕經云。一切衆生。從無始來。種種顛倒。猶如迷人。四方易處。妄認四大爲自身相。六塵緣影爲自心相。譬彼病目。見空中華。及第二月。空實無華。病者妄執。由妄執故。非惟惑此虛空自性。亦復迷彼實華生處。由此妄有輪轉生死。故名無明。

（見圓覺經。）

無常

梵語薩迦耶薩。此云無常。荀卿曰。趨舍無定。謂之無常。唐因明正理論云。本無今有。暫有還無。故名無常。

淨住法云。生不可保。唯欲營生。死必定至。不知顧死。况此危命。凶變無常。俄頃之間。不覺奄死。正法念經云。有於胎藏死。有生時命終。有纔行便亡。有能走忽卒。智論云。無常有二種。一相續法壞無常。二念念生滅無常。

宗鏡明二種四相。一約蠶果報。說生老病死。長阿含云。一生相。五陰興起。已得命根。二老相。謂生壽向盡。餘命無幾。三病相。謂衆苦迫切。存亡無期。四死相。謂盡也。風先火次。諸相敗壞。身亡異趣故。出曜經。佛言。是日已過。命則隨滅。如少水魚。斯有何樂。二約細惑業。說生住異滅。〔詳生住異滅條。〕宗鏡云。雖年百歲。猶若剎那。如東逝之長波。似西垂之殘照。擊石之星火。驟隙之迅駒。風裏之微燈。草頭之朝露。臨崖之朽樹。燦目之電光。若不遇於正法。必永墜於幽途。〔見名義集。〕又云。無常者。山河大地。有成住壞空之無常。人身。有生老病死之無常。心念。有妄想流注之無常。諸法。有生住異滅之無常。是故人於日用間。當念無常二字。如火燒頭。一息不救。苦痛難忍。命正在危矣。普賢誓衆偈云。大衆當勤精進。如救頭然。但念無常。慎無放逸。〔見二課合解。〕

無漏

無漏者。對於有漏而言。漏爲煩惱之異名。漏就因言。猶云破綻。卽一切煩惱染法是。漏就果言。猶云漏落。

卽輪轉六道。受生死報者是。反之。無漏者。謂不染煩惱。不受生死也。〔見佛教答問選錄。〕如來莊嚴入一切佛境界經云。言無漏者。謂離四漏。所謂欲漏。有漏。無明漏。見漏。以不取彼四種漏故。乃名遠離諸漏。文句云。漏謂三漏。妙樂云。一欲漏。謂欲界一切煩惱。除無明。二有漏。謂上兩界一切煩惱。除無明。三無明漏。謂三界無明。漚

槃云。有漏法者有二種。有因有果。無漏法者亦有二種。有因有果。有漏果者。是則名苦。有漏因者。則名爲集。無漏果者。則名爲滅。無漏因者。則名爲道。（見名義集。）有漏者。謂因煩惱惑業。漏落三界生死也。無漏者。謂惑業已斷。不漏落生死也。（見三藏法數。）

無性 詳三無性條。

無著 其一。菩薩名。梵語阿僧伽。西域記，唐言無著。是初地菩薩。天親之兄。（參看天親條）佛滅千年。從彌沙塞部出家。（參看彌沙塞條。）三藏傳云。夜升觀史多天。於慈氏所。受瑜伽師地論，莊嚴大乘論，中邊分別論。晝則下天爲衆說法。（見名義集。）又云。佛滅後九百年。時有無著菩薩者。慨大乘正法之衰微。乃攝神通，上昇兜率天宮。請彌勒菩薩。降於中印度，阿輸遮國。於瑜遮那講堂，說五部論。即瑜伽師地論，辨中邊論，大乘莊嚴經論，分別瑜伽論，金剛般若經論。無著更造顯揚聖教諸論，爲之闡揚。其弟世親，復造攝大乘論釋論等以應之。（參看十支論條。）其二。佛性論云。又此二智。有二種相。一者無著。二者無礙。言無著者。見衆生界自性清淨。是如理智相也。言無礙者。能通達觀無量無邊諸世界故。是如量智相也。（見名義集。）楞嚴經。佛於楞嚴會上，徵詰阿難心目所在之處。阿難被佛徵詰心不在中間。則又計之。一切無著。名之爲心。佛又問云。汝言不著名爲心者。如世間虛空水陸飛行一切物象。汝心不著。此等物象。爲有爲無。若言無者。則同龜毛兔角。云何更有不著之物而言不著。若言有者。物在則心亦在。云何無著。故云。一切無著。名覺知心。無有是處。（見三藏法數。）

無我

梵語阿檀。或阿捺摩。此云無我。華嚴云。凡夫無智。執著於我，智論明二種。一者邪我。二者慢我。大寶積經。佛言。迦葉。譬如咽塞病。卽能斷命。如是迦葉。一切見中。唯有我見。卽時能斷於智慧命。地持經云。世間受生。皆由著我。若離著我。則無世間受生身處。大論云。我者。於陰界入。計我我所。若卽若離。人者。於陰界入中。謂我是行人。衆生者。於陰界入和合之中。計有我生。壽者。於陰界入中。計一期報。若長若短。輔行云。我以計內。人以計外。衆生以續前爲義。壽者以趣後爲能。（參看四相條。）凡夫既執我倒。佛爲二乘說無我法。故智論號名字我。如大乘入楞伽云。自心所現身器世間。皆是藏心之所顯現。剎那相續。變壞不停。如河流。如種子。如燈焰

。如迅風。如浮雲。躁動不安如猿猴。樂不淨處如飛蠅。不知厭足如猛火。無始虛偽習氣爲因。諸有趣中流轉不息。如汲井輪。種種色身威儀進止。譬如死屍，呪力故行。亦如木人。因機運動。若能於此善知其相。是名人無我智。（見名義集。參看八自在條。）寶王論明觀空無我云。問。即凡而聖。爲無我也。三教無我。理旣不殊。其義焉在。對。三教名未始異。理未始同。夫子四絕中無我者。謙光義也。道無我者。長而不宰也。佛無我者。觀五蘊空也。二教都不明五蘊。孰辨其四諦。六度萬行。賢聖階級。蔑然無聞。修心之士。擇善而從可也。（見寶王論。）

無生忍 無生。即惑已斷盡無餘。不致再受生於三界。於此無生功夫，而能安住謂之忍。此在小乘，須成阿羅漢。在大乘別教，須登初地也。（見佛教答問選錄。）又云。忍即安忍。亦忍可也。無生忍者。謂了達諸法。本來無生。亦無有滅。諦審忍可。而妄念不起也。又云。無生忍。謂由觀真諦之境。是無爲法。諸念不生。即得無生忍。以真空之理。本無生滅故也。無生法忍。謂一切諸法性本不生。而於此法忍可印證也。又云。菩薩於無生之法。忍可忍樂。不動不退。是名無生法忍。（分見三藏法數。）論云。無生忍者。乃至微細法不可得，何況大是名無生。得是無生法不作不起諸業行。是名得無生法忍。（見大智度論七十三。）慧海云。不住一切處心者。即是佛心。亦名解脫心。亦名菩提心。亦名無生心。亦名色性空。經云。證無生法忍是也。（見頓悟入道要門論。）

無所得 涅槃經云。無所得者。則名爲慧。有所得者。名爲無明。又云。有所得者名生死輪。一切凡夫輪迴生死。故有所得。菩薩永斷一切生死。是故菩薩名無所得。（見壇經箋註。）

無等等 梵語阿婆磨。大論翻云無等等。佛名無等。般若波羅蜜。利益衆生。令與佛相似。故名無等等。（見名義集。）又云。謂諸佛般若。世無與等。而一切衆生平等共有。故曰無等等。（見三藏法數。）

無盡意 梵語阿差末。此云無盡意。天台云。知一切法性無盡。故菩薩發心無盡。（見名義集。）

無遮會 無遮。即周徧之義。謂修設普度大會。使一切沉魂滯魄。悉仗三寶慈力。皆得脫離苦趣。而獲超升善道也。

（見三藏法數。）

無常印 詳三法印條。

無我印 詳三法印條。

無畏施 詳布施條。

無記性 詳三性條。

無上菩提 詳阿耨多羅三藐三菩提條。

無諍三昧 詳阿蘭那條。

無我我所 我，主宰之義。即衆生所執之假名也。我所。即五陰之身。菩薩以智慧觀察四大本空。五陰非有。則我

及我所。俱不可得。是名無我我所。（見三藏法數。參看我我所條。）

無問自說 詳十二部經條。

無憂華樹 詳阿輸迦條。

無上正徧知 詳阿耨多羅三藐三菩提條。

善慧 釋迦在然燈佛時。爲菩薩號也。經云。善慧仙人。既授記已。佛經行處。而地濁濕。善慧即脫所著鹿皮之衣。

以用布施。解髮覆之。佛踐而度。復記之曰。汝後得佛。當於五濁惡世。度諸人天。不以爲難。必如我也。（見過現

因果經。）論云。佛初生時。身光如燈。後至成佛。遂名然燈。彼時釋迦佛。號曰儒童。以五莖蓮華獻佛。及禮佛足

。見地污溼。即解鹿皮衣覆之。掩泥不足。乃解髮覆地。令佛蹈而過之。佛因記曰。汝自此後九十一劫。劫號爲賢。

汝當作佛。號釋迦文。（見大智度論。）

善星 梵語蘇膩怛羅。此云善星。羅云庶兒。佛之堂弟庶兒。故說爲子。佛與迦葉往善星所。善星遙見。生惡邪心。

生身陷入至阿鼻獄。（見名義集。）

善哉 梵語唱薩。此言訛也。正言娑度。此云善哉。（見名義集。）

善現 其一。佛弟子須菩提名。（詳十大弟子條。）其二。色界天名。（詳二十八天條。）其三。帝釋宮名。（詳忉利條

善知識 詳三善知識條。

善導和尙

唐京師僧善導。貞觀中。見西河綽禪師淨土九品道場。喜曰。此真入佛之津要。於是篤精勤苦。若救頭

然。每入佛堂。合掌胡跪。一心念佛。非力竭不休。雖寒冰亦須流汗。以表至誠。出卽爲衆說淨土法門。無暫時不爲利益。三十餘年。不暫睡眠。般舟行道。禮佛方等。專爲已任。護持戒品。纖毫不犯。未嘗舉目視女人。絕意名利。遠諸戲笑。所行之處。淨身供養。飲食衣服有餘。並以迴施。好食送大廚供衆。粗惡自食。乳酪醍醐。皆不飲噉。諸有觀施。用寫阿彌陀經十萬餘卷。畫淨土變相三百餘壁。見壞寺及塔。皆悉修營。然燈續明。每歲不絕。三衣瓶鉢。不使人持洗。始終無改。不與衆同行。恐談世事。妨修行業。展轉授淨土法門者。不可勝數。或問導云。念佛之善。生淨土否。答云。如汝所念。遂汝所願。於是導自念阿彌陀佛一聲。則有一道光明。從其口出。十聲以至百聲。光明亦如此。其勸化偈云。漸漸雞皮鶴髮。看看行步龍鍾。假饒金玉滿堂。難免衰殘老病。任是千般快樂。無常終是到來。唯有徑路修行。但念阿彌陀佛。後謂人曰。此身可厭。吾將西歸。乃登寺前柳樹。投身自絕。高宗見其念佛口出光明。又捨身時精至如此。賜寺額爲光明。本朝(宋)慈雲式懺主略傳。云阿彌陀佛化身。至長安聞灑水聲。乃曰可教念佛。三年後。滿長安城中念佛。後有法照大師。卽善導後身也。(見龍舒淨土文。)

然燈佛

梵語提洹渴。或提和竭羅。此云燃燈。大論云。太子生時。一切身邊光如燈故。故云燃燈。以至成佛。亦名

燃燈。鐙字。說文從金。徐鉉云。錠中置燭。故謂之燈。聲類云。有足曰錠。無足曰燈。故瑞應翻爲錠光。撫華云。

錠，音定。燈屬也。古來翻譯。迴文不同。或云燃燈。或云錠光。語異義同。故須從金。釋尊修行名儒童時。(參看

善慧條。)二僧祇滿。遇燃燈佛。得受記莚。(見名義集。)釋迦如來是賢劫第四佛。歷三阿僧祇劫修因。(參看三祇

條。)經五十五位菩薩證果。第一劫滿。遇寶髻如來。(闍那尸棄佛。)第二劫滿。遇燃燈如來。第三劫滿。遇勝觀如來。(毘婆尸佛。)(見金剛經增解。參看各本條。)

普賢

菩薩名。梵語邈輸跋陀。或云三曼跋陀。此云普賢。悲華經云。我行要當勝諸菩薩寶藏。佛言。以是因緣。今

改汝字。名曰普賢。文句云。今明伏道之頂。其因周徧曰普。斷道之後。隣於極聖曰賢。攜李云。行彌法界曰普。位

隣極聖曰賢。觀經大論。並翻徧吉。圓覺略疏云。一約自體。體性周徧曰普。隨緣成德曰賢。二約諸位。曲濟無遺曰普。隣極亞聖曰賢。三約當位。德無不周曰普。調柔善順曰賢。（見名義集。）楞嚴經。佛問圓通。普賢菩薩白佛言。我已曾與恒沙如來爲法王子。十方如來教其弟子菩薩根者。修普賢行。從我立名。世尊。我用心聞。分別衆生所有知見。若於他方恆沙界外。有一衆生。心中發明普賢行者。我於爾時。乘六牙象。分身百千。皆至其處。縱彼障深。未得見我。我與其人。暗中摩頂。擁護安慰。令其成就。佛問圓通。我說本因。心聞發明。分別自在。斯爲第一。（見楞嚴經五。）經云。普賢菩薩於華嚴會上逝多林中。稱讚如來勝功德已。告諸菩薩及善財言。如來功德。十方諸佛。經利塵劫。說不能盡。若欲成就此功德門。應修十種廣大行願（見華嚴經普賢行願品。參看十大願王條。）

普現 佛名。詳文殊師利條。

普眼 其一。普眼者。眼外無法。名爲普眼。經云。假使有人以大海量墨。須彌聚筆。書寫此普眼法門。一品中一門。一門中一法。一法中一義。一義中一句。不得少分。何況能盡。（見華嚴經。）其二。菩薩名。普眼謂菩薩以慈眼普照法界也。（見二課合解。）

普門 普門者。普徧也。門卽能通之義。謂實相妙理。互通徧攝。無所障礙也。普門品者。天台智者大師。通釋妙法蓮華經一部之外。復以觀世音菩薩普門品。世多持誦。故別立玄疏。詳釋此品。（見三藏法數。）

普光明 其一。四十二字門。華嚴經唱瑟吒字時。入般若波羅蜜門。名普光明。息煩惱故。大品般若經作吒。梵語具云吒婆。華言障礙。謂知一切法無障礙故。（參看四十二字條。）其二。普光明殿。其殿衆寶所成。光明照映。又佛於中說法。普放光明故。華嚴九會說法。此普光明殿凡三會。於第二會。文殊師利菩薩等說十信等法門。自第十二卷至第十五卷。共六品經。於第七會。毘盧遮那如來說阿僧祇數量法門。普賢菩薩亦說十大三昧等及等覺法門。自第四十卷至五十二卷。共十一品經。於第八會。普賢菩薩說離世間法門。自第五十三卷至五十九卷。共一品經。參看七處九會條。（見三藏法數。）

結集

佛滅度後四十五日。迦葉尊者。會千人於迦蘭竹林界內。結集。爲上座藏。復有千人在界外結集。爲大衆藏。

復有彌勒文殊同阿難於海鐵圍山別集三藏。是爲菩薩藏。(或云大乘藏。)此乃最初結集也。佛滅後五百年。七百羅漢在毗舍離城。結集法律藏。是爲第二次。又佛滅後四百年。有脇尊者(梵名波濕縛。參看七佛三十三祖條。)於健馱邏國集五百人。結集爲一切有藏。(梵名薩婆多部。參看薩婆多條。)是三次也。正法既沒。學佛者各部分裂。各有結集。五百年中。難記次第。其他龍樹出華嚴下本於龍宮。(下本經。謂此經蓋文殊與阿難結集已。龍神收入龍宮。後因龍樹菩薩入龍宮。見此大不思議經。『大智度論云。大不思議經。卽華嚴經也。』具有上中下三本。下本十萬偈。四十八品。龍樹遂記出流傳於世。故名下本經。中本經。有四十九萬八千八百偈。一千二百品。上本經。有十個三千大千世界微塵數偈。一四天下微塵數品。出華嚴經疏。)兩界密典於鐵塔。(詳真言密教及兩部曼荼羅條。)是爲佛滅後七百年結集。無著請彌勒菩薩。於阿瑜遮國。說五部大論。(參看無著條。)世親護法造論發明。(世親，詳天親條。護法。詳成唯識論條。)三百年來。至戒賢而大成。(參看戒賢條。)是爲佛滅後千一十年之結集。(見佛教問答。)又云。如來滅後。阿難與文殊師利。集諸大衆。於鐵圍山等處。結集修多羅城。優波離與五百聖人。於畢鉢羅窟內。結集毘奈耶藏。迦葉集諸大衆。於畢鉢羅窟等處。結果阿毘曇藏。(見付法藏因緣經，三藏法數。)又云。如來滅後。摩訶迦葉尊者。會千人於迦蘭竹林界內。命阿難集修多羅藏。優婆離集毘奈耶藏。迦葉自集阿毘達磨藏。是爲上座藏。同時有婆師婆千人。在外結集。前三藏外。復有雜藏。咒禁藏，之五藏。是爲大衆藏。(參看三藏五藏條。)

結界相

結界相者。乃是如來制比丘結界之法也。謂比丘若作法事。若行布薩。若建塔寺。或於空地。或在山林。或於水邊。隨其形量廣狹大小。必須結界以立界相。故說此五種之名相也。一方相。謂結界之地。其形方正也。以其四方或一方。有長流之水。則以水爲界相。若是無源不常流者。則不可爲界相。或有樹，則以樹爲界相。若是枯朽之樹及不相連者。亦不可也。或有路，則以路爲界相。若是斷絕之路。亦不可也。或有石，則以石爲界相。若是散漫之石。亦不可也。此處若無水樹等。則當立石或種樹於四邊。以爲界相。二圓相。謂結界之處。其形團圓也。以此處或水樹等。其勢周圍圍繞。或立石種樹以爲界相也。三鼓形相。謂結界之處。如鼓之形也。以此處或水或路等，生勢狀如

鼓形。或立石種樹以爲界相也。四半月形相。謂結界之處。如半月之形也。以此處或水或路等。生勢狀如半月。或立石種樹以爲界相也。五三角相。謂結界之處。其形三角也。以此處水路等。三角圍繞。或立石種樹以爲界相也。（見善見毘婆沙律，三藏法數。）經云。善男子。若復有人。厭世間苦。求長生樂者。在閒淨處。清淨結界。呪衣著。若水若食，若香若藥。皆呪一百八遍服。必得長命。若能如法結界。依法受持。一切成就。其結界法者。取力呪二十一遍。劃地爲界。或取淨水呪二十一遍，散著四方爲界。或取白芥子呪二十一遍，擲著四方爲界。或以想到處爲界。或取淨灰呪二十一遍爲界。或呪五色線二十一遍，圍繞四邊爲界。皆得。若能如法受持。自然剋果。（見大悲心陀羅尼經。）

童眞

梵語鳩摩羅伽。或云鳩摩羅馱。或云究磨羅浮多。此云童眞。亦云毫童。亦云童子。熏聞云。內證眞常。而無取著。如世童子。心無染愛。卽法王子之號也。大論云。復次。又如王子名鳩摩羅伽。佛爲法王。菩薩入法正位。乃至十地故。悉名王子。皆任爲佛。如文殊師利。十力四無所畏等。悉具佛事故。住鳩摩羅伽地。佛地論云。從世尊口正法所生。紹繼佛身不斷絕故。名法王子。觀經疏云。以法化人。名法王子。什注淨名云。妙德（文殊名）以法身遊方。莫知所生。又來補佛處。故言法王子。荆溪問曰。經稱文殊爲法王子。其諸菩薩。何人不是法王之子。答。有二義。一於王子中，德推文殊。二諸經中，文殊爲菩薩衆首。（見名義集。）

童授

梵語陳那。西域記云。唐言童授。受妙吉祥菩薩（文殊名）指誨傳授。作因明正理門論。慈恩云。因明論者。元唯佛說。文廣義散。備在衆經。故地持論云。菩薩求法。當於何求。當於一切五明處求。求因明者。爲破邪論。安立正道。劫初題目。創標眞似。爰繼世親。再陳軌式。雖紀綱已列。而幽致未分。故使賓主對揚。猶疑破立之則。有陳那菩薩。是稱命世。賢劫千佛之一也。匿跡巖藪。栖巒等持。觀述作之利害。審文義之繁約。於時巖谷震吼。雲霞變彩。山神捧菩薩足。高數百尺。唱言。佛語因明論道。願請重弘。菩薩乃放神光。照燭機感。時彼南印土按達羅國王。見放光明。疑入金剛喻定。請證無學果。菩薩曰。入定觀察。將釋深經。心期大覺。非願小果。王言。無學果者。諸聖攸仰。請尊速證。菩薩撫之。欲遂王請。妙吉祥菩薩因彈指警曰。何捨大心。方興小志。爲廣利益者。當轉慈

氏所說瑜伽。匡正頽綱。可製因明。重成規矩。陳那敬受指誨。奉以周旋。於是覃思研精。乃作因明正理門論。又輔行云。迦毘羅仙恐身死。往自在天問。天令往頻陀山。取餘甘子。食可延壽。食已。於林中化爲石牀。大有不逮者。書偈問石。後爲陳那菩薩斥之。書偈石裂。（見名義集。）

童受

梵語鳩摩羅邏多。西域記翻童受。謂以童稚之年。受大乘法故。（見名義集選。）法雲釋論主云。羣生昏寢。長夜冥冥。先覺警世。慧日熾熾。故西域記明四日照世。東有馬鳴。南有提婆。西有龍猛。北有童受。或通宗乎衆典。或別釋於一經。既分照乎四方。乃俱破於羣翳。故今此集。稱論主焉。（見名義集。）

童壽

梵語鳩摩羅邏婆。此翻童壽。以童年而有耆德故也。師中印度人。父名鳩摩羅琰。世爲相國。棄榮出遊。龜茲王以女妻之。生師。生而神靈。七歲隨母入寺。見鐵鉢頂之。俄念其重。即不勝其力。遂悟萬法唯心。後既深通三藏。辯才無礙。王設金獅座處之。西域諸王。請師講說。必長跪座側。命師躡登。時東晉符堅。據陝西。國號曰秦。將事西討。適太史奏。異星現於西域分野。當有大德智人。入輔中國。堅曰。朕聞龜茲有羅什。得非此人耶。遣將呂光。率兵七萬。西伐龜茲。臨發。謂曰。朕非貪地。因聞羅什深達法相。故用兵耳。及破龜茲。載什以歸。什在道。數言應變。光盡用之。至涼州。光聞堅已爲姚萇所害。即據涼州。稱三河王。國號曰涼。後萇亦慕德請師。而光不允。萇亡。子興立。請亦不允。光沒。子呂隆立。興遣兵。隆遂降秦。迎師入關。秦主興厚禮加之。延入西明閣。及逍遙園。外館安置。奉爲國師。師閱舊經。義多紕僻。不與梵本相應。乃集沙門筆叢等八百餘人。新譯經論三百九十餘卷。師未終少日。集衆謂曰。願所譯經論。傳世流通。若其無謬。使梵身後舌不焦爛。以姚秦弘始十八年。八月二十日。卒於長安。火化身燼。舌果儼然。經云。六方諸佛出廣長舌相。徧覆三千大千世界。說誠實言。豈不符哉。（見名義集，二課合解。）

童子

梵語拘摩羅。西域記云。唐言童子。釋名云。十五曰童。未冠之稱。又大論稱鳩摩羅伽。此云童子。（見名義集，參看童眞條。）

童眞住

體微曰童。謂其體雖微。已具佛十身（參看十身條。）靈妙之相。經云。十身靈相。一時具足。名童眞住。（

見楞嚴經，參看十住條。）

智慧 詳般若條。

智度 梵語多伽稍。或多伽羅。此翻根智。維摩經云。智度菩薩母。淨名疏云。智度即是實智。實智有能顯出法身力故。如母能生。實智，亦名如理智。（參看二智條。）正觀真諦。如理而知。則無顛倒。華嚴經云。體解大道。發無上心。此心智發。能為佛母。號曰智度。是故智度亦名大道。故大論云。智度大道佛善來。智度大海佛窮底。如用此智。修習萬行。其所修法。亦名大道。（分見名義集。）

智相 謂依三細中第三境界相。（境界相。即三細中之現相也。）不了自心所現。妄起分別染淨之相。於淨境則愛。於染境則不愛。是名智相。（見三藏法數，參看三細六麤條。）

智度論 大智度論。龍樹菩薩之所造也。簡稱曰大論。（參看龍樹條。）

智健度 詳健度條。

智淨相 論云。復次本覺。隨染分別生二種相。與彼本覺不相捨離。云何為二。一者智淨相。二者不思議業相。智淨相者。謂依法力熏習。如實修行。滿足方便故。破和合識相。滅相續心相。顯現法身智淨故。不思議業相者。以依智淨。能作一切勝妙境界。所謂無量功德之相。常無斷絕。隨衆生根。自然相應。種種而現。得利益故。（見梁譯起信論。）

智者大師 詳十宗之天台宗條。

智正覺世間 謂如來具大智慧。永離偏邪。深能覺了世間出世間法。故名智正覺世間。即釋迦如來能化之智身也。

（見三藏法數。參看三世間條。）

華嚴 佛經名。謂如來以萬行因華。莊嚴法身果德也。（見三藏法數。）佛成道後。第一時教。即說華嚴。因歎曰。奇哉奇哉。一切衆生。具有如來智慧德相。但以妄想執著而不證得。若離妄想。則無師智，無礙智，自然智。即得現前。乃思即啓大教。化度衆生。不起樹下。身遍法界。稱性而談一大部經。謂以萬德之華。莊嚴佛果。是曰華嚴。說是

經時。境界開廓。有十不可說佛刹微塵數世界種。皆在大蓮華上。分布而住。一一世界種。各有不可說佛刹微塵數世界。在一蓮華上重重無盡。是曰華藏莊嚴世界海。是爲吾佛第一時教，說華嚴部也。（見釋尊紀略。）

華鬘 梵語俱蘇摩。此云華。梵語摩羅。此云鬘。苑師云。一切華通名俱蘇摩。別有一華獨名俱蘇摩。此云悅意。其

華大小如錢。色甚鮮白。衆多細葉。圓集共成。應法師云。西域結鬘師。多用蘇摩羅華。行列結之。以爲條貫。無間男女貴賤。皆此莊嚴。或首或身。以爲飾好。正法念經云。生天華鬘在額。（見名義集。）

華嚴宗 詳十宗條。

華嚴三聖 詳三聖條。

黃門 梵語般吒。應言般茶迦。此云黃門。（見名義集。）或云般吒。此云黃門。天闔也。又扇攏。或扇茶。亦天闔也。（見佛爾雅。）又扇攏或扇茶。此云生。天然生者。男根不滿。（見名義集。）

黃病 詳四百四病條。

黃頭 詳迦毘羅條。

黃華 詳瞻蔔條。

黃卷赤軸 詳住持三寶條。

補陀落迦 或名補涅洛迦。此云海島。又云小白花。西域記云。有呬落迦山。南海有石天宮。觀自在菩薩游舍。（見名義集。）或云普陀者。訛而略也。（見名義集選。）一名梅岑山。一名娑陀山。今西藏布達拉山。一名普陀山。（見佛爾雅。）

補特伽羅 或福伽羅。或富特伽羅。此云數取趣。謂諸有情。起惑造業。卽爲能取。當來五趣。名之爲趣。古譯爲趣向。中陰有情。趣往前生故。論云。死生二有中。五蘊名中有。（參看中陰條。）故謂爲趣。瑜伽論。說八種人執。第六名補特伽羅。謂數數取諸趣故。或死於此。能生於彼。正能生者。卽是人執。又翻有情。又翻人。大毘婆沙論。佛言。有二種補特伽羅。能住持正法。謂說者行者。若持教者相續不滅。能令世俗正法久住。若持證者相續不滅。能令

勝義正法久住。持正法人有二。一持教法者。謂讀誦解說經律論等。二持正法者。謂能修證無漏聖道。(見名義集。)又云。補，數也。特伽，取也。羅，趣也。地藏十輪經。有十種補特伽羅。又補伽羅。一作福伽羅。富伽羅。弗伽羅。趣也。(見佛爾雅。)又云。梵語補特伽羅。華言有情。又云人。佛為有情之類。罪業深重。輪迴生死。難得人身。故說此十種補特伽羅。一不種善根。二未修福業。三雜染相續。四隨惡友行。五不畏後世苦果。六不畏未來生死苦根。七猛利瞋恚。八猛利愚癡。九其心迷亂。十守惡邪見。由諸惡行。所以輪迴諸趣也。(見地藏十輪經。三藏法數。)

惑業苦 一切衆生。皆由惑造業。由業招苦。惑即三惑煩惱。業即有漏無漏善惡諸業。苦即九界衆生二種生死之苦果。由此惑業苦三。而生死永無休息矣。(見二課合解。)又云。生死相續。由惑業苦。發業潤生煩惱名惑。能感後有諸業名業。業所引生衆苦名苦。惑苦種種。皆名習氣。前二習氣。與生死苦為增上緣。助生苦故。第三習氣。望生死苦能作因緣。親生苦故。(見成唯識論。)梵語惡又聚。資中曰。此云縋貫珠。無始無明。熏習成種。種必有果。子子相生。熏習不斷。(楞嚴經云。無量功德。如惡又聚。同處熏修。永無分散。見楞嚴經五。)眞際云。惡又。樹名。其子似沒石子。生必三顆同蒂。喻惑業苦三。同時具足。言惑業苦者。惑乃煩惱道。業即業道。苦謂苦道。而此三道。通於三土。故輔行云。分段三道。謂見思惑為煩惱道。煩惱潤業為業道。感界內生為苦道。方便三道。謂塵沙惑為煩惱道。以無漏業名為業道。變易生死名為苦道。實報三道。謂無明惑為煩惱道。非漏非無漏業為業道。彼土變易名為苦道(見名義集。)

富樓那 詳十大弟子條。

富單那 此云臭餓鬼。主熱病鬼也。亦名富多羅。(見名義集。)或云布怛那。或云羯吒布怛那。主熱病鬼也。迦吒富單那。奇臭餓鬼也。(見佛爾雅。)

開士 菩薩之別稱。荆溪釋云。心初開放。始發心故。經云。佛告諸得道果實大衆。善男子。是月光王(波斯匿王)已於過去十千劫中。龍光王佛法中。為四住開士。我為八住菩薩。(見仁王經。參看菩提薩埵條。)

開權顯實 詳法華，教觀條。

散脂 詳天大將軍條。

散亂 散亂者。謂心常放逸也。華嚴孔目明五種散亂。一自性散亂。謂五識不守自性。隨逐外境。念念變易也。二外

散亂。謂意根馳動。隨逐外塵。起種種分別也。三內散亂。謂心生高下。念念遷流不定也。四麤重散亂。謂計我所羸重之法。不得解脫也。五思惟散亂。謂棄捨大乘。憶念小乘。不得寂靜也。阿毘達磨雜集論。明六種散亂。一自性散亂。謂五識自性。馳逐外緣。乖於靜定也。二外散亂。謂正修善時。於五欲境上。其心馳散。不能寂靜也。三內散亂。謂修定時。發起沉掉。及於諸塵而生味著。退失靜定也。四相散亂。謂欲他人信已有德。詐見修善之相。由此因緣。所修善法。漸更退失也。五羸重散亂。謂修善法時。起我我所執。及我慢等邪見。由此邪執羸重力故。所修善法。永不清淨也。六作意散亂。謂或依餘乘。或依餘定。作意修習。不能證悟。發起散亂也。(分見三藏法數。)

散位獨頭意識 詳意識條。

惡趣 詳三塗條。

惡叉聚 詳惑業苦條。

尋伺 梵語毘恒迦。此云尋。梵語毘遮羅。此云伺。藏疏云。尋謂尋求。伺謂伺察。心之羸性。名之爲尋。心之細性

。名之爲伺。論云。入三摩地有三種。一有尋伺。謂初禪及未到定也。二無尋唯伺。謂中間禪也。大梵六天。即中間定力所感。三無尋無伺。謂二禪近分乃至非非想天。尋伺亦名覺觀。(見名義集。參看覺觀條。)又云。尋謂尋求。令心思遠。於意言境。羸轉爲性。伺謂伺察。於意言境。細轉爲性。此二俱以安不安住。身心分位所依爲業。並用思慧一分爲體。於意言境。不深推度。及深推度。義類別故。若離思慧。尋伺二種體類差別不可得故。(見成唯識論七。)

(尋即尋思。心中所起之念也。所起之念。或善或惡。或不善不惡。屬不定法。伺即伺察。心中所起之念也。尋思之心羸而浮。伺察之心沉而細。此心亦有善惡。不善不惡。亦屬不定法也。(見三藏法數。)

虛空

梵語剎尼迦。入楞伽云。剎尼迦者。名之爲空。梵語呌。或呌提。秦言虛空。纂要云。但無羸相之身。亦有微妙之色。故云如來光中。映令暫見。涅槃虛空喻有云。如世間中無罣礙處。名爲虛空。如來得三菩提已。於一切法無

有罣礙。故言佛性猶如虛空。楞嚴經云。當知虛空生汝心內。猶如片雲點太清裏。是則衆生計乎妄想。太虛絕於靈照。既迷妄以成空。故背覺而有限。(見名義集。)斷際禪師云。佛與衆生。一心無異。猶如虛空。無雜無壞。如大日輪照四天下。日升之時。明徧天下。虛空不曾明。日沒之時。暗徧天下。虛空不曾暗。明暗之境。自相凌奪。虛空之性。廓然不變。佛及衆生心亦如此。又云。譬如虛空。雖以無量珍寶莊嚴。終不能住。佛性同虛空。雖以無量功德智慧莊嚴。終不能住。(見傳心法要。)釋摩訶衍論三。論虛空有十義。一無障礙義。於諸色法中無障礙故。二周徧義。無所不至故。三平等義。無簡擇故。四廣大義。無分際故。五無相義。絕色相故。六清淨義。無塵累故。七不動義。無成壞故。八有空義。滅有量故。九空空義。離空著故。十無得義。能不執取故。(見壇經箋註。參看舜若多條。)

虛空定詳四空定條。

跏趺

謂結跏趺座也。聲論云。以兩足趺加致兩脛。如龍盤結。慧琳音義八。結跏趺座。略有二種。一曰吉祥。二曰

降魔。凡坐皆先以右趾押左股。後以左趾押右股。此即左押右。手左在上。名曰降魔坐。諸禪宗多傳此坐。依持明藏教瑜伽法門。即傳吉祥爲上。降魔坐有時而用。其吉祥座。先以左趾押右股。後以右趾押左股。令二足掌仰於二股之上。手亦右押左。仰安跏趺之上。名爲吉祥坐。如來昔在菩提樹下。成正覺時。身安吉祥之坐。手作降魔之印。故如來常安此坐。轉妙法輪。嘉祥法華義疏二。結跏趺坐。是諸佛常坐之法。作此坐者。身端而心正也。(見壇經箋註。)

棒喝

禪家宗匠接人之作略。或用棒。或用大喝。棒始於德山。(屬禪門五宗之雲門宗。)喝來自臨濟。(禪門五宗之臨

濟宗。參看十宗之禪宗條。)臨濟問黃蘗。如何是佛法的大意。蘗便打。如是三問。三度被打。後參大愚。得悟黃蘗宗旨。卻回黃蘗。棒鋒敏捷。蘗便打。師便喝。以後接人。棒喝交馳。故今謂警醒人之迷誤者。曰當頭棒喝。(見辭源。)

斯陀舍

詳四果聲聞位條。

喜樂

梵語都羅。此云喜。釋論云。五塵中生樂名樂。法塵中生樂名喜。先求樂願令衆生得。從樂因令衆生得喜。又

云。羸樂名樂。細樂名喜。譬初服藥時名樂。藥發徧身時名喜。(參看示教利喜條。)智論明三事具足。故大歡喜。一能說人清淨。二所說法清淨。三依法得果清淨。(見名義集。)

琰魔

或云琰羅。此翻靜息。以能靜息造惡者不善業故。或翻遮。謂遮令不造惡故。或閻磨羅。經音義，應云。夜磨

盧迦。此云雙世。鬼官之總司也。亦云閻羅餓魔。聲之轉也。亦云閻魔羅社。此云雙王。兄及妹皆作地獄主。兄治男事。妹治女事。故曰雙王。或翻苦樂並受。故云雙也。婆沙，顯揚，並正法念。皆言鬼趣所收。瑜伽，言地獄趣收。又瑜伽論問。餓摩王爲能損害。爲能饒益。名法王。答。由饒益衆生故。若諸衆生執到王所。令憶念故，遂爲現彼相似之身。告言。汝等自作。當受其果。由感那落迦。（參看本條。）新業更不積集。故業盡已。脫那落迦。是故餓摩。由能饒益諸衆生。故名法王。論云。此瞻部洲下。過五百踰繕那。有琰魔王國。縱廣亦爾。（見名義集。）或云閻羅。或閻磨。或閻摩羅社，閻摩。譯雙。羅社，譯王。雙王也。隻王也。與妹俱作獄主。故云雙。兄治男。妹治女。故云隻。（見佛爾雅。）正法念經。閻羅王爲人說偈云。汝得人身不修道。如入寶山空手歸。汝今自作還自受。叫喚苦者欲何爲。十王經云。閻王於未來世作佛。號普王如來。或云是菩薩。爲利益衆生故。變化所作。（見三藏法數。）或云閃多。此云鬼。立世論云。鬼道名閃多。爲閻摩羅王名閃多故。其生與王同類。故名閃多。（見名義集。）

跋折羅

詳金剛條。

跋陀婆羅

詳賢守條。

跋闍羅波膩

詳金剛手條。

訶梨勒

亦云訶梨怛雞。此云天主持來。此果爲藥。功用至多。無所不入。如此間人參石斛也。本草李珣云。毗梨勒木。似訶梨勒。而子亦相似。但圓而毗。（毗，卽臍也。）故名。（見佛爾雅。）

訶利帝南

詳鬼子母條。

訶梨跋摩

宋言師子鎧。佛涅槃後。九百年出。中天竺國婆羅門子。初依薩婆多部出家。造成實論。（見名義集。）

寒林

梵語尸陀。正云尸多婆那。此翻寒林。其林幽邃而寒也。憎祇云。此林多死屍。人入寒畏也。法顯傳名尸摩捺那。漢言棄死人墓田。四分，名恐畏林。多論，名安陀林。亦名晝暗林。（見名義集。）

蛟龍

詳虬龍條。

象鼻 其一。山名。(詳七金山條。)其二。神名。梵語頻那。是猪頭。夜迦，是象鼻，此二使者。(見名義集。)

象堅山 梵語比羅娑落。西域記云。唐言象堅山。神作象形。故曰象堅。(見名義集。)

象頭山 詳伽耶條。

勝處 詳八勝處觀條。

勝鬘 詳摩利條。

勝義根 言勝義者。即清淨四大也。(參看意根條。)又云。勝義根者。謂眼等六根。有增上勝力。能照境發識。以成

根用。故名勝義。如眼能見色。耳能聞聲。鼻能嗅香。舌能嘗味。身能覺觸。意能知法。是也。(見三藏法數。)

勝義諦 論云。勝義諦。略有四種。一世間勝義。謂蘊處界等。二道理勝義。謂苦等四諦。三證得勝義。謂二空真如

。四勝義勝義。謂一眞法界。(見成唯識論九。)

勝天王般若 詳般若經條。

等覺 詳三賢十聖條。

等分 謂貪瞋癡三心一齊而起也。(參看四煩惱條。)

等持 詳三摩地條。

等流果 詳五果條。

超越三昧 此修習九禪定(參看九次第定條。)不依次第。超出超人之法也。若具足超越。即是菩薩。以能自在遠超

故。不具足超越。即是聲聞。以不能自在遠超故。若行人入此三昧。具足修一切法門。是時觀定等法轉深明利。更復

出百千三昧。功德深厚。神通猛利。故又名修禪。(見佛教問答。)

異熟果 詳五果條。

粥有十利 律云。佛住舍衛城時。難陀母作食。先飯比丘。然後自食。復作釜飯。逼上飯汁自飲。即覺身內風除。

宿食頓消。由是多水少米合煎。復用胡椒薑茱調和。以奉世尊。由是佛聽比丘。從今日後。許食粥。有十種利。時世

尊卽說偈曰。持戒清淨人所奉。恭敬隨時以粥施。十利饒益於行者。色力壽樂辭清辯。宿食風除饑渴消。是名爲藥佛所說。欲生人天常受樂。應當以粥施衆僧。一資色。謂資益身軀。顏容豐盛。二增力。謂補益尪羸。增長氣力。三益壽。謂補養元氣。壽算增益。四安樂。謂清淨柔軟。食則安樂。五辯說。謂滋潤喉吻。論議無礙。六除風。謂調和通利。風氣消除。七消宿食。謂溫暖脾胃。宿食消化。八辭清。謂氣無凝滯。辭辯清揚。九除饑。謂適充口腹。饑餒頓除。十消渴。謂喉吻霑潤。渴想隨消。(見摩訶僧祇律。三藏法數。參看八種粥條。)

報身 詳三身條。(參看盧舍那條。)

十三畫

達摩

此翻爲法。唐明濟云。契之於心。然後以之爲法。在心爲法。形言爲教。法有自相共相。教乃遮詮表詮。天台明法。廣有八種。一教。二理。三智。四斷。五行。六位。七因。八果。略言三義。謂教行理。如蘭義云。以約修行始終。三義收盡。謂依教修行。行成契理。若以位分。約教屬名字位。人稟教生解故。約行屬觀行相似。依解修行故。約理在初住。分證本理故。（參看六卽條。）然於約行。復須從容。若論造修。猶居名字。約取行成。方名觀行。凡常辯位。須知此旨。若約能詮所詮。但明教理二教。論曰。教者，何也。詮理之謂也。理者，何也。教之所詮。教若果異。理豈得同。理若必同。教甯得異。筌不期魚。蹄不爲兔。將謂名乎。妙樂云。教有二種。詮理之教無二。表行之教自分。詮理之教者。平等眞法界。佛不度衆生。表行之教者。祇由忘智親疏。致使迷成厚薄。青龍疏云。有教行證。名爲正法。有教有行。無證。名像法。像者，似也。但有於教。而無行證。名爲末法。（參看法運條。）行事鈔云。顯理之教。大分爲二。一謂化教。此則通於道俗。二謂行教。（亦名制教。）唯局於內衆。大乘入楞伽經云。教由理故成。理由教故顯。當依此教理。勿更餘分別。又云。所云法者。軌持名法。軌謂軌則。令物生解。持謂任持。不捨自體。（見名義集。參看三寶條。）

達摩波羅

西域記云。唐言護法。神負遠道。因卽出家。清辯論師。（參看清辯條。）外示僧法之服。內弘龍猛之學。（參看龍樹條。）聞護法菩薩。在菩提樹，宣揚法教。乃命門人問訊曰。仰德虛心。爲日久矣。然以宿願未果。遂乖禮謁。菩提樹者。誓不空見。見當有證。稱天人師。護法菩薩謂其使曰。人世如幻。身命若浮。未遑談議。竟不會見。（見名義集。）

達摩流支

唐言法希。天后改爲菩提流志。唐云覺愛。南印度人。天后御極。赴京翻譯。和帝龍興中。譯寶積經。（見名義集選。）

達摩鬱多羅

此云法尙。佛滅八百年出世。造雜毘曇論。（見名義集。）

鉢多羅 簡稱曰鉢。此云應器。發軫云。應法之器也。謂體色量三。皆須應法。體者，大要有二。泥及鉄也。色者，

熏作黑赤色。或孔雀咽色。鴿色。量者，大受三斗。小受斗半。中品可知。又翻爲薄。謂治厚物令薄而作此器。南山云。此姬周之斗也。準唐斗。上鉢一斗。下鉢五升。五分云。佛自作鉢坯。以爲後式。受時。準十誦云。大德一心念。我比丘某甲。此鉢多羅應量。受常用故。（三說。）若捨。準衣。律云。比丘持木鉢。佛言不應持如是鉢。此是外道法也。（見名義集。）四分受戒毘度云。昔世尊坐菩提樹下。成等正覺。七日不動。受解脫樂。未曾受食。時有賈客。一名帝梨富婆。一名跋梨迦載。五百乘珍寶。經過道樹。樹神語言。如來成道於樹下。七日未食。賈客遂將自己所食蜜麩（參看但鉢羅條。）奉獻。世尊受已。思惟過去諸佛。以何器受食。時毘沙門天王。知佛所念。告餘天王言。我念昔有一青色天，將四石鉢來奉我等。彼時毘盧遮那天子告我。勿以石鉢受食。當供養如來塔。未來當有釋迦佛出世。宜將此鉢奉供。今聞如來正當出世。即時四天王各將一鉢奉佛。佛復念。若受一鉢。則餘施不滿。我今四鉢總受。因神通力。四鉢相重合成一鉢。外有四唇。而說偈曰。我昔功德諸果滿。已發哀愍清淨心。是故今四大天王。清淨牢固施我鉢。說已將蜜麩盛鉢中。如法受食。食畢。復說偈曰。所謂布施者。必獲其利益。若爲樂故施。後必得安樂。復爲二賈客授飯。飯依佛。飯依法。彼時未有僧故。但說二飯。雲棲云。所謂法施財施。皆從歡喜布施故。後所得報亦快樂。（見二課合解。）

鉢特摩 詳優鉢羅條。

鉢塞莫 詳數珠條。

鉢羅笈菩提 詳安明山條。

鉢刺婆刺拏 詳自恣條。

槌椎 聲論翻爲磬。亦翻鐘。資持云。若諸律論。並作槌椎。或作槌椎。增一云。阿難升講堂。擊槌椎者。此是如來

信鼓也。又云。若打鐘時。一切惡道諸苦。並得停止。付法藏傳云。尉賦吒王以大殺害故。死入千頭魚中。劍輪繞身而轉。隨斫隨生。羅漢爲僧維那。依時打鐘。若聞鐘聲。劍輪在空。如是因緣。遣信白令長打。使我苦息。過七日已

。受苦卽息。又羯磨疏中。則云韃地。五分律云。隨有瓦木銅鐵鳴者。皆名韃地。又律中集僧有七種法。一量影。二破竹作聲。三作煙。四吹貝。五打鼓。六打韃槌。七唱諸大德布薩說戒時到。（見名義集。）又凡衆會之中。擊之以集僧者。皆名韃椎。（見名義集選。）

韃度

正音婆韃圖。此云法聚。如八韃度。以分一部爲八聚。收氣類相從之法。聚爲一段。一業韃度。明三業。二使韃度。明百八煩惱。三智韃度。明十智。四定韃度。明八定。五根韃度。明根性。六大韃度。明四大。七見韃度。破六十二見。八雜韃度。謂小乘法。大論問。八韃度誰造。六分阿毘曇從何處出。答。佛在無失。滅後百年。阿輸柯王會諸論師。因生別部。有利根者。盡讀三藏。欲解佛經。作八韃度。後諸弟子。爲後人不能全解。作略毘曇。其初造者。卽迦旃延。（見名義集。）八韃度論。謂佛弟子迦旃延。以諸法門。各從其類。分爲八聚。故名八韃度論。一雜韃度。如經爲聲聞說四善根。及四聖果。（參看聲聞位條。）有餘無餘涅槃等法不一。故名雜韃度。二結使韃度。結卽纏縛。使卽驅役。謂三結。五蓋。上五分。下五分等惑。總而言之。不出百八煩惱也。因此煩惱惑業纏縛。驅役行人心神。流轉三界。故名結使韃度。三智韃度。智卽智慧。謂初果二果三果四果之人。因修戒定慧道品。斷除惑障。所發無漏之智慧也。四行韃度。（亦云業韃度。）行卽身口意三業。所起善惡諸行也。善行者。身不殺盜淫。口不妄言綺語兩舌惡口。意不貪瞋癡。惡行者。身行殺盜淫。口起妄言綺語兩舌惡口。意起貪瞋癡。故名行韃度。五四大韃度。四大，卽地水火風也。以其無處不有。稱之爲大。約過去未來現在三世。論四大所造善色惡色。故名四大韃度。六根韃度。根卽六根（參看六根條。）五根（參看五根條。）等法。約四果及三世而說。故名根韃度。七定韃度。定卽欲界天定。色界天定。無色界天定。及聲聞緣覺所修之定。種種不同。故名定韃度。八見韃度。見卽凡夫外道斷常二見。及六十二見等。種種不同。故名見韃度。（見三藏法數。）

楞嚴

佛經名。唐譯名大佛頂首楞嚴經。闡明心性本體。文義皆妙。屬大乘祕密部。（參看首楞嚴條。）楞一咒。今密咒中分五會。會各有名。一會曰薩怛多般怛囉。二會曰薩怛他般刺舍悉多。三會曰蘇波羅拏摩訶般輸般怛夜。四會曰薩怛多般怛囉。五會曰悉怛多鉢怛囉。或五會總標。曰佛頂光明摩訶薩怛多般怛囉無上神咒。經全題中。密因了義

。無不圓該。所言佛頂光者。卽頂光化佛說咒也。摩訶翻大。卽法身德。薩怛多翻白。相絕諸染。智性圓淨。卽般若德。般怛囉翻傘蓋。用蔭萬類。卽解脫德。高明尊極。卓然英儔。曰無上。威靈叵測。感應難思。曰神咒。而大白傘蓋全體。是諸佛之種智。衆生之妙性。因該果證。理教悉備。誦之宿障盡除。持之正覺可證。又此咒亦名咒心。亦名心咒。亦名如來頂。蓋此咒是頂光化佛所說。化佛卽如來藏心之表相也。

經云。爾時世尊。從肉髻中。涌百寶光。光中涌出千葉寶蓮。有化如來。坐寶華中。頂放十道百寶光明。一一光明。皆遍示現。十恆河沙金剛密迹。擎山持杵。徧虛空界。大衆仰觀。畏愛兼抱。求佛哀祐。一心聽佛。無見頂相放光如來。宣說神咒

第一會

南無薩怛他，蘇伽多耶，阿羅訶帝，三藐三菩陀寫。薩怛他，佛陀俱知瑟尼釤。南無薩婆，勃陀勃地，薩跢鞞弊。南無薩多南，三藐三菩陀，俱知南。娑舍囉婆迦，僧伽喃。南無盧雞阿羅漢跢喃。南無蘇盧多波那喃。南無娑羯唎陀伽彌喃。南無盧雞三藐伽跢喃。三藐伽波囉，底波多那喃。南無提婆離瑟赦。南無悉陀耶，毗地耶，陀囉離瑟赦。舍波奴，揭囉訶，娑訶娑囉摩他喃。南無跋囉訶摩泥。南無因陀囉耶。南無婆伽婆帝。嚧陀囉耶。烏摩般帝。娑醯夜耶。南無婆伽婆帝。那囉野，拏耶。槃遮摩訶，三慕陀囉。南無悉羯唎多耶。南無婆伽婆帝。摩訶迦囉耶。地唎般刺那伽囉。毗陀囉，波拏迦囉耶。阿地目帝。尸摩舍那泥，婆悉泥。摩怛唎伽拏。南無悉羯唎多耶。南無婆伽婆帝。多他伽跢俱囉耶。南無般頭摩俱囉耶。南無跋闍囉俱囉耶。南無摩尼俱囉耶。南無伽闍俱囉耶。南無婆伽婆帝。帝唎茶，輸囉西那。波囉訶囉拏囉闍耶。跢他伽多耶。南無婆伽婆帝。南無阿彌多婆耶。哆他伽多耶。阿囉訶帝。三藐三菩陀耶。南無婆伽婆帝。阿芻鞞耶。跢他伽多耶。阿囉訶帝。三藐三菩陀耶。南無婆伽婆帝。三補師怛多。薩憐捺囉刺闍耶。跢他伽多耶。阿囉訶帝。三藐三菩陀耶。南無婆伽婆帝。舍鷄野母那曳。跢他伽多耶。阿囉訶帝。三藐三菩陀耶。南無婆伽婆帝。刺怛那雞都囉闍耶。跢他伽多耶。阿囉訶帝。三藐三菩陀耶。帝瓢，南無薩羯唎多。翳曇，婆伽婆多。薩怛他，伽都，瑟尼釤。薩怛多。般怛嚧

。南無阿婆囉視耽。般囉帝，揚岐囉。薩囉婆，部多，揭囉訶。尼羯囉訶，揭迦囉訶尼。跋囉，步地耶，叱陀你。阿迦囉，密喇柱。般喇，怛囉耶，倅揭喇。薩囉婆，槃陀那，目叉尼。薩囉婆，突瑟吒。突瑟乏，般那你，伐囉尼。赭都囉，失帝南。羯囉訶，娑訶薩囉若闍。毗多崩娑那羯喇。阿瑟吒冰舍帝南。那叉利怛囉若闍。波囉薩陀那羯喇。阿瑟吒南。摩訶揭囉訶若闍。毗多崩薩那羯喇。薩婆舍都，你婆囉若闍。呼藍突瑟乏，難遮那舍尼。瑟沙舍，悉怛囉。阿吉尼，烏陀迦囉若闍。阿般囉視多具囉。摩訶般囉戰持。摩訶疊多。摩訶帝闍。摩訶稅多闍婆囉。摩訶跋囉槃陀囉，婆悉你。阿喇耶多囉。毗利俱知。誓婆毗闍耶。跋闍囉，摩禮底。毗舍曠多。勃騰罔迦。跋闍囉，制喝那阿遮。摩囉制婆，般囉質多。跋闍囉擅持。毗舍囉遮。扇多舍，鞞提婆，補視多。蘇摩曠波。摩訶稅多。阿喇，耶多囉。摩訶婆羅，阿般囉。跋闍囉，商羯囉制婆。跋闍囉，俱摩喇。俱藍陀喇。跋闍囉，喝薩多遮。毗地耶，乾遮那，摩喇迦。崛蘇母，婆羯囉跢那。鞞曠遮那，俱喇耶。夜囉菟，瑟尼鈿。毗折藍婆摩尼遮。跋闍囉，迦那，迦波囉婆。曠闍那，跋闍囉，頓稚遮。稅多遮，迦摩囉。刹奢尸，波囉婆。翳帝，夷帝。毋陀囉，羯拏。娑鞞囉懺。掘梵都。印兔那，麼麼寫。

第二會

烏餅。喇瑟揭拏。般刺，舍悉多。薩怛他，伽都瑟尼鈿。虎餅。都曠雍。瞻婆那。虎餅。都曠雍。悉耽婆那。虎餅。都曠雍。波羅瑟地耶，三般叉，拏羯囉。虎餅。都曠雍。薩婆藥叉，喝囉刹娑。揭囉訶若闍。毗騰崩薩，那羯囉。虎餅。都曠雍。者都囉，尸底南。揭囉訶，娑訶薩囉南。毗騰崩薩那囉。虎餅。都曠雍。囉叉。婆伽梵。薩怛他，伽都瑟尼鈿。波囉點，闍吉喇。摩訶，娑訶薩囉。勃樹，娑訶薩囉，室利沙。俱知，娑訶薩泥，帝嚱。阿弊提視，婆喇多。吒吒嬰迦。摩訶跋闍曠陀囉。帝喇，苦婆那。曼茶囉。烏餅。莎悉帝，薄婆都。麼麼。印兔那，麼麼寫。

第三會

囉闍婆夜。主囉跋夜。阿祇尼婆夜。烏陀迦婆夜。毗沙婆夜。舍薩多囉婆夜。婆囉斫羯囉婆夜。突瑟叉婆夜。阿舍你婆夜。吽迦囉，密喇柱婆夜。陀囉尼，部彌劍，波伽波陀婆夜。烏囉迦，婆多婆夜。刺闍壇茶婆夜。那伽婆夜。毘條

但婆夜。蘇波囉拏婆夜。藥叉揭囉訶。囉叉私揭囉訶。畢喇多揭囉訶。毘舍遮揭囉訶。部多揭囉訶。鳩槃荼揭囉訶。補丹那揭囉訶。迦吒補丹那揭囉訶。悉乾度揭囉訶。阿播悉摩囉揭囉訶。烏檀摩陀揭囉訶。車夜揭囉訶。醯喇婆帝揭囉訶。社多訶喇南。揭婆訶喇南。噓地囉訶喇南。忙娑訶喇南。謎陀訶喇南。摩閣訶喇南。閻多訶喇女。視比多訶喇南。毗多訶喇南。婆多訶喇南。阿輸遮訶喇女。質多訶喇女。帝鉢薩鞞釤。薩婆揭囉訶南。毘陀耶閣，瞋陀夜彌。雞囉夜彌。波喇跋囉者迦，訖喇擔。毘陀夜閣，瞋陀夜彌。雞囉夜彌。茶演尼，訖利擔。毘陀夜閣，瞋陀夜彌。雞囉夜彌。摩訶般輸般怛夜。曠陀囉。訖喇擔。毘陀夜閣。瞋陀夜彌。雞囉夜彌。那囉夜拏。訖喇擔。毘陀夜閣，瞋陀夜彌。雞囉夜彌。怛埵伽嚩茶西，訖喇擔。毘陀夜閣，瞋陀夜彌。雞囉夜彌。摩訶迦囉，摩怛喇伽拏，訖喇擔。毘陀夜閣。瞋陀夜彌。雞囉夜彌。迦波喇迦，訖喇擔。毘陀夜閣。瞋陀夜彌。雞囉夜彌。閻耶羯囉，摩度羯囉。薩婆囉他娑達那。訖喇擔。毘陀夜閣，瞋陀夜彌。雞囉夜彌。赫咄囉，婆者你，訖喇擔。毘陀夜閣。瞋陀夜彌。雞囉夜彌。毘喇羊訖喇知。雞陀雞沙囉。伽拏般帝。索醯夜，訖喇擔。毘陀夜閣。瞋陀夜彌。雞囉夜彌。那揭那舍囉婆拏，訖喇擔。毘陀夜閣，瞋陀夜彌。雞囉夜彌。阿羅漢，訖喇擔。毘陀夜閣，瞋陀夜彌。雞囉夜彌。毘多囉伽，訖喇擔。毘陀夜閣，瞋陀夜彌。雞囉夜彌。跋闍囉波你。具醯夜具醯夜。迦帝般帝，訖喇擔。毘陀夜閣，瞋陀夜彌。雞囉夜彌。囉叉罔。婆伽梵。印兔那，麼麼寫。

第四會

婆伽梵。薩但多般怛囉。南無粹都帝。阿悉多那囉刺迦。波囉婆，悉普吒。毘迦薩但多鉢帝喇。什佛囉什佛囉。陀囉囉。頻陀囉頻陀囉，瞋陀瞋陀。虎鉢。虎鉢。泮吒。泮吒泮吒泮吒。娑訶。醯醯泮。阿牟迦耶泮。阿波囉提訶多泮。婆囉波囉陀泮。阿素囉，毘陀囉，波迦泮。薩婆提鞞弊泮，薩婆那伽弊泮。薩婆藥叉弊泮。薩婆乾闥婆弊泮。薩婆補丹那弊泮。迦吒補丹那弊泮。薩婆突狼枳帝弊泮。薩婆突澀比嚩，訖瑟帝弊泮。薩婆什婆喇弊泮。薩婆阿播悉摩囉弊泮。薩婆舍囉婆那弊泮。薩婆地帝雞弊泮。薩婆怛摩陀繼弊泮。薩婆毘陀耶，囉誓遮囉弊泮。闍夜羯囉，摩度羯囉。薩婆囉他娑陀雞弊泮。毘地夜，遮喇弊泮。者都囉，縛者你弊泮。跋闍囉，俱摩喇。毘陀夜，囉誓弊泮。摩訶

波囉丁羊，又者喇弊泮。跋闍囉商羯囉夜。波羅丈者囉闍耶泮。摩訶迦囉夜。摩訶末怛喇迦拏。南無娑羯喇多夜泮。娑瑟拏婢曳泮。勃囉訶牟尼曳泮。阿耆尼曳泮。摩訶羯喇曳泮。羯囉檀遲曳泮。蔑怛喇曳泮。嚩怛喇曳泮。邁文茶曳泮。羯邏囉怛喇曳泮。迦般刺曳泮。阿地目質多，迦尸摩舍那。婆私你曳泮。演吉質。薩埵婆寫。麼麼印免那麼麼寫。

第五會

突瑟吒質多。阿末怛喇質多。烏闍訶囉。伽婆訶囉。曠地囉訶囉。娑婆訶囉。摩闍訶囉。闍多訶囉。視瑟多訶囉。跋略夜訶囉。乾陀訶囉。布史波訶囉。頗囉訶囉。婆寫訶囉。般波質多。突瑟吒質多。嚩陀囉質多。藥叉揭囉訶。囉刹娑揭囉訶。閉隸多揭囉訶。毘舍遮揭囉訶。部多揭囉訶。鳩槃荼揭囉訶。悉乾陀揭囉訶。烏怛摩陀揭囉訶。車夜揭囉訶。訶播薩摩囉揭囉訶。宅祛革，茶耆尼揭囉訶。喇佛帝揭囉訶。闍彌迦揭囉訶。舍俱尼揭囉訶。姥陀囉，難地迦揭囉訶。阿藍婆揭囉訶。乾度波尼揭囉訶。什伐囉，壇迦醯迦。墜帝藥迦。怛隸帝藥迦。者突託迦。尼提什伐囉，瑟鈇摩什伐囉。薄底迦。鼻底迦。室隸瑟密迦。娑作般帝迦。薩婆什伐囉。室吉帝。末陀鞞達嚩制劍。阿綺嚩鈇。目佉嚩鈇。羯喇突嚩鈇。揭囉訶，揭藍。羯拏輸藍。憚多輸藍。迄喇夜輸藍。末麼輸藍。跋喇室婆輸藍。瑟栗瑟吒輸藍。烏陀囉輸藍。羯知輸藍。跋悉帝輸藍。鄔嚩輸藍。常伽輸藍。喝悉多輸藍。跋陀輸藍。娑房盎伽，般囉丈伽輸藍。部多瑟茶。茶耆尼，什婆囉。陀突踰迦，建咄嚩吉知，婆路多毘。薩般嚩，訶凌伽。輸沙怛囉，娑那羯囉。毘沙喻迦。阿耆尼，烏陀迦。末囉鞞囉，建踰囉。阿迦囉，密喇咄，怛斂部迦。地栗刺吒。瑟喇瑟質迦。薩婆那俱囉。肆引伽弊，揭囉喇藥叉，怛囉芻。末囉視，吠帝鈇，娑鞞鈇。悉怛多鉢怛囉。摩訶跋闍嚩，瑟尼鈇。摩訶般賴丈者嚩。夜波突陀，舍喻闍那。辯怛隸拏。毘陀耶，槃曇迦嚩彌。帝殊，槃曇迦嚩彌。般囉毘陀，槃曇迦嚩彌。踰姪他。唵。阿那隸。毘舍提。鞞囉，跋闍囉，陀喇，槃陀槃陀你。跋闍囉謗尼泮。虎許都嚩嚩泮。莎婆訶。

此咒，是密鈔如來藏性。楞嚴經，是顯詮如來藏性。自有衆生常密詮入理者。自有衆生常顯詮入理者。若顯若密。無非我佛三輪不思議化也。彼先梵天咒，亂阿難性。一遇佛頂光咒。彼咒消滅。何嘗解阿難結。亦使登伽卽證三果。是以惡咒力如螢火。善咒光如千日。彼螢火遇一燈。尚不顯耀。况千日乎。是故誦者功德難思。卽大白傘蓋蔭衆生故

。鬼怪諸毒。九橫八難。災星惡夢。悉無所染。諸天諸神。常來擁護。五逆四重。皆得懺除。遠諸魔障。終成佛道。凡有所求。隨願皆成。詳楞嚴經七卷。(見二課合解。)

楞伽 佛經名。有四譯本。今存三本。一宋求那跋陀羅譯。名楞伽阿跋多羅寶經。凡四卷。二元魏菩提流支譯。名入

楞伽經。凡十卷。三唐實叉難陀譯。名大乘入楞伽經。凡七卷。(見壇經箋註。)義旨深奧。爲大乘之要籍。正言駸迦。佛住南海濱。入楞伽國摩羅耶山而說此經。梵語楞伽。此云不可往。唯神通人方能到也。阿跋多羅。此云入。謂入此山中。而說此寶。或翻無上。謂此經法。是無上寶。西域記云。僧伽羅國東南隅。有駸迦山。巖谷幽峻。神鬼游舍。昔佛於此說駸迦經。舊曰楞伽經。訛也。(分見名義集。)

準提 菩薩名。或云尊那。或云尊彌。此翻施爲。謂宏誓住理。大智斷惑。具諸因行施爲故。又翻成就。謂從空出假

。成就寂滅故。準提經者。如來在祇園。爲四衆八部圍繞。世尊愍念末法薄福惡業衆生。入準提三摩地。說過去七俱胝佛所說陀羅尼。(見二課合解。)準提咒。亦云佛母準提神咒。偈曰。稽首歸依蘇悉帝。頭面頂禮七俱胝。我今稱讚大準提。惟願慈悲垂加護。此龍樹菩薩開咒偈也。咒曰。南無颯多喃。三藐三菩提。俱胝喃。怛姪他。唵。折隸主隸。準提娑婆訶。

宰喇 又云摩偷。翻酒。大論，酒有三種。一者穀酒。二者果酒。蒲萄阿梨咤樹果。如是等種種。名爲果酒。三者藥

酒。種種藥草。合和米麵甘蔗汁中。能變成酒。同跡畜乳酒。一切乳熟者。可中作酒。大莊嚴論云。佛說身口意。三業之惡行。唯酒爲根本。復墮惡行中。(見名義集。)根莖花果雜酒。梵名米隸耶。或迷麗耶。蒲桃酒。梵名末陀。(見佛爾雅。)

宰堵波 西域記云浮圖。又曰偷婆。又曰私偷簸。皆訛也。此翻方墳。亦翻圓塚。亦翻高顯。義翻靈廟。劉熙釋名云

。廟者，貌也。先祖形貌所在也。又梵名塔婆。發軫曰。說文原無此字。徐鉉新加云。西國浮圖也。其浮關者。此翻聚相。戒壇經云。原夫塔字。此方字書。乃是物聲。本非西土之號。若依梵本。瘞佛骨所。名曰塔婆。涅槃後分經。佛告阿難。佛般涅槃。荼毘既訖。一切四衆。收取舍利。置七寶瓶。當於拘尸那城內，四衢道中。起七寶塔。高十三

層。上有輪相。又辟支佛塔應十一層。阿含漢塔成以四層。亦以衆寶而嚴飾之。其轉輪王亦七寶成。無復層級。何以故。未脫三界諸有苦故。十二因緣經。八種塔並有露槃。佛塔八重。菩薩七重。辟支佛六重。四果五重。三果四。二果三。初果二。輪王一。凡僧但焦葉火珠而已。言輪相者。僧祇云。佛造迦葉佛塔。上施槃蓋。長表輪相。經中多云相輪。以人仰望而瞻相也。又云。佛生迦維衛。成道摩竭提。說法波羅奈。入滅拘尸那。故此四處建窣堵波。阿含經明四處起塔。謂佛生處。得道處。轉法輪處。入涅槃處。此四皆因表顯佛德。奉佛舍利所建也。又梵語舍磨奢那。此云冢。西域僧死埋骨地下。上累輓石。似窣堵波。但形卑小。(分見名義集。)

鳩槃荼 亦云槃查。亦云俱槃茶。此云甕形。舊云冬瓜。此神陰如冬瓜。行置肩上。坐便踞之。卽厭魅鬼。(見名義集。)又云弓槃茶。或恭畔茶。甕形鬼也。云鳩槃荼者。此云陰囊。亦云形卵。謂此類陰囊。狀如冬瓜。行時擊置肩上。坐時即便據之。由此弊狀。故名。(見佛爾雅。)

鳩摩羅伽 詳童眞條。

鳩摩羅什 詳童壽條。

辟支 具云辟支迦羅。孤山云。此翻緣覺。觀十二因緣而悟道故。亦翻獨覺。出無佛世。無師自悟故。梵語畢勒支底迦。此云各各獨行。音義云獨覺。正得其義也。攜李云。獨覺亦觀十二因緣。亦可名爲緣覺。但約根有利鈍。值佛不值佛之殊。分二類也。(分見名義集。)天台云。緣覺者。因觀十二因緣。覺眞諦理。故言緣覺。言獨覺者。出無佛世。獨宿孤峯。觀物變易。自覺無生。故名獨覺。兩名不同。行位無別。(見四教儀。)獨覺有二喻。一部行。部卽部類。謂此獨覺稍有爲人之心。如鹿行走而能回顧後羣。故名部行。二麟喻。謂此獨覺。但欲自度。略無爲人之心。譬如麒麟唯有一角。故名麟喻。(見析玄記。三藏法數。)獨覺稱麟喻者。名出俱舍。名爲犀角，出大集經。(見名義集。)

路伽耶 應法師譯云順世。本外道縛摩路迦也。天台曰。此云善論。亦名師破弟子。慈恩云。此翻惡對答。是順世者。以其計執。隨於世間之情計也。劉虬云。(齊朝隱士)如此土禮義名教。逆路伽耶陀。應師云。逆路底伽。此云左世。天台曰。此云惡論。亦名弟子破師。慈恩云。此翻惡徵問。左道惑世。以其所計。不順世間故也。劉虬云。如此土

莊老玄書。言儒釋道三教者。范曄云。碩德爲儒。揚雄云。誦天地曰儒。孔子，姓孔，名丘，字仲尼。魯國鄒邑平昌闕里人。爲魯司寇。自衛返魯。刪詩書，定禮樂。修春秋。贊周易。以六經爲教也。道教者。隋書經籍志云。蓋萬物之奧。聖人之蹟也。老子，姓李，名耳，字伯陽。諡曰聃。楚苦縣厲鄉曲仁里人。爲周守藏室之吏。西入流沙。爲函谷關吏尹喜。說五千言。卽道德二經爲教也。釋教者。老子西昇經云。吾師化游天竺。善入泥洹。符子云。老子之師名釋迦文。釋迦所說之法。謂之釋教。後漢郊祀志云。佛教以修善慈心爲主。不殺生類。專務清尙。又以人死精神不滅。隨復受形。所行善惡。後生皆有報應。所貴行善以練其精神。練而不已。以至無生。而得爲佛也。有經書數千卷。以虛無爲宗。包羅精蘊。無所不統。善爲宏闊勝大之言。所求在一體之內。所明在視聽之表。玄微深遠。難得而測。故王公大人。觀生死報應之際。無不悚然自失也。吳書云。吳主問三教。尙書令闕澤對曰。孔老設教。法天制用。不敢違天。佛之設教。諸天奉行。（見名義集。）

路迦那他

詳世尊條。（參看十號條。）

極樂四土

極樂者。梵語須摩提。亦云安養。安樂。清泰等。乃永離衆苦第一安隱之謂。（見彌陀要解。）經云。爾時佛告長老舍利弗。從是西方過十萬億佛土。有世界名曰極樂。其土有佛。號阿彌陀。今現在說法。舍利弗。彼土何故名爲極樂。其國衆生。無有衆苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周匝圍繞。是故彼國名爲極樂。（見阿彌陀經。）佛土有四。各分淨穢。一凡聖同居土。五濁重者穢。五濁輕者淨。二方便有餘土。析空拙度證入者穢。體空巧度證入者淨。三實報無障礙土。次第三觀證入者穢。一心三觀證入者淨。四常寂光土。分證者穢。究竟滿證者淨。今云極樂世界。正指同居淨土。亦卽橫具上三土也。（見彌陀要解。）一凡聖同居者。淨名疏云。染卽是凡。淨卽是聖。如疏文云。凡聖各二。凡居二者。一惡衆生。卽四趣也。二善衆生。卽人天也。聖居二者。一實二權。實者。四果，及支佛，通教六地，別十住。圓十信。通惑雖斷。報身猶在。二權聖者。方便有餘三乘。受偏眞法性身。爲利有緣。願生同居。若實報及寂光。法身菩薩及妙覺佛。爲利有緣。應生同居。皆是權也。此等聖人。與凡共住。故名凡聖同居。二方便有餘土。言方便者。如禪門云。善巧修習。故名方便。

言有餘者。如觀經疏云。無明未盡。故曰有餘。三實報無障礙土。亦名果報土。淨名疏云。報身所居依報淨國。名果報土。輔行云。言果報者。從報果爲名。亦號實報。觀經疏云。行真實法。感得勝報。淨名疏云。以觀實相。發真無漏。所得果報。故名爲實。亦名無障礙。觀經疏云。色心不相妨。故曰無障礙。四常寂光者。觀經疏云。常卽法身。寂卽解脫。光卽般若。此以不遷不變名常。離有離無名寂。照俗照真名光。亦名果報。如文句云。同居有餘自體。皆是妙色妙心果報之處。記云。故知三土。皆是證道色心報處。寂光既徧。遮那亦徧。此卽妙色妙心果報也。淨名疏云。修於圓教隨行之因。因極果滿。道成妙覺。居常寂光。普賢觀經云。釋迦牟尼。久毘盧遮那遍一切處。其佛住處。名常寂光。輔行云。常寂光土。清淨法身。無所莊嚴。無能莊嚴。爲衆生故。而取三土。言淨穢者。垂裕云。染淨之名約正。淨穢之名約依。二土凡聖共居。通名染淨。此土砂礫充滿。別受穢名。彼土金寶莊嚴。別受淨號。又云。此方卽染淨穢土。安養卽染淨淨土。故知同居。正從染淨而立。淨名經云。爾時螺髻梵王語舍利弗。勿作是念。謂此佛土以爲不淨。所以者何。我見釋迦牟尼佛土清淨。譬如自在天宮。舍利弗言。我見此土。邱陵坑坎。荆棘沙礫。土石諸山。穢惡充滿。螺髻梵王言。仁者心有高下。不依佛慧。故見此土爲不淨耳。菩薩於一切衆生。悉皆平等。深心清淨。依佛智慧。則能見此佛土清淨。身子見穢。梵王見淨。乃是娑婆淨穢同居也。(分見名義集。)

解脫

梵語婆陀。秦言縛。大品經婆字門。謂聞此字時。卽知一切法無縛無解脫。華嚴唱婆字門。名金剛場。疏云。

悟一切法離縛解脫。方入金剛場。梵語目帝羅。此云解脫。肇曰。縱任無礙。塵累不能拘。解脫也。什曰。亦名三昧。亦名神足。或令修短改度。或巨細相容。變化隨意。於法自在。解脫無礙。故名解脫。又曰。心得自在。不爲不能所縛。故曰解脫。淨名疏云。一眞性。二實慧。三方面。故經云。諸佛菩薩有解脫。名不思議。若菩薩住此解脫者。能以須彌之高廣。內芥字中。乃至種種變現莫測。卽是三類解脫不思議義。何者。諸菩薩有解脫。卽是眞性。若菩薩住此者。卽是實慧。能須彌內於芥子等。卽是方便。智論云。解脫知見者。用是解脫知見。知是二種解脫相。有爲無爲解脫。知諸解脫相者。所謂時解脫。不時解脫。慧解脫。俱解脫。壞解脫。不壞解脫。不可思議解脫。無礙解脫等。分別諸解脫相牢固。是名解脫知見無滅。(分見名義集。)大品云。心得好解脫。慧得好解脫。垂裕云。心脫是俱。

。慧脫是慧。成實論明二解脫。一慧解脫。謂以智慧斷除無明惑業之縛而得解脫。二心解脫。謂因此心離於貪愛之縛而得解脫。寶性論明二解脫。一性淨解脫。二障盡解脫。華嚴經疏明二解脫。一有爲解脫。二無爲解脫。（見三藏法數。）涅槃經玄義云。一無縛解脫。是性淨解脫。二因果畢竟。是圓淨解脫。三巧順機宜。無染無累。是方便淨解脫。法界次第明三解脫門。空無相無作。是名三解脫門。（參看三解脫門條。）解脫有五義。一生死不能縛。生死，即五陰起滅輪轉之相也。衆生爲生死所縛。菩薩不爲生死所縛。故云解脫。二境相不能縛。境相，即一切境界之相也。菩薩離凡。雖見一切境界而不生著。故云解脫。三現惑不能縛。現惑，即現前分別之見也。菩薩於所見之境不著。而能見之心亦無。故云解脫。四有不能縛。有，即一切有爲之法。皆所見之相也。菩薩離凡。所見皆空，而無所著。故云解脫。五惑不能縛。惑，即無明煩惱也。菩薩了妄即真。無明即是菩提。無著無不著。故云解脫。（見華嚴疏鈔。）

解脫德

詳三德條。

解脫處

詳藍毘尼條。

解脫知見

知，謂智也。見，謂眼也。智眼照了諸法皆空。無有障礙。得其自在也。（見三藏法數。）行宗記云。

出纏破障。返照觀心。名解脫知見。（見壇經箋註。參看五分法身香條。）

罪福

梵語遮梨夜。秦言行。大品經遮字門。謂一切法終不可得故。論曰。若聞遮字時。即知一切諸行皆非行。華嚴

經作者字。唱者字門時。名普輪斷差別。疏云。者字，諸法無有。諸行既空。徧摧差別。今加釋曰。行始名囚。行終名果。弘明集云。纖芥之惡。歷劫不亡。毫釐之善。積世長存。福成則天堂自至。罪積則地獄斯臻。此乃必然之數。無所容疑。若造善於幽。得報於顯。世謂陰德。人咸信矣。造惡於顯。得報於幽。甯不信耶。（參看業報條。）又云。聖人陳福以勸善。示禍以戒惡。小人謂善無益而不爲。謂惡無傷而不悔。夫殃福蓋有其根。不可無因而妄致。善惡當收其報。必非無應而徒已。又云。然則法王立法。周統誠心。三界牢獄。三科驗定。一罪。二福。三道。罪則三毒所結。繫業屬於鬼王。福則四弘所成。我固屬於天主。道則虛通無滯。據行不無明昧。昧則乘分大小。智涉信法。明則特達理性。高超空有。又云。福者何耶。所謂感樂受以安形。取歡娛以悅性也。今觀弘明。所立三科。其名雖美。所

釋三義。其旨猶失。以論十界。混淆不分。今謂十便十惡。此屬乎罪。名爲黑業。報四惡趣。五戒十善。四禪四定。此屬於福。名曰白業。報處人天。三乘摩訶衍。(大乘)此屬乎道。感報四聖。此則凡聖界分。因果事定。以此三科。收行盡矣。(見名義集。)毘婆尸佛偈曰。身從無相中受生。猶如幻出諸形象。幻人心識本來無。罪福皆空無所住。毘舍浮偈曰。假借四大以爲身。心本無生因境有。前境若無心亦無。罪福如幻起亦滅。迦葉佛偈曰。一切衆生性清淨。從本無生無可滅。卽此身心是幻生。幻化之中無罪福。(見指月錄一。)

罪滅相 詳懺悔條。

感通

感通者。謂神妙不測。感之斯應也。蓋修行之人。旣證道果。內性明了。則無感而不通。故智論云。通有四義。一身能飛行。二移遠能近。三彼沒此出。四一念卽至。如唐之萬回。與元珪禪師者。是也。萬四兄戍安西。久無消息。母憂之。回卽朝往。際晚而歸。持兄書至。報云平善。往復萬里。故稱萬回。元珪禪師。居嵩山時。常爲嶽神授五戒。感嶽神乞効神力報謝。爲移北岫樹木。植之東嶺。爲屏障焉。(見三藏法數。)

意根

梵語訖利陀耶。此云肉團心。卽意根所託也。故云意如幽室見。夫言根者。義有二種。一者浮塵外根。二勝義內根。言浮塵者。四大是能造。四微是所造。色香味觸。四微和合。乃得成根。故楞嚴云。我今觀此浮塵四根。只在我面。資中云。浮虛不實。昏翳真性。故曰浮塵。此浮塵外根也。言勝義者。卽清淨四大。洪敏鈔云。此勝義根。雖用能造所造八法爲體。是不可見有對色。(參看三種色條。)能照境發識。乃聖人所知之境。其義深遠。非同塵境羸淺。故名清淨。此是染中說淨。非無漏妙明之淨。此勝義內根也。(見名義集。)

意識

論云。復次生滅因緣者。所謂衆生依心。意。意識。轉故。此義云何。以依阿梨耶識。說有無明。不覺而起。能見。能現。能取境界。起念相續。故說爲意。此意復有五種名。云何爲五。一者名爲業識。謂無明力不覺心動故。二者名爲轉識。依於動心能見相故。三者名爲現識。所謂能現一切境界。猶如明鏡現於色像。現識亦爾。隨其五塵對至卽現。無有前後。以一切時任運而起。常在前故。四者名爲智識。謂分別染淨法故。五者名爲相續識。以念相應不斷故。任持過去無量世等善惡之業。令不失故。復能成熟現在未來苦樂等報。無差違故。能令現在已經之事。忽然而

念。未來之事。不覺妄慮。是故三界虛偽。唯心所作。離心則無六塵境界。復次。言意識者。卽此相續識。依諸凡夫取著轉深。計我我所。種種妄執。隨事攀緣。分別六塵。名爲意識。亦名分離識。又復說名分別事識。此識依見愛煩惱增長義故。(見梁譯起信論。)意識有五種。一定中獨頭意識。緣於定境。定境之中。有理有事。事中有極略色，極迥色，及定自在所生法處諸色。二散位獨頭意識。緣受所引色。及徧計所起諸法處色。如緣空華鏡像影書所生者。並法處攝。三夢中獨頭意識。緣夢中境。四明了意識。依五根門，與前五識同緣五塵。五亂位意識。是散意識。於五根中狂亂而起。如患熱病。青爲黃見。非是眼識。是此緣故。宗鏡第六識具十名。一從根得名。名爲六識。二能籌量是非。名爲意識。三能應涉塵境。名攀緣識。四能徧緣五塵。名述(同巡)舊識。五念念流散。名波浪識。六能辨前境。名分別事識。七所在壞他。名人我識。八愛業牽生。名四住識。九令正解不生。名煩惱障識。十感報終盡。心境兩別。名分段死識。(見名義集。)

意生身

梵語摩奴末那。此云意生身。楞伽經明三種。今開二門。初釋通號。意生者。意謂作意。此顯同居之修因。生謂受生。此彰方便之感果。故曰。安樂作空意。三昧作假意。自性作中意。又意者如意。故魏譯入楞伽經云。隨意速去。如念卽至。無有障礙。名如意身。又意者意憶。故唐譯大乘入楞伽經。佛告大慈。意生身者。譬如意去。速疾無礙。名意生身。此卽從譬號意生身。又智者疏稱意生身。以依宋譯楞伽故。荆溪記中名意成身。以準唐譯楞伽故。雖二經名殊。而義歸一揆。以後譯經。號意成身。故記主云。成之與生。並從果說。是則意之一字。乃順於因。生之一字。則從於果。故知此名。因果雙立也。次辯別名者。初法華玄義。一安樂法意生身。此欲擬二乘人，入涅槃安樂意也。二三昧意生身。此礙通教出假化物。用神通三昧也。三自性意生身。此擬別教修中道自性意也。今釋曰。初名安樂者。以舊經云。安住心海。識浪不生。故智者立爲安樂法也。此乃用經義以立名。二名三昧意生身者。以舊經云。得如幻三昧。無量相力。具足莊嚴。隨入佛刹。故智者立爲三昧意生也。三曰自性者。以舊經云。覺一切佛法緣。自得樂相。故智者立爲自性意生。以別教中道。是諸法之自性故。二淨名疏云。一三昧正受意生身。恐是通教。同入真空寂定之樂。故涅槃云。聲聞定力多故。不見佛性。二覺法性意生身。恐是別教。菩薩離證偏真。而覺知有中道法

性。三無作意生身。此恐是圓教。菩薩觀於中道無作四諦。圓伏無明。今釋曰。初名三昧。吾祖既以真空寂定而釋。此則屬乎真諦三昧。以此之定。心寂不動。故名正受。二名覺法性者。覺謂覺知。法性乃是但中之理。三名無作者。圓中稱性。修德行亡。故云無作。三輔行記云。一入三昧樂意成身。亦云正受。即三四五地心寂不動故。二覺法自性意成身。即八地中普入佛刹故。以法爲自性。三種類俱生無作行意成身。謂了佛證法。今釋曰。初之一名。既指通教三地已去。與前二文名義大同。如唐譯經云。三四五地。入於三昧。離種種心。寂然不動。心海不起轉識浪波。了境心現皆無所有。是名入三昧樂意成身。(宋譯魏譯。則名三昧樂正受意生身。)二名覺法自性意成身者。與妙玄第二名異義同。故唐譯經云。謂八地中。了法如幻。皆無有相。心轉所依。住如幻定。及餘三昧。能現無量自在神通。如華開敷。速疾如意。如幻如夢。如影如像。非造所造。與造相似。一切色相。具足莊嚴。普入佛刹。了諸法性。是名覺法自性意成身。(宋譯名覺法自性性意生身。魏譯名如實覺知諸法相意生身。)三名種類俱生無作行意成身者。種以能生爲義。類從流類立名。中道之觀。能生佛界故。此因位與果爲類。故曰種類俱生也。(經中亦名聖種類身。)言無作者。別十迴向。了無證法。故名無作。故唐譯經云。了達諸法。自證法相。是名種類俱生無作行意成身。(宋魏二譯。此名皆同。)然第三名。雖三文立名俱異。而同對中觀。復與淨名第二之名義亦同矣。(見名義集。)

業報

業有二種。一者定業。二者不定業。業報分四種。一現報。謂今生作極善極惡之業。即於今生現受善惡之果報也。二生報。謂今生作善惡業。來世身中。受善惡果報也。三後報。謂今身造業。來世未受。多生之後。乃受果報也。四無報。謂由無記業(無記業者。即不善不惡之業。無所記憶。故名無記。)而受不善不惡之果報也。於此無報中。復開出四報定不定之四種。一時定報不定。時即時節。報即果報。謂於三時(三時者。謂現報。生報。後報也。)決定不改。由業有可轉。故受報不定。是名時定報不定。二報定時不定。謂業力定故。報不可改。然時有可轉。有可轉故時節不定。是名報定時不定。三時報俱定。謂由業報定故。時節亦定。是名時報俱定。四時報俱不定。謂由業不決定。故時報亦不定也。蓋因衆生之業。有輕有重。故受報之時。有遠有近。隨其因緣。先後不定。是名時報俱不定。(見法苑珠林。三藏法數。參看三種報條。)

業食 詳修陀條。

業障 詳三障條。

業繫苦相 詳三細六蘊條。

舜若多

華言空。沈疏云。未見誠釋。應是主空神。楞嚴經云。舜若多神。無身覺觸。入楞伽云。刹尼迦者。名之爲

空。或吐提。秦云虛空。纂要云。但無蘊相之身。亦有微妙之色。故楞嚴云。如來光中。映令暫現。又涅槃明虛空喻

。乃立三義。一無變易。亘古騰今。時移俗化。唯此虛空。常無變易。故南本三十三云。虛空無故。非三世攝。佛性

常故。非三世攝。如來已得三菩提。所有佛性。一切佛法。常無變易。以是義故。非三世攝。二無邊際。物分表裏。

空無內外。故無邊際。三十二云。我爲衆生得開解故。說言佛性非內非外。何以故。凡夫衆生。或言佛性住五陰中。

如器中有果。或言離陰而有。猶如虛空。是故如來說於中道。衆生佛性。非內六入。非外六入。內外合故。名爲中道

。三無罣礙。物體質礙。空性虛通。故三十三云。如世間中。無罣礙處。名爲虛空。如來得三菩提已。於一切法無有

罣礙。故言佛性猶如虛空。無著云。喻虛空者。有三因緣。一徧一切處。謂於住不住相中。福生生故。二寬廣。高大

殊勝故。三無盡。究竟不窮故。淨覺云。應以徧喻於假。空喻於空。無盡喻中。又楞嚴云。縱令虛空。亦有名貌。虛

空是名。顯色是貌。又云。當知虛空生汝心內。猶如片雲點太清裏。是則衆生計乎妄想。太虛絕於靈照。既迷妄以成

空。故背覺而有限。又云。空生大覺中。如海一漚發。有漏微塵國。皆依空所生。漚滅空本無。况復諸三有。故阿難

讚佛偈云。舜若多性可銷亡。燦迦羅心無動轉。(燦迦羅，華言堅固。)謂空性決不可銷。而云可銷者，深况願心堅固

。終無退轉也。(分見楞嚴經，名義集，二課合解。)

塞頗胝迦

或云頗梨。(詳七寶條。)

塞畢力迦

詳首着條。

圓寂

詳涅槃條。

圓通

性體周徧曰圓。妙用無礙曰通。乃一切衆生。本有之心源。諸佛菩薩所證之聖境也。楞嚴經。阿難於楞嚴會上

。雖聞根塵同源。縛脫無二之旨。而未達圓通根本。請佛開示。如來於是問諸弟子。最初發心。方便令其各自陳證悟之由。使阿難曉了圓通法門所入之處也。所言二十五圓通者。謂諸菩薩及大阿羅漢。於六塵，六識，七大。各各悟入不同故也。然論圓通。本無優劣。如來令文殊選擇。而唯取觀音耳根者。蓋爲此方之人。耳根聰利。聞法易解。當以音聞而爲教體。故特取觀音耳根。爲入道之門也。然不取陳那（具云橋陳那。）音聲者。以聲本屬塵。根有聞性。故揀陳那居初。觀音極後。以見收捨之明。亦根塵首尾相貫之意也。一音聲。二色因。三香因。四味因。五觸因。六法因。七見元。八息空。九味知。十身覺。十一法空。十二心見。十三心開。十四鼻息。十五法音。十六身戒。十七心達。十八火性。十九地性。二十水性。二十一風性。二十二空性。二十三識性。二十四淨念。二十五耳根。（見三藏法數。）文殊對佛說偈云。我今白世尊。佛出婆婆界。此方真教體。清淨在音聞。欲取三摩提。實以聞中入。離苦得解脫。又云。我今啓如來。如觀音所說。譬如人靜居。十方俱擊鼓。十處一時聞。此則圓真實。目非觀障外。口鼻亦復然。身以合方知。心念紛無緒。隔垣聽音響。遐邇俱可聞。五根所不齊。是則通真實。（見楞嚴經六。）

圓教

詳四教條。

圓覺

圓者。滿足周徧。此外更無剩法。所謂無欠無餘。覺者。虛明靈照。無諸分別想念。所謂絕思絕慮。若單言覺者。如起信論云。所言覺者。心體離念。離念相者。等虛空界。無所不徧。法界一相。卽是如來平等法身。依此法身說名本覺。故知此覺非離凡局聖。非離境局心。心境不二。凡聖一如。故加之一圓也。經云。無上法王。有大陀羅尼門。名爲圓覺。流出一切清淨真如菩提涅槃及波羅蜜。教授菩薩。一切如來本起因地。皆依圓照清淨覺相。永斷無明。方成佛道。又云。涅槃昨夢。世界空華。衆生本成佛道。又云。無始幻無明。圓覺心建立。幻從諸學生。幻滅覺圓滿。又云。一切衆生。皆證圓覺。所謂衆生本證。如來究竟證也。（見諦閑法師講錄。）圓覺經，具名大方廣圓覺修多羅了義經。唐勵賓沙門佛陀多羅。於唐長壽二年癸巳。於神都白馬寺畢譯。（參看勵賓，佛陀多羅條。）

圓滿

梵語布刺拏。西域記云。唐言圓滿。（見名義集。）圓滿相。謂如來萬行具足。種智圓明。於世間出世間功德。皆悉成就。超過聲聞緣覺菩薩之上。故曰圓滿。瑜伽師地論明三圓滿。一行圓滿。謂聽聞正法。依法修行。復能爲他

如法演說。自利利他之行既周。是名行圓滿。二果圓滿。謂由修行。即能證涅槃之果。圓成滿足。是名果圓滿。三師圓滿。師即受道之師。謂能以佛所說之法。教誡於我。復能引發一切梵行。令得滿足。是名師圓滿。(分見三藏法數)或云哺哺擊。圓滿也。(見佛爾雅。)

圓成實性 詳三自性條。

瑜伽師地 此云相應。謂一切乘境行果等。所有諸法。皆曰相應。師謂三乘行者。由開思等，次第習行如是瑜伽一十

七地。三藏傳云。無著夜昇觀吏天宮。於慈氏菩薩所。受瑜伽師地等論。專弘一切法相。號曰相宗。(分見名義集。

參看法相宗條。)

傳心法要

是書爲筠州黃蘗山斷際禪師所說。唐河東裴休之所集也。禪師法諱希運。住洪州高安縣黃蘗山鷲峯下。乃

曹溪六祖之嫡孫。西堂百丈之法姪。獨佩最上乘。離文字之印。唯傳一心。更無別法。心體亦空。萬緣俱寂。如大日輪昇虛空中。光明照耀。淨無纖埃。證之者，無新舊，無淺深。說之者，不立義解，不立宗主，不開戶牖。直下便是。運念即乖。然後爲本佛。故其言簡。其理直。其道峻。其行孤。四方學徒。望山而趨。觀相而悟。往來海衆。常千餘人。(見裴休序。)

頓教

詳五教八教條。

頓吉

詳悉達條。

頓悟入道要門論

是論爲唐沙門慧海大師所撰。師諱慧海。建州人。依越大雲寺道智和尚受業。師初至江西參馬祖

。祖問從何處來。曰越州大雲寺來。祖曰。來此擬須何事。曰來求佛法。祖曰。自家寶藏不顧。拋家散走。作什麼。

我這裏一物也無。求什麼佛法。師遂禮拜。問曰。阿那箇是慧海自家寶藏。祖曰。卽今問我者，是汝寶藏。一切具足。更無欠少。使用自在。何假向外求覓。師於言下大悟，識自本心。不由知覺。踊躍禮謝。師事六載。後以受業師年老。遽歸奉養。乃晦迹藏用。外示癡訥。自撰頓悟入道要門論一卷。法門師姪玄晏，竊出江外呈馬祖。祖覽訖。謂衆曰。越州有大珠。圓明光透。自在無遮障處也。衆有知師姓朱者。迭相推識結契。來越上尋訪依據。時號大珠和尚也。

。（見諸方門人參問語錄。）

義淨

齊州人。俗姓張。字文明。髫髻之年。辭榮落髮。徧詢名匠。廣探羣籍。內外通曉。今古徧知。年有十五。志

遊西域。徧師名匠。學大小乘。所爲事周。還歸故里。凡所遊歷。三十餘國。往來問道。出二十年。天后證聖間。河

洛翻譯。（見名義集。）

塔婆

詳窣堵波條。

熙連禪尼河

詳閻浮檀金條。一作尼連禪那河。（見佛爾雅。）

零陵

梵語多揭羅。此云零陵。南越志云。土人謂之薺草芸香。說文云。芸香似苜蓿。淮南云。芸可以死而復生。（

見名義集。參看苜蓿條。）

道諦

詳四諦條。

道種性

詳十回向條。

道種智

詳三智條。

道行仙

詳十行仙條。

道宣律師

師姓錢氏。丹徒人。年十五。厭離塵俗。依智顛律師受業。十六落髮。隸日嚴道場。專精克念。感舍利現

寶函。隋大業中。從智首律師受具。唐武德中。依首習律。已而坐山林。行定慧。晦迹於終南做掌之谷。嘗因獨坐。

焚功德香。行般舟定。有神龍禮謁。恭獻華果。時處士孫思邈。隱居終南。與宣相接。結林下之交。每一往來。議論

終夕。高宗創西明寺成。詔師充上座。三藏玄奘取經回國。亦止西明。詔師與翻譯。師承智首而遙接北魏慧光法雲之

緒。於五部律中。專宏四分。有南山五大部註疏。師既參與玄奘三藏譯事。研究唯識法相教義。故其於四分律也。亦

往往以唯釋法相之義釋之。又四分律本。屬於小乘。師攝之而入大乘。故師實爲融小歸大之開祖也。師戒律精嚴。冠

絕古今。嘗築一壇。有長眉僧來與談道。蓋卽賓頭盧也。又有梵僧禮壇讚曰。自佛滅後。像法住世。興發毗尼。惟師

一人。乾封二年春。又感天人與談律相。糾正舊律之誤。是年冬十月三日。安坐順寂。年七十二。宋高僧傳云。宣之

持律。聲振竺乾。宜之編修。美流天下。非虛美也。

滅度 詳涅槃條。

滅諦 詳四諦條。

滅受想定 詳九次第定條。

煩惱 詳二煩惱，四煩惱，及四根本煩惱條。

煩惱障 詳二障條。

煩惱濁 詳五濁條。

煩惱魔 詳四魔條。

煩惱惑業

煩惱菩提。體元一矣。涅槃生死。見有二焉。若知如實性。了幻化相。以施慈慧治貪瞋癡。故大集云。遠

離一切諸煩惱。清淨無垢猶真實。其心則作大光明。是名寶炬陀羅尼。（見名義集。）

煩惱卽菩提

六祖云。凡夫卽佛。煩惱卽菩提。前念迷卽凡夫。後念悟卽佛。前念著境卽煩惱。後念離境卽菩提。

又云。佛法在世間。不離世間覺。離世覓菩提。恰如求兔角。正見名出世。邪見名世間。邪正盡打却。菩提性宛然。

（見六祖壇經。）經云。譬如高原陸地。不生蓮華。卑濕淤泥。乃生此華。如是見無爲法入正位者。終不生於佛法。煩

惱泥中。乃有衆生起佛法耳。又如植種於空。終不得生。糞壤之地。乃能滋茂。如是入無爲正位者。不生佛法。起於

我見如須彌山。猶能發於河耨多羅三藐三菩提心佛法矣。是故當知一切煩惱。爲如來種。譬如不下巨海。不能得無

價寶珠。如是不入煩惱大海。則不能得一切智寶。（見維摩經佛道品。）黃蘗禪師云。爲有貪瞋癡。卽立戒定慧。本無

煩惱。焉有菩提。故祖師云。佛說一切法。爲除一切心。我無一切心。何用一切法。本源清淨佛上。更不著一物。譬

如虛空。雖以無量珍寶莊嚴。終不能住。佛性如虛空。雖以無量功德智慧莊嚴。終不能住。但迷本性。轉不見耳。問

云。何處是菩提。師云。菩提無是處。佛亦不得菩提。衆生亦不失菩提。不可以身得。不可以心求。一切衆生。卽菩

提相。云。如何發菩提心。師云。菩提無所得。你今但發無所得心。決定不得一法。卽菩提心。菩提無住處。是故無

有得者。故云。我於然燈佛所。乃至無有少法可得。佛即與我授記。明知一切衆生本是菩提。不應更得菩提。又云。佛與衆生無異相。生死與涅槃無異相。煩惱與菩提無異相。離一切相即是佛。（見傳心法要。）經云。菩薩未成佛時。以菩提爲煩惱。菩薩成佛時。以煩惱爲菩提。何以故。於第一義而不二故。諸佛如來乃至一切法如故。（見仁王經二諦品。）夫求無價寶。必下於滄溟。采智慧寶。必求於煩惱。五逆相。即解脫相。魔界如。即佛界如。若聆佛旨而喜。聞魔聲而悲。非覺於諸法者。北轅適越。安得與之論道哉。（見念佛三昧寶王論。）

愛語攝 詳四攝條。

愛別離苦 詳四諦條。

愛水勝氣 亦云內分外分。經云。一切衆生。實本眞淨。因彼妄見。有妄習生。因此分開內分外分。內分。即是衆生分內。因諸愛染。發起妄情。情積不休。能生愛水。是故衆生。心憶珍羞。口中水出。心憶前人。或憐或恨。目中淚盈。貪求財寶。心發愛涎。舉體光潤。心著行淫。男女二根。自然流液。諸愛雖別。流結是同。潤濕不升。自然從墜。此名內分。外分。即是衆生分外。因諸渴仰。發明虛想。想積不休。能生勝氣。是故衆生。心持禁戒。舉身輕清。心持咒印。顧盼雄毅。心欲生天。夢想飛舉。心存佛國。聖境冥現。事善知識。自輕身命。諸想雖別。輕舉是同。飛動不沉。自然超越。此名外分。又云。一切世間。生死相續。生從順習。死從變流。臨命終時。未捨煖觸。一生善惡。俱時頓現。死逆生順。二習相交。純想即飛。必生天上。若飛心中。兼福兼慧。及與淨願。自然心開。見十方佛。一切淨土。隨願往生。情少想多。輕舉非遠。即爲飛仙。情想均等。不飛不墜。生於人間。情多想少。流入橫生。純情即沉。入阿鼻獄。若沈心中有謗大乘。毀佛禁戒。誑妄說法。虛貪信施。濫膺恭敬。五逆十重。更生十方阿鼻地獄。循造惡業。雖則自招。衆同分中。兼有元地。此等皆是彼諸衆生。自業所感。（見楞嚴經八。）

聖行 詳五行條。

聖種性 詳十地條。

聖言量 詳識量條。

聖種類身 詳意生身條。

資量 資即資助。糧即糧食。如人欲涉遠道。必假糧食以爲資助。蓋譬菩薩修行。欲證佛果。必藉福智二法。以爲資

助。故名資糧也。一福德資糧。謂布施持戒等所作善因。乃至具足修習一切佛法。是名福德資糧。二智德資糧。謂修習正觀。心無雜亂。勤求妙智。無暫休息。乃至具足修習一切佛法。是名智德資糧。（見寶積經。）又云。一福德資糧。謂由宿世修諸福德。而於今生。豐饒財寶。遇善知識。離諸障礙。能勤修行。是名福德資糧。二智慧資糧。謂由宿世修習智慧。而於今生。聰慧明敏。解了法義。是名智慧資糧。三先世資糧。謂由宿世積集善根。而於今生。諸根完具。家財豐足。是名先世資糧。四現法資糧。謂於今世。有善法故。善根成熟。具戒律儀。是名現法資糧。（見瑜伽師地論，三藏法數。）

資薰 熏，資熏。擊發之義也。蓋言第八識雖含藏一切善惡種子。若無染淨二緣熏發。則不能成染淨等事。如穀麥等種。雖有生芽之能。若不得水土資熏。芽亦不生。（見三藏法數。參看熏習條。）

資生施 詳布施條。

資糧位 詳聲聞位條。

遊行仙 詳十行仙條。

遊增地獄 詳十六遊增地獄條。

新發意 梵語阿夷恬。此云新學。亦云新發意。（見名義集。）

新伊相 章安疏云。言伊字者。外國有新舊兩伊。舊伊橫豎。斷絕相離。如∴。借此况彼。橫如烈火。豎如點水。各不相續。不橫，不同烈火。不豎，不同點水。應如此方草下字相。細畫相連。是新伊相。如△。舊伊可譬昔教三德。法身本有。般若修成。入無餘已。方是解脫。無復身智。如豎點水。縱而相離。又約身約智分。得有餘解脫。橫一時有。三法各異。如橫烈火。各不相關。新伊者譬今教三德。法身即照。亦即自在。名一爲三。三無別體。故不是橫。非前非後。故非是縱。一印三。如大點。三印一。如細畫。而三而一。而一而三。不可一三說。不可一三思。故名不

可思議。不可思議者。卽非三非一。名祕密藏。如世伊字。（見名義集。參看三德祕藏，不可思議條。）

逾城出家 本行經云。太子屢以出家心白父王。父王語曰。汝當作轉輪聖王。七寶千子。統四天下，如何以剃髮染衣

爲樂耶。太子對曰。期成正覺。統制大千。攝化四生。今出長夜。豈以七寶四天下爲好耶。父王但加侍衛。增枝樂。

曉夜感之。一夜。淨居天人於空中告太子曰。行矣時也。乃召車匿，備馬王健陟至。太子上馬。四夜又承足。天人持

寶蓋。梵王居左。帝釋侍右。四天王從衛使。國宮諸門。自然開闢。守禦者都不覺知。乘虛而行。至雪山苦行林中。

詰旦。已行八百里。華嚴經云。最後身菩薩。法爾如是。（參看法爾條。）欲令着家衆生捨離家法。爲現自在不屬他故

。宣揚出家功德勝故。是以示現出家。（見釋迦如來成道記註。參看八相，雪山修行條。）

塗毒鼓 彌陀要解云。如聞塗毒鼓。遠近皆散。鼓有二種。一曰天鼓。二曰毒鼓。毒鼓者。以毒料塗於鼓。使人聞聲

而卽死也。傳燈錄曰。全豁禪師上堂。一僧出禮拜。師曰。吾教意。猶如塗毒鼓。遠近聞者皆喪。以譬涅槃經所說佛

性常住之聲。能殺害衆生之五逆十惡。使入於佛道也。涅槃經云。隨聞毒鼓。遠近俱死。又法鼓經云。消毒王藥塗鼓

。以桴擊之。能令毒箭聲下跳出。平復如故。（見寶王論。）

十四畫

僧伽 其一。僧名。簡稱曰僧。大論，秦言衆多比丘。一處和合。是名僧伽。譬如大樹叢林。是名爲林。淨名疏云。

律名四人已上皆名衆。律鈔曰。此云和合衆。和合有二義。一理和。謂同證擇滅故。二事和。別有六義。戒和同修。見和同解。身和同住。利和同均。口和無諍。意和同悅。什師云。欲令衆和。要由六法。一以慈心起身業。二以慈心起口業。三以慈心起意業。四若得食時。減鉢中飯。供養上座一人。下座一人。五持戒清淨。六漏盡智慧。肇曰。非真心無以具六法。非六法無以和羣衆，如衆不和。非敬順之道也。又僧名良福田者。報恩經云。衆僧者。出三界之福田。謂比丘具有戒體。戒爲萬善之根。是故世人歸信。供養種福。如沃壤之田。能生嘉苗。故號良福田。（參看三寶條。）其二。獸名。詳師子條。（見名義集。）

僧祇 此云四方僧物。律鈔。四種常住。一常住常住。謂衆僧廚庫寺舍衆具，華果樹林田園僕畜等。以體局當處。不通餘界。但得受用。不通分賣。故重言常住。二十方常住。如僧家供僧常食。體通十方。唯局本處。此二名僧祇物。三現前現前。謂僧得施之物。唯施此處現前僧故。四十方現前。如亡五衆輕物也。若未羯磨。從十方僧得罪。若已羯磨。望現前僧得罪。此二名現前僧物。（見名義集。）

僧跋 卽等供之唱法也。寄歸傳云。三鉢羅佉多。舊訛云僧跋。梵摩難國王經云。夫欲施食者。皆常平等。不問大小。於是佛令阿難臨飯唱僧跋。僧跋者。衆僧飯皆平等故。莊嚴論。明尸利耄多長者。受外道囑。以毒和食。請佛及衆。佛知。令阿難唱僧跋。唱已方食。唱已毒散。佛藏經云。當一心行道。隨順法行。勿念衣食所須者。如來白毫相一分。供諸一切出家弟子。亦不能盡。由此言之。勤修戒行。至誠護法。由道得利。以道通用。寺寺開門。處處同食。必當供足。判無乏少。（見名義集。）受齋法時。必具三匙五觀。齋法既畢。唯存佛道正思。無論動靜忙閒之際。必皆存於佛道正念。事鈔。食不過三匙。初匙，斷一切惡。中匙，修一切善。後匙，度一切衆生。食存五觀。一計功多少。量彼來處。二付己德行。全缺應供。三防心離過。貪等爲宗。四正事良藥。爲療形枯。五爲成道業。應受此食。

三匙願畢。然後過菜而食。（匙者。吃鉢飯用匙。今可通作箸字。）又食當知三心。一見美味生貪。二見惡味生瞋。三不知我心與食體空。廣生貪瞋爲癡。古云。五觀若明金易化。三心未了水難消。又僧跋云。食存五觀。散心雜話。信施難消。大衆聞聲。各正念。（見二課合解。）

僧那 梵語僧那。此云弘誓。（詳四弘誓願條。）梵語僧涅。此云自誓。一云僧那言鎧。僧涅言著。名著大鎧。亦云莊嚴。故小品云。大誓莊嚴。正言冊那訶。此云甲。冊捺陀。此云被。或云衣。謂被甲衣甲也。（見名義集。）

僧伽梨 西域記云。僧迦胝。舊訛云僧伽梨。此云合。又云重。謂割之合成。義淨云。僧迦胝。唐言重複衣。靈感傳云。每轉法輪。披僧伽梨。南山云。此三衣名。諸部無正翻。今以義譯。大衣名雜碎衣。以條數多故。若從用爲名。則曰入王宮聚落時衣。乞食說法時著故。薩婆多論。大衣分三品。九條十一條十三條。兩長一短。名下品。十五條十七條十九條。三長一短。名中品。二十一條二十三條二十五條。四長一短。名上品。會正記問。所以長增而短少者。業疏云。法服敬田。爲利諸有。表聖增而凡減也。（見名義集。參看法衣條。）

僧伽藍 或云伽藍。譯爲衆園。僧史略云。爲衆人園圃。園圃，生植之所。佛弟子則生植道芽聖果也。（見名義集。）又伽藍。佛寺也。具云僧伽藍。正言僧伽羅磨。磨謂之園。故云衆園。（見佛爾雅。）

僧伽論 詳二十五諦條。

僧祇支 詳偏袒條。

僧伽婆尸沙 此云僧殘。（詳波羅夷條。）

福德 謂佛所說經。爲令衆生修習布施持戒忍辱精進禪定智慧等。調伏諸根。無所放逸。則得天人果報。長樂無窮。是爲福德。（見三藏法數。參看功德條。）

福田 田以生長爲義。謂人於應供養者而供養之。則能獲諸福報。如農夫服力田畝。而有秋收之利。故名福田。大智度論明二種福田。一貧福田。謂貧窮之人。雖無財物供養。若能禮事恭敬。亦得福報。是名貧福田。二富福田。謂富貴之人。既能禮事恭敬。又以財物供養。而得福報。是名富福田。佛報恩經明二種福田。一有作福田。謂於諸佛菩薩

父母師長之所。生恭敬心。修諸供養。不惟得福。亦可成道。若有冀望福報之心。乃是有爲而作。故名有作福田。若無冀望福報之心。乃是無爲而作。故名無作福田。優婆塞戒經明三福田。一報恩福田。謂父母有養育之恩。師長有教誨之恩。若能供養恭敬。非惟報答其恩。抑且自然獲福。是名報恩福田。二功德福田。謂若能恭敬供養佛法僧三寶。非但成就無量功德。亦能獲其福報。是名功德福田。三貧窮福田。謂若貧窮困苦之人。當起慈悲之心。以已所有資生等物而給施之。雖不求報。亦自然獲福。是名貧窮福田。又云。僧名良福田。詳僧伽條。(分見三藏法數。參看八福田條。)

福慧 詳兩足尊條。(參看二門條。)

維那 南山云。聲論翻爲次第。謂知僧之次第也。寄歸傳云。維是綱維。華言也。那是梵語。具云羯磨陀那。刪去羯磨陀三字也。僧史略云。梵語羯磨陀那。譯爲事知。亦云悅衆。謂知其事。悅其衆也。稽其佛世。飲光統衆於靈鷲。身子蒞事於竹林。亦稱綱維師。隋時寺立三綱。謂上座。維那。典座也。(見名義集。)

維衛 詳毘婆尸條。

維摩詰 具云維摩羅詰。長者名。什曰。秦言淨名。垂裕記云。淨卽真身。名卽應身。真卽所證之理。應卽所現之身。生曰。此云無垢稱。其晦迹五欲。超然無染。清名遐布。故致斯號。大經云。威德無垢稱王優婆塞。西域記。毘摩羅詰。唐言無垢稱。舊曰淨名。然淨則無垢。名則是稱。義雖取同。名乃有異。舊曰維摩詰者。訛也。(見名義集。)

(經云。爾時毗耶離大城中。有長者。名維摩詰。已曾供養無量諸佛。深植善本。得無生忍。辯才無礙。遊戲神通。逮諸總持。獲無所畏。降魔勞怨。入深法門。善於智度。通達方便。大願成就。明了衆生心之所趣。又能分別諸根利鈍。久於佛道。心已純淑。決定大乘。諸有所作。能善思量。住佛威儀。心如大海。諸佛咨嗟。弟子釋梵世主所敬。欲度人故。以善方便居毗耶離。(見維摩經方便品。)

精舍 釋迦譜云。息心所栖。故曰精舍。靈裕寺語曰。非羸暴者所居。故曰精舍。藝文類云。非由其舍精妙。良由精練行者所居也。(見名義集。)

精舍有五。一給孤獨園。(詳祇園條。)

二鷲嶺。(詳耆闍崛山條。)

三獼猴江。梵

語摩斯吒。或麼迦吒。或未迦吒。此云獼猴。獼猴江者。以獼猴嘗於此江沐浴。故以名焉。大智度論云。毘耶離有一精舍。名獼猴池。佛曾於此說法。翻譯名義集云。那蘭陀池。旁建伽藍。卽其處也。四菴羅樹園。（詳庵羅條。）五竹林精舍。大智度論云。竹林精舍。在耆闍崛山中。其地平坦嚴淨。勝於餘處。佛曾於中說法。故有精舍。或云迦蘭陀竹園。是也。（見三藏法數。）

精進 梵語毘梨耶。法界次第云。秦言精進欲樂。勤行善法。不自放逸。謂之精進。精進有二種。一者身精進。二者心精進。若身勤修善法。行道，禮誦，講說，勸助。開化。是爲身精進。若心勤行善道。心心相續。是爲心精進。復次。勤修施戒喜法。是爲身精進。勤修忍辱禪定智慧。是爲心精進。大集經。佛言精進有二種。一始發精進。二終成精進。菩薩以始發精進。習成一切善法。以終成精進。分別一切法不得自性。法句經云。若能心不起。精進無有涯。（見名義集。）論曰。云何修行進門。所謂於諸善事。心不懈退。立志堅強。遠離怯弱。當念過去久遠以來。虛受一切身心大苦。無有利益。是故應勤修諸功德。自利利他。遠離諸苦。復次。若人雖修行信心。以從先世來。多有重罪惡業障故。爲邪魔諸鬼之所惱亂。或爲世間事務種種牽纏。或爲病苦所惱。有如是等衆多障礙。是故應當勇猛精勤。晝夜六時。禮拜諸佛。誠心懺悔。勤精隨喜。迴向善提。常不休廢。得免諸障。善根增長故。（見梁譯起信論。參看六度條。）菩薩善戒經。明三種精進。一莊嚴精進。謂菩薩發心精勤。修習一切梵行。莊嚴道果。復爲化諸衆生。於三界中。示現受生。乃至爲慈悲故。入地獄中代其受苦。心不休息。二攝善法精進。謂菩薩既修六度梵行。不爲煩惱惡業邪見之所傾動。攝持世間出世間一切善法。心不放逸。三利益衆生精進。謂菩薩於一切時。修習聖道。利益一切衆生。以種種法而化導之。咸使斷滅惡因。成就善果。雖歷塵劫。心不疲倦。地藏十輪經。明精進二種相。一世間精進。謂諸菩薩精進勇猛。勤修布施持戒等諸福業。如是精進。依諸果報。依諸福業。有漏有取。是名世間精進。二出世間精進。謂諸菩薩勇猛精進。於諸衆生共心平等。除滅一切煩惱業苦。如是精進。無漏無取。無所依止。是名出世間精進。（分見三藏法數。）

精行仙 詳十行仙條。

慈氏 詳彌勒條。

慈恩宗 詳十宗之法界宗條。

慈悲室 謂弘經之人。當須具大慈悲。覆護一切衆生。以大慈故。則能與衆生之樂。以大悲故。則能拔衆生之苦。慈悲覆物。喻之如室。經云。大慈悲爲室。是也。（法華文句，三藏法數。）

慈悲喜捨

與樂名慈。拔苦名悲。見他得樂。心生喜悅。名喜。（參看喜樂條。）怨親平等一相。心無繫著。名捨。

（見教觀綱宗。）又云。佛隨機廣說諸法。徧與涅槃之樂。曰大慈。徧拔生死之苦。曰大悲。凡衆生得益。佛隨歡喜。曰大喜。無惡不捨。無善不施。曰大捨。又佛具三緣慈悲。（參看三緣慈三種慈條。）故曰大慈大悲。性絕喜捨。故曰大喜大捨。（見二課合解。參看四無量心條。）

慈雲懺主

宋僧遵式。姓葉氏。台州臨海縣人。學行高古。名冠兩浙。專修淨土。常行般舟三昧。九十晝夜不睡眠。兩足皮裂。嘔血不已。夢觀音以手指其口。注甘露灌之。覺身心清涼。疾遂愈。著淨土決疑行願及淨土懺法行世。

將化之日。注香禮佛。願生安養。至晚坐脫。時天聖十年也。年六十九歲。衆見大星隕於靈鷲峯。（見西歸直指。）

熏陸

梵語杜嚕。此云熏陸。南洲異物志云。狀如桃膠。西域記云。南印度阿吒釐國。熏陸香樹。葉似棠梨。亦似胡椒樹。樹葉若蜀椒也。南方草物狀曰。出大秦國。樹生沙中。盛夏樹膠流沙上。（見名義集。）或云君柱魯香。經云。

若卒患心痛不可忍者。取君柱魯香。乳頭成者一顆。呪三七遍。口中嚼咽。不限多少。令變吐。卽差。慎五辛酒肉。註云。君柱魯香。熏陸香也。（見大悲心陀羅尼經。）此土亦名乳香。卽凝固之樹脂也。（見辭源。）

熏習

薰者，發也。習者，生也。熏是資熏。擊發之義。生是生起。從因生出之義。唯識論云。一切種子。皆本性有。不從熏生。由熏習力。但可增長。所謂本識等。雖無力資熏擊發自種之義。而有親生自種之義。如本有無漏種子。

雖有生果之能。若不得資加二位。有漏諸善。資熏擊發。卽不能生現行。又如本識中善染等種。能引次後自類種子。雖有生義。無自熏義。如穀麥等種。雖有生芽之能。若不得水土等資熏擊發。亦不能生其現行。本識雖有生種之能。

然自力劣。須假六七與熏方生。由是義故。本識等雖非能熏。而能生種。故與親種得爲因緣。宗鏡云。本識是體。種

子是用。種子是因。所生是果。攝論云。第八識從種子生。故稱果報識。能攝持種子故。亦名種子識。（見名義集。參看阿賴耶條。）起信論云。以四種法熏習義故。染淨法起。無有斷絕。一淨法。謂真如。二染因。謂無明。三妄心。謂業識。四妄境。謂六塵。熏習義者。如世衣服。非臭非香。隨以物熏。則有彼氣。真如淨法。性非是染。無明熏故。則有染相。無明染法。實無淨業。真如熏故。說有淨用。（見唐譯起信論。）

賓迦羅 中論序云。天竺諸國。敢預學者之流。無不翫味斯論。以爲喉衿。其染翰申釋者。甚亦不少。（參看中觀論條。）今所出者。是天竺梵志。名賓伽羅。秦言青目之所釋。其人雖解深法。而辭不雅中。其中乖闕繁重者。法師（按此指羅什而言。）皆裁而裨之。於通經之理盡矣。（見名義集。）

賓度羅 或賓頭盧。（詳頗羅墮條。）

僕呼繕那 詳衆生條。

漚波羅 詳地獄條。

漚鉢羅 亦云優鉢羅。亦云優波陀。此云黛色蓮華。又云青蓮華。龍依此住。從池得名。（見名義集。）又稱蓮華池。龍名。（見佛爾雅。）

漚和俱舍羅 （詳方便條。）

甄叔迦 此云赤色寶。西域傳。有甄叔迦樹。其華色赤。形大如手。此寶色似此華。因以名之。慈恩上生經疏云。

甄叔迦，狀如延珪。似赤瑠璃。（見名義集。）一作旃叔迦。一作緊叔迦。（見佛爾雅。）

緊那羅 詳天龍八部條。

歌利 或名迦利。或名迦藍浮。此云惡世。又云惡生。又云無道。西域記云。羯利王。唐言鬪諍。舊云歌利。訛也。（見名義集。）

歌神 詳天龍八部緊那羅條。

歌羅分 詳迦羅條。

歌羅邏 或羯邏藍。此云凝滑。又云雜穢。狀如凝酥。胎中五位。（參看胎中五位條。）大集經云。歌羅

邏時。即有三事。一命。二煖。三識。出入息者。名為壽命。不臭不爛。名之為煖。即是業持火大。故地水等色。不

臭不爛也。此中心意。名之為識。即是剎那覺知心也。長無增減。三法和合。從生至死。此識之種。即是命根。故宗

鏡引論云。然依親生此識種子。以此種子為業力故。有持一報之身。功能差別。令得決定。若此種子無此功德。身便

壞爛。故以親生種子為命根。夫命根者。依心假立。命為能依。心為所依。生法師云。焚薪之火。旋之成輪。輪必攬

火而成照。情亦如之。必資心成用也。命之依心。如情之依心矣。（見名義集。）

種性 詳六種性條

種智 種智者。即一切種智也。十種智者。謂三世諸佛一切種智也。（詳三智，十智條。）

種子識 詳熏習條。（參看阿賴耶條。）

頗梨 詳七寶條。

頗羅 其一。此云果。（詳五果條。）其二。秦言果。大品頗字門。入諸法徧不可得故。論曰。即知一切法因果空故

華嚴唱婆頗字門。名化衆生究竟處。疏云。即偏滿果報。（見名義集。）

頗羅墮 梵語寶頭盧。此翻不動。字也。梵語頗羅墮。姓也。真諦云捷疾。亦云利根。或廣語。本行集翻重幢。婆

羅門凡十八姓。此居其一。或云寶度羅跋羅墮闍。（詳十六羅漢條。）感通傳云。今時有作寶頭盧聖僧像。立房供養

亦是一途。然須別施空座。前置碗鉢。至僧食時。令大僧為受。不得以僧家盤盂設之。以凡聖雖殊。俱不觸僧食器

。若是俗家。則隨俗所設。恐僧不知。附此編出。（見名義集。）

頗勒窣拏月 詳時分條。

搏食 詳齋法四食條。

壽量 其一。天道衆生。壽命限量。四天王天。壽五百歲。以人間五十年為一晝夜。忉利天。壽一千歲。以人間百年

為一晝夜。再上四天。遞各倍增。初禪三天。壽一劫。二禪三天。壽二劫。三禪三天。壽三劫。四禪前三天。壽四劫

。無想天五百劫。無煩天千劫。再上四天。遞加一千劫。四空天中。第一天一萬劫。第二天二萬劫。第三天四萬二千劫。第四天八萬四千劫。（見佛教答問選錄。參看二十八天條。）其二。如來壽量。如經云。爾時妙幢菩薩。瞻仰諸佛殊勝之相。亦復思維釋迦牟尼如來無量功德。唯於壽命生疑惑心。云何如來功德無量。壽命短促唯八十年。爾時四佛（東方不勳。南方寶幢。西無量壽。北天鼓音。）告妙幢菩薩言。善男子。汝今不應思忖如來壽命長短。何以故。善男子。我等不見諸天世間。梵，魔，沙門，婆羅門等。人及非人。有能算知佛之壽量。知其齊限。唯除無上正徧知者。頌曰。一切諸海水。可知其滴數。無有能數知。釋迦之壽量。析諸妙高山。如芥可知數。無有能數知。釋迦之壽量。一切大地土。可知其塵數。無有能算知。釋迦之壽量。假使量虛空。可得盡邊際。無有能數知。釋迦之壽量。若人住億劫。盡力常算數。亦復不能知。世尊之壽量。不害衆生命。及施於飲食。由斯二種因。得壽命長遠。是故大覺尊。壽命難知數。如劫無邊際。壽量亦如是。又云。善男子。彼釋迦牟尼。於五濁世出現之時。人壽百年。稟性下劣。善根微薄。復無信解。此諸衆生。多有我見，人見，衆生，壽者。養育邪見，我我所見，斷常見等。爲欲利益此諸異生。及衆外道。如是等類。令生正解。速得成就無上菩提。是故釋迦牟尼如來。示現如是短促壽命。善男子。然彼如來。欲命衆生。見涅槃已。生難遭想。憂苦等想。於佛世尊所說經教。速當受持。讀誦通利。爲人解說。不生謗毀。是故如來現斯短壽。（見金光明經如來壽量品。）

壽煖識

詳命根條。

壽者相

詳四相條。

漏盡通

詳六通條。（參看無漏條。）

語言

梵語和波陀。秦言語言。大品經和字門。入諸法言語道斷。論云。知一切法離語言相故。（見名義集。）華嚴經唱嚮字時。入般若波羅門。名普生安住。疏云。悟一切法言語道斷。能徧安住。（見三藏法數。）慧海大師云。問。經云。言語道斷。心行處滅。其義如何。答。以言顯義。得義言絕。義即是空。空即是道。道即是絕言。故云言語道斷。心行處滅。謂得義實際。更不起觀。不起觀故。即是無生。以無生故。即一切色性空。色性空故。即萬緣俱絕。

。萬緣俱絕者。即是心行處滅。（見頓悟入道要門論。）

槃那 此云道。（詳四諦條。）

槃陀 此云二十八肘。華嚴大數增至百二十五。見阿僧祇品。（見名義集。）

槃太子 詳石女條。

槃那寐 詳和南條。

塵性 梵語優波尼沙陀。資中云。此云塵性。以觀塵性空而得道故。亦名優波尼殺曇。（見名義集。）經云。優波尼

沙陀白佛言。我亦觀佛最初成道。觀不淨相。生大厭離。悟諸色性。以從不淨。白骨微塵。歸於虛空。空色二無。成無學道。如來印我名尼沙陀。塵色既盡。妙色密圓。我從色相。得阿羅漢。佛問圓通。如我所證。色因爲上。（見楞嚴經五。）

塵義 謂微細之惑。而能染污清淨真性。譬如隔隙光流。諸塵相現。亦能亂於虛空之性，若智慧發明。了惑本無。則空理現前。塵亦何有。經云。譬如新霽。清暘升天。光入隙中，發明空中諸有塵相。塵質搖動。虛空寂然。如是思惟。澄寂名空。搖動名塵。以搖動者。名爲塵義。（見楞嚴經一。）

塵沙惑 詳三惑條。

境界 梵語爾燄。或名爾炎。此云所知。又云應知。又云境界。問。如大論云。是時過意地。住在智業中。華嚴安云。普濟諸含識。令過爾燄海。答。由此能知之智。照開所知之境。是則名爲過爾燄海。故楞伽經第一曰。智爾燄得向。此乃全由其境。以成其智。名智業中。（見名義集。）

境界相 卽三細中之現相也。論云。境界相，以依能見故。境界妄現。離見則無境界。（見梁譯起信論。參看三細六羶條。）

夢喻 詳六喻條。

夢中獨頭意識 詳意識條。

蜜奢兜 此云金鼓。呪名也。隨葉佛（毘攝浮佛）所說呪。四拘留秦佛所說金剛幢呪。五拘那含牟尼佛說名聲振十方

呪。六迦葉佛說拯濟羣生呪。七釋迦世尊說金光明照輝呪。皆是。（見名義集。）

蜜利伽羅 此云鹿。（詳鹿王條。）

蒲盧 詳十二類衆生條。

蒲闍尼 詳正食不正食條。

十五畫

摩尼 或云踰摩。應法師云。正云末尼。卽珠之總名也。此云離垢，此寶光淨。不爲垢穢所染。又翻增長。有此寶處

。增長威德。小品云。如摩尼寶。若在水中。隨作一色。以青物裹。水色卽青。若黃赤白紅縹物裹。隨作黃赤白紅縹色。又云。阿難問橋尸迦。是摩尼寶。爲是天上寶。爲是閻浮提寶。釋提桓因言。是天上寶。閻浮提人。亦有是寶。

但功德相。少不具足。大論云。有人言此寶珠。從龍王腦中出。人得此珠。毒不能害。入火不燒。輔行曰。亦云如意

。得此珠者。有求皆遂故。大莊嚴論云。有摩尼珠。大如膝蓋。大論云。如意珠。狀如芥粟。又云。如意珠。出自佛

舍利。若法沒盡時。諸舍利皆變爲如意珠。觀經指如意爲摩尼。天台云。摩尼者。如意也。（見名義集。）論云。如摩

尼寶。本性明潔。在鑛穢中。假使有人。勤加憶念。而不作方便。不施功力。終不可得。真如之法。亦復如是。（見

唐譯起信論。）

摩利 或云末利。其一。此云柰。又云鬘。華搗作鬘故。善見律云。廣州有。其華籐生。此翻黃色華。華如黃金色。

其二。此云鬘。匿王之后。西域記，譯爲柰因。施柰得報也。女名勝鬘。爲踰闍王妃。（分見名義集。）

摩羅 詳華鬘條。

摩偷 其一。此云美地。摩偷，與質多羅，迦留波陀。此三天名。皆居須彌四埵。其二。翻酒。詳翠喇條。（分見名

義集。）

摩竭 詳鯨魚條。

摩訶衍 摩訶云大。衍云乘。摩訶衍。卽大乘也。大論云。摩訶此含三義。謂大，多，勝。衍，是乘也。勝鬘云。摩

訶衍者。出生一切聲聞緣覺世世間善法。世尊。阿耨大池。（見名義集。參看四大河條。）論云。摩訶衍

者。總說有二種。一者法。二者義。所言法者。謂衆生心。是心則攝一切世間法出間法。依於此心。顯示摩訶衍義。

何以故。是心真如相。卽示摩訶衍體故。是心生滅因緣相。能示摩訶衍自體相用故。所言義者。則有三種。一者體大

。謂一切法真如平等。不增減故。二者相大。謂如來具足無量性功德故。三者用大。能生一切世間出世間善因果故。一切諸佛本所乘故。一切菩薩皆乘此法到如來地故。（見梁譯起信論。）

摩利支

此云陽炎。在日前行。（見名義集。）又云。梵語摩利支。華言陽燄。以其形相。不可見，不可執。如彼陽燄也。此天常行日月之前。護國護民。救兵戈等難。大摩利支天經中。有最上心真言曰。唵。摩利支。婆縛賀。若人持此真言。無不感應。其不思議神力。誠可依憑也。（見三藏法數並天傳。）一云摩里支。一云斗姥。（見佛爾雅。）

摩伽陀

國名。此云善勝。又云無惱。西域記云。摩竭陀。舊曰摩伽陀。又曰摩竭提。皆訛也。在中印度境。文句記云。此云不害。劫初已來。無刑害故。至阿闍世截指爲刑。後自齧指痛。復息此刑。佛當生其地。故吉兆預彰。所以先許不害之名。亦名無害。文句曰。此云天羅。天羅者，王名。以王名國。城名王舍。（見名義集。參看王舍城條。）又云摩揭提。亦云默偈陀。墨偈陀。亦云天羅。華言善勝。亦云無惱。摩伽，星也。此云不惡。陀者，處也。名爲不惡處。亦云星處國。一云摩伽。此云露。陀此云處。名爲甘露處國也。有巴連弗邑。阿育王所治城。（見佛爾雅。）

摩登伽

或魔登伽。淫女名。長水云。義翻本性。楞嚴經，性比丘尼是也。（經云。如摩登伽宿爲淫女。由神咒力。銷其愛欲。法中今名性比丘尼。與羅睺母耶輸陀羅。同悟宿因。知歷世因。貪愛爲苦。一念熏修無漏善故。或得出纏。或蒙授記。見楞嚴經四。）又過去爲婆羅門女。名爲本性。今從昔號。故曰性比丘尼。孤山云。以初見性淨明體。乃立嘉名。淨覺云。名爲本性。出摩登伽經。據摩鄧女經。女之母名摩鄧耳。應法師云。摩登伽。具名阿徒多摩登祇旃陀羅。摩登祇，女之總名。阿徒多，女之別名。此女卑賤。常掃市爲業。用給衣食。（見名義集。）

摩那陀

此云醉果。（見名義集。）一云摩陀那。一云摩陀羅。亦曰末達那。（見佛爾雅。）

摩睺羅

毘曇翻爲須臾。一日一夜。共有三十須臾。僧祇云。二十羅預。名一須臾。頌云。百二十刹那。爲恒刹那量。臘縛此六十。此三十須臾。此三十晝夜。三十晝夜月。十二月爲年。於中減夜半。（見名義集。參看時分條。）

摩訶縛迦

或摩那婆。瑞應翻爲儒童。本行翻爲雲童。又云善慧。又翻年少淨行。釋迦如來在燃燈佛時。爲菩薩號

。(見名義集。參看善慧，然燈佛，三祇條。)

摩醯首羅

大論。此云大自在。正名摩訶莫醯伊濕伐羅。八臂三眼。騎白牛。普門疏云。樓炭稱為阿迦尼吒。華嚴稱為色究竟。或有人以為第六天。而諸經論多稱大自在。是色界頂。釋論云。過淨居天。有十住菩薩。號大自在。大千界主。十住經云。大自在天光明。勝一切衆生。涅槃獻供。大自在天最勝。故非第六天也。灌頂云。字威靈帝。(見名義集。)輔行記云。色界天。三目八臂。騎白牛。執白拂。有大威力。居菩薩住處。能知大千世界雨滴之數。統攝大千世界。於色界中。此天獨尊也。(見三藏法數。參看三目條。)

摩得勒伽

此云智母。以生智故。菩薩入此三昧。作論中經。儒家以析理精微名論。釋氏申通辯論宗旨。收束所說。立為十支。一略陳名數支。即百法論。(百法明門論。)二纏釋體義支。即五蘊論。(大乘五蘊論。)此二天親所造。三總包衆義支。即顯揚論。(顯揚聖教論。)四總攝大乘義支。即攝大乘論。皆無著造。五分別名數支。即雜集論。(阿毘達磨雜集論。無著造。)六離僻處中支。即辨中邊論。(彌勒所說。)七摧破邪山支。即二十唯識論。八高建法幢支。即三十唯識頌。(此二世親所造。後有護法等十大論師。作釋論。即成唯識論。)九莊嚴體義支。即大莊嚴論。(彌勒所說大乘莊嚴經論。)十攝散歸觀支。即瑜伽論。(彌勒所說分別瑜伽論。)以茲十義。疏條諸論。各有流類。斷可見矣。是以宗極絕於稱謂。賢聖以之沖默。玄旨非言不傳。釋迦以之致教。約身口，防之以律禁。明善惡。導之以契經。演幽微，辨之以法相。此即明戒定慧之三學也。(見名義集。)又云。瑜伽師地論。名一本論。合上十支論。共為十一論也。又梵語奢薩怛羅。此云論。梵語摩怛理迦。此云本母。本母能生妙慧。妙慧因論而生。故展轉翻為論也。瑜伽論云。問答決擇諸法性相。故名論。(見名義集。)

摩菟舍喃

大論此云人。法苑云。人者，忍也。於世違順。情能安忍。孔安國云。天地所生。惟人為。貴人若無善因。奚感美報。言善因者。謂五戒也。(參看五戒條。)梵語摩菟除。人之別稱。文句此云意。昔頂生王初化諸有所作。當善思惟。善憶念。即如王教。諸有所作。先思惟憶念。故名為意。又人能息意。能修道。得達分。又人名慢。五道中多慢。毘曇論云。何故人道名摩菟沙。此有八義。一聰明。二為勝。三意微細。四正覺。五智慧增一。六能別虛實

。七聖道正器。八聰明業所生故。(見名義集。)

摩訶摩耶

西城記云。唐言大術。或云大幻。晉華嚴云。摩耶夫人答善財言。我已成就大願智幻法門。得此法門故。

為盧舍那如來母。於閻浮提，迦毘羅城。淨飯王宮。從右脇生悉達太子。顯現不可思議自在神力。本行經云。爾時太子誕生。適滿七日。其太子母摩耶夫人。遂便命終。因果經云。太子姨母摩訶波闍波提。乳養太子。如母無異(見名義集。)

摩訶僧祇

詳五部律條。

摩訶袒持

止觀翻大祕要。遮惡持善。祕要祇是實相。輔行云。顯非偏小。故名爲大。一切法卽一法。故名祕。一法攝一切法。故名要。(見名義集。參看三昧條。)

摩訶迦葉

詳十大弟子條。

摩訶那鉢

詳大勢至條。

摩羅迦隸

此云碼礪。(詳七寶條。)

摩那屎羅

雄黃也。(見大悲心陀羅尼經。)

摩睺羅伽

詳天龍八部條。

摩羅伽陀

珠名。大論云。此珠金翅鳥口邊出。綠色。能辟一切毒。(見名義集。)

摩訶尼羅

大論云。此翻大青珠。(見名義集。)

摩訶拘絺羅

大論云。秦言大膝。摩陀羅次生一子。膝骨麤大。故名拘絺羅。舍利弗舅。與姊舍利。論義不如。俱

絺羅思惟念言。非姊力也。必懷智人。寄言母口。未生乃爾。及生長大。當如之何。故出家作梵志。入南天竺。誓不翦爪。讀十八種經。(見名義集。)

摩訶波闍波提

此云大生主。又云大愛道。亦云橋曇彌。此翻衆主。西城記云。鉢邏闍鉢底。唐言生主。舊云波闍波提者。訛也。(見名義集。)

橋曇彌。我先總說一切聲聞。皆已授記。今汝欲知記者。將來之世。當於六萬八千億諸佛法中爲大法師。及六千學無學比丘尼俱爲法師。汝如是漸漸具菩薩道。當得作佛。號一切衆生喜見如來。（見法華經持品第十三。）

摩訶般涅槃那（詳涅槃條。）

橋尸迦 其一。阿彌陀佛姓也。父名月上。母名殊勝妙顏。出陀羅尼集。（見頓悟入道要門論下。）鼓音王經。阿彌陀佛。父名月上轉輪聖王。其母名殊勝妙顏。子名月明。其二。橋尸迦。亦云帝釋。卽釋提桓因。言帝釋者。華梵雙舉也。（見維摩經。）

橋陳那

詳阿若橋陳如條。

橋曇彌

詳摩訶波闍提條。

橋梵鉢提

詳牛伺條。

輪迴

謂衆生無始以來。旋轉於六道之生死。如車輪之轉而無窮也。經云。一切世界。始終生滅。前後有無。聚散起

止。念念相續。循環往復。種種取捨。皆是輪迴。（見圓覺經。）又云。以諸欲因緣。墜墮三惡道。輪迴六趣中。備受

諸苦毒。（見法華經。）又云。有情輪迴生六道。猶如車輪無始終。（見心地觀經。）又云。三界衆生。輪迴六趣。如旋

火輪。（見觀佛三昧經。）又云。本一真空之性。元無生滅。清淨湛明。體周法界。具恆沙之功德。妙色圓融。現無邊

之神化。只因一念之迷。變真明爲妄明。變真空爲頑空。妙色爲假色。真明者。真智也。妄明者。無明也。真空者。

真理也。頑空者。虛空也。妙色者。色色互徧之妙境也。假色者。虛幻器界之六塵也。良由本真之體。一念不覺。真

智而起無明。無明滯於頑空。而起妄想。妄想既動。故感風輪飄颻空界。心動不息。情愛轉潤。故風持水輪含十方界

。唯癡與愛。妄想轉堅。卽有金輪保持國土。惡想重濁者。凝大地於金輪之上。三途頓生矣。善想輕清者。升淨身於

清虛之中。天界齊現矣。是故造十惡則滯四趣。修十善則升欲天。兼修於定。爲欲天空居。若明根本禪定。則生四禪

諸天。離欲清淨。復滅色籠而入空定。則往無色界次第而生四空之天。（參看二十八天條。）如是三界諸天。樂雖無窮

。未免下墜。以所修十善及諸禪定。皆屬有漏。（參看無漏條。）故欲天福盡。五衰相現。（參看五衰條。）色天壽滿。

生大苦惱。(參看壽量條。)無色命終。如箭入體。是則三界六道。俱受輪迴生死大苦。猶如火宅。如是輪迴。一皆癡妄爲因。若離癡妄。則知三界如幻。六道本空。當體卽證真如。舉三界莫非妙嚴之土。舉頑空無非真如之性。全妄明莫非真如之智。理智旣妙。無礙融通。則何生死之有哉。(見二誅合解。)

輪相 詳窣堵波條。

輪圍 輪圍者。金剛輪圍山也。華嚴經云。金剛圍山數無量。悉能安置一毛端。是也。又云斫迦羅山王者。(梵語斫迦羅。華言輪圍。)謂此山金剛輪圍。純寶所成。諸自在仙。咸在其中。以喻不動地菩薩。無功用道。得心自在。化菩薩衆。如斫迦羅山王也。(見三藏法數。參看斫迦羅條。)

羯磨 南山引明了論疏。翻爲業也。所作是業。亦翻所作。百論云。事也。若以義求。翻爲辦事。謂施造遂法。必有成濟之功焉。天台禪門。翻爲作法。一切羯磨。須具四法。一法。二事。三人。四界。第一法者。羯磨三種。一心念法。發心念境。口自傳情。非謂不言。而辦前事。二對首法。謂各共面對。同乘法也。三衆法。四人已上。乘於羯磨。以三羯磨通前單白。故云白四。律云。若作羯磨。不如白法作白。不如羯磨法作羯磨。如是漸漸令戒毀壞。以滅正法。隨順文句。勿令增減。僧祇云。非羯磨地。不得行僧事。(見名義集。)羯磨有二。一治罪。謂比丘有犯戒者。大乘作法治定其罪。名治罪羯磨。二成善。謂比丘有犯戒罪。許容對衆首露。其罪得滅。成就善根。名成善羯磨。(見四分律。)又云。一永擯羯磨。謂佛在世時。若比丘犯罪。不自見過。其性剛強。永無改悔。卽作法白衆。隨卽擯黜。盡此一身。不復再同僧事。二調伏羯磨。謂比丘犯法。未曾懺悔。凡飲食坐起語言一切僧事。皆不得與衆共。而使其心調停折伏。自能知過改悔。求僧懺罪。不復更作。(見毘尼母論。並見三藏法數。)

羯布羅 詳龍腦香條。

羯邏藍 詳歌羅邏條。

賢首 其一。梵語颺陀羅。大論翻云善守。思益經云。若衆生聞名者。畢竟得三菩提。故名善守。孤山云賢守。自守護賢德。復守護衆生。或云賢首。以位居等覺。爲衆賢之首。亦名跋陀和。此云賢護。妙樂云。善卽賢也。王城在家

菩薩。(見名義集。)其二。賢首國師。唐則天時。於王宮講華嚴經。感五雲凝空。四華垂地。因以賜賢首之號。(參看五教，十宗條。)

賢劫 賢劫者。謂此劫中多賢人也。(參看莊嚴劫條。)

賢守 梵語跋陀婆羅。華言賢守。亦翻賢護。經云。跋陀婆羅，并其同伴十六開士。頂禮佛足。而白佛言。我等先於威音王佛。聞法出家。於浴僧時。隨例入室。忽悟水因。既不洗塵。亦不洗體。中間安然。得無所有。宿習無忘。乃至今時。從佛出家。令得無學。彼佛名我跋陀婆羅。妙觸宣明。成佛子住。佛問圓通。如我所證。觸因爲上。(見楞嚴經五。參看圓通條。)

賢豆 詳印度條。

調達 詳提婆達多條。

調伏 梵語卑尼。圓覺鈔云。此云調伏。謂調練三業。制伏過非。調練通於止作。制伏唯明止惡。所銓之行。彰名調伏之藏。(見名義集。參看三藏條。)菩薩善戒經。明六種調伏。一性調伏。謂菩薩宿有善根種性。故能修習善法。調伏身心諸煩惱障。由是得證菩提。是名性調伏。二衆生調伏。謂菩薩善能調伏一切衆生。若有聲聞性者。令得聲聞道。有緣覺性者。令得緣覺道。乃至有人天性者。令得人天樂。是名衆生調伏。三行調伏。謂菩薩以萬行調伏諸煩惱障。而能具足佛道。復爲衆生故。修習苦行。心無悔恨。是名行調伏。四方便調伏。謂菩薩以種種方便。調伏衆生。如初發心者。教持禁戒。脫離生死。已發心者。教令親近善友。受持經法。是名方便調伏。五熟調伏。謂菩薩爲諸衆生無善根者。說人天樂。令其發菩提心。有善根者。說出世法。令其增長。成熟善果。是名熟調伏。六熟調伏印。印卽法印。以法自印其心也。印有三種。一謂菩薩專念菩提。其心柔軟。未能清淨。名下熟調伏印。二謂菩薩雖得清淨。未能具足最大寂靜。名中熟調伏印。三謂菩薩修行多劫。具足清淨。獲大寂靜。道品圓滿。名上熟調伏印也。(見三藏法數。)

調直定 詳三昧條。

調御丈夫

梵語富樓沙曇藐婆羅提。秦云可化丈夫調御師。大論云。佛以大慈大智故。有時軟美語。有時苦切語。有時雜語。令不失道。若言佛爲女人調御師。爲不尊重。若說丈夫。一切都攝。(見名義集。)又云。佛具折攝二門。調理控御一切衆生故。故名調御丈夫。(見名義集選。參看十號條。)

緣覺

詳四聖條。(參看辟支條。)

緣慮心

梵語質多耶。或名質帝。或名波茶。此方翻心。黃庭經五藏論。目之爲神。西域外道計之爲我。此土佛教翻緣慮心。此通八識。謂眼綠色。乃至第八緣根身。種子。器世間。故云集起以解心。第八獨名心。緣慮以解心。(緣謂緣持。慮卽思慮)八識總名心。然此緣慮。亦名慮知。宗鏡云。無幽不顯。有法皆知。察密防微。窮今洞古。故謂之靈臺。司馬彪云。心爲神靈之臺。莊子云。萬惡不可內於靈臺。入楞伽云。藏識說名心。思量性名意。能了諸境相。是故名爲識。(參看心意識條。見名義集。)

緣因佛性

詳三因佛性條。

緣熏習鏡

詳四鏡條。

廣目

詳四天王條。

廣解

梵語毘婆沙。此云廣解。正云鼻婆沙。此云種種說。又云分分說。總有三義。廣說，勝說，異說。(見名義集。)

廣果天

詳二十八天條。

廣博嚴淨

詳毘耶離條。

廣長舌相

梵語舐若時吃縛。此云能嘗。卽舌也。瑜伽云。能除飢渴羸瘦。數發言論。表彰呼召。故名爲舌。(見名義集。)廣長舌相者。謂舌廣而長。柔軟紅薄。能覆面而至於髮際也。(見法界次第。)經云。如是等恒河沙數諸佛。各於其國。出廣長舌相。徧覆三千大千世界。說誠實言。汝等衆生。當信是稱讚不可思議功德。(見阿彌陀經。)又云。以不妄語故。出廣長舌。能覆於面。覆瞻部洲。及四天下。能覆一千二千三千世界。普覆十方世界。圓滿徧徧。

不可思議。能除一切煩惱炎熱。敬禮一切諸佛。（見金光明經辯才天女品。）又云。常人三世不妄語。舌能至鼻。藏頭果佛。三大僧祇劫不妄語。舌薄廣長可覆面。（見彌陀要解。）

樓炭 經名。此翻成敗。（見名義集。）

樓至 佛名。此翻啼泣。又名盧遮。亦名魯支。此翻愛樂。（見名義集。參看千佛，莊嚴劫條。）

樓夷[巨羅] 詳世自在王條。

數珠 梵語鉢塞莫。或阿唎叱迦。二合。此云數珠。木槌子經云。當貫木槌子一百八箇。常自隨身。志心稱南無佛陀。

。南無達摩。南無僧伽。（參看三寶條。）乃過一子。具如彼經。（見名義集。）又謂之阿嚧陀囉阿叉子。亦謂之阿叉摩

羅。（見佛爾雅。）

數量 詳度量衡條。

數論 詳僧佉論條。

數術 數術者。咒禁算藝。調養方法之類。是也。（參看僧佉論條。）

數取趣 詳補特伽羅條。

數息門 詳六妙門條。

實性 又名實相。證道歌註。實相卽一切衆生本有靈覺之心也。此心自無量劫來。至於今日。本自清淨。本自圓滿。

本自具足。本自靈妙。廓若太虛。明如皎月。與他三世諸佛同體無異。六祖云。學道之人。一切善念惡念。應當盡除

。無名可名。名於自性。無二之性。是名實性。於實性上建立一切教門。言下便須自見。（見壇經箋註。）

實時 詳迦羅條。

實報土 亦名果報土。（詳極樂四土條。）

實相印 梵語優檀那。此云印。亦翻宗印。實相者。謂真實之理。無二無別。離諸虛妄之相。印者，信也。如世之公

文。得印可信。蓋如來所說諸大乘經。皆以實相之理印定其說。外道不能雜。天魔不能破。若有實相印。卽是佛說。

若無實相印。卽是魔說。經云。世尊說實道。波旬無此事。是也。(見名義集。三藏法數。)

實相禮 詳七種禮拜條。

實相般若 詳三般若條。

實相念佛 詳四種念佛條。

實智菩提 詳菩提條。

實叉難陀

唐言學喜。于闐國人。智度弘曠。利物爲心。善大小乘，兼異學論。天后明揚拂日。敬重大乘。以華嚴

舊經。處會未備。遠聞于闐有斯梵本。發使迎請。實叉與經同來。赴洛重譯。(見名義集。)華嚴經前後凡二譯。一

晉義熙十四年。北天竺僧佛度跋陀羅。於揚州謝司空寺譯。梵本。爲三萬六千偈。成六十卷。一唐證聖元年。于闐國

僧實叉難陀。於東都佛授記寺再譯舊文。兼補諸闕。增益九千偈。共前四萬五千偈。成八十卷。佛度跋陀羅譯經之時

。感龍王遣二青衣童子。每日從池而出。以給瓶硯之水。實叉難陀譯經之時。感天降甘露。徵應良多。備載傳記也。

(見三藏法數。)

增長 其一。王名。(詳四天王條。)其二。齋法。(詳日中佛食條。)其三。珠名。(詳摩尼條。)(分見名義集

。)

增增 詳四百四病條。

增劫 詳一小劫條。

增上慢 詳七慢條。

增上果 詳五果條。

增上緣 詳四緣條。

增一阿舍 詳四阿舍條。

增數譬喻 詳譬喻條。

質多耶 詳緣慮心條。

質礙究竟 詳阿迦尼吒條。

頰鞞 詳阿若憍陳如條。

頰部曇 詳胎中五位條。

頰部陀 詳地獄條。

頰浮陀 詳地獄條。

遮戒 詳五戒條。

遮持 詳陀羅尼條。

遮罪 圓覺經界疏鈔。明二罪。一性罪。即殺，盜，淫，妄，四種重戒。不待佛制。性自是惡。故犯之則有罪報也。

二遮罪。即酒戒也。謂佛制此酒戒。意為遮止無犯。守護餘戒。使不故犯。如有犯者。則獲遮制之罪也。（見三藏法數。參看五戒條。）又梵網經明七遮罪。（詳七遮罪條。）

遮詮 宗鏡錄明二詮。一遮詮。二表詮。遮即止其所非。詮即能詮名字。謂如諸經所說真如妙性。每云不生不滅。不

垢不淨。無因無果。無相無為。非凡非聖。非性非相等。皆是遣非蕩跡。絕相祛情。是名遮詮。表即顯其所是。謂如諸經所說知見覺照。靈鑒光明。朗朗昭昭。堂堂寂寂等。是名表詮。（見三藏法數。）

遮文荼 舊云嫉妒女。又曰怒神。即役使鬼也。（見名義集。）

遮梨夜 詳四十二字條。

遮羅地 詳四十二字條。

震旦 或曰真丹。或云旃丹。琳法師云。東方屬震。是日出之方。故云震旦。華嚴音義翻為漢地。此不善華言。樓炭

經云。葱何以東。名為震旦。以日初出。耀於東隅，故得名也。（見名義集。）

震越 此云衣服。（詳衣服條。）

震動 詳六種震動條。

論藏 詳三藏條。

論義 詳十二部經條。

論師 論師者。以其闡揚論義。故稱論師。一阿濕縛窣沙論師。（詳馬鳴條。）二那伽曷樹那論師。（詳龍樹條。）

三提婆論師。（詳提婆條。）四鳩摩羅邏多論師。（詳童受條。）五室利邏多論師。西域記云。唐言勝受。起信論疏

。明五日論師。以此論主。照北印度。（見名義集。）又外道有數論師。計冥諦生。（詳二十五諦條。）衛世師。計

六句生。（詳衛世師條。）闍陀論師。計那羅延天生四姓。（詳印度四姓條。）安茶論師。計本際生。（詳安茶論師

條。）方論師。計方生人，人生天地。口力論師。計虛空為萬物因。宿作論師。計苦樂隨業。無因論師。計自然生也

。（見三藏法數。）

樂顛倒 詳四顛倒條。

樂變化天 詳二十八天條。

樂勝圓光 詳藍毘尼條。

樂說無礙智 詳四無礙智條。

瞋使 詳十使條。

瞋毒 詳三毒條。

瞋恚 梵語提鞞沙。此云瞋恚。怨恨也。禪門明三種瞋。一非理瞋。他不來惱。而自生瞋。二順理瞋。外人來惱。爾

乃生瞋。亦如淨土有正三毒。三諍訟瞋。著己之法謂是。在他之法言非。由茲不順。而生惱覺。（見名義集。）瞋恚

者。謂於違情之境。不順己意。心生忿怒也。（參看十惡條。）

瞋習因 詳十習條。

瞋隨眠 詳隨眠條。

影堅 詳瓶沙王條。

熱病 詳九病條。

熱際時 詳時分條。

隣虛五塵 塵即色塵。謂眼耳鼻舌身五種勝義根。(參看勝義根條。)及色聲香味觸等法。乃至禪定中所發之色。

識心緣想過去未來之境。皆是塵也。以此色塵。微細難見。不可分析。隣於虛空。故名隣虛。然於此極微之中。又有五種不同。非人天之眼能見。乃慧眼等所見之色也。一極微細。謂此色塵。分析至於至微至細之極也。二色邊際。謂此色塵。分析至於微細色相之際也。三極略色。謂此細色。略之至極。無可與比也。四無方分。謂極微之色。無有影像。不礙方分也。五隣虛。謂諸識色及定中色。無障無礙。似於虛空，而實非虛空。故名隣虛也。出決定藏論。(見三藏法數。)

碼碯 詳七寶條。

麩蜜 詳但鉢羅條。

幢旛 梵語脫闍。資中翻幢。梵語刺瑟胝。此云杆。即旛柱也。長阿含云。若沙門於此法中。勤苦得一法者。便當豎旛以告四遠。今有少欲人。輔行云。西域以柱表刹。示所居處也。法華云。表刹甚高廣。此由塔婆高顯。大為金地標表。故以聚相。長表金刹。(參看窣堵波條。)法苑云。阿育王取金華金旛。懸諸刹上。塔寺低昂。瓔珞云土名。賢聖所居之處。(見名義集。)

犛牛 經云。佛言我以佛眼觀。見六道衆生。貧窮無福慧。入生死險道。相續苦不斷。深著於五欲。如犛牛愛尾。以貪愛自蔽。盲冥無所見。(見法華經方便品。)犛，音毛。犛牛，黑色。背有長毛，尾粗大。毛尤長。頗自愛護。人取尾毛，以為冠纓。(見壇經箋註。)

憂那陀 詳丹田條。

憂畢叉 詳止觀條。

憂婆提舍 其一。大論云。憂婆，秦言豕。提舍，星名。卽舍利弗父字也。（見名義集。）其二。優婆。或云鄔波

僧訶。豕也。又梵語臥處踰伽。猪也。（見佛爾雅。）

憂婆迦嚙茶 詳共命鳥條。

慧眼 詳五眼條。

慧命 慧命者。以智慧爲命也。（見三藏法數。）疏鈔云。言慧命者。達佛智海。入深法門。悟慧無生覺本源之命。

故曰慧命。陳雄曰。慧以德言。命以壽言。卽長老之異名也。顏丙曰。慧命者。具智慧性也。故曰天命之謂性。（見

金剛經集註。）

慧根 詳五根條。

慧解脫 詳解脫條。

慧遠大師 晉慧遠。雁門人。少時博覽經史。尤通莊老。因往太行山。聽道安法師講般若經。豁然開悟。乃曰。九

流異議。乃糠粕耳。因剃染事之。太元六年。過潯陽。見廬山間曠。可以息心。遂感山神現夢。一夕雷雨。材木自至

。刺史桓伊。乃爲建殿。名曰神運。以慧永先住西林。故號所居爲東林。建念佛社。三十年不入塵俗。專志西方。製

六時蓮漏。念誦不輟。高僧鉅儒。預社者有慧永劉遺民等共一百二十三人。結爲蓮社。以修淨土。謂他日託生蓮華中

也。遠澄心觀想。初十一年。三觀聖相。而遠沈厚不言。後十九年。七月晦夕。於般若臺。方從定起。見阿彌陀佛。

身滿虛空。圓光之中。有諸化佛。觀音勢至。侍立左右。又見水流光明。分十四支。洄注上下。演說妙法。如十六觀

經所說。佛告遠曰。吾以本願力故。來安慰汝。汝七日後。當生我國。又見佛馱耶舍，慧持，慧永，劉遺民輩。已往

生者。皆在佛側。向前揖遠曰。法師之志在吾先。何來之遲也。遠目見分明。乃與其徒言之。且曰。始吾居此十一年

。三觀聖相。今復見之。吾生淨土決矣。至期。端坐而逝。時義熙十二年八月初六日也。卒年八十二。（見龍舒淨土

文，西歸直指。）

蔑戾車 詳彌戾車條。

十六畫

閻羅 詳琰摩條。

閻浮提 詳四大部洲條。

閻浮檀金 詳四大部洲條。

閻浮檀金河 具云染部捺陀金河。河因樹立稱。樹因河得名。(見佛爾雅。)又云。阿特多伐底河。西域記云。唐言

無勝。舊曰。阿利羅跋提河。訛也。典言，呬(許梨切)刺(力葛切)擊伐底河。譯曰有金河。是產閻浮金處。(見名義集。)或云此二河即希連河。維迦羅衛國。東行十二由旬。到拘夷那竭城。城北雙樹間。世尊於此北首。而般沆洹。

(見佛爾雅。)梁宗法師云。佛來此河邊。入滅有意。河流奔注。若生死過速。金沙不動。喻佛性常住。又因地在此捨身。故今至彼入滅。章安云。相傳熙連。祇是跋提。今言不爾。跋提大。熙連小。或言廣四丈。或八丈。在城北。跋提量在城南。相去百里。佛居其間。熙連禪尼。此云不樂着河。(見名義集。)或云尼連禪那。尼，譯不。連禪那，譯樂着。又尼連河。佛擲鉢處也。(見佛爾雅，參看乳糜條。)度一切諸佛境界經。佛言四流。欲流，有流，見流，無明流。涅槃經說六河。謂生死河，涅槃河，煩惱河，佛性河，善法河，惡法河。(見名義集。)

廬舍那 經云。我今廬舍那。方坐蓮華臺。周匝千華上。復現千釋迦。一華百億國。一國一釋迦。(見梵網經。)賢首梵網經疏云。梵本廬舍那。此云光明徧照。照有二義。一內以智光照真法界。此約自受用義。二外以身光照應大機。

此約他受用義。淨覺雜編云。寶梁經翻爲淨滿。以諸惡都盡。故云淨。衆德悉圓，故云滿。此多從自受用報得名。或翻光明徧照。此多從他受用報爲目。若論色心皆得淨滿。身智俱有光明。則二名並通自他受用也。唯識論十。二受用身。此有二種。一自受用。謂諸如來三無數劫。修習無量福德資糧。所起無邊真實功德。又極圓淨。常徧自身。相續湛然。盡未來際。恆自受用廣大法樂。二他受用。謂諸如來由平等智。示現微妙淨功德身。居純淨土。爲住十地諸菩薩衆。現大神通。轉正法輪。決衆疑網。令彼受用大乘法樂。合此二種。名受用身。(亦名報身。)摩訶衍云。所言報

身者。具勝妙因。受極樂果。自然自在。決定安樂。遠離苦相。故名爲報。(見名義集。參看三身條。)

獨覺 詳辟支條。

獨影境 詳識緣三境條。

獨菩薩法 詳四教條。

頭陀 新云杜多。此云抖擻。亦云修治。亦云洮汰。垂裕記云。抖擻煩惱故也。善住意天子經云。頭陀者。抖擻貪欲。與悲愚癡。三界內外六入。若不取不捨。不修不著。我說彼人。名爲杜多。今訛稱頭陀。(見名義集。參看十二頭陀條。)

曇無德 亦名曇摩毘多。此翻法密。隱覆卽密義。又翻法藏。大集經云。我涅槃後。我諸弟子。受持如來十二部經。書寫讀誦。顛倒宣說。以倒說故。隱覆法藏。人名曇摩毘多。法名四分。(見名義集。)四分者。卽闍分律也。一比丘法。二比丘尼法。三受戒法。四滅諍法。(見三藏法數。)

曇摩讖 曇無讖。此云法豐。中印度人。日誦萬言。初學小乘五明諸論。後遇白頭禪師。教以大乘。十日交諍。方悟大旨。識明解咒術。所向皆驗。西域號爲大神咒師。以北涼祖渠玄始元年。至姑臧。齋涅槃經前分十卷。并菩薩戒。止於傳舍。慮失經本。枕之而臥。夜有神人。牽讖墜地。讖謂爲盜。如是三夕。乃聞空中聲曰。此是如來解脫之藏。何爲枕之。讖聞漸悟。乃安高處。盜者夜捉。提舉不能。明旦讖持。不以爲重。盜謂聖人。悉來拜謝。避開讖名。厚遇請譯。(見名義集。)

曇摩迦 詳法藏條。

衛世師 正云韓憲。此云無勝。優樓僧佉。計六徧造。但眼根火多。乃至身根風多。文見金七十論。輔行云。優樓僧佉。此云休留仙。其人晝藏山谷。以造經書。夜則遊行。說法教化。猶如彼鳥。故得此名。亦名服足。其在佛前八百年出世。亦得五通。說論十萬偈。名衛世師。(見名義集。)又云。衛世師計六句生。其人在佛前八百年出世。時人以其晝避聲色。匿跡山藪。夜絕視聽。方行乞食。有似鶴鷗鳥。故名鶴鷗仙人。及獲五通。遂說論十萬偈。謂證菩提。

。便欣入滅。六句生者。一者實。謂諸法體實。爲德業所依。二者德。卽道德也。三者業。卽作用也。四者大有。謂實德業同一有也。五者同異。謂如地望地是同。望水卽異。水火風等亦然。六者和合。謂諸法和合。如鳥飛空。忽至衛枝。住而不去。法亦如是由和合故。令有住也。（見三藏法數。）

儒童

詳摩納縛迦條。

儒流

班固漢書明九流。一儒流。順陰陽。陳教化。述唐虞之政。宗仲尼之道焉。二道流。守弱自卑。陳堯舜揖讓之德。奉周易之謙恭也。三陰陽流。順天歷象。敬受民時矣。四法流。明賞勅法。以順禮制耳。五名流。正名列位。言順事成矣。六墨流。清廟宗祀。養老施惠也。七縱橫流。謂受明使。專對權事焉。八雜流。兼儒墨之銓。含名法之訓。知國大體。事無不貫矣。九農流。勸勵耕桑。備陳食貨耳（時人有王戟髯補訂三字經。明九流者。其言曰。首儒家。孟荀楊。次法家。申韓商。道家流。老與莊。兼愛說。墨翟倡。蘇張輩。尙縱橫。公孫龍。名學彰。雜家書。兼衆長。呂覽賡。淮南詳。兩鄒子。明陰陽。汜勝書。課農桑。今遺書。多佚亡。錄之以供參考。）尙書序云。伏羲神農黃帝之書。謂之三墳。言大道也。少昊顓頊高辛唐虞之書。謂之五典。言常道也。世歷明三古。伏羲爲上古。文王爲中古。孔子爲下古。司馬遷史記辨六宗。一陰陽。使人拘而多所畏。然其序四時之大順。不可失也。二儒者。博而寡要。勞而少功。是以其事難盡從。然其序君臣父子之禮。不可易也。三墨者。儉而難遵。是以其事不可徧循。然其強本節用。不可廢也。四名者。使人儉而善失真。然其正名實。不可不察也。五法者。嚴而少恩。然其君臣上下之分。不可改矣。六道德者。使人精神專一。動合無形。其爲術也。明陰陽之大順。采儒墨之善要。與時遷移。應物變化。立俗施事。無所不宜。指約而易操。事少而功多。彌天云。史遷六氏。道家爲光。班固九流。儒宗爲上。（見名義集。）

儒釋道三教

詳路伽耶條。又法雲大師云。儒宗名教者。元命包云。教之爲言傲也。上行之。下傲之。此以下所法

傲名教。道家名教者。老子云。處無爲之事。行不言之教。此寄教名而顯無爲。釋氏名教者。四教義云。說能詮理。化轉物心。化轉有三義。一轉惡爲善。二轉迷成解。三轉凡成聖。所言詮理者。藏通二教詮真諦理。別圓二教。詮中道理。（參看四教條。）良以如來依理而立言。遂令羣生修行而證理。嵩輔教編。罔究名義。立二種教。一曰世教。二

曰出世教。指人天乘名曰世教。斯忒胸臆而戾祖教。故佛聖教是出世法。不可妄立世教之名。（見名義集。）

頻婆 其一。果名。此云相思果。色丹且潤。（見名義集。）亦云頻螺。亦云避邏。亦云毗羅婆。佛唇紅潤似之。（見爾雅。）其二。數量名。（詳阿僧祇條。）

頻婆帳 此云身影。（詳六喻條。）

頻婆娑羅 詳瓶沙王條。

頻那夜迦 舊云。頻那是豬頭。夜迦是象鼻。此二使者。（見名義集。）

踰繕那 此云限量。又云合應。（計應合爾許度量。）業疏云。此無正翻。乃是輪王巡狩一停之舍。猶如此方館驛。西域記云。夫數量之稱踰繕那者。舊曰由旬。（參看由旬條。）又曰踰闍那。又曰由延。皆訛略也。踰繕那者。自古聖王

一日軍。行舊傳一踰繕那四十里。印度國俗乃三十里。聖教所載唯十六里。大論云。由旬三別。大者八十里。中者六十里。下者四十里。謂中邊山川不同。致行里不等。窮微之數。分一踰繕那爲八拘盧舍。（參看拘盧舍條。）分一拘盧舍爲五百弓。分一弓爲四肘。（參看一肘條）分一肘爲二十四指。分一指節爲七宿麥。乃至虱蟻隙塵。牛毛羊毛兔毫同水。次第七分以至細塵。細塵七分爲極細塵。極細塵者。不可復析。析卽歸空。故曰極微也。俱舍頌曰。極微微至水。兔羊毛隙塵。蟻虱麥指節。後後增七倍。二十四指肘。四肘爲弓量。五百拘盧舍。此八踰繕那。（見名義集。）

隨眠

煩惱妄感，依附不捨曰隨。五情暗冥曰眠。以無明種子，潛伏藏識。而能生起一切煩惱結業。故名隨眠。阿毘

達磨毘婆沙論。明七隨眠。亦名七使。一貪隨眠。貪者。引取無厭。謂此貪欲之感。潛伏藏識。隨附不捨而爲種子。能生一切貪染之欲。二瞋隨眠。瞋者。忿怒不息也。謂此瞋恚之感。潛伏藏識。隨附不捨而爲種子。能起一切羸重忿怒。三愛隨眠。愛者。於順情境上。愛著不捨也。謂此愛惑種子。潛伏藏識。隨附不捨。能生三界羸重愛欲。四慢隨眠。慢者。恃已凌他也。謂慢惑種子。潛伏藏識。隨附不捨。能生種種羸重驕慢。五無明隨眠。無明者。無所明了也。謂此無明種子。潛伏藏識。隨附不捨。能生種種羸重煩惱。六見隨眠。見者。分別執取也。謂此分別妄惑種子。潛伏藏識。隨附不捨。能生三界種種妄見。七疑隨眠。疑者。猶豫不決也。謂此疑惑種子。潛伏藏識。隨附不捨。能生

三界羸重疑惑。又名七使者。使猶驅使也。由此妄惑，驅使心神，流轉三界故也。又阿毘曇論，明十二隨眠。一欲貪。二瞋恚。三色貪。四無色貪。五無明。六身見。七邊見。八邪見。九見取。十戒取。十一慢。十二疑。（見三藏法數。參看三毒，十使條。）顯宗論云。相續中眠。故名隨眠。卽順流者身中安住。增昏滯義。或隨勝者相續中眠。卽是趣入如實解位。爲昏迷義。或有獄中長時隨逐。覆有情類。故名隨眠。又踰伽云。煩惱羸重。隨附依身。說名隨眠。能爲種子牛起一切煩惱故也。（見名義集。）

隨意 詳自恣條。

隨喜 詳五悔條。

隨鉢器 梵語俱夜羅。此云隨鉢器。法寶解云。卽匙筋鍵鎔等。梵語鍵鎔。母論譯爲淺鐵鉢。經音疏云。鉢中之小鉢。今呼爲鎖子。十誦律云。鉢半大鍵鎔。小鍵鎔。四分律云。鍵鎔入小鉢。小鉢入次鉢。次鉢入大鉢。或作鍵茨，建鎔。並梵音輕重。（見名義集。）

隨坐衣 詳尼師壇條。

隨喜品 詳五品位條。

隨分覺 詳覺義條。

隨息門 詳六妙門條。

隨煩惱 詳三隨煩惱條。

隨類生 地持經菩薩有五種生。一息苦生。謂菩薩以願力自在力。於饑饉世。受大魚等身。以肉救濟一切衆生。於疾病世。爲大醫王。救治衆生。於刀兵世。爲大力主。以善方便誠信之言。等心救濟。息於戰諍。於繫縛鞭打逼迫之處。爲息惱故。生於王家。以正法化邪見衆生。於外道奉事天神，造諸惡行之家。亦生彼處。斷彼邪見及諸惡行。如是無量生處。悉皆往生。是名息苦生。二隨類生。謂菩薩以願力自在力。於種種衆生天龍鬼神阿修羅等。及諸外道邪見惡行等類。菩薩悉生其中。爲其導首。引令入正。及以善法廣爲宣說。是名隨類生。三勝生。謂菩薩示現受生。於壽

命色心果報，勝過一切天人。是名勝生。四增上生。謂菩薩從淨心住乃至最上菩薩住。在所受生而獨殊勝。於閻浮提自在受生。乃至大自在究竟地一切受生處。於中最為奇特。是名增上生。（淨心住。即十地中第七地。此地菩薩。離諸惑業。故名淨心。最上菩薩住。即第十法雲地。居九地之上。故名最上。）五最後生。謂最上菩薩住受生時。求證菩提。萬行滿足。生刹利婆羅門家。得阿耨多羅三藐三菩提。作一切佛事。是名最後生。（見三藏法數。）

隨樂佛

華嚴經明十種佛。一成正覺佛。謂佛於菩提樹下。降伏諸魔。朗然大悟。證無上果。是名成正覺佛。二願佛

。謂佛從兜率天，下生人間。說法度生。酬宿因願。是名願佛。三業報佛。謂佛修萬行清淨業因。感相好莊嚴果報。是名業報佛。四住持佛。謂佛真身及於舍利。住持世間。永久不壞。是名住持佛。五涅槃佛。謂佛應身。化事既終。示現滅度。是名涅槃佛。六法界佛。謂佛證一真法界無漏之體。有大智慧。放大光明。徧照一切。是名法界佛。七心佛。謂佛心體離念。虛徹靈通。本來真覺。寂然獨照。是名心佛。八三昧佛。謂佛常住大定。如如不動。了知一切。是名三昧佛。九本性佛。謂佛具大智慧。照了自性本來是佛。具足恆沙性妙功德。是名本性佛。十隨樂佛。謂佛隨機樂欲。如意疾速。即為現身說法。令其行業成就。是名隨樂佛。（見三藏法數。）

餓鬼

梵語薩荔多。應法師云。正言閉麗多。此云祖父鬼。或言餓鬼。餓鬼劣者。孔雀經作俾禮多。（見名義集。）或

言鉢里哆。（見佛爾雅。）梵語毗舍闍。臂奢柘。餓鬼中勝者也。富單那。富多那。富恆羅。臭餓鬼也。迦吒富單那。奇臭餓鬼也。（見佛爾雅。）梵語闍黎哆。此云祖父。文句云。衆生最初生彼道。名祖父。後生者亦名祖父。妙樂云。亦是後生者之祖父也。（見名義集。）言餓鬼道者。梵語闍黎哆。此道亦徧諸趣。有福德者。作山林塚廟神。無福德者。居不淨處。不得飲食。常受鞭打。填河塞海。受苦無量。諂誑心意。作下品五逆十惡。感此道身。（見四教儀。參看鬼神，六道條。）

錫杖

梵語刺竭節。此云杖。梵語隙棄羅。此云錫杖。由振時作錫錫聲故。十誦名聲杖。錫杖經又名智杖。亦名德杖

。彰智行功德故。聖人之標幟。賢士之明記。道法之幢。根本雜事云。比丘乞食。深入長者之家。遂招譏謗。比丘白佛。佛云可作聲警覺。彼即呵呵作聲喧鬧。復招譏毀。佛制不聽。遂拳打門。家人怪問。何故打破我門。默爾無對。

佛言應作錫杖。莖莠不解。佛言。杖頭安鑲。圓如醜（仄限切）口。安小鑲子。搖動作聲。而爲警覺。動可一二。無人聞時。卽須行去。五百問。論持錫有多事。能警惡虫毒獸等。義淨云。錫杖都有三分。上分是錫。中木。下牙或角也。若二股六鑲。是迦葉佛製。若四股十二鑲。是釋迦佛製。齊禰禪師。在懷王屜山。聞虎鬪。以錫杖解之。因成頌云。本自不求名。剛被名求我。巖前解二虎。障却第三果。又鄧隱峯飛錫空中。解於二陣。（見名義集。）又錫杖經。佛告比丘。汝等應受持錫杖。所以者何。過去未來現在諸佛皆執故。又曰智杖。又名德杖。彰顯智行功德本故。聖人之表幟。賢士之明記。道法之幢。迦葉白佛。何名錫杖。佛言。錫者。輕也。倚依是杖。除煩惱。出三界故。錫。明也。得智明故。錫。醒也。醒悟空結使故。錫。疏也。謂持者與五欲疏斷故。（見壇經箋註。）

璫璃 詳七寶條。應法云。或加吠字。或加毘字。或言毘頭梨。從山爲名。乃遠山寶也。遠山。卽須彌山也。此寶

青色。一切寶皆不可壞。亦非煙燄所能鎔鑄。唯鬼神有通力者能破壞。又言金翅鳥卵殼。鬼神得之。出賣與人。或名紺琉璃。釋名云。紺。含也。青而含赤色也。古字但作流離。左太冲吳都賦云。致流離與珂珉。皆寶名。後人方加其玉。（見名義集。）

興渠 訛也。應法師云。此云少。正云興宜。出烏荼娑他那國。彼人常所食也。此方相傳爲芸臺者。非也。此是樹汁。似桃膠。西國取之。以置食中。今阿魏是也。慈愍三藏云。根如蘿蔔。出土辛臭。慈愍冬到彼土。不見其苗。蒼頡篇。葷辛菜也。凡物辛臭者皆曰葷。葷而非辛。阿魏是也。辛而非葷。薑芥是也。是葷復是辛。五辛是也。參看五辛條。（見名義集。）又云。葉如蔓菁。根如蘿蔔。卽阿魏也。出闍烏荼娑他那國。（見佛爾雅。）

鴛鴦 梵語斫迦邏婆。此云鴛鴦。匹鳥也。止則相耦。飛則相雙。鳥喻品云。一者迦隣提。二者鴛鴦。遊止共俱。不相捨離。今師釋曰。以雄喻常。雌喻無常。生死有性善故。無常卽常。如二鳥在下。涅槃有性惡故。常卽無常。如二鳥高飛。是則在高在下。雌雄共俱。雙游並息。其義皆成。（見名義集。）

磨祛月 詳時分條。

磨磨迦羅 秦言我所。（詳我所條。）

餘習 梵語畢陵伽婆蹉。此云餘習。五百世爲婆羅門。餘氣猶高。過恒水。叱小婢駐流。非彼實心。蓋習氣也。或名舉蘭陀筏蹉。此云餘習。五百生惡性麤言。今得餘習。(見名義集。)經云。畢陵伽婆蹉。白佛言。我初發心從佛入道。數聞如來說諸世間不可樂事。乞食城中。心思法門。不覺路中毒刺傷足。舉身疼痛。我念有知。知此深痛。雖覺覺痛。覺清淨心。無痛痛覺。我又思惟。如是一身。甯有雙覺。攝念未久。身心忽空。三七日中。諸漏虛盡。成阿羅漢。得親印記。發明無學。佛問圓通。如我所證。純覺遺身。斯爲第一。(見楞嚴經五。)

餘明 詳瞿夷條。

導師 思益經云。於墮邪道衆生。生大悲心。令人正道。不求恩報。故名導師。(見名義集。)

導養身 五事毘婆沙論。明五根有四事增上。五根者。眼耳鼻舌身也。增上猶增勝也。一莊嚴身。莊嚴者。端莊嚴飾也。謂眼耳鼻舌。莊嚴於身。然後完美。於此諸根。若闕一者。便成殘陋。若不缺者。全美增勝。是爲莊嚴身也。二

導養身。導養者。導引資養也。謂眼能見安危之色。耳能聞美惡之聲。鼻能嗅香臭之氣。舌能嘗甜苦之味。如是等諸識。於色聲氣味。若好若惡。皆能分別。導引於身。就好避惡。令身增勝。是爲導養身也。三生識。識即分別之義。謂眼對色。耳對聲。鼻對香。舌對味。身對觸。而能生於分別之識及相應法。(參看百法明門條。)俱得增勝。是爲生識也。四不共事。謂眼惟見色。耳惟聞聲。鼻惟嗅香。舌惟嘗味。身惟覺觸。如是諸根。各有所用。不相雜亂。於本根相應之法。自能增勝。是爲不共事也。(見三藏法數。)

又六根互用者。謂眼等六根。更互而有其用也。如經云。如來一根。則能見色聞聲。嗅香別味。覺觸知法。一根既爾。餘根亦然。此真六根互用也。(見涅槃經。)若據法華經法師功德品中所明。謂人以持經力故。得勝根用。雖未入初地。亦能一根具五根用。此相似六根互用也。又經云。如是十二諸有爲相。隨拔一根。脫黏內伏。伏歸元真。發本明耀。耀性發明。諸餘五黏。應拔圓脫。不由前塵。所起知見。明不循根。寄根明發。由是六根。互相爲用。阿難。汝豈不知今此會中。阿那陀律。無目而見。跋難陀龍。無耳而聽。菟伽神女。非鼻聞香。憍梵鉢提。異舌知味。舜若多神。無身覺觸。如來光中。映令暫現。摩訶迦葉。久滅意根。圓明了知。不因心念。阿難。今汝諸根。若圓拔已。內

瑩發光。如是浮塵。及器世間。諸變化相。如陽銷冰。應念化成無上知覺。（見楞嚴經四。）明不循根者。謂真妙覺明。不循根境。卽不逐緣生。不因境起。了然自覺也。寄根明發者。謂真妙覺明。不依根塵而始顯發。特寄於根塵而顯發耳。由此寄故。互相爲用也。（見三藏法數。）

窺基

唐窺基。姓尉遲。父名敬宗。任松州都督。伯父卽鄂國公敬德也。基童時。依玄奘披剃。永徽甲寅。年方十七。帝特旨度基沙彌爲大僧。入慈恩寺。參譯一切經論。過目成誦。義都了解。從奘師受瑜珈唯識宗旨。法相大乘。至基大振。著論凡百部。時號百本論師。天性尙侈。每出必載三車經書食饌。時人又呼之曰三車法師。南山律師。嚴持戒品。謹守細行。見基侈態。心殊薄之。律師常有天神送饌。基訪律師。坐時過午。天饌不至。基去。送饌天神乃至。律師責以後時。天神曰。適大乘菩薩在。翌衛甚嚴。故無敢入。律師聞之。大駭悔過。永隆中。來遊五臺。棲托一載。有召旋京。將行。有異僧出林止之曰。法師報緣殆盡。何不就終於此。而欲他行。基曰。吾宿緣在彼。異僧曰。師善行。明年來會。基行。華嚴寺行者。疑問異僧曰。彼師何人。異僧曰。彌勒弟子也。異僧入林。行者追之。竟無所見。基至長安。明年永淳改元。臨終謂徒曰。十方刹海。遊戲之場。生死涅槃。等閒戲具。兜率故苑。吾將歸矣。言訖而蛻。（見清涼山志。）

十七畫

彌勒

西域記云。梅呬麗耶。(亦云梅怛麗藥。亦云味怛履曳。亦云梅哩麗耶。或云梅低黎。見佛爾雅。)唐云慈氏。

姓也。舊曰。彌勒。訛也。什曰。姓也。阿逸多。字也。南天竺婆羅門子。淨名疏云。有言從姓立名。今謂非姓。恐

是名也。何者。彌勒。此翻慈氏。過去爲王。名曇摩流支。慈育國人。自爾至今。常名慈氏。姓阿逸多。此云無能勝

。有言阿逸多是名。既不親見正文。未可定執。觀下生經云。時修梵摩。卽與子立字。名曰彌勒。(見名義集。)又云

。彌勒爲紹釋迦佛位之補處菩薩。先佛入滅。生於兜率天之內院。人壽四千歲時。彌勒來爲賢劫千佛之第五佛。(參

看莊嚴劫條。)從今經歷五十六億七千萬年。出世於第十之滅劫。於華林園中。金剛座處。龍華菩提樹下。以三會之

說法。(參看龍華三會條。)化一切之人天。說詳一切智光明仙慈心因緣不食肉經。菩薩處胎經。(見壇經箋註。)

彌樓

有人謂彌樓。此云光明。七金山也。金色光明故。(參看七金山條。)若準第一義法勝經云。須彌樓山。則彌樓

是須彌山。(參看須彌條。)舊譯俱舍。須彌亦云彌樓。是則梵音有異。若據法華云。內外彌樓山。須彌及鐵圍。是則

山體亦異。(見名義集。)

彌沙塞

此云不著有無觀。大集經云。我涅槃後。我諸弟子。受持如來十二部經。不作地相，水火風相。虛空識相。

名彌沙塞。法名五分。(見名義集。)五分者。一比丘戒。二比丘尼戒。三受戒法。四滅諍法。五僧法。(見三藏法數

。參看四律·五部律條。)

彌戾車

興福曰。惡見也。資中曰。應是邊邪不正見。死墮邊地下賤也。長水曰。此樂垢穢人。亦名蔑戾車。彌離車

。又梵語離車。翻爲薄皮。又云同皮。或云彌戾車。此翻仙族王。又云邊地主。又云傳集國政。其國義讓。五百長者

。遞爲國主。故云傳集國政。出外爲邊地主。又云。邊夷無所知者。西域記云。名栗咕婆子。舊訛云離車。又梵語蔑

戾車。契傳，唐言邊地。北印度功境。皆號蔑戾車。(分見名義集。)

薄伽梵

應法師云。薄伽梵。總衆德至尙之名也。大論云。一名有德。二名巧分別諸法。三名有名聲。無有得名聲如

佛者。四能破淫怒癡。新云薄伽梵。名具六義。佛地論曰。薄伽梵聲。依六義轉。一自在。二熾盛。三端嚴。四名稱。五吉祥。六尊貴。頌曰。自在熾盛與端嚴。名稱吉祥及尊貴。如是六德義圓滿。是故彰名薄伽梵。其義云何。謂如來永不繫屬諸煩惱故。具自在義。猛燄智火所燒煉故。具熾盛義。妙三十二大士相等所莊飾故。具端嚴義。一切殊勝功德圓滿無不知故。具名稱義。一切世間親近供養咸稱讚故。具吉祥義。具一切德。常起方便。利益安樂一切有情。無懈廢故。具尊貴義。唐玄奘法師明五種不翻。有云多含故不翻。如薄伽梵。含六義故。(參看五種不翻條。)薄伽。德也。梵。成就也。大功德至聖之名也。亦云婆伽婆。婆伽梵。佛地經合六義。涅槃經合七義。(見佛爾雅。)涅槃經云。婆伽婆。具此七義。一能破煩惱。二能成就諸善法。三善解諸法義。四有大功德無能勝。五有大名聞徧十方。六能種種大惠施。七無量阿僧劫吐女根。謂如來於初阿僧祇劫時。從此長離女身。(見三藏法數。)

薄拘羅 羅漢名。文句。此翻善容。色貌端正故。準賢愚經。應翻重姓。中阿含經。異學又問。汝於八十年起欲想否。答。不應作如是問。我八十年未曾起欲想。尙未曾起一念貢高。未曾受居士衣。未曾割截衣。未曾倩他衣。未曾針縫衣。未曾受請。未曾從大衆乞食。未曾倚壁。未曾視女人面。未曾入尼房。未曾與尼相問訊。乃至道路亦不共語。八十年坐。荆溪云。弘法之徒。觀斯龜鏡。(見名義集。)亦云薄矩羅。亦名蘇拔陀羅。善容也。八十年不起欲想。(見佛爾雅。)付法藏經云。毘婆尸佛時。有一比丘患頭痛。薄拘羅尊者。持一訶梨勒果。施彼食之。其病即愈。因施果故。九十一劫。天上人間。享福快樂。未嘗有病。最後生婆羅門家。其母早亡。父媪後妻。苦厭拘羅。五度加害。皆無所損。及年既長。出家學道。得阿羅漢果。五度加害。一置鐵不死。二釜煮不死。三水溺不死。四魚吞不死。五刀割不死。(見三藏法數。)又昔持不殺戒。今壽百六十。佛弟子中。壽命第一。(見二課合解。)

優填 王名。西域記云。訛也。正名鄔陀衍那王。唐言出受。(見名義集。)

優婆 詳憂婆提舍條。

優陀那 其一。此云無問自說。(詳十二部經條。)其二。此云丹田。(詳丹田條。)

優鉢羅 或漏鉢羅。或嗚鉢羅。此云青蓮華。優鉢羅盤那女。生青蓮華中。(見名義集。)亦曰鬱波羅。(見佛爾雅。)

拘勿頭。亦云拘勿投。此云地喜華。亦云拘某陀。此云黃蓮華。（見名義集。）亦曰拘物陀。亦曰拘牟陀。亦曰拘買陀。拘者地物。陀者喜。名地喜華。（見佛爾雅。）

鉢特摩。此云紅蓮華。（見名義集。）亦曰波頭摩。又曰波曇。摩訶鉢特摩。此云大紅蓮華。（見佛爾雅。）

分陀利。此云白蓮華。叡師云。未敷名屈摩羅。將落名迦摩羅。中盛時名分陀利。體逐時遷。名隨色變。故有三名。（見名義集。）

優檀那 此云印。（詳實相印條。）

優波離 詳十大弟子條。

優曇鉢羅 此云瑞應。般泥洹經云。閻浮提內有尊樹王。名優曇鉢。有實無華。優曇鉢樹有金華者。世乃有佛。施設論云。繞瞻部洲有輪王路。廣一踰繕那。無輪王時。海水所覆。無能見者。若轉輪王出現於世。大海水減一踰繕那

。此輪王路。爾乃出現。金沙彌布。衆寶莊嚴。旃檀香水。以灑其上。轉輪聖王巡幸洲渚。與四種兵俱游此路。此華方生。新云烏曇鉢羅。（見名義集。）亦云烏曇跋羅華。舊云優曇波羅華。葉似梨。果大如拳。味甘。無華而結子。亦有華。而難值。其葉狹長。近下小圓。向上漸尖。佛眼似之。（見佛爾雅。）又云。世稱三千年開花一度。值佛出世始開。（見辭源。）經云。如優曇鉢華。時乃一現。（見法華經。）

優婆提舍 詳十二部經條。

優樓僧佉 詳衛世師條。

優波尼沙陀 其一。數量。清涼疏云。此云近少。謂微塵是色之近少分也。亦翻近對。謂少分相近。比對之分。論中義言。因果不相似也。以珍寶等。但得三界果報。無漏善法。得佛果也。（見名義集。）其二。羅漢名。資中，此云塵性。以觀塵性空而得道故。（詳塵性條。）

優樓頻螺迦葉 詳千二百五十人條。

優婆塞優婆夷 肇曰。義名信士男，信士女。淨名疏云。此云清淨士，清淨女。亦云善宿男。善宿女。雖在居家。

持五戒。男女不同宿。故云善宿。此未可定用。荆溪云。依限經文。但云近佛。得善宿名。不可定云男女不同宿也。涅槃疏云。一日一夜受八戒者。名為善宿優婆塞。西域記云。鄔波索迦。唐言近事男。舊曰伊蒲塞。又曰優婆塞。皆訛也。鄔波斯迦。唐言近事女。舊曰優婆斯。又曰優婆夷。皆訛也。言近事者。親近承事諸佛法故。後漢書名伊蒲塞。注云。卽優婆塞也。中華翻爲近住。言受戒行。堪近僧住也。（見名義集。）

禪那

其一。此云靜慮。智論云。秦言思惟修。言禪波羅蜜一切皆攝。法界次第云。禪有二種。一者世間禪。二者出世間禪。世間禪者。謂根本四禪。四無量心。四無色定。卽是凡夫所行禪。出世間禪。復有二種。一出世間禪。二出世間上上禪。出世間禪者。謂六妙門。十六特勝。通明。九想。八念。十想。八背捨。八勝處。十一切處。（參看各本條。）練禪。十四變化。願智頂禪。無諍三昧。三三昧。師子奮迅。超越三昧。乃至三明六通。如是等禪。皆是出世間禪。出世間上上禪者。謂自性等九種大禪。地持經明九種大禪。一自性禪。謂於菩薩藏。聞思從前所行世間出世間善。一心安住。或止分。或觀分。或俱分。無不攝也。（止分。謂攝心不散。卽定。觀分。謂分別照了。卽慧。俱分。謂止觀雙修。定慧平等。參看止觀條。）二一切禪。謂修此禪定。則自行化他。一切諸法。無不攝也。三難禪。謂此禪定不易修也。四一切門禪。門卽出入之義。謂一切禪定。皆由此門而出。五善人禪。謂一切善法。無所不攝。乃大善根衆生之所共修。六一切行禪。謂大乘一切行法。無不含攝。七除惱禪。謂修此禪定。能除滅衆生種種苦惱也。八此世他世樂禪。謂修此禪定。能令衆生悉得現在未來一切之樂。九清淨淨禪。謂修此禪定。一切煩惱惑業。悉皆斷盡。卽得大菩提清淨之果。名為清淨。重言淨者。以清淨之相。亦不可得也。見三藏法數。淨名疏云。佛心智鑒圓明。豈煩思惟。究竟無學。豈得言修。又翻棄惡。如來純淨之智。何惡可棄。故思惟等義。皆是因也。（見名義集。參看四種禪條。）其二。卽息二邊分別止。（詳三止條。）

禪定

與禪那同。唐慧海禪師云。妄念不生爲禪。坐見本性爲定。本性者。是汝無生心。定者。對境無心。八風不能動。若得如是定者。雖是凡夫。卽入佛位。（見頓悟入道要門論。）悟性論云。不憶一切法。乃名爲禪定。若了此言者。行住坐臥。皆是禪定。六祖云。何名禪定。外離相爲禪。內不亂爲定。外若著相。內心卽亂。外若離相。心卽不亂。

。本性自淨自定。只爲見境思境卽亂。若見諸境心不亂者。是真定也。善知識。外離相卽禪。內不亂卽定。外禪內定。是爲禪定。（見六祖壇經坐禪品。）

禪宗 詳十宗條。

禪門

禪門無量。舉要言之。不出三門。所謂世間禪，出世間禪，出世間上上禪。世間禪。謂四禪。四空。四無量心

。十六特勝。通明禪等。此皆因息攝心所致。一往是凡夫禪門。出世間禪。謂九想。八念。十想。背捨。勝處。一切處。次第定。師子奮迅。超越三昧等。此因不淨觀等攝心。一往是二乘禪門。出世間上上禪。謂法華，念佛，般舟，覺意，首楞嚴，諸大三昧。（參看各本條。）及自性禪，乃至清淨淨禪。（九種大禪。）此因智慧反觀心性。一往是菩薩禪門。然若通而言之。則三門互通。非有凡夫二乘菩薩之定域也。（見佛教問答。參看禪那條。）

禪師

夫禪師者。撮其樞要。直了心源。出沒卷舒。縱橫應物。咸均事理。頓見如來。拔生死深根。獲現前三昧。若

不安禪靜慮。到這裏總須茫然。隨機授法。三學雖殊。得意忘言。一乘何異。故經云。十方佛土中。唯有一乘法。無二亦無三。除佛方便說。但以假名字。引導於衆生。（見頓悟入道要門論。）

禪定度

禪法三門。別而言之。世間禪仍墮生死。不可云度。出世間禪。二乘所修。雖得無生。度非究竟。出世間上

上禪。乃是菩薩大士所修。得證佛果。方爲究竟度。若通而言之。皆是入道因緣。故曰禪定度也。（見佛教問答。）

禪悅食

詳二食條。

龍樹

梵語那伽樹那。義翻爲猛。此出龍樹勸誡王頌。彩字函。西域記云。那伽闍（音遏）刺那。此云龍猛。舊曰龍

樹。訛也。什曰。本傳云。其母樹下生之。囚字阿周那。阿周那者。樹名也。以龍成其道。故以龍字。號曰龍樹。輔行云。樹學廣通。天下無敵。欲謗佛經。而自作法。表我無師。龍接入宮。一夏但誦七佛經目。知佛法妙。因而出家。降伏國王。制諸外道。外道現通。化爲花池。坐蓮花上。龍樹爲象。拔蓮花。撲外道。作三種論。一大悲方便論。明天文地理。作寶作藥。饒益世間。二大莊嚴論。明修一切功德法門。三大無畏論。明第一義。中觀論者。是其一品。大乘入楞伽云。大慧汝應知。善逝涅槃後。未來世常有，持於我法者。南天竺國中。大名德比丘，厥號爲龍樹。能

破有無宗。世間中顯我。無上大乘法。得初歡喜地。往生安樂國。(見名義集。)

龍腦香 梵語羯布羅。此云龍腦香。羯，或作劫。三藏傳云。私身異葉，華果亦殊。初采。木溼。未有香。乾則順理析之。中有香。狀如雲母。白如冰雪也。(見名義集。)或藥劫布羅。經云。若爲蠱毒所害者，取藥劫布羅，和拙具羅香，(安息香)各等分。以井花水一升和。剪取一升。於千眼像前，呪一百八遍。服。卽差。(見大悲心陀羅尼經。)龍腦香。俗名冰片。(見辭源。)

龍四生 詳四生條。

龍彌你 詳藍毘尼條。

龍舐華 詳胡麻條。

龍華三會 彌勒下生經云。彌勒菩薩。卽於出家之日。便得成佛。坐於龍華樹下華林園中。三會說法，故云龍華三會。第一會度九十六俱胝聲聞衆。法住記云。若諸國王，大臣。長者居士。男女一切施主。於今釋迦牟尼佛正法中。能作佛事。自種善根。或教他種。以七寶金銀鍮石銅鐵木石泥土。或以繪縷。或以綵畫。作佛形像。及窣堵波。若大若小。乃至最小如指節大。或以香花諸妙供具而爲供養。由如是善根力故。至彌勒如來成正覺時。善得人身。於第一會中剃髮出家。乘宿願力便得涅槃。第二會度九十四俱胝聲聞衆。法住記云。若國王等及以臣庶。於今釋迦牟尼佛正法中。能爲法事。謂於諸大乘經典。或律或論。若讀若誦。或恭敬供養。或於經卷以諸雜綵嚴飾之。由是善根力故。至彌勒如來成正覺時。善得人身。於第二會中剃髮出家。乘宿願力便得涅槃。第三會度九十二俱胝聲聞衆。法住記云。若諸國王及臣庶等。於今釋迦牟尼佛正法中。能爲僧事。自種善根。或教他種。於每月初一日。或初八十五日。設齋供養比丘比丘尼。或供養修禪定者。或供養諸說法者。或施坐臥等供養僧衆。由是善根力故。至彌勒如來成正覺時。於第三會中剃髮出家。乘宿願力便得涅槃。(見三藏法數。)

齋日 詳日中佛食條。

齋戒 毘婆沙論云。夫齋者。過中不食也。以八戒助成齋法。共相支持。故又名八支齋法。每月初八日，十四日，十

五日，二十三日，二十九日，三十日。是爲六齋日。於此六日。能修行八齋戒者。諸天相慶。卽爲註福祿。增壽算也。又云八關齋戒。關者，禁也。謂禁閉殺盜淫等八罪。使之不犯故也。（見三藏法數。參看八戒條。）

齋法四食

佛地論云。任持名食。謂能任持色身。令不斷壞。長養善法。身依食住。命託食存。流入五臟。充浹四肢。補氣益肌。身心適悅。（參看三德六味條。）楞嚴云。如是世界十二類生。不能自全。依四食住。所謂段食，觸食

，思食，識食。是故佛說一切衆生。皆依食住。攜李釋曰。言段食者。段謂形段。以香味觸三塵爲體。入腹變壞。資益諸根。故言段食。（起世經云。麤段微細食。閻浮提人。飯麩豆肉等。名麤段食。按摩深浴拭膏等。名微細食。古譯經律。皆名搏食。通俗文。手團曰搏。重開云。其義則局。如漿飯等。不可搏故。於是後譯。皆云段食。）言觸食者。觸謂觸對。取六識中相應觸。對前境而生喜樂。故名觸食。（通慧云。如男與女相對爲觸。觸能資食。故得食名。準僧祇。見色愛著名食。豈非觸食義耶。設非觸食。何以觀戲劇等。終日不食而自飽耶。起世經云。一切卵生得身。故以觸爲食。沈疏云。冷煖觸等。亦名觸食。）言思食者。思謂意思。取第六識相應思。於可意境生希望故。（起世經云。思食者。若有衆生。意思資潤。諸根增長。如魚鼈蛇蝦蟆伽羅瞿陀（魚鼈醜類也。見佛爾雅。）等。及餘衆生。以意思潤益諸根壽命者。此等用思爲食。熏開云。相應觸及相應思者。皆心所徧行法中也。沈疏云。思想飲食。令人不死。亦名思食。）言識食者。識卽第八執持之相。由前三食勢分所資。令此識增勝。能執持諸根大種故。（起世經云。識食。地獄衆生。及無邊識處天等。皆用識持。以爲其食。）若約三界辨之。段食唯在欲界。以色無色無香味二塵。餘之三食。徧通三界。（中陰但有三食。亦有段食。如雜心論云。如人中陰。還食人中所食香氣也。但現陰麤故。多藉段食。中陰細故。多藉三食耳。）此乃總四食也。（見名義集。）又云。世間具四食。一段食。是人畜所食。有形段故。二觸食。是鬼神食。唯觸氣故。三思食。是禪天食。依禪思住故。四識食。是識天食。識相續故。出世食有五種。一念食。修聖道者。常持正念故。二法喜食。愛樂大法。資長道種。心生歡喜故。三禪悅食。由得定力。資長慧命。道品圓明。心常喜樂故。（參看二食條。）四願食。不捨梵行。長養一切善根。如世之食。資益身根故。五解脫食。離諸業縛。於法自在。長養菩提根故。（見二課合解，參看修陀條。）

檀越

檀，卽施也。此人行施。越貧窮海。（見名義集。）祖庭事苑五。檀越，檀那也。此云施主。越，謂度越彼岸也。（見壇經箋注。）又云。檀翻爲施。越謂超越。謂以施福超越苦果也。

檀那

其一。秦言布施。（詳布施條。）其二。檀那者。要覽曰。梵語陀那鉢底。唐言施主。今稱檀那。訛陀爲檀。去鉢底留那也。思大乘論云。能破慳悋嫉妒。及貧窮下賤苦。故稱陀。後得大富，及能引福德資糧。故稱那。（見名義集。）

檀波羅蜜

詳六度條。（參看布施條。）

鞞沙門

或毘沙門。（詳四天王條。）

鞞鐸佉

詳嚼楊枝條。

闍黎

詳阿闍黎條。

闍維

詳荼毘條。

闍黎哆

詳餓鬼條。

闍陀伽

詳十二部經條。

闍耶多

或闍夜多。傳燈錄云。第二十祖闍耶多。北天竺國人。智慧淵冲。化道無量。又云。二十祖闍耶多尊者。遇鳩摩羅多十九祖入國。問曰。我家父母。素信三寶。而常繫疾瘵。凡所營作。皆不如意。而我鄰家。久爲旃陀羅行。（參看旃陀羅條。）而身常勇健。所作和合。彼何幸而我何辜。鳩摩曰。善惡之報。有三時焉。凡人但見仁天暴壽。逆害義凶。便謂亡因果。虛罪福。殊不知影響相隨。縱經萬劫。亦不磨滅。時闍耶多頓釋所疑。鳩摩曰。汝雖已信三業。而未明業從惑生。惑因識有。識依不覺。不覺依心。心本清淨。無生滅。無造作。無報應。無勝負。寂寂然。靈靈然。汝若入此門。可與諸佛同矣。一切善惡，有爲，無爲。皆如夢幻。闍耶多夙慧頓發。（見傳燈錄二。）又云。尊者得法後。以法付婆修盤頭。（二十一祖）卽於座宴然歸寂。（見佛祖正宗道影一。）

聲音

梵音婆闍尼娑娑琳。此云聲音。（詳八音。）

聲明 詳五明四章條。

聲聞位 天台宗。藏教明聲聞位分二。初凡。二聖。凡又二。外凡。內凡。釋外凡中自分二。初五停心。（詳五停心

觀條。）二別相念處。卽四念處。（詳四念處條。）三總相念處。一觀身不淨。受心法皆不淨。乃至觀法無我。身受心

亦無我。中間例知。已上三科名外凡。亦名資糧位。二明內凡者有四。謂煖，頂，忍，世第一。此四位爲內凡。亦名

加行位。（詳四加行位條。）又名四善根位。上來內凡外凡。總名凡位。亦名七方便位。次明聖位。亦分三。一見道。

（初果。）二修道。（二果三果。）三無學道。（四果。）初須陀洹。此翻預流。此位斷三界八十八使見惑。（參看見思惑

條。）見真諦。故名爲見道。又名聖位。二斯陀含。此云一來。此位斷欲界九品思中。斷前六品盡。後三品猶在。故

更一來。三阿那含。此云不來。此位斷欲殘思盡。進斷上八地思。四阿羅漢。此阿無學。又云無生。又云殺賊。又云

應供。此位斷見思俱盡。子縛已斷。果縛猶在。名有餘涅槃。若灰身滅智。名無餘涅槃。又名孤調解脫。此明聲聞位

也。（見四教儀。）又云。初須陀洹。此云預流。用八忍八智。（參看八忍八智條。）頓斷三界見惑。初預聖流。名見道

位。二斯陀含果。此云一來。斷欲界六品思惑。餘三品猶在。猶潤一生。三阿那含果。此云不還。斷欲界思惑盡。進

斷上八地思。不復還來欲界。此二名修道位。是爲三果有學位也。一小乘第四阿羅漢果。此含三義。一殺賊。二應供

。三無生。斷三界見思俱盡。子縛已斷。果縛尚存。名有餘涅槃。若灰身泯智。名無餘涅槃。二中乘辟支佛果。此人

根性稍利。逆順觀察十二因緣。斷見思惑。（參看見思惑條。）與羅漢同。更侵習氣。故居聲聞上。三大乘佛果。此人

根性大利。從初發心。緣四諦境。發四弘誓。（參看四弘誓願條。）卽名菩薩。此爲三乘無學位也。（見教觀綱宗。）

聲聞四果 詳四果條。

罽賓 此云賤種。西域記云。迦溼彌羅。舊曰罽賓。訛也。北印度境。末田地迦。（參看末田地條。）旣得其地。立五

百伽藍。於諸異國。買鬻賤人。以充役使。用供衆僧。末田地迦入寂滅後。彼諸賤人。自立君長。鄰境諸國。鄙其賤

種。莫與交親。謂之訖利多。唐言買得。（見名義集。）又迦諾迦伐蹉尊者。（十六羅漢之一。）與五百阿羅漢。多分住

在北方迦溼彌羅國。（見法住記。）

鴈那尸棄 名出俱舍。大論則名刺那尸棄。此云寶髻。亦云寶頂。吾佛世尊。初僧祇滿時值此佛。與七佛中第二尸棄。隔二僧祇。先達謂同。故今辨異。(見名義集。參看三祇，然燈佛條。)

龜茲 梵語屈支。西域紀云。舊曰龜茲。又音丘慈。(見名義集。)

龜藏六 梵語毘囉拏羯車婆。此云龜。爾雅明十種之龜。莊子曰。宋元君夢人披髮曰。予爲清江使者河伯。被漁者豫

且得予。元君使人占之。曰。此神龜也。乃召豫且。豫且鉤得白龜五尺。使獻之。乃刳之以卜。七十鑽而無遺策。仲尼曰。龜能夢於元君。不能避豫且之網。智能七十鑽而無遺策。不能避刳腸之患。如是則智有以神。智有所不及也。

(見名義集。)經云。佛在世時。有一道人。在河邊樹下學道。十二年中。想念不除。六根貪染。曾無甯息。不能入道。佛知其可度。化作沙門。至彼寄宿。須臾月明。有龜從河中出。來至樹下。復有水狗。(或云野干。)饑行求食。便欲噉龜。龜乃縮其頭尾，及與四足。藏於甲中。遂不能噉。於是道人問沙門曰。此龜有護命之鎧。水狗不能加害。沙門答云。吾念世人。不如此龜。不知無常。放恣六情。外魔得便。卽說偈曰。藏六如龜。防意如城。慧與魔戰。勝則無患。須知無爲。能殺其賊。(見法句譬喻經，三藏法數。)

鴿伽藍 梵語迦布德迦。或迦連。唐言鴿。西域記云。昔佛於此。爲衆說法。羅者於林。網捕羽族。經日不獲。來至

佛所。揚言唱曰。今日如來在此說法。令我網捕都無所獲。妻孥饑餓。其計安在。如來告曰。汝今熅火。當與汝食。如來是時化作大鴿。投火而死。羅者持歸。妻孥共食。其後重往佛所。如來方便攝化。羅者聞法。悔過自新。捨家修學。便證聖果。因名所建。號鴿伽藍。(見名義集。)或云迦連德迦。又云波羅越。佛國記云。達嚩國有寺。名波羅越。波羅越。天竺名鴿也。(見佛爾雅。)又尸毘王代鴿。謂遍割身肉與鷹。以代鴿命。身肉俱盡。不惱不死。自誓真實。感身平復也。(見三藏法數。)

檜果 詳五果條。

嬰兒行 詳五行條。

糞掃衣 四分云糞掃者。則非死人衣。(見名義集。)

十七畫

三七三

十八畫

瞿夷

此云明女。五夢經云。是舍夷長者女。長者名水光。其婦名餘明。婦居近城。生女之時。日將入沒。餘明照其家內皆明。因立字云瞿夷。卽是太子第一妃也。第二妃生羅云。名耶檀。亦名耶輸。其父名移施長者。第三妃名鹿野。其父名釋長者。太子以三妃故。白淨飯王爲立三時殿。大論云。釋迦文菩薩。有二夫人。一名瞿毘耶。二名耶輸陀羅。羅。羅睺羅母也。瞿毘耶是寶女。故不孕子。(見名義集。參看耶輸陀羅條。)

瞿曇

詳釋尊姓字條。

瞿沙

西域記云。此云音。瞿史羅。此云守護心。舊曰瞿師羅。此譯美音。(見名義集。)又云。音謂之瞿師。瞿沙瞿師。並長者號。(見佛爾雅。)

瞿摩帝

此云牛。譬喻經云。昔有二兄弟。志念各異。兄謂弟曰。卿貪家事。以財爲貴。吾好經道。以慧爲珍。今欲捨家。歸命福田。兄遂出家。夙夜精進。得成道果。弟貪家事。命終墮牛。肥盛甚大。客買運鹽。往還羸頓。不能復前。兄遊虛空。遙見其牛。卽以威神。令弟自知。遂爲牛主。說其本末。賈客聞之。捨牛入寺。兄常將養。死生勿利。(見名義集。)或云瞿摩坻。此翻牛。或云瞿曠折娜。或瞿曠遮娜。瞿曠者娜。此翻牛黃。(見佛爾雅。)或云胡曠遮那。牛黃也。經云。若取胡曠遮那一大兩。著琉璃瓶中。置大悲心像前。呪一百八遍。塗身點額。一切天龍鬼神人及非人。皆悉歡喜也。或云熱瞿摩夷。烏牛屎也。經云。若彼火燒瘡。取熱瞿摩夷。呪三七遍。塗瘡上。卽差。

(見大悲心陀羅尼經。)

瞿修羅

此云圖像。從其衣形而立名。若著瞿修羅。則不著僧迦鷄。(見名義集。參看偏袒條。)

瞿耶尼

詳四大部洲條。

薩遮

詳三有條。

薩埵

詳明相條。

薩縛達 西域記云。唐言一切施。是如來昔修菩薩行時號。避敵棄國潛行。至此摩訶伐那伽藍。唐言大林。遇貧婆羅

門方來乞丐。遂令羈縛。擒往敵王。冀以賞財。回爲惠施。（見名義集。）

薩婆若 具云薩婆若多。般舟經名薩雲若。大論云。秦言一切智相。因名般若。果名薩婆若。小品云。薩婆若。是聲

聞辟支佛智。道種智。是菩薩摩訶薩智。一切種智。是諸佛智。經曰。欲以一切智斷煩惱習。常習行般若波羅蜜。論問。一心中得一切智，一切種智。斷煩惱習。今云何言以一切智具足。得一切種智。以一切智，斷煩惱習。答。實一切智一時得。此中爲令人信般若波羅蜜。故次第差別品說。（見名義集。）經云。波斯匿王白佛言。云何十方諸如來。一切菩薩。不離文字。而行諸法相。佛言。如如文字。修諸智佛智母。一切衆生性根本智母。卽爲薩婆若體。諸佛未成佛。以當佛爲智母。未得爲性。已得薩婆若。三乘般若。不生不滅。自性常住。一切衆生。以此爲覺性故。若菩薩無受無文字。離文字爲非文字。修無修爲修。修無修者。得般若真性般若波羅蜜。又云。寂滅忍。佛與菩薩同用此忍入金剛三昧。下忍中行。名爲菩薩。上忍中行。名爲薩婆若。（參看五忍條。）共觀第一義諦。斷三界心習。無明盡相爲金剛。盡相無相爲薩婆若。超度世諦第一義諦之外。爲第十一地薩云若。覺非有非無。湛然清淨。常住不變。同實際。等法性。無緣大悲。教化一切衆生。乘薩婆若乘。來化三界。（見仁王經。）

薩婆多 此云一切有。此部計三世有實。三性悉得受戒。大集經云。我涅槃後。我諸弟子。受持如來十二部經。而復讀誦書寫外典。受有三世及以內外。破壞外道善能論義。說一切性悉得受戒。凡所問難。悉能對答。是故名爲薩婆多。法名十誦。（見名義集。）十誦者。優婆離十番誦出此律。故名十誦。（見三藏法數。）

薩迦耶 疎疏。具云薩迦耶達利瑟致。此云身見。（詳五見條。）

薩埵飼虎 經云。昔時有大國。國主名大車。王子名勇猛。（梵名摩訶薩埵。）常施心無悟。王子有二兄。號大渠（梵名摩訶波羅。波羅，岸也。）大天。（梵名摩訶提婆。提婆，天也。）三人同出遊。漸至山林所。見虎飢所逼。便生如是心。此虎飢火燒。更無餘可食。大士觀如斯。恐其將食子。捨身無所顧。救子不令傷。又云。其第三王子。見餓虎初生。將欲食其子。彼薩埵王子。見此起悲心。願求無上道。當度一切衆。繫想妙菩提。廣大深如海。卽上高

山頂。投身餓虎前。虎羸不能食。以竹自傷頸。遂陷王子身。唯有餘骸骨。又云。佛告阿難陀。往時薩埵者。卽我牟尼是。勿生於異念。王是父淨飯。后是母摩耶。太子謂慈氏。次曼珠室利。虎是大世主。五兒五苾芻。一是大目連。一是舍利子。我爲汝等說。往昔利他緣。如是菩薩行。成佛應當學。菩薩捨身時。發如是弘誓。願我身餘骨。來時益衆生。此是捨身處。七寶窣堵波。以經無量時。遂沈於厚地。由昔本願力。隨緣興濟度。爲利於人天。從地而涌出。（見金光明經捨身品。）

薩婆悉達 詳悉達條。

薩迦耶薩 此云無常。（詳無常條。）

薩怛多般怛羅 詳白傘蓋條。

薩達磨芬陀利 詳法華條。

轉法輪 謂釋尊旣成道已。便欲說法。度諸衆生。卽自思惟。無能信受者。若我住世。於事無益。不如入於涅槃。爾時梵天前白佛言。世尊今日。法海已滿。法幢已立。潤濟開導。今正是時。云何欲捨一切衆生。入於涅槃。而不說法。是時如來受梵王請已。卽往鹿野苑中。先爲憍陳如等五人。轉四諦法輪。及說大小乘種種教法也。（見三藏法數。參看法輪條。）

轉輪王 梵語斫迦羅伐辣底曷羅闍。或遮加越羅。此云轉輪王。俱舍云。從此洲人壽無量歲乃至八萬歲。有轉輪王生。滅八萬時。有情富樂。壽量損減。衆惡漸盛。非大人器。故無輪王。由輪旋轉應導。威伏一切。名轉輪王。（見名義集。）輪有金銀銅鐵四種。威力各殊。金輪王王四大洲。望風順化。銀輪王王三洲。遣使方降。銅輪王王二洲。震威乃服。鐵輪王王一洲。奮戈始定。其威伏勝劣。雖次第殊。然不事傷害。勤修十善。則一也。慈恩云。金輪望風順化。銀輪遣使方降。銅輪震威乃服。鐵輪奮戈始定。西域記云。金輪王化被四天下。銀輪王則政隔北拘盧。銅輪王則除北拘盧及西瞿耶尼。鐵輪王則唯瞻部洲。又云。轉輪王卽四大天王。管領四天下。正五九月照南閻浮提。二十六十月照西瞿耶尼。三十七一月照北鬱單越。四八十二月照東弗婆提。常如輪之轉。以照四天下。故名轉輪聖王。（見金

剛經集註。）

轉識成智

識謂八識。智謂四智。轉識成智者。如大乘莊嚴論云。轉八識成四智。東四智成三身。教中云。轉前五

識爲成所作智。轉第六識爲妙觀察智。轉第七識爲平等性智。轉第八識爲大圓鏡智。雖六七因中轉。五八果上轉。但轉其名而不轉其體也。明憨山大師云。六七二識。因中先轉。五八一體。至果乃圓。（見壇經箋註。參看四智條。）慧海大師云。問。轉八識成四智。東四智成三身。幾個識共成一智。幾個識獨成一智。答。眼耳鼻舌身。此五識共成成所作智。第六是意。獨成妙觀察智。第七心識。獨成平等性智。第八含藏識。獨成大圓鏡智。（見頓悟入道要門論。）

藏教

詳四教條。

藏識

詳阿賴耶條。

藏六如龜

詳龜藏六條。

翻譯

宋法雲大師云。夫翻譯者。謂翻梵天之語。轉成漢地之言。音雖似別。義則大同。宋僧傳云。如翻錦繡。背面

俱華。但左右不同耳。譯之言易也。謂以所有。易其所無。故以此方之經。而顯彼土之法。周禮掌四方之語。各有其官。東方曰寄。南方曰象。西方曰狄鞮。北方曰譯。今通西言而云譯者。蓋漢時多事北方。而譯官兼善西語。故摩騰始至。而譯四十二章。因稱譯也。唐彥琮法師云。夫預翻譯。有八備十條。一誠心受法。志在益人。二時踐勝場。先牢戒足。三文詮三藏。義貫五乘。四旁涉文史。工綴典詞。不過魯拙。五襟抱平恕。器量虛融。不好專執。六沈於道術。淡於名利。不欲高銜。七要識梵言。不墜彼學。八傳閱蒼雅。蘊諳篆隸。不昧此文。十條者。一句韻。二問答。三名義。四經論。五歌頌。六咒功。七品題。八專業。九字部。十字聲。宋僧傳云。譯場經館。設官分職。可得聞乎。曰。此務所司。先宗譯主。卽齋葉書之三藏。明練顯密二教者。是也。次則筆受者。必言通華梵。學緣有空。相問委知。然後下筆。西晉僞秦以來。立此員者。卽沙門道含玄曠。姚嵩聶承遠父子。至於帝王執翰。卽與梁武太后中宗。又謂之綴文也。次則度語。正云譯語。亦名傳語。傳度轉令生解矣。如翻顯識論。沙門戰陀譯語。是也。次則證梵本者。求其量果。密以證知。能詮不差。所顯無謬矣。如居士伊舍羅。證譯毘奈耶梵本。是也。至有立證梵義一員。

乃明西義得失。貴令華語下。不失梵義也。復立證禪義一員。沙門大通會充之。次則潤文一位。員數不恒。令通外學者充之。良以筆受在其油素。文言豈無俚俗。儻不失於佛意。何妨刊而正之。故義淨譯場。李嶠韋嗣立盧藏用等。二十餘人。文潤色也。次則證義一位。蓋證已譯之文。所詮之義也。如譯婆沙論。慧嵩道朗等三百人。考證文義。唐復禮累場充其任焉。次有梵唄者。法筵肇啓。梵唄前興。用作先容。令生物善。唐永泰中。方聞此位也。次有校勘。清隋彥琮覆疏文義。蓋重慎之至也。次有監護大使。後周平高公侯壽爲總監檢校。唐房梁公爲裝師監護。相次觀楊慎交杜行顛等充之。或用僧員。則隋以明穆曇遷等十人。監掌翻譯事。詮定宗旨也。（分見名義集。）

翻譯四例

宋高僧傳明翻譯四例。一翻字不翻音。諸經呪詞是也。二翻音不翻字。如華嚴中卍字是也。以此方万字翻之。而字體猶是梵書。（參看有樂條。）三音字俱翻。經文是也。四音字俱不翻。西來梵夾是也。（見名義集。）

翻譯名義集

是書爲宋姑蘇景德寺普潤大師法雲之所集也。大師名法雲。字天瑞。自稱無機子。姓戈。世居長洲彩雲里。父母禱佛。夢一梵僧云。吾欲寄靈於此。迨生。顏如所夢。瑞相特異。裸裸間。見僧則欣然欲趨。似獲珍玩。五歲辭親。禮慈行叅公爲師。始從庭訓。神鋒發矚。越明年背誦妙經七軸。九歲薙髮。二十歲進具。以所受法。卽登兜座。（參看師子條。）爲衆說戒。紹聖四禩。（音祀，年也。）發軔參方。首見通照法師。學習天台大教。次投天竺敏法師几下。誦受玄談。最後啐啄同時。得法於南屏清辯大律師。代柄如意。爲衆敷揚。旣而德風四鶩。芳譽遐蜚。法師博通經史。囊括古今。具八備之才能。蘊十條之德善。（參看翻譯條。）編集翻譯名義。註解金剛經。及心經疏鈔。著息陰集等。並行於世。莫不憲章聖化。鼓吹山家。自行化他。能事畢矣。（節錄吉祥雄辯大師普洽所述普潤大師行業記）

禮拜

詳和南條。又增一阿含經明禮拜五功德。一端正。謂因見佛相好。發歡喜心。而生渴仰。以此因緣。來世卽得相貌端正也。二好聲。謂因見如來相好已。三稱佛號南無如來。以此因緣。來世得好音聲也。三多饒財寶。謂於如來所而作大施。散華然燈而供養之。以此因緣。來世獲大財寶也。四生長者家。謂若見如來相好。心無染著。長跪叉手。至心禮佛。以此因緣。來世得生長者家也。五身壞命終。生善處天上。謂由恭敬禮拜如來。所獲功德。來世得生善

處及於天上也。(見三藏法數。)

離車 詳彌戾車條。

離佉 此云書。釋名曰。書，庶也。紀庶物也。春秋左傳序云。大事書之於策。小事簡牘而已。文選註云。大竹名策。小竹名簡。木版名牘。(見名義集。)西域五明四章等。此土三墳五典等。皆名爲書。(見名義集選。參看五明四章，儒流條。)

離欲 詳大梵條。

離垢 其一珠名。(詳摩尼條。)其二山名。(詳牛頭旃檀條。)

離繫 其一。梵語尼健陀。此翻離繫。(詳外道六師條。)其二。梵語薩遮尼乾。此云離繫。自餓外道。尼乾亦翻不繫。拔髮露形。無所貯蓄。(分見名義集。)

離合 詳不可思議條。

離塵服 詳袈裟條。

離婆多 或離波多。一作黎波多。具云頡隸伐多。亦云離越。此翻星宿。或室宿。從星辰乞子也。(見佛爾雅。)又云離婆多，心無倒亂。深行正定故。弟子中無倒亂第一。(見彌陀經蒙解。)

離繫果 詳五果條。

離垢地 詳十地條。

離法愛 天台宗依法華經明圓教十乘觀法。一觀不思議境。謂觀一念心。具足無滅。三千性相。百界千如。卽此之境。卽空卽假卽中。更不前後。廣大圓滿。橫豎自在。故法華經云。其車高廣。(上根正觀此境。)二真正發菩提心。謂依妙境。發無作四弘誓願。憫己憫他。上求下化。故經云。又於其上。張設幃蓋。三善巧安心止觀。謂體前妙理。常恆寂然名爲定。寂而常照名爲慧。故經云。安丹枕。(車內枕。)四破法徧。謂以三觀破三惑。三觀一心。無惑不破。故經云。其疾如風。五識通塞。謂苦集，十二因緣，六蔽，塵沙，無明，爲塞。道滅。滅因緣智，六度，一心三觀，

爲通。若通須護。有塞須破。於通起塞。能破如所破。節節檢校。名識通塞。經云。安置丹枕。(車外枕。亦作軫。)
六道品調適。謂無作道品。一一調停。隨宜而入。經云。有大白牛等。(已上五中根。)
七對治助開。謂若正道多障。圍理不開。須脩事助。謂五停心及六度等。經云。又多僕從。(此下爲下根。)
八知位次。謂修行之人。免憎上慢故。九能安忍。謂於逆順安然不動。策進五品。而入六根。十離法愛。謂莫著十信相似之道。須入初住真實之理。經云。乘是寶乘。遊於四方。(遊四十位。)
真至道場。(妙覺位。)(見四教儀。參看十乘觀法條。)

藍毘尼

或嵐毘尼。或流彌尼。或林微尼。此云解脫處。亦翻斷。亦翻滅。華嚴音義翻樂勝圓光。由昔天女來。故立此名。新云藍耆尼。此云監。即上古守園女名。(見名義集。)
又云。龍彌尼。迦毘羅城龍彌毘園。華言解脫處。佛之降生。即此園也。(見三藏法數。)
又云。佛降生處曰毘藍園。亦曰龍彌你園。佛解脫處曰嵐毗園。或林微尼。或流彌尼。或彌你。亦云藍。耆耆。挽回此云藍。即上古守園婢名。(見佛爾雅。)

瞻蔔

或詹波。正云瞻博迦。大論翻黃華。樹形高大。新云苦末羅。此云金色。西域近海岸樹。金翅鳥來。即居其上。(見名義集。)
經云。如人入瞻蔔林。唯嗅瞻蔔。不嗅餘香。(見維摩經。)

犢子

梵語婆蹉富羅。此云犢子。婆蹉翻犢。富羅翻子。上古有仙。染犢生子。自後種性。皆名犢子。此部計我。非是即蘊。亦不離蘊。而實有我。所製律部。未來此方。大集經云。我涅槃後。我諸弟子受持如來十二部經。皆說有我。不說空相。猶如小兒。是故名爲婆蹉富羅。(見名義集。參看五部律條。)

斷常

斷常者。即斷常二見也。謂外道妄計此身滅已。更不再生。是名斷見。復計此身滅已。後當更生。是名常見。(見三藏法數。)
論云。見有二種。一者常。二者斷。常見者。見五衆常忍樂。斷見者。見五衆滅心忍樂。一切衆生多墮此二見中。菩薩身斷此二。亦能除一切衆生二見。令處中道。(見大智度論七。)

斷德

詳三德條。

斷滅相

沉空滯寂。棄有著無。謂之斷滅相。經云。發訶耨多羅三藐三菩提心者。於法不說斷滅相。蓋既悟之後。不須佛法。未悟之前。不可無佛法。所以發無上正等正覺真性之心者。必須依佛法修行。不可遂斷滅佛法也。譬如渡水

。既渡之後。固不須舟楫。未渡之前。豈可無舟楫耶。證道歌云。棄有著無病亦然。還如避溺而投水。（見金剛經集註。）

濾水羅

梵語鉢里薩羅伐拏。此云濾水羅。會正記云。西方用上白氈。東夏宜將密絹。若是生絹。小蟲直過。可

絹四尺。捉邊長挽。兩頭刺著。即是羅樣。兩角施帶。兩畔直恂。（音寇。似鼎鉉也。）中安橫杖尺六。兩邊繫柱。下以盆承。傾水時。罐底須入羅內。如其不爾。蟲隨水落。墜地墜盆。還不免殺。僧祇云。蟲細者三重漉。毘尼母云。應作二重漉水囊。若猶有。應作三重。不得夾作。恐中間有蟲難出。當各作捲。逐重覆卻。方護生也。根本百一羯磨。明五種水羅。一方羅。用絹三尺或二尺。隨時大小作。二法瓶。陰陽瓶也。三君遲。以絹擊口。以繩懸沈於水中。待滿引出。四酌水羅。五衣角羅。但取密絹。方一搭手。或繫瓶口。或安鉢中。濾水用也。（見名義集。）

雜藏

詳五藏條。

雜染

顯揚聖教論明三雜染。一煩惱雜染。亦名惑雜染。謂身見邊見及貪瞋癡等一切煩惱。皆能染污心識。令不清淨故也。二業雜染。謂或因煩惱所生。或因煩惱緣助動。身口意造作惡業。皆能染污真性。今不清淨故也。三生雜染。亦名苦雜染。謂煩惱及業故生。因生故苦。卽生老病死等苦。皆能染污真性。今不清淨故也。（見三藏法數。）

雜阿含

詳四阿含條。

雜碎衣

詳僧伽梨條。

雜韃度

詳韃度條。

十九畫

羅刹

梵語羅刹。此云速疾鬼。又云可畏。亦云暴惡。或云羅叉婆。此云護士。若女則名囉叉斯（見名義集。）又云。羅刹本印度古民族之名稱。至雅利人安。遂成爲最惡之名詞。或作那刹。（見辭源。）

羅睺

文句。此云障持。化身長八萬四千由旬。舉手掌障日月。世言日月蝕。釋名云。日月虧曰蝕。稍小侵虧。如蟲食草木之葉也。京房易傳云。日月赤黃爲薄。或曰不交而食曰薄。韋昭云。氣往薄之爲薄。虧毀曰食。成論云。譬如天日月。其性本明淨。煙雲塵霧等。五翳則不現。（等。取修羅。）故佛誠云。修羅修羅。汝莫吞月。月能破暗。能除衆熱。什曰。阿修羅食月時。名羅睺羅。秦言覆障。謂障月明也。（見名義集。）

羅云

詳羅睺羅條。

羅什

詳童壽條。

羅睺羅

亦云羅云。詳十大弟子條。

羅勒迦藍

仙人名。詳雪山修行條。

羅闍祇伽羅

詳王舍城條。

識分

唯識明四分。一相分。二見分。三自證分。四證自證分。此四分義。以鏡譬之。鏡（鏡之本體）如自證分。鏡明如見分。鏡像如相分。鏡背（鏡體所依。）如證自證分。（見名義集。）又云。四分者。一相分。即形相。謂此識能變現根身世界。及諸法名義相狀。皆由第八識此分而生。如鏡中所現之影像也。二見分。見即照了之義。謂此識能照燭一切諸法。及解了諸法義理。如鏡中之明能照萬像也。三自證分。自證所具之法。謂此識能持見分相分。親證無礙。如鏡之圓體。能持其明。能含衆像也。四證自證分。證即能證之體。自證即所具之法。能持前自證分見分相分。皆不離此分。是第八識本體。如鏡之背也。（見三藏法數。）

識量

唯識明三量。一現量。謂依現前能見之物。或能聞之聲。有眼耳識之見分。能直接緣取。不假計度等分別。是

謂現量。二比量。謂如既見物。然後以意識計度之。或以他物相比較而量得者。則謂之比量。三非量。即前之現比二量。有錯訛時。皆名非量。除此三量之外。後有所謂聖言量者。是佛親證。凡夫虔誠信受之。如佛能知四空天。有無身之衆生。此界常人既不能知。更非現量能證。比量能得。唯依佛聖者親證。轉示衆生之言爲最宜。（見唯識三字經釋論。）又云。一現量。現即顯現。量即量度。是楷定之義也。謂眼識乃至身識。對於顯現五塵之境。而能度量。楷定法之自相。不錯謬故。是名現量。二比量。比即比類。謂以比類量度而知有故。如遠見煙。知彼有火。是名比量。三聖教量。謂於聖人所說現量比量之言教。皆不相違。定可信受。是名聖教量。（見宗鏡錄，三藏法教。）又梵語彌底。此云正量。相宗明三種量。一現量。唯約佛果。起後得智。見實相理。有二。一。定位。定心澄湛。境皆明證。故名現量。現者。明也。二。散心現量。如五識緣色等時。親明而取。局附境體。分明顯現。現者。親也。二比量。通約凡夫至等覺。比量生解。如遠見煙。比知有火。雖不見火。言非虛故。三證言量。諸佛經教。以爲證準。（見名義集。）

識食 詳齋法四食條。

識緣二境 識所緣。有三鏡。一性境。性即實之義也。謂眼識乃至身識及第八識等。所緣色等實境相分。不起名言。

。無籌度心。是名性境。二獨影境。影即影像。是相分異名。謂如第六識。緣空華兔角。及過去未來所變相分。無種爲伴。但獨自有。是名獨影境。三帶質境。帶即兼帶。質即體質。謂以心緣心也。如第七識緣第八識見分境時。其相分無別種生。一半與本質同種生。一半與能緣見分同種生。是名帶質境。（見宗鏡錄，三藏法數。）獨影有二種。一者無質獨影。即第六緣空華兔角。及過去等所變相分是。其相分與第六見分同種生。無空華等質。二者有質獨影。即第六識緣五根種現是。皆托質而起故。其相分亦與見分同種而生。亦名獨影境。（見名義集。）唯識明三境。一性境。如前五識緣色聲等五塵所成之物時。既有實體。復能得其實用。故名性境。性即實也。二獨影境。獨影者。不過是境界之影像。非前五識之所緣。全係意識之所造。如所云龜毛兔角等。並無是物。眼等不能見。而意識皆能想像及之。是謂無質獨影境。又若真如之不生不滅。吾人當未能親證。僅依意識想像時。亦非實在真如。不過是真如之影子。此可云有質獨影境。但彼質不生。亦非實質。三帶質境。此境分二。一曰真帶質。是以心緣心。如末那緣阿賴耶識爲我時

。兩皆屬心法。其所執之我相。是由託賴耶之質而變起。故名真帶質也。二曰似帶質。是以心綠色。如由眼識見分。帶物之本質而自變其相分以緣之。以色是假法。故名似帶質也。又云。性境者。如五識初緣五塵。真帶質境。如未那緣藏識。似帶質境。如意識緣花草。有質獨影境者。如意識緣真如。無質獨影境者。如意識緣兔角（見唯識三字經釋論。）

藥王 梵語阿迦雲。此云藥王。觀藥王藥上菩薩經云。過去有佛。號琉璃光照。滅度之後。時有比丘。名為日藏。宣布正法。時有長者。名星宿光。聞說法故。持呵梨勒及諸雜藥。奉上日藏并諸大眾。因此立名藥王。後當作佛。名為淨眼。星宿光弟。名電光明。聞說法故。以其醜陋上妙之藥而用供養。因此立名。名為藥上。後當作佛。名曰淨藏。又神仙傳云。昔堯舜之時。殷湯之際。周秦已後。大漢至唐。凡五度化身。來救貧病。其犬化為黑龍。背負老師。沖天而去。本草序云。醫王子姓韋。名古。字老師。元是疏勒國得道人也。身披毳袍。腰懸數百葫蘆。頂戴紗巾。手持藜杖。常以一黑犬同行。壽年五百餘歲。泊唐開元中。孟春之月。有人疾患。稍多疼困。師發願。心存目想。遂普施藥餌。無不痊平。視之者便愈。後乃圖形供養。皇帝敬禮。為藥王菩薩。（見名義集。）

藥叉 詳夜叉條。

藥草喻 藥草者。譬三乘人根性也。草有三種。謂小草，中草，大草。小草喻天人。中草喻聲聞緣覺。大草喻藏教菩薩。藥草雖大小不同。若蒙雲雨露潤。皆得敷榮鬱茂。能治衆病。以喻三乘之人。根器雖高下不同。若蒙如來慈雲法雨潤澤。則能成大醫王。普救羣品。故以藥草為喻也。（出法華文句。見三藏法數。）

邊見 詳二種見條。

邊地獄 此地獄總有三。謂曠野，山間，水間。各受別業苦報。莊椿錄。孤獨地獄。在閻浮提諸處。或曠野山間海畔廟中。有八萬四千座。苦報轉輕。此小獄應寒熱雜受。苦有多少。壽有延促。海邊如僧護所見諸獄。山間如泰山鄆都。又如億耳所見等。（見二課合解。）

爍迦羅 乃堅固義。此同金剛。（見名義集。）經云。舜若多性可銷亡。爍迦羅心無動轉。（見華嚴經。參看舜若多條。）

蟻子 梵語臂卑履也。此云蟻子。(見名義集。)

鯨魚 梵語摩竭。或摩伽羅。此云鯨魚。雄曰鯨。雌曰鯢。大者長十餘里。大論云。五百賈客入海採寶。值摩竭魚王

開口。船去甚疾。船師問樓上人何所見耶。答曰。見三日。及大白山。水流奔趨。如入大坑。船師云。三日者。一是實日。二是魚目。白山是魚齒。水奔是入魚口。我曹死矣。時船中各稱所事。都無所驗。中有優婆塞語衆人言。吾等當共稱佛名字。佛爲無上救苦厄者。衆人一心共稱南無佛。是魚先世曾受三戒。得宿命智。聞佛名字。卽自悔責。魚便合口。衆人命存。莊子云。吞舟之魚。失水則螻蟻而能制之。(見名義集。)亦云摩迦羅。又鯨魚。亦曰摩竭。(見佛爾雅。)

壞劫 詳莊嚴劫條。

壞苦 詳四諦條。

難陀 其一。文句云。亦云放牛難陀。此翻善歡喜。亦翻欣樂。文句記云。從初慕道爲名歡喜中勝。故云善也。其二

。孫陀羅難陀。孫陀羅。此云好愛。妻名也。或名孫陀羅利。此云善妙難陀。云歡喜已號也。簡放牛難陀。故標其妻。其三。難陀跋難陀。文句云。難陀。此云歡喜。跋。此翻善兄弟。常護摩竭提國。雨澤以時。國無飢年。瓶沙王年爲一會。百姓聞皆歡喜。從此得名。慈恩云。第一名喜。次名賢喜。此二兄弟。善應人心。風不鳴條。雨不破塊。初令人喜。後性復賢。今喜又賢。故以爲名。大論云。有龍王兄弟。一名媯利。二名阿伽和羅。降雨以時。(分見名義集。)

難勝地 詳十地條。

二十畫

釋梵 釋謂帝釋。(詳釋提桓因條。)梵謂大梵天王。(詳大梵條。)

釋迦文 淨名疏云。天竺語。釋迦爲能。文爲儒。義名能儒。大論云。釋迦文佛。先世作瓦師。名大光明。爾時有佛

。名釋迦文。弟子名舍利弗，目伽連，阿難等。佛與弟子俱到瓦師舍寄宿。爾時瓦師布施草坐燈明石蜜漿。便發願言。我於當來作佛。如今佛名。弟子名字。亦如今佛。故今釋迦牟尼亦號釋迦文也。優婆塞戒經云。我於釋迦最初發心

於迦葉佛滿三僧祇。須知三祇正滿。在於勝觀。(參看然燈佛條。)今言迦葉。兼百劫故。(見名義集。參看三祇條。)

釋迦牟尼 撫華云。此云能仁寂默。寂默故不住生死。能仁故不住涅槃。悲智兼運。立此嘉稱。發軔云。本起經翻

釋迦爲能仁。本行經翻牟尼爲寂默。能仁是姓。寂默是字。姓從慈悲利物。字取智慧冥理。以利物故不住涅槃。以冥理故不住生死。長水云。寂者。現相無相。默者。示說無說。此則即真之應也。(見名義集。)又云。釋迦牟尼。賢劫

中第四佛也。姓刹利。父淨飯王。母摩耶。人壽百歲時。此佛出世。當此土周昭王二十六年甲寅四月初八日。自母摩

耶右脅誕生。涅槃於此土周穆王五十二年壬申歲。(參看阿輸迦條。)壽七十九。說法四十九年。侍者阿難。後承命結

集經典。爲第二祖。(參看七佛三十三祖條。)子羅睺羅。皆大阿羅漢。(見壇經箋註。)偈曰。法本法無法。無法法亦

法。今付無法時。法法何曾法。(見指月錄一。)

釋尊姓字 世本云。言姓即在上。言氏即在下。西域記云。姓者。所以繫統百世使不別也。氏者。所以別子孫之所

出也。族姓殊者。有四流焉。一婆羅門。二刹帝利。三吠舍。四戌陀羅。(詳印度四姓條。)智度論云。隨時所向。佛

生其中。釋迦出剛強之世。托王種以振威。迦葉生善順之時。居淨行以標德。故佛諸文。姓有六種。一瞿曇。二甘蔗

。三日種。四釋迦。五舍夷。六刹利。(見名義集。)佛祖統紀云。世人皆知如來爲刹帝之王種。而不知瞿曇釋迦前

後立姓之由。瞿曇之義有四。或云純淑。或云地最勝。此從本德而稱也。或云甘蔗。或云日種。此就本緣而言也。譯

迦之義有三。據德立號。則曰能仁。依處稱名。則曰舍夷直林。然釋迦立姓之由。雖因甘蔗王之四子。而實出自瞿曇

也。瞿曇釋迦。稱雖有異。姓卽是一。或加日種，甘蔗，舍夷。列爲五姓。則本末相分。源流一致。是知舍夷釋迦二姓。出自甘蔗。甘蔗出自瞿曇。其實皆刹帝利王之一姓也。（見三藏法數。）瞿曇。或憍曇彌。或俱譚。西域記云。喬答摩。舊云瞿曇。訛略也。古翻甘蔗泥土等。南山曰。非也。瞿曇星名。從星立稱。至於後代。改姓釋迦。慈恩云。釋迦之羣望也。文句曰。瞿曇。此云純淑。應法師翻爲地最勝。謂除天外。人類中此族最勝。如十二游經。明阿僧祇時。大茅草王。捨位付臣。師婆羅門。遂受其姓。名小瞿曇。仁賢劫初。識神托生。立瞿曇姓。故知瞿曇。遠從過去。近自民主。二姓甘蔗者。菩薩本行經云。大茅草王。得成王仙。壽命極長。老不能行。時諸弟子。出求飲食。以籠盛仙。懸樹枝上。獵師遙見。謂鳥便射。滴血於地。生二甘蔗。日炙開剖。一出童男。一出童女。占相師立男名善生。卽灌其頂。名甘蔗王。女名善賢。爲第一妃。三姓日種者。本行經云。又以日炙甘蔗出故。亦名日種。四姓舍夷者。文句云。舍夷者。貴姓也。此名訛略。正云奢夷者耶。本行經云。以住釋迦大樹蒼鬱枝條之林。是故名爲奢夷者耶。此以其處而立於姓。故國名舍夷。（又云。甘蔗王第四子。名別成。爲父擯出。至雪山舍夷直樹林住。其後建國。名舍夷。因以爲姓。見佛爾雅。）五姓釋迦者。長阿含經云。昔有輪王。姓甘蔗氏。聽次妃之譖。擯四太子至雪山北。自立城居。以德歸人。不數年間。鬱爲強國。父王悔憶。遣使往召。四子辭過不還。父王三歎我子釋迦。因此命氏。又云住直樹林。又號釋迦。旣於林立國。卽以林爲姓。此以釋迦翻爲直林。（又本行經云。甘蔗王第一妃善賢。生子名長壽。第二妃生四子。一名炬面。二名金色。三名象衆。四名別成。時善賢妃欲立長壽。白王擯遣四子出國。至雪山北。住直樹林中。其第四子別成。爲王自立城居。以德化人。卽爲強國。父王追悔。遣使往召。辭過不還。父王歎曰。我子釋迦。遂以德爲姓。故云釋迦也。）（見三藏法數。）又釋迦牟尼。翻度沃蕉。（詳度沃蕉條。分見名集。）

釋提桓因

大論云。釋迦秦言能。提婆秦言天。因提秦言主。合而言之。云釋提婆那民。或云釋迦提婆因陀羅。今略云帝釋。蓋華梵雙舉也。雜阿含云。有一比丘問佛。何故名釋提桓因。答。本爲人時。行於頓施。堪能作主。故名釋提桓因。瓔珞經云。汝今天帝釋。功德衆行至。千佛兄弟過。無復賢劫名。中間永曠絕。二十四劫中。後乃有佛出

。刹土名普忍。彼佛壽七劫。遺法亦七劫。其法已沒盡。曠絕經五劫。汝於彼刹土。當紹如來位。號名無著尊。（見名義集。參看忉利條。）

釋迦毘楞伽 詳毘楞伽條。

蘇合 梵語咄嚕瑟劍。此云蘇合。珙鈔引續漢書云。出大秦國。合諸香煎其汁。謂之蘇合。廣志亦云出大秦國。或云蘇合國。國人采之。箝其汁以爲香膏。乃賣其滓。或云合諸香草煎爲蘇合。非一物也。（見名義集。）或云突縮迦。亦翻蘇合香。（見佛爾雅。）

蘇摩 詳月神條。

蘇利耶 詳月神條。

蘇迷盧 詳須彌條。

蘇伐羅 此云金。（詳七寶條。）許慎云。金有五色。黃金爲長。久埋不變。百陶不輕。真諦釋金四義。一色無變。二體無染。三轉作無礙。四令人富。以譬法身常樂我淨四德耳。（見名義集。）

蘇摩那 其一。華名。此云善攝意。（詳須曼那條。）其二。城名。或云蘇摩耶。華言悅意。在普門國。文殊師利所居。（見佛爾雅。）

蘇悉地 或蘇悉帝。此云善圓成。謂善能圓滿一切願心。善能成就一切事理也。（見二課合解。）

譬喻 梵語阿波陀那。此云譬喻。文句云。譬者，比况也。喻者，曉訓也。至理玄微。抱迷不悟。妙法深奧。執情奚解。要假近以喻遠。故借彼而况此。涅槃經說喻有八種。一順喻。二逆喻。三現喻。四非喻。五先喻。六後喻。七先後喻。八徧喻。順喻者。天降大雨。溝瀆皆滿。溝瀆滿故。小坑滿等。如來法雨。亦復如是。衆生戒滿。戒滿足故。不悔心滿等。逆喻者。大海有本。所謂大河。大河有本。所謂小河等。以喻涅槃有本。謂解脫等。現喻者。衆生心性。猶如獼猴。非喻者。如來曾對波斯匿王。說有四山從四方來。欲害於人。王若聞者。當設何計。王卽答云。唯當專心持戒布施。四山卽是生老病死。常來切人。故云非喻。先喻者。譬如有人貪著妙華。欲取之時。爲水所漂。衆生亦

然。貪著五欲。爲生老病死之所漂沒。後喻者。莫輕小惡。以爲無殃。水滯雖微。漸盈大器。先後喻者。譬如芭蕉。生果則死。愚人得養亦如是。如驛懷妊。命不久全。徧喻者。三十三天。有波利質多樹。其根深入有五由旬。枝葉四布。葉熟則黃。諸天見已。心生歡喜。其葉既落。復生歡喜。枝變色已。又生歡喜等。我諸弟子亦如是。葉色黃者。喻我弟子念欲出家。其葉落者。喻我弟子剃除鬚髮等。經中具說。以此樹等。徧喻佛弟子等。故云徧喻。又第五卷明分喻云。面貌端正。如盛滿月。白象鮮潔。猶如雪山。滿月不可卽同於面。雪山不可卽是白象。不可以喻喻眞解脫。爲衆生故。故作是喻。(雪山比象。安責尾牙。滿月况面。豈有眉目。)法雲大師明增數譬喻云。太虛水月。並喻體空。兔角龜毛。皆况名假。因動背定。比舟行而岸移。由妄迷眞。譬雲駛而月運。六道生死。若朽故之火宅。諸佛涅槃。譬清涼之寶窟。今欲開解。遂集譬喻。俾聞法人見月忘指。冀修行者到岸捨筏。故引而伸之。(分見名義集。參看十二部經條。)

覺觀 法界次第云。初心在禪曰覺。細心分別禪味曰觀。釋禪波羅蜜次第法門云。初心在緣曰覺。細心分別曰觀。(見三藏法數。)智論問。有覺有觀。爲一法爲是二法耶。答。二法。麤心初念。是名爲覺。細心分別。是名爲觀。譬如撞鐘。初聲大時名爲覺。後聲細欲名爲觀。問曰。如何毘曇說。欲界乃至初禪一心中覺觀相應。今云何言麤心初念名爲覺。細心分別名爲觀。答曰。二法雖在一心。二相不俱。覺時觀不明了。觀對覺不明了。譬如日出。衆星不現。一切心心數法。隨時受名。亦復如是。(見名義集。參看尋伺條。)

覺義 論云。所言覺義者。謂心體離念。離念相者。等虛空界。無所不徧。法界一相。卽是如來平等法身。依此法身說名本覺。何以故。本覺義者。對始覺義說。以始覺者卽同本覺。始覺義者。依本覺故而不覺。依不覺故說有始覺。又以覺心源故名究竟覺。不覺心源故非究竟覺。此義云何。如凡夫人。覺知前念起惡。故能止後念令其不起。雖復名覺。卽是不覺故。如二乘觀智初發意菩薩等。覺於念異。念無異相。以捨麤分別執著相故。名相似覺。如法身菩薩。覺於念住。念無住相。以離分別麤念相故。名隨分覺。如菩薩地盡。滿足方便。一念相應。覺心初起。心無初相。以遠離微細念故。得見心性。心卽常住。名究竟覺。是故修多羅說。若有衆生能觀無念者。則爲向佛智故。(見梁譯

莊信論。參看一覺條。)

覺意三昧 此法出大品般若經。謂意之趨向。皆能覺識明了。悟一切法。獲無生忍。智者大師有釋論甚詳。可取學焉。(見佛教問答。)

懺悔

梵語懺摩。此翻悔過。義淨師云。懺摩，西音忍義。西國人誤觸身云懺摩。意是請恕。願勿瞋責。此方誤傳久矣。難可改張。應法師云。懺，訛略也。書無懺字。正言又摩。此云忍。謂容恕我罪也。天台光明釋懺悔品。不辨華

梵。但直釋云。懺者，首也。悔者，伏也。如世人得罪於王。伏款順從。不敢違逆。不逆爲伏。順從爲首。行人亦爾。伏三寶足下。正順道理。不敢作非。故名懺悔。又懺名白法。悔名黑法。黑法須悔而勿作。白法須企而尚之。取捨合論。故言懺悔。又懺名修來。悔名改往。往日所作不善法。鄙而惡之。故名爲悔。往日所棄一切善法。今日已去。誓願勤修。故名爲懺。棄往求來。故名懺悔。又懺名披陳衆失。發露過咎。不敢隱諱。悔名斷相續心。厭悔捨離。能作所作合棄。故言懺悔。又懺者名慚。悔者名愧。慚則慚天。愧則愧人。人見其顯。天見其冥。冥細顯麤。麤細皆惡。故言懺悔。淨名疏云。今明罪滅有三。一作法懺。二觀相懺。三觀無生懺。作法懺，滅違無作罪。依毘尼門。觀相懺，滅性罪。此依定門。觀無生懺，滅妄相罪。此依慧門。復次。違無作罪障戒。性罪障定。妄相罪障慧。作法懺者。如律所明。作法成就。能滅違無作罪，而性罪不滅。大論云。如比丘斬草害命。二罪同篇。作法懺二。無作滅，害命不滅。雖違無作滅。性罪未滅。觀相懺者。如諸方等經。所明行法。見罪滅相。菩薩戒云。若見光華種種好相。罪便得滅。若不見相。雖懺無益。若見好相。無作及性，二罪俱滅。觀無生懺者。此觀成時。能除根本妄惑之罪。如拔樹根。枝葉自滅。普賢觀經云。一切業障海。皆從妄想生。若欲懺悔者。端坐念實相。衆罪如霜露。慧日能消除。(見名義集。)懺悔有二。一者理懺。二者事懺。理懺者。經云。若欲懺悔者。端坐念實相。衆罪如霜露。慧日能消除。卽此義也。言事懺者。晝夜六時。三業清淨。對於尊像。披陳過罪。無始以來，至於今身。凡所造作。殺父，殺母，殺阿羅漢。破和合僧。出佛身血。邪淫，偷盜，妄言，綺語，兩舌，惡口，貪瞋癡等。如是五逆十惡。及餘一切。隨意發露。更不覆藏。畢故不造新。若如是。則外障漸除。內觀增明。如順流舟。更加檣棹。豈不速疾。到於所止。

。探蹟鉤深。敷文析理。義出神表。嘗游西印度。有一小國。請騰講金光明經。俄而鄰國與師來。將踐境。輒有事礙。兵不能進。彼國兵衆。疑有異術。密遣使覘。但見君臣安然共聽。其所講經。明地神王護國之法。於是彼國觀斯神驗。請和求法。時蔡愔等殷請於騰。騰與愔等。俱來見帝。終於洛陽。（參看白馬寺條。）竺法蘭。亦中印度人。少而機悟。淹雅博愛。多通禪思。妙窮毘尼。誦經百餘萬言。學徒千人。居不求安。常懷弘利。戒軌嚴峻。衆莫能窺。

遇愔求請。便有輕舉之志。而國主不聽。密與騰同來。間行後至。共譯四十二章經。騰卒。自譯五經。（見名義集。）
蘭若 具名阿蘭若。或名阿練若。大論翻遠離處。薩婆多論翻閑靜處。天台云。不作衆事。名之爲閑。無憤鬧故。名

之爲靜。或翻無諍。謂所居不與世諍。卽離聚落五里處也。肇云。忿競生乎衆聚。無諍出乎空閑。故佛讚住於阿蘭若。應法師翻空寂。苑師分三類。一名達磨阿蘭若。謂說法處。卽華嚴之初。說諸法本來湛寂。無起作義。二名摩登伽阿蘭若。謂塚間處。要去村落一俱盧舍。大牛吼聲所不及處。（參看拘盧舍條。）三名檀陀迦阿蘭若。謂沙磧之處也。（見名義集。）或云阿蘭那。或阿練拏。亦翻無喧雜。（見佛爾雅。）

藿香 梵語迦算。此云藿香。（見名義集。）藿香。又云鉢怛羅。（見佛爾雅。）野生。庭院亦多種之。莖方有節中空。葉有卵形。夏秋之間開花。花冠爲唇形。莖葉香氣頗烈。可以入藥。（見辭源。）

藿香葉 詳多阿摩羅跋陀羅條。

鹹海 梵語娑竭羅。或娑伽羅。此云鹹海。華嚴云。其娑竭羅龍王宮殿中水。涌出入海。復倍於前。其所出水。紺瑤璃色。涌出有時。是故大海潮不失時。（參看大海條。）金剛三昧不壞不滅經云。以沃燠山。大海不增。（參看度沃燠條。）以金剛輪故。大海不滅。此金剛隨時轉故。令大海水同一鹹味。（見名義集。參看海印條。）又云。七金山之第七山外。卽大鹹水海。北自外第七重金山山根。南至鐵圍山山根。二山中間鹹海。闊三十六萬二千由旬。如是彌漣四方。餘三方之距兩山。闊亦如之。（見二課合解。參看一四天下條。）

彌猴江 詳精舍條。

鶯子 詳舍利條。（參看十大弟子條。）

鰐魚 梵語失收摩羅。或失守摩羅。此翻鰐魚。善見云。鰐魚長二丈餘。有四足。似鼉。齒至利。禽鹿入水。齧腰即

斷。又翻殺子魚。廣州有之。（見名義集。）一作失獸摩羅。（見佛爾雅。）

鐘磬 詳犍椎條。

二十一畫

魔羅 簡稱魔。大論云。秦言能奪命。死魔實能奪命。(參看四魔條)餘者能作奪命因緣。亦能奪智慧命。是故名殺者。又翻爲障。能爲修道作障礙故。或言惡者。多愛欲故。垂裕云。能殺害出世善根。第六天上。別有魔羅所居天。他化天攝。(見名義集。)又云。此魔多作三種形相。惱亂行人。一違情之事。卽醜色惡聲等可畏五塵。及虎狼獅子羅刹等類。二順情之事。卽美色嬌聲可愛五塵。及父母等形相之類。三非違非順之事。卽尋常所見五塵等類。以上三事。或令怖畏。或令愛著。皆能動亂行人之心。而使禪定不得發也。(見三藏法數。)論云。或有衆生善根微少。爲諸魔外道鬼神惑亂。或現惡形以怖其心。或示美色以迷其意。云云。(見唐譯起信論。)

灌頂

灌頂者。謂等覺菩薩。將入妙覺之位。如轉輪王太子受王位時。以四海水灌其頂也。灌頂法者。卽十住中第十

位菩薩之法也。楞嚴經云。表以成人。如國大王。以諸國事。分委太子。彼刹利王世子長成。陳列灌頂。名灌頂住。

謂表菩薩旣成佛子。堪行佛事。佛以智水而灌其頂。猶如刹利轉輪王之子受職。而父王以大海水灌其頂也。(分見三

藏法數。)又云。灌頂法者。謂於寶瓶湛神力之智水。敷法界曼荼羅之大圖。嚴自在神通之師子寶座。佛子登之。大

阿闍黎入法身如來之三摩地。執彼寶瓶。灌佛子頭頂。洗無明之垢穢。顯本有之理智。說法王之遺訓。授法王之印璽

。紹法王之職位。約事言之。凡有三種灌頂。曰結緣。曰受明。曰傳法。是也。初結緣灌頂者。無論道俗貴賤。平等

引入之。授一印一明。結曼荼羅值遇之因緣。次受明灌頂者。又名學法灌頂。又名許可灌頂。是雖亦通於道俗。而唯

擇持戒清淨。信心堅固之機引入之。授以具修三密之法則也。次傳法灌頂者。於出家弟子中。擇上根勝慧。又能精熟

諸尊三密之人引入之。授以兩部最極之大事。(參看兩部曼荼羅條。)紹傳燈阿闍黎之職位也。(見真言宗義章。)

護士

詳羅刹條。

護戒神

謂五戒之中。各有五神爲作護衛也。灌頂經云。若持五戒者。有二十五善神衛護其身。在人左右。守於宮

殿門戶之上。使萬事吉祥也。一護不殺戒五神。一茶芻毗愈陀尼。護持戒人身。辟除邪鬼。二輸多利輸陀尼。護持戒

人六情。悉令完具。三毘樓遮那世波。護持戒人腹內。使五藏平調。四阿陀龍摩坻。護持戒人血脈。悉令通暢。五婆羅桓尼和婆。護持戒人爪指。無所毀傷。二護不盜戒五神。一抵摩阿毗婆馱。護持戒人出入往來。使得安甯。二阿修輸婆羅陀。護持戒人所噉飲食。悉使甘香。三婆羅摩亶雄雌。護持戒人睡夢平安。覺寤歡悅。四婆羅門地鞞哆。護持戒人不爲蠱毒所中。五邪摩呼哆耶舍。護持戒人不爲霧露之毒所害。三護不邪淫戒五神。一佛馱仙陀樓哆。護持戒人口舌鬪諍不行。二鞞闍耶藪多婆。護持戒人不爲瘡癘鬼所持。三涅圮醯馱多耶。護持戒人不爲縣官所得。四阿邏多賴都耶。護持戒人舍宅四方。驅逐凶殃。五波羅那佛曇。護持戒人平定舍宅。四護不妄語戒五神。一阿提梵者珊耶。護持戒人不爲塚墓鬼所嬈。二因臺羅因臺羅。護持戒人門戶。辟除邪惡。三阿伽風施婆多。護持戒人不爲外氣鬼神所害。四佛曇彌摩多哆。護持戒人不爲災火所延。五多賴又三密陀。護持戒人不爲偷盜所侵。五護不飲酒戒五神。一阿摩羅斯兜嘻。護持戒人若入山林。不爲虎狼所害。二那羅門闍兜帝。護持戒人不爲傷亡所嬈。三鞞尼乾那波。護持戒人除惡烏鳴狐鳴。四茶鞞門毗舍羅。護持戒人除犬鼠變怪。五伽摩毘那闍尼佉。護持戒人不爲凶注（凶注者，謂陰司注寫凶惡之事也。）所牽。（見法苑珠林，三藏法數。）

護明菩薩

卽釋迦佛在兜率天宮之菩薩號也。佛本行集經。明護明菩薩。在兜率天宮。欲下人間託生。卽於師子座上。宣說一百八法明門。留與諸天以作憶念。然後下生也。（見三藏法數。）

護法菩薩

詳達摩波羅條。

羸提

此云忍辱。其一。爲六波羅蜜之一。（詳忍辱及六度條。）其二。仙人名。（詳忍辱仙條。）

瓔珞

梵語吉由羅。或积由邏。此名瓔珞。（見名義集。）頸飾綴珠等爲之。（見辭源。）

鐵圍山

梵語柘迦羅。或云灼羯羅。又云斫迦羅。應法師云。此翻云輪山。舊云鐵圍。圍卽輪義。譯人義立。（見名義集）又云。梵語斫迦羅山。此翻輪圍山。又翻鐵圍山。純鉄所成。高廣各三百由旬。周圍三十六億一萬三百五十由旬。總圍大鹹海。（見二課合解。參看一四天下條。）釋氏要覽云。長阿含並起世因本經等云。四洲地心。卽須彌

山。梵音正云蘇迷盧。此名妙高山。此山有八山。遶外有大鐵圍山。周圍迴繞。並一日月。晝夜迴轉。照四天下。名

一國土。（見壇經箋註。參看須彌條。）

鷄園 梵語屈吒阿濫摩。此云鷄園。（見佛爾雅。）又梵語鷄頭摩。疎疏釋鷄園。引智論云。昔有野火燒林。林中有

雉。（梵語迦頻闍維。此云雉）入水漬羽。以救其焚。纂要云。謂鷄頭摩寺。（見名義集。）

鷄舌香 五馬洲出。南洲異物志曰。是草萎可合香箋。外國胡人說。衆香共是一木。華爲鷄舌香。（見名義集。）

鷄足山 梵語鳩鳩吒。此云鷄。梵語屈屈吒播陀。西域記云。唐言鷄足山。亦名窰盧播陀。唐言尊足。峻起三峯，迦

葉旣入。三峯歛覆。（此山在我國滇西。釋迦弟子摩訶迦葉，守衣入定。以俟彌勒除生傳法。卽此山也。）三會說法之後。餘有無量憍慢衆生。（參看彌勒條。）慈氏將登此山。彈指峯開。迦葉授衣。火化入滅。（見名義集。）

麝香 梵語莫訶婆伽。此云麝。（見名義集。）麝，獸名。腹部有皮脂結成之塊。大如鷄卵。香甚烈。謂之麝香。（見辭源。）

嚼楊枝 梵語鞞鐸佉。西域記云。象堅翠塔波北山巖下。有一龍泉。是如來受神飯已。及阿羅漢於中漱口嚼楊枝。因

卽植根。今爲茂林。後人於此建立伽藍。名鞞鐸佉。唐言嚼楊枝。毘奈耶云。嚼楊枝有五利。一口不臭。二口不苦。

三除風。四除熱。五除痰癥。四分云。不嚼楊枝有五過。口氣臭。不善別味。熱癥不消。不引食。眼不明。（見名義

集。）佛國記云。南天竺沙祇大國。城南門道東。佛在此嚼楊枝。刺土中。卽生。長七尺。不增不減。諸外道婆羅門嫉妬。或斫或拔遠棄之。其處續生如故。洛陽伽藍記云。烏場國城北八十里。有寺塔。有泉石。佛本清淨。嚼楊枝。

植地卽生。今成大樹。名曰婆樓樹。（見佛爾雅。）

辯才 梵語鉢底婆。此云辯才。（詳四無礙智條。）

攝論 攝論者。卽攝大乘論也。謂收攝一切大乘聖教法門要義集而辨之也。此論乃無著菩薩所造。天親無性二菩薩各

作論釋。申通其義。梁真諦唐玄奘二法師翻譯不同。名梁攝論，唐攝論。通名五攝論也。（見法寶標目。三藏法數。）

二十二畫

體相用 體相用三。論主以之明大乘法也。論云。所言義者。則有三種。一者體大。謂一切法真如平等。不增減故。

二者相大。謂如來藏具足無量性功德故。三者用大。能生一切世間出世間善因果故。一切諸佛本所乘故。一切菩薩皆乘此法到如來地故。（見梁譯起信論。）

體真止 詳三止條。

讀誦 看文曰讀。背文曰誦。謂一大藏教佛祖至言。若讀誦受持者。可以滅罪生福。或因言悟旨。而得心地開明，顯發智慧也。灌頂云。圓解觀心。更加讀誦。如膏助火。心觀益明。（見三藏法數。）

二十三畫

顯色 詳三種色條。

變不男 詳五不男條。

鷺峯 詳耆闍崛山條。

鷺麥 梵語迦師。後堂云。唐言錯麥。慈和云。北人呼為鷺麥。南人呼為雀麥。南泉鈔以錯麥為大麥。十誦指迦師為

小麥飯。事鈔錯麥與迦師一物也。（見名義集。）

薑草芸香 詳零陵條。

麟喻 詳辟支條。

二十四畫

靈鷲 詳耆闍崛山條。

靈骨 詳舍利條。

靈廟 詳窣堵波條。

靈覺性

斷際禪師云。此靈覺性。無始以來。與虛空同壽。未曾生。未曾滅。未曾有。未曾無。未曾穢。未曾淨。未

曾喧。未曾寂。未曾少。未曾老。無方所。無內外。無數量。無形相。無色象。無音聲。不可覓。不可求。不可以智。慧識。不可以言語取。不可以境物會。不可以功用到。諸佛菩薩。與一切蠢動含靈。同此大涅槃性。性即是心。心即是佛。佛即是法。一念離真。皆爲妄想。不可以心更求於心。不可以佛更求於佛。不可以法更求於法。故學道人直下無心。默契而已。（見傳心法要。）

鷹隼

梵語嘶那夜。此云鷹。爾雅云。鷹，隼醜。其飛也翬。（音揮）註曰。鼓翅翬然疾。孔氏志怪曰。楚文王少

時。雅好田獵。天下快狗名鷹畢聚焉。有人獻鷹。曰，非王鷹之儔。俄而雲際有一物凝翔。飄飄鮮白。而不辨其形。

鷹見。於是竦翻而升。蟲若飛電。須臾羽墮如雲。血灑如雨。良久間。有一大鳥墮地而死。其鳥兩翅度廣數十里。喙邊有黃。衆莫能知。時博物君子曰。此大鵬雛也。始飛焉。故爲鷹所制。文王乃厚賞獻者。又言隼者。易曰。王用射。（是亦切）隼于高墉之上。孔穎達云。隼者。貪殘之鳥。鷓鴣之屬。玉篇云。祝鳩也。顏師古云。隼。鷲鳥。卽今之鷓也。劉向以爲隼近異祥。貪暴類也。（見名義集。）

二十五畫

觀世音

梵語阿那婆婁吉低輸。文句名婆婁吉低稅。此云觀世音。能所圓融。有無兼暢，照窮正性。察其本末。故稱

觀也。世音者。是所觀之境也。萬象流動。隔別不同。類音殊唱。俱蒙離苦。菩薩弘慈。一時普救。皆令解脫。故曰觀世音。應法師云。阿婆盧吉低舍婆羅。此云觀世自在。雪山已來經本。云娑婆羅。則譯爲音。無量清淨平等覺經。

名盧樓巨。此云光世音。西域記云。阿縛盧枳多伊濕伐羅。唐言觀自在。合字連聲。梵語如上。分大散音。卽阿縛盧枳多。譯曰觀。伊濕伐羅。譯曰自在。舊譯爲光世音。或世自在。皆訛謬也。唐玄奘三藏云。觀有不住有。觀空不住空。聞名不惑於名。見相不沒於相。心不能動。境不能隨。動隨不亂其真。可謂無礙智慧也。（見名義集。）梵語半拏羅婆悉你。華言白衣觀自在母。（見佛爾雅。）梵語訶哩耶婆盧吉帝。此云聖觀音。悲華經云。往昔劫中。阿彌陀佛爲轉輪王時。觀音爲第一太子。名不眴。勢至爲第二太子。名尼摩。文殊爲第三太子。名王衆。乃至普賢爲第八太子。名泯圖。而今觀世音以大悲故。普門示現。尋聲救苦。隨感卽驗。（見二課合解。）

觀世音菩薩心咒（一名六字大明咒）

唵嘛呢叭彌吽

此咒是觀世音自在菩薩微妙本心。能消災障。增福慧。出苦輪。成佛道。迴向極樂。決定往生。

大悲經云。佛言。此菩薩名觀世音自在。亦名燃索。亦名千光眼。善男子。此觀世音菩薩不可思議威神之力。已於過去無量劫中。已作佛竟。號正法明如來。大悲願力。爲欲發起一切菩薩安樂，成熟諸衆生故，現作菩薩。汝等大眾，諸菩薩摩訶薩。梵釋龍神。皆應恭敬。莫生輕慢。一切人天。常須供養。專稱名號。得無量福。滅無量罪。命終往生阿彌陀佛國。

千手千眼無礙大悲心陀羅尼（一名大悲咒）

南無喝囉怛那哆囉夜唵。南無阿唎唵。婆盧羯帝燂鉢囉唵。菩提薩埵娑婆唵。摩訶薩埵娑婆唵。摩訶迦盧尼迦唵。唵。薩

幡囉伐曳。數怛那怛寫。南無悉吉唵埤伊蒙阿唎耶。婆盧吉帝室佛囉楞馱婆。南無那囉謹墀。醯唎摩訶幡哆沙咩。薩婆阿他豆輸朋。阿逝孕。薩婆薩哆那摩婆薩哆那摩婆伽。摩訶特豆。怛姪他。唵阿婆盧醯。盧迦帝。迦羅帝。夷醯唎。摩訶菩提薩埵。薩婆薩婆。摩囉摩囉。摩醯摩醯唎馱孕。俱盧俱盧羯蒙。度盧度盧罰闍耶帝。摩訶罰闍耶帝。陀囉陀囉。地唎尼。室佛囉耶。遮囉遮囉。摩摩罰摩囉。穆帝隸。伊醯伊醯。室那室那。阿囉嚩佛囉舍利。罰沙罰參。佛囉舍耶。呼盧呼盧摩囉。呼盧呼盧醯利。娑囉娑羅。悉唎悉唎。蘇嚩蘇嚩。菩提夜菩提夜。菩馱夜菩馱夜。彌帝唎夜。那囉謹墀。地利瑟尼那。婆夜摩那。娑婆訶。悉陀夜。娑婆訶。摩訶悉陀夜。娑婆訶。悉陀唵藝。室幡囉耶。娑婆訶。那囉謹墀。娑婆訶。摩囉那囉。娑婆訶。悉囉僧阿穆佉耶。娑婆訶。娑婆摩訶阿悉陀夜。娑婆訶。者吉囉阿悉陀夜。娑婆訶。波陀摩羯悉陀夜。娑婆訶。那囉謹墀幡伽囉耶。娑婆訶。摩婆利勝羯囉夜。娑婆訶。南無喝囉怛那哆囉夜耶。南無阿利耶。娑囉吉帝。燦幡囉夜。娑婆訶。唵悉殿都。漫多囉。跋陁耶。娑婆訶。（見大心陀羅尼經。）大悲咒註像（並見大悲心咒像解）

南無喝囉怛那哆囉夜唵 一。此是觀世音菩薩本身。大須慈悲。用心誦讀。勿高聲。神性急。

寶咒註云。南無。此云皈依，皈命，皈敬。或翻空色。若約法身理而言。謂空是真空之體。色是幻色之用。攝用皈體。故云皈依。喝囉怛那。華言觀音菩薩。哆囉夜唵。華言摩訶薩。

南無阿唎耶 二。此是如意輪菩薩本身。到此須存誠主敬。

寶咒註云。南無阿唎耶。此是如意輪菩薩。卽觀音現黑面像。護持誦咒行人。

婆盧羯帝燦鉢囉唵 三。此是持鉢觀世音菩薩本身。若欲取舍利子。誦此存想菩薩持鉢。

寶咒註云。婆盧羯帝。燦鉢囉唵。觀音現無量壽相。能令衆生獲長壽身。

菩提薩埵娑唵 四。此是不空羼索菩薩。押大兵。

寶咒註云。菩提薩埵娑唵。觀音現不空羼索菩薩。普度衆生。得菩提心。

摩訶薩埵娑唵 五。此是菩薩種子自誦咒之本身。

寶咒註云。摩訶薩埵婆囉。此是觀音種子。能使羣生獲解脫種。

摩訶迦盧尼迦囉。六。此是馬鳴菩薩本身。手把鉞折羅。

寶咒註云。摩訶迦盧尼迦囉。觀音現馬鳴菩薩。能除一切病苦。悉皆消滅。

唵。七。唵字是諸鬼神合掌聽誦咒。

寶咒註云。唵。如來因位。多年修行。不得菩提。後習此觀。於初夜分。便正成覺。謂唵字具無量法門。是一切真言之母。一切如來。皆因觀想此字而得成佛也。

薩皤囉罰曳。八。此是四大天王之本身。降魔。

寶咒註云。薩皤囉罰曳。觀音現天王身。降伏羣魔衆。

數怛那怛寫。九。此是四大天王部落鬼神名字。

寶咒註云。數怛那怛寫。此是天王所統。護持行人。得三列勝。一改惡遷善。二貧者富饒。三得生極樂。

南無悉吉唵捶伊蒙阿唎囉。十。此是龍樹王菩薩本身。大須用心。誦勿疎失。菩薩性急。

寶咒註云。南無義見前註。悉吉唵捶伊蒙。因持咒力。求妻得妻。求子得子。求富得富。所求皆得。阿唎囉。龍樹本身。現黑面像菩薩。降伏魔冤。

婆盧吉帝室佛囉楞馱婆。十一。此是圓滿報身盧舍那佛。

寶咒註云。婆盧吉帝。圓滿報身盧舍那佛。室佛囉。行人持咒。隨處得大任意自在。楞馱婆。因持咒故。十方世界。無不聞其聲名。

南無那囉謹墀。十二。此是清淨法身盧毘遮那佛本身。大須用心誦。

寶咒註云。南無那囉謹墀。此是法身名號。起報化身。廣度衆生。獲金剛身。

醯唎摩訶皤哆沙咩。十三。羊鳴。此是羊頭神王。共諸天魔爲眷屬。

寶咒註云。醯唎摩訶。大慈大悲觀世音菩薩摩訶薩。慈能拔苦。悲能與樂。普度羣生。皤哆沙咩。此是羊頭羊鳴神

王。護持行人。使虎狼毒獸。悉皆遠離。

薩婆阿他豆輸朋 十四。此是甘露菩薩。亦是觀世音菩薩部落。以爲眷屬

寶咒註云。薩婆阿他豆輸朋。此卽甘露菩薩。化利六道四生。隨心自在也。

阿逝孕 十五。此是飛騰夜叉天王。巡歷四方。糾察是非。

寶咒註云。阿逝孕。卽觀音現夜叉天王。着虎皮。遊巡四方。勸善罰惡。

薩婆薩哆那摩婆薩哆那摩婆伽 十六。此是婆伽帝神王。其形黑大。以豹皮爲褌。手把鐵叉。

寶咒註云。薩婆薩哆。現千手觀音。手中各執法器。那摩婆薩哆。那摩婆伽。此是觀音現伽帝神。其形黑大。蛇盤髻相。

摩罰特豆 十七。此是軍陀利菩薩本身。把鐵輪並把鐵索。面有三眼。

寶咒註云。摩罰特豆。一切惡人見菩薩相。悉皆恐怖。

怛姪他 十八。此是阿羅漢本身。劍語也。

寶咒註云。怛姪他。觀音現長舌相。

唵阿婆盧醯 十九。此是觀世音菩薩本身。掌當胸也。

寶咒註云。阿婆盧醯。觀音現三目相。

盧迦帝 二十。此是大梵天王本身。神仙爲部落。

寶咒註云。盧迦帝。十方世界。菩薩現身。度脫衆生。

迦羅帝 二十一。此是帝神。長大黑色。

寶咒註云。迦羅帝。觀音現笑面相。

夷醯喇 二十二。此是三十三天摩醯首羅天神。統領天兵。面青色。

寶咒註云。夷醯喇。菩薩現摩醯首羅相。度化衆生。

摩訶菩提薩埵 二十三。此是實心。更無雜亂心。卽名薩埵。

寶咒註云。菩提薩埵。衆生以堅實真心求菩薩。一切皆應。

薩婆薩婆 二十四。此是香積菩薩。押五方鬼兵。以爲侍從。不可思議。

摩囉摩囉 二十五。此是白衣菩薩。手持如意。相罰語。卽爲齋也。

寶咒註云。摩囉摩囉。此卽菩薩現不老相。示衆生得獲長壽。

摩醯摩醯唎馱孕 二十六。此是白髮阿彌陀佛本身。爲從容也。

寶咒註云。摩醯摩醯。觀音現不小相。度脫衆生。唎馱孕。菩薩現金剛身相。

俱盧俱盧羯曩 二十七。此是空身菩薩。押天大將軍。領二十萬億天兵。

寶咒註云。俱盧俱盧羯曩。觀音菩薩示空身。現無量相。度無量衆生。

度盧度盧罰闍耶帝 二十八。此是嚴峻菩薩。押孔雀王蠻兵。

寶咒註云。度盧度盧。菩薩身穿無量寶衣。罰闍耶帝。菩薩現無衣赤身相。降伏魔怨。

摩訶罰闍耶帝 二十九。此是大力天將。手持寶杵。

寶咒註云。摩訶罰闍耶帝。菩薩現大苦修行相。

陀囉陀囉 三十。此是觀世音菩薩大丈夫身。

寶咒註云。陀囉陀囉。菩薩現丈夫身。草木爲食。苦行相。

地唎尼 三十一。此是師子王兵。驗人誦咒。

寶咒註云。地唎尼。觀音現四十八臂相。伏諸魔怨。令衆生消諸災病。

室佛囉唧 三十二。此是霹靂菩薩。降伏諸魔眷屬。

寶咒註云。室佛囉唧。觀音現大身霹靂聲。降伏諸魔眷屬。

遮囉遮囉 三十三。此是摧碎菩薩本身。手把金輪。

寶咒註云。遮囉遮囉。此是菩薩現忿相怒。手把金輪。摧碎妖魔庶。咸皆恐怖。

摩某甲受持 罰摩囉 三十四。此是大降魔金剛本身。手把金輪。

寶咒註云。摩摩罰摩囉。菩薩現慈悲心相。護持衆生。得大吉祥。

穆帝嚟 三十五。此是諸佛合掌聽誦真言。

寶咒註云。穆帝嚟。此即菩薩閉目澄心。持誦真言。

伊醯伊醯 三十六。此是摩醯首羅天王。

室那室那 三十七。此是迦那魔將天王。

寶咒註云。伊醯伊醯。室那室那。此即菩薩現摩醯首羅相。化利諸天。

阿囉嚩佛囉舍利 三十八。此是觀世音菩薩。把牌弩弓箭。

寶咒註云。阿囉嚩。此即菩薩執持鉤鎖牌弩弓箭。佛囉舍利。持誦真言。一切惡獸。聞其聲音。皆悉遠離。

罰沙罰嚩 三十九。此是金盃地將。手把鈴鐘。

寶咒註云。罰沙罰嚩。菩薩現三目。行忍相。

佛囉舍耶 四十。此是阿彌陀佛本身。觀世音菩薩師主。

寶咒註云。佛囉舍耶。觀音現赤面相。頂戴阿彌陀佛。

呼盧呼盧摩囉 四十一。此是八部鬼神王。

寶咒註云。呼盧呼盧。觀音現神鬼相。降伏鬼衆。

呼盧呼盧醯利 四十二。此是四臂天尊。身著柳葉甲。

寶咒註云。呼盧呼盧。觀音現歡喜相。醯利。觀音現瘦面相。

娑囉娑囉 四十三。此是五濁惡世。

寶咒註云。娑囉娑囉。菩薩現青面紅髮相。五濁惡世。度脫衆生。

悉唎悉唎。四十四。此是觀世音菩薩。利益一切衆生。不可思議。

寶咒註云。悉唎悉唎。菩薩現笑面相。

蘇嚧蘇嚧。四十五。此是諸佛樹葉落聲。

寶咒註云。蘇嚧蘇嚧。菩薩現雪面相。

菩提夜菩提夜。四十六。此是觀世音菩薩。結衆生緣。

寶咒註云。菩提夜菩提夜。菩薩現善面相。化利善道衆生。

菩馱夜菩馱夜。四十七。此是阿難本身。

寶咒註云。菩馱夜菩馱夜。菩薩現惡面相，化利惡道衆生。

彌帝唎夜。四十八。此是大車菩薩。手把金刀。

寶咒註云。彌帝唎夜。觀音現慈悲相。指示衆生。得大安穩。獲無量福。

那囉謹墀。四十九。此是龍樹菩薩。手把金刀。

寶咒註云。那囉謹墀。觀音現龍樹菩薩之身。指示經論。

地利瑟尼那。五十。此是寶幢菩薩。手持鐵叉。

寶咒註云。地利瑟尼那。菩薩項掛人頭數珠。手持鐵叉。

婆夜摩那。五十一。此是寶金光幢菩薩。鉸折羅杵。

娑婆訶。五十二。此是三頭善聖。跏趺艾龍。（娑婆訶，皆須連上句讀之。）

寶咒註云。波夜摩那。菩薩項掛蓮花數珠。

娑婆訶。娑訶。娑嚧訶。譯云。佛法僧三拜。此乃持誦之人。觀行中所禮也。若作身禮拜曉解者。遠之遠矣。凡遇

娑婆訶。準此。

悉陀夜。五十三。此是舍利弗菩薩蓮手印。達一切法門也。

娑婆訶 五十四。此是恆河沙菩薩。聳立鼈頭。無邊法海也。

寶咒註云。悉陀夜。菩薩現美妙相。通達一切法門。

摩訶悉陀夜 五十五。此是放光菩薩。手把赤幡。

娑婆訶 五十六。此是目犍連菩薩。錫杖掛袈裟。

寶咒註云。摩訶悉陀夜。菩薩放大光明。手把赤幢。

悉陀唵藝 五十七。此是諸天菩薩。盡悉以集。手把金刀。

寶咒註云。悉陀唵藝。菩薩現諸天相。化利諸天。

室幡囉耶 五十八。此是阿彌陀佛觀世音菩薩安息香。

娑婆訶 五十九。此是阿闍那菩薩。高擎盂鉢。

寶咒註云。室幡囉耶。菩薩現天女相。化導天女。

那囉謹墀 六十。此是山海慧菩薩。手把金劍。

娑婆訶 六十一。此是旃陀羅菩薩。橫擔箬笠。

寶咒註云。那囉謹墀。觀音現無量菩薩相。化導小乘菩薩。

摩囉那囉 六十二。此是寶印王菩薩。手把金斧。

娑婆訶 六十三。此是拘絺羅菩薩。芒鞋踏浪。發海潮音也。

寶咒註云。摩囉那囉。觀音現寶印手菩薩相。印諸衆生一切心行。

悉囉僧阿穆佉耶 六十四。此是藥王菩薩本身。行療諸病。

娑婆訶 六十五。此是圓滿菩薩。身著朱衣。毋陀羅手也。

寶咒註云。悉囉僧阿穆佉耶。現藥王菩薩相。行療諸疫。令衆生無諸病苦。

娑婆摩訶阿悉陀夜 六十六。此是藥上菩薩本身。行療諸病。

娑婆訶 六十七。此是大智舍利弗菩薩。腰掛真經玉塵風也。

寶咒註云。娑婆摩訶阿悉陀夜。菩薩現隨類相。化導隨類衆生。得大總持。

耆吉囉阿悉陀夜 六十八 此是虎喊神將本身。手執斧。

娑婆訶 六十九。此是諸天魔王。手挺蛇槍。

寶咒註云。菩薩普現色身三昧。令諸衆生。俱見菩薩。咸蒙攝受。

波陀摩羯悉陀夜 七十。此是靈香天菩薩。手捧如意爐。

娑婆訶 七十一。此是散花天菩薩。千葉寶蓮。

寶咒註云。菩薩坐蓮花座。放大光明。授記持咒行人。永無病苦。得大饒益。

那囉謹墀幡伽囉耶 七十二。此是富樓那菩薩。手捧盂。

娑婆訶。七十三。此是哆羅尼子菩薩。手捧果。

寶咒註云。菩薩現大千世界身。化大千世界衆生。俱無災難。

摩婆利勝羯囉夜 七十四。此是三摩禪那菩薩。跏趺輪掌寶燈。

娑婆訶 七十五。此是大迦葉菩薩。手攜念珠。

寶咒註云。菩薩現千手千眼相。

南無喝囉怛那哆囉夜耶 七十六。此是虛空菩薩本身。拈花坐石。

寶咒註云。義同前註觀音菩薩摩訶薩。

南無阿利耶 七十七。此是普賢菩薩。跏趺禪坐。百寶輪掌。

寶咒註云。菩薩現黑面相。

婆盧吉帝 七十八。此是文殊師利菩薩。一掌上指於空。

爍皤囉夜 七十九。此是觀世音菩薩。解眼根受色。千葉金蓮。

娑婆訶 八十。此是觀世音菩薩。解耳根分別聲。垂金色臂。

寶咒註云。現無量壽觀音菩薩。

唵悉殿都 八十一。此是觀世音菩薩。解鼻嗅諸香。開五輪指。

漫哆羅 八十二。此是觀世音菩薩。解舌嗜於味。兜羅綿手。

跋陁耶 八十三。此是觀世音菩薩。解所有身根貪受諸觸。

娑婆訶 八十四。此是觀世音菩薩。解意根分別一切諸法。

寶咒註云。三千大千世界衆生。持誦咒者。永離八難三災。

按此咒八十四句。中那摩娑薩哆五字。藏本無之。係雲棲大師據古本大悲經增入也。又按大悲咒註像本。末後尙有金剛勝莊嚴四句。據云係闍部密咒本。補出刊行。未知依據何項咒本。附錄於後。以待考正。

金剛勝莊嚴娑婆訶

寶咒註云。菩薩現金剛身。

摩羯勝莊嚴娑婆訶

寶咒註云。菩薩現金剛大身。

聲聞勝莊嚴娑婆訶

寶咒註云。菩薩現圓滿相。令持呪行人。得大清涼。隨意自在。

唵吽者囉室哩曳娑婆訶（唵音白）

寶咒註云。菩薩現十方世界。總是一大身相。

楞嚴經。菩薩云。由我初獲妙妙開心。心精遺聞。見聞覺知。不能分隔。成一圓融清淨寶覺。故我能現衆多妙容。能說無邊祕密神咒。其中或現一首，三首，五首，七首，九首，十一首，如是乃至一百八首。千首，萬首，八萬四千，燦迦羅首。二臂，四臂，六臂，八臂，十臂，十二臂，十四，十六，十八，二十，至二十四。如是乃至一百八臂，

千臂，萬臂，八萬四千母陀羅臂。二目，三目，四目，九目，如是乃至一百八目。千目，萬目，八萬四千清淨寶目。或慈或威。或定或慧。救護衆生。得大自在。（見楞嚴經六。）

大悲經。菩薩云。過去無量億劫。有佛出世。名千光王靜住如來。爲我說此廣大圓滿無礙大悲心陀羅尼時。我時始住初地。一聞此咒。頓超八地。卽發大願。若能常來利益安樂一切衆生者。令我身生千手千眼。發是願已。果皆具足。十方大地。六種震動。諸佛放光。來照我身。及照無邊世界。（見二課合解。）

觀世音菩薩。本大悲心。不忍見衆生受盡無量苦惱。故說此大悲神咒。普度衆生。觀菩薩發諸弘願。有一願未遂。誓不成正覺。則慈悲度脫之苦衷可見。而持誦者之感應如響亦可知矣。但流通懺本。儀軌繁多。自結壇，召請，頂禮，發願，觀想，以及持咒，跪立，行拜，各儀。世人往往因不能如法設施。遂至並輟持誦。今按大唐三藏不空所譯之本。儀軌甚簡。持咒只須先誦

南無阿彌陀佛。

南無觀世音菩薩摩訶薩。

各十聲。以當召請頂禮。一宿誦滿五遍。除滅身中百千萬億劫生死重罪。故凡信心持誦者。於每日早夜。虔誦五七九遍。但將萬緣放下。一心清淨。而無疑相參之意。久久持誦不懈。定蒙諸佛世尊擁護救援。得脫離一切苦厄。消滅一切罪業。圓滿一切功行。果遂一切求謀。不受十五種惡死。必得十五種善生。顯現般若智光。成就涅槃樂果。不墮三惡道中。超生安樂國土。又能辟邪魅。救病苦。祛瘟疫。消災難。諸如菩薩宏願所云也。夫妄語乃釋迦大戒。况以達觀自在變化從心之觀世音菩薩。又豈肯說誑語以欺人也哉。惟在世之敬信者。至誠持誦。以無負菩薩慈悲救度之意耳。

觀音大士神咒（一名白衣咒）

南無佛。南無法。南無僧。南無救苦救難觀世音菩薩。但只哆。唵。伽囉伐哆。伽囉伐哆。伽囉伐哆。囉伽伐哆。囉伽伐哆。娑訶。

變食真言（即威德自在光明如來陀羅尼法。）

南無薩縛怛他誡哆。嚩嚩枳帝。唵。三跋囉。三跋囉。吽。

阿難林間入定。夜見餓口。告以延壽之方。即求於佛。佛言。我念過去作婆羅門時。於觀音菩薩邊，受得無量威德自在光明如來陀羅尼法。能變一食爲無量食。大如須彌。量同法界。終無能盡。又云。時阿難獨坐林間入定。三更見一餓鬼。口吐火炎。頂髮烟生。身形醜惡。肢節如破車之聲。餓火交然。咽喉似針鋒之細。牙爪如劍。其苦難忍。問是何名。答曰面然。汝三日後。當墮餓鬼。阿難警問何法得免。餓鬼答曰。汝於來晨。能以飲食布施百千那由他恆河沙數餓鬼，并無量婆羅門仙，閻羅所司業道冥官，及諸鬼神，先亡久遠等。一一如摩竭陀國所用之斛七七斛飲食。（謂從一變七。七復化七。乃至無量。充塞虛空。與物無礙。受此法味。身相圓滿。）并爲我等供養三寶。離苦生天。汝便增壽。阿難警怖。晨朝見佛。白以上事。佛言。汝今勿怖。我念過去無量劫中。作婆羅門時。於觀世音菩薩邊受得無量威德自在光明如來陀羅尼法。我今告汝。若持此呪七遍。能令一食變無量食。皆成甘露上妙之味。即能充足百千俱胝那由他恆河沙數一切餓鬼婆羅門仙異類鬼神。各各得摩竭陀斛之食。皆得聖果。或生淨土。汝即益壽。又云。菩薩昔於久遠劫前。聞威德自在光明王如來說陀羅尼呪。轉授釋迦。迨今釋迦成佛。觀音密化面然之身。以告阿難啓請於佛。而說此呪。廣濟冥陽。（分見二課合解。）

觀行卽佛

詳六卽佛條。

觀身不淨

詳四念處條。

觀想念佛

詳四種念佛條。

觀照般若

詳三般若條。

觀不思議境

詳離法愛條。

二十六畫

讚歎 梵語婆師。此云讚歎。梵天之音。法苑云。尋西方之有頌。猶東國之有讚。讚者從文以結章。頌者短偈以流頌。比其事異。名其實同。（見名義集。參看梵唄條。）華嚴經疏云。讚歎多以偈頌。謂諸經中。凡菩薩等稱讚歎美佛之功德。多以偈頌也。（見三藏法數。參看十二部經之伽陀條。）

二十八畫

鸚鵡

梵語臊陀。或叔迦婆嚙。此云鸚鵡。說文云。能言鳥也。山海經曰。黃山及數歷山有鳥焉。其狀如鸚。青羽赤

喙。人舌能言。名鸚鵡。曲禮曰。鸚鵡能言。不離飛鳥。猩猩能言。不離禽獸。人而無禮。不亦禽獸之心乎。雜寶藏經云。過去雪山有一鸚鵡。父母都盲。常取華果。先奉父母。時有田主。初種穀時。願與衆生而共噉食。鸚鵡於田常采其穀。田主案行。見攬（子踐切）穀穗。便設羅網。捕得鸚鵡。鳥告主言。先有施心。故敢來采。如何今者而見網捕。田主問鳥。取穀與誰。答言。有盲父母。願以奉之。田主報曰。今後常取。無復疑難。佛言。爾時鸚鵡。我身是也。時田主者。舍利弗是。（見名義集。）唐慧海禪師。有行者問云。有人問佛答佛。問法答法。喚作一字法門。不知是否。師曰。如鸚鵡學人語話。自語不得。爲無智慧故。譬如將水洗水。將火燒火。都無義趣。又有僧問。何故不許誦經。喚作客語。師曰。如鸚鵡只學人言。不得人意。經傳佛意。不得佛意而但誦。是學語人。所以不許。又云。得意者越於浮言。悟理者超於文字。法過語言文字。何向數句中求。是以發菩提者。得意而忘言。悟理而遺教。亦猶得魚忘筌。得兔忘蹄也。（見頓悟入道要門論下。）唐貞元中。河東裴氏。畜一鸚鵡。常念佛。過午不食。臨終十念氣絕。火化之。得舍利十餘粒。炯然耀目。僧慧觀者。建塔以旌之。成都尹韋臯爲之記。（見西歸直指。）

二十九畫

鬱金 梵語茶矩磨。此云鬱金。周禮春官。鬱金采取以鬯酒。說文云。鬱金草之華。遠方所貢方物。鬱人合而釀之。

以降神也。宗廟用之。(見名義集。)又嘻利(二合)馱囉。(二合)翻鬱金香。(見佛爾雅。)

鬱勃 梵語曷樹迦。此云鬱勃。果樹名也。(見佛爾雅。)

鬱單越 詳四大部洲條。

鬱波羅 詳地獄條。

鬱尼沙 詳佛頂條。

鬱頭藍弗 仙名。(詳雪山修行條。)

鬱多羅僧 或郁多羅僧。此譯上著衣。卽七條也。南山云。七條名中價衣。從用應云入衆時衣。禮誦齋講時著。若

受。應加法云。此鬱多羅僧七條衣。受兩長一短。割截衣持。三說。如缺七條。開將上下二衣作從。加法例上。(

見名義集。)

